





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4425/A/1










Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4425/A/1





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4425/A/1





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4425/A/1

Si in tunc in terra tua tibi  
mra. p. n. & Christe

men. valentin. namery  
pharmacopola

A. x. o. 88

4425/A / 1



13  
MFI



4425

A/1

IO  
M



52704  
OT/6444

IO. BAPTISTA  
MONTANI MEDICI  
VERONENSIS

In tertium primi Epidemiorum  
sectionem Explanationes.

A VALENTINO LVBLI-  
no Polono collecta.

*Cum Gratia & Priuilegio.*

NVLLA SINE LABORE



EST VIRTUS.

VENETIIS APVD BALTHASSAREM  
CONSTANTINVM AD SIGNVM  
DIVI GEORGII. M D LIII.



44444


# IOBAPTISTA MONTANI MEDICI

VERONENSIS

In tertium partem Epidemiarum  
lectionem explanationem

A VALENTINO FABRI  
no petrosi collega

Curavit et Typis



VENETIIS APUD PAVLUM  
CONSTANTINUM  
D. M. DC. LXXV.



ILLUSTRI, ET


MAGNifico DOMINO, DO-

no Luca Comiti à Gorka Castellano

Brzestensi &c. Domino suo

clementissimo.

Valentinus Lublinus Polonus. S. P. D.



Maximam lau-  
dem, Comes il-  
lustrissime, ad-  
scribit Poeta il-  
lis omnibus, qui  
proceribus plac-  
cere nituntur, cum inquit. Principi-  
bus placuisse uiris non infima laus est:  
quod documentum Poetae, qui repro-  
bare uellet, ne micam sani cerebri  
ipsi restare arbitrarer. Ita enim mens  
diuina anteq̃ iecisset fundamenta ter-  
rae praedordinauit, ut alij alijs praesint,  
principemq̃ locum teneant; quod &

\* ij



ipse conabar, & hucusq; non desisto  
imitari, totisq; conatibus operam dan  
do, ut patriæ meæ primoribus place  
re, ac obsequi possim, cum multis, tum  
maximè tibi Comiti illustrissimo, cu  
ius prudentia, fama celebris, ingenij  
dexteritas, ac singularis sapientia per  
multas oras spargitur, ac prædicatur.  
Nec mirum: hausisti enim hæc omnia,  
cum ab auis, atavisq;, tum à patre tuo  
sanctæ memoriæ, illustrissimo illo He  
roe Andrea Comite à Gorka Cas  
tellano Posnamienſi, & maioris Po  
loniæ capitaneo generali, qui pietate,  
prudentia (cui reliquæ omnes uirtu  
tes famulatur) facile omnes præcelle  
bat, imo et ipsos Romanos Scipiones,  
Catones, reliquosq; clarissimos uiros,  
nō sī dictis, factis, uel gestis superauit.  
Certè omnibus par erat, ac in omni



bus ipsos uirtute affecutus est: Siue enim quicquam domi, siue militiae agebat perpetuum inde exemplar, ueluti fulgur quoddam dictorum, factorum què omnibus resiliat. Quoties enim uenerat in Senatum Regium, plus interdum grauitate uultus, quàm alij plurimi eloquentia præstabat. Sæpe ille oratione sua regium animum demulcebat, multoties animos aliorum ad opprimendam libertatem nobilitatis tendentes deterrebat, ac omnibus aduersa Reipub. molientibus, se acerrimum propugnatorem, & legum protectorem præstabat. Assentatores autem si quicquam peruersi, uel priuati commodi, uel popularis auræ captande gratia struebant, reprimebat. Sciebat enim illustris Princeps (ut opinor) à. Q. Curtio edoctus Remo.

A iij



pub. sæpius assentatoribus, quam ab  
hostibus eueri. In iustitia autem ad-  
ministranda nõ illum munera ulla, non  
linguadiserta aut quæstiosa, nõ affe-  
ctus ullus corrumpebat, nec à recto di-  
mouebat, ut planè lege Cynthia obstri-  
ctus fuisse uideretur, ita æquum, iu-  
stum (quod quidem difficillimum est)  
sefe omnibus præbebat. Omnes iusti-  
tiæ peruersores, muneribus corrupto-  
res, & corruptos perpetuò exosos in-  
fensus seruabat, ac ueluti quãdam lu-  
em perniciosam spernebat, nec ipso-  
rum quisquam contradicere tentabat:  
Quoniam satis sapientiæ ad retunden-  
dos ipsorum garritus, in ipso reluce-  
re perspiciebant. Virtute porrò rei mi-  
litaris tantum pollebat, ut etiam anno  
ab hinc quadragesimo, ipsius teneris  
annis contra Moscum Sigismundus



magnus rex Poloniae, copias equita-  
tus plurimas ei commiserit, ubi & ui-  
ctoriam Rex Sigismundus de hoste  
caesis ad quadraginta millia Moscis, re-  
liquis captis, tulit. Ita ille diuus parens  
tuus, fortitudine, temperantia, pruden-  
tia, iustitia, quatuor his uirtutibus Her-  
culeo quodam nexu colligatis, ad ulti-  
mum usq; diem uitae suae fuerat orna-  
tus, neq; harum alteram ab altera sepa-  
ratam unquam amiserat. Verum ut ip-  
semet à parentibus suis multa accepe-  
rat, ita quoq; tibi filio educatione opti-  
ma, ac in excolendo ingenio, pietate li-  
teris (sine quibus hominem similem in-  
fructuosae arbori censebat) eruditissi-  
mis uiris conuersationi, & formandis  
moribus primis annis tuis adiunctis, mul-  
ta relinquere conatus, quod & (om-  
nium iudicio) consequutus est. Noluit

\* iiij



ille heros illustrissimus degenerem filium patriæ, sed potius æqualem illi pri- scæ, ueteriq; familiæ Gorkanæ, relin- quere. quam uirtutibus undiquaque claram pro uno lucido sydere habemus, firmamq; ac stabilem columnam patriæ uno ore omnes appellamus, ni- hil enim præcipitater, nihil temere, om- nia constantissime, ac graui consilio semper agit: propterea etiã, ut ad eam spem deducor, tu cū auis, at auisq; tur- is, diuinitus cōcessam nauem pro stem- mate geris, ut sit omnibus conspicuum, quod omnia quæcunque à familia tua acta sunt, consilio, ac singulari pruden- tia gesta fuisse, et hucusq; geri. Cuius etiam familiæ uirtutes Serenissimi Re- ges Poloniæ præ oculis habētes, sem- per prima loca in medio procerum re- gni sui auis at auisq; tuis, maiorēq; Po



loniam gubernandā comiserant. quod  
et inuictissimus Sigismundus Au-  
gustus Rex Poloniae exploratum ha-  
bens, te in ætate adhuc tenera in coro-  
nam Senatus sui asciuit, ut illarum præ-  
clarissimarū specimen uirtutum (quas  
à pueritia imbibisti) in Rempubl. pa-  
triæ tuæ preberes, ac declarares. Vi-  
det etenim Rex sapientissimus te illi  
prudentissimo senatori patri tuo, non  
dis similem filium, scit educationem mo-  
destissimam, nouit bonarū artium stu-  
dijs ingenium excultissimū. Quid enim  
ornatius Regiæ Maiestati, quid utili-  
us patriæ, quam Regē sapientissimum,  
senatorum caterua sapienti stipatum  
esse? Tantis igitur, tamq; præclarissi-  
mis tuis uirtutibus permotus, omnes ui-  
as prosequer, quibus me sperabam,  
in notitiam tuam peruēturum, atq; gra-



tiæ tuæ insinuaturum. Verum conati-  
bus meis occasio nō dabatur unquam.  
At cum his temporibus Medicæ ar-  
ti sub Montano Veronensi facile om-  
nium medicorū Principe intentus fu-  
issem, collegi ex eius prælectionibus  
publicis explanationes doctissimas in  
tertiam sectionem Epidemiorum Hip-  
pocratis, quas non arbitrabar cuiquam  
me dedicaturum, quam insigni nomini  
tuo, non despero enim me iisdem scrip-  
tis gratiam tuam consecuturum: maxi-  
mè autem cum sciam te non tantum le-  
ctione historiarum uariarum, uerum,  
& harū artium quæ uitam gubernāt,  
ac conseruant, delectari. Has igitur  
tibi dedico, has nomini tuo illustrissi-  
mo offero, ut inde animi mei propensi-  
tas erga te declaretur, ac hæ ipsæ (si  
qui forte fuerint ut puto nō defuturos,



qui personam Momi induere, & ali  
quid temere inculpare uoluerint) pro  
tegantur. Quod si hoc nostrum stu  
dium placido uultu, & animum meum  
benigne in tutelam susceperis, multum  
spei ad maiora adijcies, & me tibi de  
uinctissimum perpetuo reddas. Vale  
as, uiuasq; diu patriæ decus. Pata  
uij sexta septembris. M D LIII.



IO. CAROLVS  
MONNETVS LECTORIBVS  
VIRTVTIS AMANTIBVS.  
S. P. D.



VM hoc anno completum esset tempus docendi, darenturq; recessus à studijs Patauinis, ac mihi in animo esset secedere aliquò, ubi possem praxin & uidere, et discere uidendo, meq; in singularibus exercere, quoniam ars nostra primum circa res uniuersas, deinde circa res indiuiduas uersatur, ego sequendo prudentis uiri cōsiliū, mihi fore commodum, ac utile putauī, si Venetias proficiscerer, ut & illic cū celeberrimis medicis, quorum in ea urbe magna est copia, medicinā facientibus familiariter colloqui possem, & quædā excellentis Montani opera emendarem. Quare hac potissimum de causa nos accessimus, nostramq; operam præstitimus, tum ut uobis omnibus inferuiremus, tum ut nobis prodessemus. Neq; uerò laboris in ea re suscepti me unquam poenitebit. Quod autem ad opera, quæ emendaui, spectat, et qua potui diligentia reuidi, ac distinxī, nihil penitus immutaui ne minimam quidem sententiam, aut uerborum collocationem, nec quicquam de meo addidi, sed officio functus, quæ mihi uidebantur aut dictiones, aut phrasēs à lingua Latina alienæ, eas explosi, pro ijs latinās collocaui. Quod uerò ad laudem, illud uobis audeo polliceri, nullū fore opus Montani, quod maio-



ri laude dignum habeatur: quandoquidem in ijs explanationibus in. 3. sectionem Primi Epid. Hippocratis mirifica quaedam expromuntur, quæ tum Philosophis, tum Medicis omnibus & utilissima, & maxime necessaria tractantur: quæq; adeò mea quidem sententia admiranda sunt, ut autor ijs probe instructus, ac fretus haud aliter docendo, atque cignus cantando, suam ipse mortem prædixerit. Quod porro ad utilitatem attinet, quam ab ijsdem vos accepturos scio, uestre omnium erunt partes & laudibus efferre propter summam in ijs doctrinam, & confirmare propter maximos, quos in ijsdem perlegendis fructus capturi estis. Cæterum quibusnam gratias uel agere, uel habere debeat, illud paucis uobis patefaciam. Primum auctori uiro cum doctissimo, tum expertissimo, qui plurimum insudauit in ijs perpulchris rebus explicandis, qui nisi inopinata, et ante tempus suum debitum mors accedens, eum ex hoc mundo rapuisset, mulò præstantiora in usum uestrum effecisset. Nam cum excellens Montanus genere nobilis, patria Veronensis diu operam medicinæ dedisset, eamq; foeliciter exercuisset tum foris, domiq; tum in oppidis Brixiensibus, tum Venetiis, tū in aula Cardinalis Hippolyti Medicis Florentini, tādē ab Illustrissimo senatu Veneto conductus est, quò Patauium proficisceretur ad profitendam illic medicinam practicam. Vbi postea quàm appulit, magna auditorum frequentia quatuor annos professus est, deinde septem annos theoreticen edocuit. Quibus sanè trāsactis iam decreuerat a lectionibus uacare.



care, & paululum requiescere, animumq; recreare  
suum, sed mutata sententia. 3. primi Epid. Hippocra-  
tis sectionem explanare coepit, ut quæ spectarent  
ad praxin, perdoceret, atque theorian simul comple-  
cteretur. Vtramq; igitur partem amplexus, primum  
Philisci egritudinem disertissime explicauit, dein-  
de ad Sileni morbum exponendum accessit, quem  
ferme totum perfecit. Verum cum is feriarum Na-  
talitiarum tempore prælegere cessasset, morbo sibi  
familiari, nempe calculo renū correptus est, à quo,  
cum aliquantum leuari uideretur, in catarrhū gra-  
uē incidit, ex quo tabe cōfectus, tres menses magno  
eū lāguore uitā duxit, ac demum eo die, quo CHR I-  
S T V S saluator noster ad cœlos ascendit, anno  
salutis Christianæ. 1551. mortem cum uita commu-  
tauit. Heu damnosam mortis cum uita mutationem,  
quæ non tantum gymnasio Patauino lugebatur, ue-  
rùm reliquis etiam omnibus Italis, atque adeò omni-  
bus totius Europæ medicorum scholis luctuosa fuit.  
Vixit annos sexaginta tres, mortuus est Teratii  
(quod est Veronense rus quoddam, ubi multa predia  
possidebat) sepultus Veronæ splendidissime, & id  
frequenti celebratorum hominum comitatu. Huius  
itaque mortem nobiscum, ac aliis medicinæ studiosis  
lugete, illiq; in primis gratias habetote immorta-  
les. Deinde BASSIANO LANDO PLA-  
CENTINO Mōtani discipulo solertissimo, qui  
propter excellens, ac singulare ingenium affecutus,  
quod paucis adhuc datum fuerat, ut qui doctissimo  
præceptori suo primas in academia Patauina medi-



cinam profitendo tenenti, non aliter, ac olim Theophrastus Aristoteli, dignissimè successerit: easq; primas longè doctissimus, ac in primis laudādus successor adhuc obtinet: qui maxima cum laude, maximaq; omnium nationum, quarum in urbe Patauina frequentissimus est concursus, approbatione munere suo perfungitur. Postremò VINCENTIO CASALI BRIXIANO iuueni eruditissimo, iuxtaq; doctissimo, & ei, qui palàm haud uulgarem de se admirationē, existimationemq; prae-buit tum propter perraras ingenij uires, tum propter uirtutem, ac incredibilem doctrinam à Montano susceptam, ita ut nemo sit, qui nesciat, ac non censeat eum longè maiori, quam omnes homines de eo habent, expectationi responsurum. Itaq; hæc hætenus: quo certiores a nobis fiatis, quo ue uobis perspectum sit, quibus gratias habeatis, nimirū tribus uiris clarissimis MONTANO auctori, BASSIANO LANDO successori, VINCENTIO CASALI huius condiscipulo: mihi autem nihil: propterea quòd nulla re superior est inferiori obstrictus, nisi quemadmodum quibusdam uisum est, beneuolentia, studio, cura, defensione, ac denique fauore suo. Quapropter pro uestra pietate, uestroq; omnium in uiros cum literatos, tum uirtutis amantes amore etiam, atque etiam uehementissimè rogo, atque oro, ut mihi ad uobis omnibus inseruiendū parato faueatis, uestrumq; Monnetum Nectancuriæ natū, ab Argonia oriundū amplectamini. Valete. Venetiis Idibus Aug. 1554.



### Errores.

auandam pro quandam folio primo. uersu 27.  
pag. secunde. poterunt pro poterunt fol. 2. uers. 2.  
laberi pro haberi ibidem uers. 25. generationem  
originem & pro generationem, & originem ibi-  
dem uer. 28. ibid. expungatur fuit. temporibus pro  
temporis pag. 2. eiusd. fol. uer. 18. quadam ibidem  
corrigeas more tuo, uel subaudias ægritud. resp. pro  
febr. fol. 3. uer. 8. at pro ab ibidem uer. 25. tracta-  
bamus pro tractabimus fo. 4. pag. 2. uers. 27. hi  
sunt errores primæ lectionis.

### Errores. 2. prælectionis.

exercitabimi pro exercitabimini fol. 6. uer. 26.

### Errores. 3. prælectionis.

clata pro clara fol. 17. uers. 6. autumnis pro autu-  
mnus fol. eod. sed pag. 2. uer. 17. expensiuè pro ex-  
tensiuè fol. 18. pag. 2. uer. 7. ex pro est fol. 19. pag.  
2. uer. 7. ibid. astringa pro austrina uer. 25. remoue-  
tur pro remouet fol. 21. uers. 7.

### Err. 4. præl.

amnali pro hiemali fol. 25. uers. 8. distantium pro  
distantiam fol. 26. uer. 22.

### Err. 5. præl.

ab pro ad fol. 34. pag. 2. uer. 15. est fol. 36. pag. 2.  
uer. 17. dimoueatur. æstas pro æstus fo. 37. uer. 10.

### Err. 7. 8. præl.


uidere pro uidete fol. uer. 28. liberatus pro libera-  
tum fol. 50. uer. 3. pag. 2.

### Err. 9. 10. 11. 12. præl.

nulli, rariuè, alios non potui reuidere, nausea enim  
molestatus, & dolore confectus maximo.



IO. BAPTISTÆ MONTANI  
 VERONENSIS MEDICI SVPER  
 SECT. III. LIB. I. EPID. HIP.  
 INCIPIENDO AB AEGRO  
 PHILISCO.



**PHILISCOVS**, qui prope mœnia habitabat &c.  
 Hæc pars, quam hoc anno declarandam proposuimus, est aliqua partiuicula primi lib. Epid. in qua primò quædam proponemus, ut reddantur iuuenes isti attentiores, & dociliores. primū

igitur propositum erit uidere, qua ratione accesserim ad interpretandum hunc librum, cum alioqui à nemine usquam sit solitus interpretari: secundo cur potius ab ista parte diminuta inceperim, & non à principio libri. Primum uidetur absurdum ea uobis innouare, quæ à nullo sunt tentata: secundo cur ita diminutum librum inchoauerim. oportet igitur primo, ut uobis reddatur ratio istius nostri propositi, deinde quædam à nobis erunt prælibanda, anteq̃ declaremus ea, quæ uidentur facere ad seriem textus, & ista à græcis prolegomena appellantur. Quod obseruauerunt omnes Græci interpretes, & etiam Auer.

A

&



## COMMENT. MONTANI

Et ista erunt quæ à nobis iam hodierna lect. declarabuntur, ut postea accedamus ad declarationes textus.

Quantum igitur ad primum quare istum librum interpretandū elegerim, debetis scire mei iuuenes hoc consulto factum ad beneficium, & utilitatem uestram: obseruauimus enim semper duo genera scholariū reperiri, qui ubiq; uersantur in scholis. quidam etenim sunt, qui suapte natura maxime idonei sunt ad discurrendum & speculandum, & præterq̃ quod hoc habeant à natura, hoc etiam acquisiuerunt artificio per habitus speculatiuos: sunt enim uersati & in dialectica, & philosophia, & isti si sortiti fuerint optimos præceptores euadunt insignes Medici, & maximi uiri. Quidam autem non sunt idonei ad hoc consequendum, nec aliquo artificio adiuti sunt uel propter inopiam, uel propter imperitos præceptores. Vnde uel tandem desperant, uel necesse est, ut accedant ad aliquem empiricum: ex quo addiscunt quasdā propositiones, quas longo usu acquisiuerunt in scholis. Hoc ego considerans, ut possem omnibus prodesse: is enim sum, qui semper pro uiribus utilitati uestre studeo, hanc partem interpretandam elegi, ne quispiam sua spe, & labore frustaretur, & omnes pariter suum intentum consequerentur, nec librum aliquem magis utilem, & ad hoc præstandum magis idoneum inueni, quàm lib. epid. & præcipue istam partē in qua traduntur & casus uniuersales, & particulares morborum: & hic habetis pedagogum quandam, & ductorem Hip. s. qui ducit uos in artē medicam, nec nunq̃ deserit uos donec deduxerit ægrum uel ad mortem, uel ad salutem. Vnde

de



de qui non sunt apti ad discurrendum erunt contenti sola  
 observatione. qui autem speculantur poterunt discurre-  
 re usque ad prima principia, & quoniam anno elapso di-  
 dicistis quomodo procedimus ab uniuerſalibus ad particu-  
 laria hoc anno addiscetis quomodo à particularibus ad u-  
 niuerſalia procedendum sit, & ita facietis quendam circu-  
 lum, ex quo perficietis intellectum ueſtrum. intellectus. n.  
 & ipse quædam forma circularis est. Et ideo uos omnes  
 poteritis intentum ueſtrum æqualiter aſſequi, si ea quæ  
 hic traduntur ab Hipp. diligenter didiceritis: Hæc enim  
 omnia cognouit magnus Hipp. & fuit tantæ excellentiæ,  
 ut utrique generi optimè ſatisfecerit. Empirici enim ſuæ  
 ſectæ affirmant Hippocr. eſſe: contrà autem dogmatici  
 ſuum eſſe defendunt. Hæc igitur fuit ratio quare ad hunc  
 librum interpretandum acceſſerim. Quantum autem  
 attinet ad ſecundam partem, ad ea ſcilicet quæ proponi ſo-  
 lent, ea tamen proponemus, quæ neceſſaria ſunt, quæ ſunt  
 ſeptē, breuiter tamē, et ſummatim hæc omnia tractabimus.  
 primò uidebimus quiſnam fuit iſte Hipp. ſecundò an iſte  
 liber ſit illius magni Hippoc. tertio qua ratione fuit ſcri-  
 ptus. quarto ad quam partem pertineat. quinto quæ ſit uti-  
 litas. ſexto quæ ratio huius tituli. Vltimo qui libri ſint præ-  
 eligendi à uobis, ut hanc doctrinam facilius conſequi poſ-  
 ſitis. Quantum attinet ad primum ſcilicet quiſnam fuit  
 Hippoc. ineptus laberi poſſem, ſi uellem hoc oſtendendo  
 diutius immorari, Cum ſit omnibus notiſſimus; Hoc tan-  
 tum ſcietis nobiliſſimus fuit, deſcendit enim ab Hercule,  
 qui generationem originem & traxit à Ioue. fuit Igitur



# COMMENT. MONTANI

nobilissimæ familiæ fuit, si quis alius nobilis esse potest; nec Philippus, nec Alexander magnus, nec aliquis alius, nec fuit nobilior ipso: Hoc dico, ne quis forte putaret medicinam ignobilem esse: quia non habuerit illustres viros: hoc dimittamus, cum sit à fortuna, iste inquam Hipp. habuit patrem Heraclidem. fuerunt enim septem Hippoc. huius familiæ, & iste obscuravit omnes istos: habuit præceptores insignes in philosophia Herodotum, & Democritum, audiuit etiam artem oratoriam à Gorgia rhetore siculo. Vnde apparet, quod illa opinio Arabum erronea est, & præcipue Hali in principio Art. par. qui dixit Hippoc. fuisse penitus ignarum & imperitum. Ideo uideatis, quàm isti aberrant à ueritate, fuit iste mirabilis, & diuinus uir & doctrina, & experientia maxime excelluit: fuit semper peregrinus, & ob quam rem pingitur pileatus, solent. n. isti, qui peregrinant accedere pileati, uel hoc potest esse, quia descenderit à parentibus nobilibus: tunc enim temporibus nobiles erant pileati, Porro contraxit amicitiam cum Erisistrato rege, qui dum laboraret quadã cognouit tale hoc esse propter amorem, passus deinde calumniam, & hoc propter malignitatem nonnullorum, inquit enim Andreas ille Arabs, q. Hipp. iste omnes libros midorum, & multos alios cremauerit sed isti arabes magis inuidi et maligni habendi sunt, quàm aliqua fide digni, fuit sanè uir integerrimus Hipp. & miræ probitatis. Vnde in honorem suum erecta fuit statua: quod non fuisset factum, si tale scelus perpetrasset, ut cremasset illos libros. Imò fuit tantæ diuinitatis, ut circa se  
puls



pulchrum eius apparuerit examen apum; ex quo continuè emanabat mel, quod multis ægri tudinibus conferebat. Vnde non solum uiuus ipse, sed etiam mortuus omnibus fuit maximæ utilitati. Accedamus autem nunc ad alia; quod certè attinet ad illud: an iste liber fuit Hipp. scitote q̄ septem sunt libri epid. sed omnes non sunt Hippo. ut inquit Gal. in principio libri epid. & secundo de diff. resp. primus enim & tertius sunt ipsius Hippocrat. & isti duo manifestè probantur esse Hipp. cæteri autem non sunt Hip. & præcipue secū dus, quintus, sextus, septimus: doctrina enim horum non est conformis doctrinæ, & stylo Hipp. secundus autem, & sextus, dicunt quidam q̄ non sunt Hipp. sed cuiusdam suæ scholæ, cæteri autem sunt spurij. Dico igitur, q̄ primus, & tertius liber sunt manifestè Hipp. secundus autem, & sextus sunt cuiusdam suæ scholæ: reliqui quia non redolent nec doctrinam, nec stylum Hip. ideo spernendi sunt, quicunque sint illorum auctores.

Quantum attinet ad tertium quesitum uidelicet, quæ sit ratio, & finis istius libri: primò notandum est, q̄ qui accedunt ad scribendum (non loquor nunc de illis, qui propter malignitatē, uel propter ambitionem scribunt libros, sed loquor de uiris magnis, qui propter aliquem bonum finem inducuntur ad scribendū, uel hoc ipsum faciunt primo propter sui ipsius memoriā ut at Rabi Mos. in principio suarum epistolarum, ubi inquit q̄ scripsit librum illum propter sui memoriā: nonnulli scribunt libros, ut exerceantur uel propter memoriā. ea enim quæ ad-

A iij di



## COMMENT. MONTANI

discuntur facile fluunt, & huiusmodi sunt isti duo libri, uidelicet primus, & tertius epid. Nonnulli autem scribunt libros propter exercitium, in quibus obseruantur ea, quæ ab alijs scribuntur: et isti sunt libri isagogici à Græcis pro gymnastici appellantur, in quibus exercentur iuniores. Tales libros scripsit Hipp. & sunt isti primus & tertius epid. tamen quibus constituuntur certi anni, deinde ægri- tudines, quæ contingunt in ipsis constitutionibus, deinde ægri- tudines particulares. Primò enim proponitur aer, et cognita dispositione aeris, statim patet, quæ ægri- tudines oriantur. Itaq; scribuntur libri, ut doceantur causæ; et huiusmodi sunt libri. Hipp. prognosticorum: & hæc est ratio, ut inquit Gal. secundo de Crisibus quare libri Pro- gnost, sint scripti post libros epid. post enim exercitium deuenientes ad doctrinam, & causas inquirendas postq̃ su- mus rectè exercitati. Ideo scripti sunt isti libri epid. propter exercitiū, & ista ars constituitur in exercitio: et hinc colligatis omnes primum si in istis libris uos exerce- bitis, postea ad doctrinam accedetis. Quinto uidendū est in qua parte medicinæ ponendus sit iste liber Epid. & hic dimittam diuisiones illas ineptas, & uanas: & tantum e- go ipse sequar diuisionem ex natura rei. scitis igitur, q̃ scientia uersatur primum circa corpus humanū, deinde circa alterantia istud; tertio uersatur circa dispositiones & curationes istius. Prima pars, quæ circa subiectū uer- satur, tractatur à Galen. in libro de temp. & de adm. anatomicis, & in multis alijs libris, in quibus colli- gitur totum subiectum: alia pars, quæ uersatur circa ma- te



teriam, id est, circa instrumenta alterantia, tractatur in libro de elementis, & in lib. de simpl. medicamentis, & in multis alijs libris: tertia pars quæ uersatur circa cognitiones dispositionum, & curationes tractatur in lib. de differ. & causis morborum: & lib. de locis affectis, & in alijs, in quibus docet omnia ista: tractat enim ibi de signis: istæ sunt partes principales circa quas uersatur tota ars medicina, quam Hippocr. seminavit sparsim; quam postea Gal. collegit: perfectiori tamen modo agit Hipp. in libro de ratione uictus sanorum, in quinto tractat de instrumentis alterantibus. Habetis etiam in libris Aphorismorum, omnia in unum collecta, & de signis, & de prognosticis, ex quibus Gal. postea collegit quæcunque seminavit. Iste igitur Hipp. liber sequendo opinionem Galen. subijcitur parti prognosticæ: nam proponit ægros; & docet qua arte possimus prædicere illis mortem, uel salutem; quod est diuinum in arte ista: nam ista faciunt cognoscere medicum probum, & uendicare illum ab omni labe, & culpa. In alijs autem partibus non est tanta excellentia: Nam per prædictionem uos acquiritis uobis honorem, & euitatis calumniam hominum. Neque uerò solum prædictiones, sed etiam affectiones, & curationes morborum hic docet Hipp. subijcitur ergo primum parti significatiuæ futurorum, deinde curatiuæ, quæ græcè *θεραπευτική* nominatur. Sexto quæritur quare hic lib. dicitur epidemiarum: Huius rationem affert Gal. in primo Epid. inquit enim ipse quidam morbi dicuntur epidemiales, quidam sporades, id est sparsi: & illi sunt, qui peregrinant



## COMMENT. MONTANI

per populos ut febres pestilentes & plures corripunt  
 & sicut hoc anno contigit febres illæ tertianæ nothæ cor-  
 ripiebant plerisque, habent autem isti morbi causas uni-  
 uersales: nā effectus uniuersalis prouenit à causa uniuersa-  
 li: debet. n. causa proxima, & p se esse homogenæa. Ideo  
 necesse est, ut morbi uulgares siue uagantes habeant causam  
 uniuersalem, cuiusmodi est aer, quo uelimus nolimus frui  
 mur: qui aer si mutatur in qualitate oriuntur morbi uul-  
 gares, & epidemici: aliquando etiam mutatur substantia  
 aeris, & tunc fiunt morbi pestilentes, qui dicuntur et-  
 tiam πανταγιαι id est omnibus communes. nam quando mu-  
 tatur aer secundum qualitatem, tunc ægrotant solum illi,  
 qui habent humorem aliquem homogenem illi affectioni,  
 & mutationi: quando uero mutatur substantia, fiunt uni-  
 uersales febres pestilentes in omnibus. Item debetis scire,  
 q charonij uenti, de quibus Gal. loco citato, sunt exitiales  
 tanquā si prouenirent à Charonte, dicebatur autem ab  
 antiquis porta charo nia per quam ducebantur rei ad mor-  
 tem. Est etiam spelunca quædam Prope puteolum in re-  
 gione Neapolitana, ex qua spirat uentus, qui uerè potest  
 dici charonius, qui uentus, quando increbescit fiunt febres  
 pestilentes: nam congregatur quandoque materia illa,  
 & exit tanq fumus, uel ignis, qui quidem circumcirca om-  
 nia comburit, & destruit. hoc quoque exit ex monte illo  
 Siciliæ, qui dicitur Aethna, & idem facit, quod ille puteoli,  
 & peius, hæc actenus de 6. illis, quæ dicuntur antecedētia,  
 cras tractabamus. 7. caput quod reliquum est, sicq; habe-  
 bitis omnia capita proposita, à Græcis προληγομενα nū-  
 cupa-



cupata, quæ plurimum faciunt ad maiorem eorum intellectionem, quæ nos deo fauente dicturi sumus.

Ex his propositis in hesternæ lectione, quæ plurimum attinere uidebantur ad attentionem, docilitatemq; eorum: quæ sumus dicturi in Hipocrate, unum reliquum fuerat, quod prætermisimus, quod necessarium est, quia multum facit ad rectam intellectionem textus. Illud fuit, ut admoneremus nostros auditores, quinam libri illis sint legendi, & in manibus habendi. ut rectè intelligantur libri Epidemici, quod nunc expediemus. Sunt autem isti libri, ut declarat etiam Gal. libri de natura humana Hip. cum Gal. commentarijs, Liber Hippocratis de locis, aere, & aqua. plurimum enim refert, ut sciantur loca, in quibus degunt homines: & affectus, quos ista producant circa corpora humana. ita studendum est libris Prognosticorum Hip. & Gal. Atque Gal. de diebus criticis. Si habebitis hos libros præ manibus maximam habebitis lucem ad eorum declarationem, & optimam intellectionem, quæ dicentur ab Hip. in Epidemijs. Hæc hætenus dicta sunt de ultimo capite, quæ sunt potius extra rem, quàm in re; tamen & ista sunt utilia, & necessaria. Nunc autem rem nostram aggredior: quia amplexi sumus hanc partem tertiæ sectionis primi libri, quæ est de particularibus quibusdam ægritudinibus, oportet nos continuare hanc partem cum præcedentibus, & connectere omnia simul, ut facilior pateat ad textum aditus, ne confusio in his appareat. Quod ut commodè fiat, oportet uos exer-

A V cere



## COMMENT. MONTANI

cere in quibusdam, quæ sunt tanquam præfationes : in his præfationibus oportet uos exerceri, sic ut & pueri quando incipiunt discere : & hi qui initiantur, dicuntur initiati, quia adhuc sunt nouitij, prius exercentur in quibusdam principijs, quibus auditis facillimè postea procedunt ad discendum ea, quæ sequuntur. Sumus ergo in his Epidemijs, ubi proponuntur tempestates nonnullæ aeris, & sunt in hoc primo libro, quæ omnino sunt tres constitutiones temporum, quas postea subsequuntur nonnullæ egritudines uariæ quidem secundum uarietatem mutationum, quæ fiunt in aere, & secundum naturam temporum diuersam, hæ in hac, illæ in illa, istæ in ista. Et hæ cum sint omnino (ut dixi) tres, oportet, ut singulas proponamus breuiter, & lucidè, tum ut ea quæ prætermittimus legenda sciatis, tum etiam, ut sitis præparati magis ad intelligenda, quæ dicemus in casibus particularibus à nobis declarandis, qui secundum naturam earum efficiebantur. Stetis ergo attenti, erimus breues : nihil tamen prætermittentes. Prima ergo primo ponetur : prima est, quæ in Thaso contigit, quæ talis fuit. Incepit in Thaso cum iam esset autumnus circa æquinoctium huius modi status cœli. primo inceperunt spirare Austri, per totum illum autumnum perseverarunt ita, quòd esset constitutio australis : pluuie plurimæ, & continuæ in toto autumnofuerunt, successit hyems, in qua perseverarunt spirare austri, sicut & in autumnofspirabant. fuit ergo omnino in hoc hyems similis autumnofquia utraque erant australia tempora, sed defecerunt pluuie, ita ut sicut autumnus fuit



fuit australis cum pluuis, sic hyems quidem Austrina fuit, sed sicca sine pluuijs, cum austris tamen uentis, ita ut frigida fuit & sicca hyems per flantibus austris, neque austri impediunt, quin esset hyems sicca: erat sicca, quoniam non erant pluuiæ, & Aquilonij uenti purum perflabant, quod dicit Hip. PARVI VENTI AQUILONII. incepit uer consimile omnino hyemi frigidum, & siccum: quia non erant pluuiæ. quantum ad uentos australis erat tempestas aeris cum aliquibus australibus uentis. VER AVSTRINVM &c. quia in uere dominati sunt austri, qui sunt uenti frigidi, & humidi: tamen quantum ad naturam ueris pertinet, erat frigidum, & siccum. Et hic (notetis) intelligo, cum dico siccum: non sicut est in æstibus magnis, sed quantum ad priuationem, & carentiam pluuiarum, non pluebat, & squalores erant, cum austri spirarent austrina frigida, possumus ergo habere totum uer siccum, quia sine pluuijs, tamen siccum existens australe erit. successit æstas: AESTAS FERRE &c. Fuit nubulosa, sicca quidem & australis, sed nubulosa, carens pluuijs prorsus, nihil pluit: Et ita habuimus totam anni constitutionem à prædominio Austrinam, siccam cum æstate quæ nebulosa fuit, & est talis extra naturam suam: ista est constitutio mala, ut uidetis, quæ cum ita sit primo uidendum est quid potuit generare hic status anni, quid consecutum est, & quas peperit ægritudines, & ita in his exercitabimi, ut postea melius etiam accedatis ad casus particulares propositos in hac parte nostra: hæc ut præfationes notare debetis: Circa hoc sciendum est à uobis, quod



## COMMENT. MONTANI

quod Hip. probat in libro de locis, aere, et aqua: et Gal. in tertio libro Artis parue: Probant ambò, quod aer maxime inter omnes sex res non naturales alterat corpus humanum secundum suas qualitates, per calidum, uel frigidum, humidum, uel siccum: penes quas qualitates etiam aer immutatur, unum alterum in hoc statu nostro consideretis: in statu cœli est quandoque humiditas, quæ duplex esse potest: Humiditas enim aeris, alia est pluuiosa primo, propter abundantiam multam pluuiarum, cum largi, continui, & plurimi fiunt imbres, hæc dicitur humiditas pluuiosa aeris: quia aer humectatur tanta copia pluuiarum: Alio modo humectatur aer, non quia pluat, non propter aquarum abundantiam, sed propter uapores à quibus ascendunt aer humectatur, & hæc dicitur humiditas uaporosa, has quotidie serè uidetis, cum humidus redditur aer modo propter pluuias, modo propter uapores eleuatos. Hæ distinguende sunt, quia non eundem producant in corpora effectum, aliud agit pluuiosa, aliud uaporosa producit in aere: Pluuiæ humor existens in aere, non ita penetrat ad profundum, sicut humiditas, quæ fit propter uapores, & nebulas, uel caliginē: nec ita naturæ repugnans est, longè minus naturalis, quàm uaporosa. ideo corpora peius, et deterius se habent quando sunt tempora nubilosa, caliginosa, & aer plenus uaporibus, corpora grauius mouentur, & cum difficultate; caput grauatur, non potest erigi, non possunt attolli oculi, concidunt palpebræ, & omnia deterius se habent in corporibus humanis, sensus obtunduntur, & omnes operationes



tiones torpescunt, libenter decumbunt homines. cum ue-  
 rò status aeris fuerit humidus non nubilosus, sed humi-  
 ditate pluuiosa, idest propter multitudinem pluuiarum  
 corpora melius habent, leuiora sunt, caput non ita graua-  
 tur, non ita segnia, nec torpida in motu, neque sensus ob-  
 scurantur, operationes aliae omnes non tantum ledun-  
 tur, letantur magis homines, non sunt ita occupati sicut  
 in uaporosa humiditate, signū quidem firmissimum, quod  
 humiditas uaporosa magis penetrat in corpora humana,  
 quàm pluuiosa, quia subtilior, & tenuior, magis pene-  
 trat, ergo etiam magis alterat, & offuscat sensus: Hoc  
 supposito circa statum aeris, qui fuit in Thaso, & causas  
 eius inquiramus modo, & uideamus hanc constitutionem  
 ita dispositam, quos affectus, quas ue aegritudines, & di-  
 spositiones potuit producere in corporibus humanis, &  
 ita exercebimus uos in praxi, in rebus non in nugis: ui-  
 dete, quantum utilitatis afferet haec consideratio. Inci-  
 piamus ergo per singula tempora, dixit quod autumnus  
 fuit austrinus, pluuiosus, humidus humiditate pluuiosa:  
 Autumnus debetis scire, ut dicit Gal. in primo de Tempe-  
 raturis, naturalis cum est in sua natura debita, debet ita  
 esse dispositus in qualitatibus, ut plus habeat de frigido,  
 quàm de calido, plus de sicco, quàm de humido: quando  
 ita se habuerit erit bene dispositus autumnus: & haec est  
 eius naturalis, & debita temperatura frigida, & sicca.  
 In tali autumno naturaliter se habente corpora bene ha-  
 bent, optime ualent, sana degunt: primò quia frigidus  
 autumnus; frigiditas enim autumnui contemperat calidita-  
 tem



## C O M M E N T. M O N T A N I

tem æstatis, quæ præcessit, corrigit eius uitia, quæ produxit in ea corpora, quia corpus à frigido constipatur, & condensatur, ex constipatione meatuum calor naturalis coadunatur, & in unum colligitur, collectus & unitus fortificatur & corroboratur: inde concoctiones fiunt meliores, & expulsionæ excrementorum, & omnes operationes recreantur, quæ delapsæ, & debilitate fuerunt à summa caliditate æstatis relaxante, & omnino resoluente, quia siccus est quid agit? Siccitas non est maxima, quæ augere possit siccitatem æstatis, & magis exicare corpora: siccitas autumnæ non exiccat, sicut siccitas æstatis, quando fiunt maximi æstus. Sed est siccitas temperata, & parum excedens humiditatem aeris. Autumnus ergo in hac naturali temperie frigidus, & siccus temperate reficit vires corporis deiectas, omnes actiones animalis adiuuat, & meliores efficit, sensus uegetiores, qui iam resoluti fuerunt, ideo quotidie uidetis in autumno, qui cum secundum naturam est, qualem constituimus, corpora recreari, & saniora effici, fortiora, ac robustiora: Modo autumnus iste non fuit naturalis, fuit australis humidus, pluuiosus, successit hyems austrina sicca, uaporo-  
sa, & nebulosa, humida, crassa, et australis: ut dicit Hip. Ex hac necessarium fuit, ut omnes sensus obscurarentur, & spiritus obtenebrarentur: nam (ut dicit Gal.) qualis est aer circundans nostra corpora, tales sunt etiam spiritus, & eius temperaturam sequuntur, ab eo immutantur, & alterantur, quod ex principijs nostris, & Gal. in lib. de usu respirationis sequitur. Nam si aere nutrian-  
tur



tur spiritus, & generantur, qualis fuerit aer nutriendus, tales quoque erunt spiritus nutriti. Ergo si aer nebulosus, austrinus, humidus & crassus accedat ad nutriendos spiritus necessarium est, quod fiant etiam tales spiritus crassi, nubulosi, obscuri, aer crassus attractus ad pulmones nutrit spiritus. ergo qualis fuerit attractus, tales quoque erunt spiritus, & cum spiritus, qui sunt ipsa anima, uel sine illis anima non potest operari, fuerint crassi, (ut dicebat Gal. spiritus aut sunt anima, aut instrumentum animæ sine quo non operatur: ) cum in quam crassi fuerint, actiones obtusas producant, segnes, & diminutas, uel obscuratas. Ideo in temporibus nebulosis uidetis (ut dixi) sensus obtunduntur, homines sunt pigri, segnes, tristes, torpidi, omnes tam intrinseci, quam extrinseci sensus deterius sentiunt: naturales etiam actiones debiliores redduntur, non bene appetunt, non concoquunt, non continent debito modo, scitis enim quod ad continendum maxime commodum est siccum, cuius proprium est retinere: quia humiditas relaxat corpus, ideo contentiua debilitatur, inde & male, & parum continent nutrimentum corpora humana in humido, & nubuloso aere; sicut siccum ad retinendum facit, ita humidum ad lubricandum et relaxandum, licet temperata humiditas adiuuet; quia uirtus confortatur humido, ut et Gal. & Auicen. dixerunt. Ex hac eadem ratione expulsiua uirtus non potest naturaliter expellere, si esset humiditas temperata in corpore adiuuaret ad expellendum, sed quia humiditas aeris extrinseca circundans corpora obstruit, opplet, & occludit



# COMMENT. MONTANI

dit meatus cutis, excrementa non possunt expelli à uirtute expulsiua; expulsionones etiam ad uenas fiunt debiliores duobus modis non secundum naturam, primo quia uirtus expulsiua facta fuit debilior, Secundo cum non fiant concoctiones secundum naturam, male, uitiateq; cruditates generantur, & multi crudi humores crassi, uiscidi, qui adherentes meatibus uasorum, & uenarum causant obstructiones. unde non possunt expelli excrementa collecta, caput grauatur, & oculi deprimuntur, omnia grauias, maxime tamen caput: quia potissimum caput aeri exponitur. Austri caput grauantes, uisum hebetantes, auditum obtundentes, &c. dicebat Hip. in eo Aph. tertij Aphorismorum reddebat rationem Gal. quia caput maxime offenditur cum aeri magis exponatur. hæc sunt consona & rationi & apparentibus signis confirmantur, atque oculi obtunduntur eadem ratione, ut dicit Hip. Itaque cum talis fuerit status autumnus, omnes actiones obtusæ fuerunt, debilitate, & impeditæ ab aere crasso, pluuioso continente, excrementa non poterant expelli, concoctiones male, cruditates augebantur, obstructiones fiebant: unde excrementa magis colligebantur: ex quo minabatur secuturas malas dispositiones, & præparabat corpora ad pessimas ægritudines, & uaria mala. pessimus erat autumnus, ut uidetis, quem animaduertentes etiam medici eo tempore non poterant, nisi prognosticari aliquid magni mali subsecuturum: Sed cum autumnus ita pessimus fuisset, si saltem hyems successisset naturalis in propria temperie frigida, & sicca, intelligo

au=



autem per siccam temperiem, quod non fuisset pluuiosa, sed serena, sine pluuijs non essent consecutæ tam malæ dispositiones, tam pessimæ ægritudines, quoniam quod malum successisset ex intemperie ueris correctum fuisset à temperatura hyemis, & corpora redacta ad pristinam salubritatem, & dispositionem, si quæ excrementa in autumno intemperato collecta fuissent, si quæ factæ obstructiones excluditibus, & excrementa expulsa fuissent, factæ bonæ concoctiones, & remotæ obstructiones ac cruditates, ita adhuc corpora non fuissent parata ad aliquid mali, robustiora euasissent cū calor ex frigiditate hyemis naturalis ad centum retrahatur, & colligatur in unum, concentratus, & unitus corroboratur, bonæ operationes subsequutæ essent, optimæ coctiones iuxta illud Hippocratis: Ventres hyeme, & uere natura sunt calidissimi &c. ex concoctione cruditates, & obstructiones remotæ fuissent, resoluta, expulsa excrementa, & corpus purgatum remansisset. Frigidum etiam hyemis adiuuaret ad resoluendam materiam crudam excrementosam; quia exiccaret: propterea quod non modo siccum exiccat calidum resoluendo, sed etiam frigidum exiccat, si credimus Aristoteli in quarto Meteororum, ubi Aristot. dicit frigidum ita exiccare, ut calidum: frigidum quidem, quia exprimit humidum, exprimendo humidum remanet siccum, exprimen- do ergo frigidum exiccat, calidum resoluendo, & humidum absumendo. ad id adiuuasset siccitas iuncta frigiditati: diximus enim hyemem in naturali temperie esse frigidam, & siccam, quæ si talis successisset pessimo autumno & ui-

B tia



## COMMENT. MONTANI

tia præcedentis autumnii correxisset, & ad temperiem reduxisset, quod etiam cognouit Poeta, cum dicit hyemem siccam, serenam in naturali sua temperatura affectatam, & hominibus, & terræ et segetibus, & omnibus, quæ secundum naturam fiunt: Humida solstitia, atque hyemes op-  
tate serenas: Agricola. Autumnus naturalis, hyems serena frigida sicca; Aestas autem calida, & sicca omnia naturaliter se habentia corpora, & agricolis, & hominibus & commoda, & læta sunt: sed hyems nostra non fuit talis, fuit australis quidem calida, & humida: calida quidem, quia spirantibus flatibus austris effectus est aer calidus: Nam austri sunt naturaliter calidi, & humidi. Fuit etiam hyems sicca, & si constitutio esset australis, Et hic estote attenti, cum dico sicca, non intelligo, nec dico, quod esset sicca, sicut in æstate in magnis æstibus; neq; enim poterat tanta adesse siccitas in aere, quæ comparata siccitati æstatis non esset maximè parua: & alia ratione spirantibus austris uentis aer efficiebatur humidus: proprium enim austri est humectare: si spirabat auster ita, ut tota hyems esset austrina. Quo modo ergo aer poterat esse siccus? non intelligatis siccum hoc modo: semper intelligit Hipp. siccam hyemem fuisse, idest, carentem omnino pluuijs, & priuatam humiditate pluuiosa: non pluebat, aer non humectabatur, non aderat humiditas pluuiosa, sed nebulosa, caliginosa cum plurimis uaporibus, uidete, deberet corrigere uitia autumnii, magis auget maleficium: Melius fuisset, quod pluisset. Aer humidus redditus erat ex pluuiarum multitudine, quæ in autumnio contingebant:

11 a



uapores multi ascenderunt, factus est aer turbidus, nebulosus, & caliginosus propter illam paucam caliditatem in aere ab austro impressam: si pluuie successissent, aer ad meliorem statum redditus fuisset: propterea quod pluuie expurgant aerem à multis uaporibus malis caliginosis, pluuieq; detrahunt ea, quæ sunt in aere, ac si esset quoddam pharmacum: sicut corpora purgantur, cum sunt repleta, & multa habent excrementa si exhibeatnr aliqua medicina, qua corpora expurgantur p fluxum alui, per urinam, per sudores, uel per alia loca: ita aer nebulosus lauitur, & expurgatur pluuijs. melius ergo erat, si pluuia descendisset, uitia ab autumno generata correctæ fuissent, nebulosa humiditas, & excrementitia esset ab aere detracta, & melius habuissent corpora: ita debebat esse hyems, sed non modo non fuit naturalis, sed etiam magis ad maleficium iuuit: erat nebulosa, austrina, sine pluuijs humida humiditate uaporosa, sicca humiditate pluuiosa: quid secutum est? non modo non expurgata est humiditas impressa in autumno, sed etiam magis aucta, & aggregata, magis parabatur aer ad maleficium, illa pauca caliditas, quæ ex flatu austri proueniebat iuncta cum humiditate nebulosa, & uaporosa relaxauit potius meatus cutis: ex quo debilitatus calor naturalis, multa incommoda subsecuta sunt, quæ posterius uidebuntur. Videtis hyemem periculosam malam, mutatam à statu, & dispositione naturali, salubrior erat hyems contraria illi statui autumnali, uel pluuiosa, uel saltem fuisset insalubrior, sed omnia ad malum procedebant: Cum talis fuisset hyems. debebat modo se-

B ij qui



## COMMENT. MONTANI

qui aer, quod corrigeret ea, quæ commissa sunt in hyeme, & ita forsitan corpora euasissent ægritudines, in quas postea deuenerunt. At peius parabat: successit uer extra propriam naturam, malum debebat esse calidum & humidum temperatum, quod & calorem adiuuaret, & corpora expurgaret ab excrementis, quæ sunt collecta in temporibus præcedentibus, & resoluendo, & concoquendo, aperiendo, meatus cutis relaxando, & corpus omnium conseruando. Sed inquit Hipp. uer austrinum, frigidum, humidum, uidete quid debuit subsequi ad tam malum tempus: erant collecta multa excrementa & in hyeme, & in autumnoprecedentibus, quæ indigebant euacuatione, & inanitione; sed frigiditas illa ueris retinebat excrementa, meatus cutis constringebat, & magis faciebat ad expressionem humiditatis: unde sequebantur multa mala, excrementa non sunt euacuata, non expulsa, magis aucta, & aggregata; calor debilitatus, uirtutes imbecilliores, & tandem omnia deteriora: adiuuabat etiam humiditas australis, quoniam spirabant austri ad replendum corpus multis excrementis superfluitatibusque, spirabant & pauci Aquilonij, qui sua frigiditate adhuc magis meatus cutis occludebant, si aer secundum naturam fuisset, concoctiones bonæ factæ essent, expulsionones excrementorum, & natura adiuta fuisset: ex quo etiam magis alterationibus resistere potuisset: sed quid contigit? Notetis: dicit Hipp. in uere fuit frigiditas, & humiditas, & aliqua siccitas: licet humiditas superaret propter naturam temporis, & quia flabant austri, collecta excrementa non fuerunt expulsa, cum expul-



pulsiua debilitata esset, quæ à calido adiuuatur : deinde & frigiditas, quæ fiebat ex uentis Aquilonaribus siue Aquilonaria constringebat, et ad retentionem faciebat ante hoc tempus. iam fuerant ante multæ febres tertianæ, & arden-  
 tes, æ quibus melius dicemus, si dabitur occasio: licet in hoc tempore uerno Aquilonij flarent, à prædominio tamen totum fuit austrinum, frigidum propter aquilonios: quorum frigiditas maior est, quàm caliditas, uel potius tepiditas, ut ita loquar Austrinum, humidum erat & propter austros, & quia parum pluebat, & quia tale tempus naturaliter est, hoc uer etiam tale subsecutum est ad ea intempestiua, pessimaq; tempora. Successit æstas, quæ si saltem fuisset naturalis non mutata extra naturam suam, forsitan corpora melius disposita fuissent, & correxisset uitia præcedentium, semper supponendo illud uulgatum dictum quod tempora consequentia secundum naturam existentia corrigunt uitia præcedentium præter naturam existentium. Debebat esse æstas calida, & sicca secundum naturam æstatis propriam, & sic excrementa collecta potuissent à calore consumi, resolui, cruditates concoqui, omnes uires aggrauatæ subleuari, & excrementa collecta in corporibus expelli, sed quid fuit audiatis. Æstas fuit ferè tota nebulosa, humida, caliginosi uapores in aere; unde non correxit dispositiones præcedentium temporum, ad maleficiu potius adiuuabat, cum frigida esset expri-  
 mebat potius humiditatem aliquam, & corpus condensabat, & occludebat. Et hic animaduertatis, cum dico æstatem fuisse frigidam, & humidam, cum totum oppositum  
 B iij esse



# COMMENT. MONTANI

esse debuerat, ut etiam calida, & sicca, non intelligatis tantam fuisse in aere frigiditatem, & humiditatem, sicut est in hyeme. Hem esset nimis intemperata, neque hoc esset possibile propter propinquitatem solis, nunquam potest esse tanta intemperies in æstate ad frigiditatem, & humiditatem, uti sit æqualis intemperiei hyemis, semper est maior intemperies: sed dicimus æstatem frigidam, & humidam comparatiue respectu æstatis, & propriæ temperaturæ, quæ calida & sicca est, quis unquam putabit tantam posse esse in aere frigiditatem cum humiditate, sicut est in hyeme? certè nescio quis: cum talis fuerit æstas subsequuta humida, nebulosa, necessario periculosa, morbos minabatur, & ad pessimas ægrotudines præparabat corpora, & maleficium temporum augebat. Quid ex his secutum est? notetis, cum calor æstatis debilis esset, non poterat resolvere excrementa in corporibus collecta, non consumebat, sed ita debilis potius colliquabat, quàm resolveret: sed ubi calor debilis excrementa colliquat, et multas humiditates generat, quas cum non possit deinde consumere putredinem inducit, quia scitis, quod ubi est calor debilis, & humiditas multa redundans necessario sequitur putredo, ut habetis in quarto Meteororum, quid aliud est, quàm corruptio in humiditate inducta à calore debili facta? putredine existente in corpore timendum erat sicut postea fuit, ne succederent ægrotudines pessimæ, putredinales, pestilentes. Habetis qualis fuerit æstas, & status, ac constitutio totius huius anni, quàm pessima quàm periculosa, ad quam necessario subsequi debebant strages, & multe ægrotudines.

Quid



Quid ergo secutum est? Audiat is modo etiam Hippocratem, qui cum posuerit constitutionem huius anni integram incipit enumerare quid efficere potuit, & effecit, attendatis, incepit autumnus mutari à natura, & totus annus usque ad alium autumnum: dicit Hippocr. cum talis fuerit status totius anni pessimus, australis, licet aliqui Aquilones quandoque spirarent, meritò tamen totus dictus est austrinus, quia ferè semper flabant austri: CVM ESSET AUTEM TOTVS &c. totus fuit status austrinus à prædominio: audiat is ipsum Hippoc. dicentem successerunt febres ardentes paulò ante uer, & in uere, intelligatis ardentes debiles non acutæ, non erant aliqua symptomata acuta, & sæua: ideo dicit: Ante uer: ANTE VER ex prime cœlo quod huic &c. erant febres ardentes, sed non multum acutæ, remissæ ex eo tempore, quod præcessit Aquilonium, non erat multum profluvium sanguinis, nec multum erat delirium, nec multum excruciantur, erant febres quietæ, dicit Hipp. erant febres ardentes in quibus calor est ardentissimus, acutissimæ, tamen subdidit & remissæ, non erant acutæ febres, erant quietæ remissæ sine malis symptomatibus, non calor ardentissimus, & hoc uidetur satis obscurum, febres ardentes habent hæc propria accidentia delirium, ardentissimum calorem, & inquietudinem: erant ergo remissæ sine his accidentibus, habent & hæc febres profluvium sanguinis, ut proprium symptoma propter multos uapores, & spiritus, qui ad cerebrum mouentur, agitantur, & erumpunt per aliquam uenam, cum quibus simul quoque erumpit sanguis: sed in hac constitu-



# COMMENT. MONTANI

tione cum fuerint febres remissæ ardentes, non erat deli-  
 rium, nec profluuium sanguinis per nares. PAUCIS-  
 QVE &c. ergo erant febres non meræ & puræ ar-  
 dentes. NEQVE EX HIS PERIBANT. ergo  
 erant mites: Nam si hæc propria sunt ardentium acciden-  
 tia, & ut delirent, & excrucientur, & profluat san-  
 guis e naribus, & moriantur: ista in his febribus non  
 contingebant: ergo & si febres ardentes fiebant il-  
 læ erant mites, ac remissæ. Quantum ad ge-  
 nus ardentium febrium attinet oportet notetis, quod  
 illæ sunt acutæ, & fiunt ab humore bilioso puro, sed  
 hic tales non potuerunt esse febres: Audiuiſtis, et hic  
 bene attendatis, istud est utilius, quod unquam habueritis,  
 exercebimini in Medicina, & docti euadetis: Audiuiſtis  
 dico constitutionem ueris non fuisse secundum naturam  
 temperatam, sed frigidam, & humidam, austrinam, intem-  
 peratam: autumni etiam frigidam, humidam, intempera-  
 tam; ex quibus malis & intemperatis temporibus, humi-  
 dis, crassis generati sunt uitiati humores, crassi, mali; un-  
 de febres generantur cum putrescunt. Primum autem  
 quod mouetur in corpore ad putredinem est bilis, atque  
 ad alias quasunque ægritudines non solum ad putredi-  
 nem, quia subtilior, & tenuior, ante uer putrefacta bilis  
 quæ prima est, & facilis ad patiendum generauit febres  
 ardentes, sed mites & remissæ: quia licet haberent for-  
 mam ardentium, quæ est ut bilis pura putrescat prope  
 cor, putrescebat quidē bilis, sed non pura illa bilis, acris,  
 & acuta, quæ proprie generat ardentissimas febres acu-  
 tas:



tas: sed mitis, & commista non acris, quæ fuit obtusa propter malum humorem crassum à tali constitutione generatum cum quo erat commista: ideo vim suam integram habere non poterat, obtusa etiam & remissa propter aerem nubilosum humidum, eius acrimoniam retundentem: putrescebat quidem bilis, sed non illa acris, pura, sed mitis mista cum humore pituitoso, crasso, nubiloso, & maxime humido: ex putredine horum humorum, quæ fuit à remisso calore ante uer, & in uere generata: neque enim omnino dominabatur frigiditas, quæ auferret bilem totam, subssecutæ sunt inquam febres ardentes, mitis, & admodum remissæ, non acutæ. meritò ergo factæ sunt istæ febres. cum talis fuerit totius anni constitutio, quæ ab autumno incepit in Thaso præter naturam aere immutato generati fuerant biliosi humores ante autumnum in æstate, quæ naturaliter se habuit: Et hic notetis quia dicit Hip. incepit in autumno, non intelligitur constitutio, quæ fuerit antequam immutaretur aer ad statum non naturalem, sed Hip. intelligit, & dicit incipere constitutionem ab eo tempore, in quo fit mutatio præter naturam, in autumno incepit aer mutari, non autem in æstate: æstas fuit secundum statum naturalem. Ideo in æstate generatus erat humor biliosus copiosus, ut eius natura postulat. At cum fuerit talis postea constitutio anni præter naturam, et in autumno inceperit, humores mali, crassi, pituitosi, & nebulosi generabantur in autumno, in hyeme generati erant: non enim in pauco tempore hyemis statim generati sunt, sed inceperunt generari in



## COM MENT. MONTANI

autumno procedendo per totam hyemem, quia omnis generatio fit successiue, & in tempore. Nam omne quod mouetur, mouetur in tempore, ut habetis etiam à philosophis. in autumnno igitur inceperunt generari, in hyeme generati erant: Sed & si erant generati, non propter ea debebant in hyeme fieri febres ardentes, quia licet fuerit nebulosa non tamen in ea humores mouentur, sed in corpore resident, quieti sunt, non agitantur, quiescunt, nec facile putrescunt: in uere, ut de natura ueris est, semper humores commoueri incipiunt, per corpus totum repunt, non permanent in loco firmo iuxta sententiam Hippocratis in tertio Aphorismorum, in eo Aphor. in quo ipse dicit in uere humores incipere moueri à centro ad circumferentiam, & agitari, merito in principio ueris, uel paulo ante uer inceperunt fieri ægritudines: ex ea constitutione anni inducendæ. sed minores: non tam seuæ sicut postea sunt secutæ, ut audietis, quia in principio uniuscuiusque ægritudinis, uel mutationis mitiora fiunt; quoniam circa principium, & finem omnia sunt leuiora dicebat Hip. Cum uerò consistunt fortiora, nondum contigerant ægritudines aliquæ. Ideo cum in uere incæpissent aggredi homines ex his causis, quas diximus, mitiores inceperunt, ardentes quidem, sed non acutæ, remissæ, leuiiores, quæ & si à bilioso humore putrescente generarentur, non erant tamen ab eo puro, sed commisto humori pituitoso, crasso, humido, qui obtundebat malitiã eius, meritò etiam dicit Hip. ex his non peribant, non habebant propria symptomata: quoniam non habebant propriam



priam naturam integram; proprium autem earum est, ut mortem causent: sed in his non sequebatur mors, quia mites non puræ erant. TUBERCULA VERO multis secundum alterutram aurē, plurimis secundum utranque &c. Contigerunt etiam tubercula circa aures, quandoque circa unam aurem, aliquando circa utranque: erāt laxa, sine inflammatione aliqua, magna, sine dolore, et sine febre, sponte resoluebantur, neque ægrotabant inde homines, non decumbebant: quia ex his non multum afficiebantur, & hoc meritò, nec sine causa; non est hoc mirum si dicebamus uer austrinum fuisse. Caput autem maxime grauatur ab austro uento, ut audiuiſtis: quia replebatur humiditate extranea inducta ab austro: Austri caput grauantes, auditum habetantes &c. dicebat ille: secundum diuersitatem corporum diuersa contigerunt tubercula circa aures, quia caput maxime grauatum erat, & repletū humiditate: quoniā ergo uniuersaliter habebant debilitatem capitis illi circa caput patiebantur: quia facile in eo imprimebatur qualitas uenti, & ueris. alij patiebantur, & incidebant in febres: ut calidi & ficci in temperatura: alij alio morbo secundum quod temperati, & dispositi erant: quia in habentibus symbolum, (ut scitis,) facilius est transitus; febris est dispositio calida & sicca. ergo qui talis erant dispositionis, & temperaturæ hi facillime incidebant in febres. Qui uero humiditate abundabant, & humidi dispositione erant, quiq; debilis erant capitis: in eo patiebantur, ut tubercula post aures, tussim, rauedines: omnia secundum rationem ex hac consti-



## COMMENT. MONTANI

stitutione anni euadebant, omnia consequentia quadam efficiantur. Et ut hoc etiam melius noscant isti nostri iuuenes, Debetis scire, quod quanto natura est fortior, et ualidior: tanto melius, & exquisitius expurgat uentres excrementis, & illa transmittit ad loca conuenientia ad hunc usum dedicatum, scilicet emunctoria corporis, & partes adenosas, ut guttur, & post aures: in hac nostra constitutione primo multis, & ferè omnibus caput repletum erat multis excrementis, uirtus non erat debilitata, satis fortis erat. ergo poterat expellere ualidè excrementa ad emunctorium capitis locum conuenientem ad expurgationem capitis, idest post aures. Ideo in ualidioribus uel pueris, uel iuuenibus, uel etiam senibus contigerunt tubercula post aures. quanto uerò natura debilior, tanto magis ad loca nobiliora propinqua non ad debita & conuenientia emunctoria transmittit excrementa. Unde dicit Hip. in debilibus contigisse non tubercula, quia materia non poterat à natura mitti ad adenosarium. Sed quid? materia ad pectus descendebat, uel ad guttur, & sequebantur aliæ egritudines, tussēs, raucedines, & aliæ consimiles. **MULTI PRAETEREA** &c. Neque hoc loco placet expositio Gal. Dicit enim Gal. contigerunt tubercula post aures modo iuxta unam, modo circa utranque: quia erat multa copia bilis in corporibus humanis, quæ ad caput ascendebat, & secundū quod abundabat fiebant tubercula post aures, & bilis simul cum pituita ascendens faciebat oedemata, ut nūc dicam, sed melius dicam. Gal. dixit ea fieri, quia bilis ascendebat ad

Ca



caput, Hoc non est uerum, quia dicit Hip. ERAT EORUM &c. erant tubercula laxa, magna, frigida, liquida sine febre, sine dolore, & aliqua inflammatione: erant ergo uera oedemata, quæ fiunt à pituita maxime ad hoc faciente aeris constitutione humida, austrina, nubilosa: non erant facta à bile, quia si fuissent à bile, secuta esset febris cum inflammatione, cum dolore, & calore feruescente: Sed Hip. dicit totum oppositum contigisse. præterea non erant solida, liquida & meritò, quia redundabat pituita liquidior, & humidior. Dicatis igitur, quòd contingebant tubercula in ualidioribus, non in omnibus, Sed in fortioribus post aures, quia natura fortis expellit excrementa ad partes adenosas, & propria emunctoria. excrementa autem erant pituitosa ex aeris statu tali congregata, sine acrimonia: ideo qui patiebantur non decumbebant, sed recti ambulabant, non afficiebantur febre, nec dolore. Ideo dixit in iuuenibus, & ualidioribus contigisse: quoniam habebant caput ualidius, natura fortior expellebat ad loca conuenientia materiam excrementosam. Sed mulieres, & senes, quiq; habebant temperaturam humidiores, habent caput debilius semper, & multis excrementis oppletum, expelli quidem debebant excrementa, sed uirtus eorum expulsiua debilis non poterat regulariter agere. Vnde propellebat materiam excrementosam, non tamen ad loca conuenientia: Cùm non posset propelli materia ad emunctoria, expellebatur ad loca nobiliora, & partes non conuenientes ad guttur, modo ad pectus, & ita aride tussis, modo rauedines subsequebantur.



## COMMENT. MONTANI

tur. Senes ergo, & mulieres tussi magis, & raucedine laborabant non tuberculis; ratio fuit assignata, ita processit uer, hos affectus patiebantur homines in uere: Accessit modò æstas, calor æstatis non erat naturalis, ideo incommoda parabat, iam humores maiori impetu mouebantur, qui paulatim in uere mouebantur à quiete. & ideo efficiebantur ægritudines leuiiores, quæ ita leues erant, ut non egerent medico, humores moti debebant à calore naturali æstatis resolui, et ad benignum reduci, sed æstas fuit præter naturam, cum uer etiam innaturale præcessisset frigidum humidum, ita ut quemadmodum dicit Hip. saeperet naturam hyemis, quid factum est, successit inquam æstas frigida humida, cum calore debiliore, quàm sua natura postularet: calor naturalis corporum infirmus factus est, humores qui debebant resolui à calore æstiuo ualido colliquabantur, eo debilitato uirtus debilis reddebatur, & deiciebatur ab humoribus multis colliquatis, qui collecti fuerant in temporibus tribus præcedentibus non naturalibus, & à debili calore æstatis: spiritus obtenebrescebant, & obscurabantur: obstructions multæ generate, quia humores colliquati obstruebant uasorum foramina, & cutis meatus: unde putredo subsecuta est, neque poterat aliter esse, cum putredo sequatur ad caloris debilitatem in humiditate redundante: & ita æstas fuit epidemica, morbi .s. epidemici subsecuti sunt, qui uulgo deambulabant, & multos simul corripiebant ex putredine humorum, multi etiam tabem incurrerunt, qui ad eam erant parati, atque dispositi: quia multa materia descendebat ad

pe-



pectus colliquatis humoribus. unde pulmones putresce-  
 bant, & exulcerabantur, & omnes phthifici morieban-  
 tur. tabes ergo & phthises efficiebantur, colliquatis etiā  
 humoribus uenæ replebantur multis humoribus humidis,  
 qui cum facile à calore computrescerent sequebantur fe-  
 bres. ideo dicit aliquos corripuerunt febres, neque mirū  
 est, quia cum essent multa excrementa intra uenas crassa,  
 frigida, humida, colliquata, (ut dixi) sequebatur putredo:  
 ergo & febris, sed erat quædam febricula lenta, leuis, nō  
 acuta, humores & excrementa non erant maligna, acrida,  
 sed humida, frigida, ad multos igitur secutæ febres typho-  
 des, quæ à Latinis nostris Laticæ dicuntur, à Græcis τυ-  
 φοδεις: eadem ratione sequebantur descensus catarrhi,  
 multi patiebantur hecticam, nec hoc mirum, quia seque-  
 bantur febres τυφοδεις laticæ, ad quas ferè semper  
 terminantur, ut proprium earum sit tendere ad hecticā.  
 Vnde etiam Auicenna prima quarti in capite de febribus  
 laticis, pertractans de his dicebat omnes febres laticas ter-  
 minari ad hecticas, nisi à perito medico curentur prius, et  
 remoueantur, et ab hecticis præseruētur, de se tamen in-  
 quit Auic. semper tendunt ad hecticas, omnia secundum  
 rationem. bene ergo Hip. dicit multos correptos feбри-  
 bus, & hecticos factos, & cum calor æstatis debilis esset  
 non resoluebat humores, & excrementa colliquabat, col-  
 liquatis excrementis, quæ maximè continebantur in capi-  
 te descendebat materia ad pulmones, & membra spirita-  
 lia exulcerabantur, & computrescebant. Ex quo factū  
 est, ut ex hectica tabem incurrerint, & phthifici, ac ra-  
 bi-



## COMMENT. MONTANI

bidu mortui sint plurimi; omnesq; illi, qui hac febre latice laborauerunt, nisi recte curarentur aperitis medicis, omnes inquam illi mortui sunt ex phthisi. iam est finis constitutionis anni positae ab Hip. in hoc primo libro, et quae ad illam sunt consecutae aegritudines pessimae suo ordine incipiendo ab autumno usque ad alium, idest ad principium alterius, in quo postea uagabantur epidemici morbi: primam constitutionem perfecimus, secundam, et tertiam: deinde dicemus in singula lectione, et ad Philiscum nostrum accedemus ordine, ut uobis nihil in hoc desit.

Videbamus in praecedenti lectione constitutionem primam illam Hippocr. in primo libro Epidemiarum, quae constitutio consequentia quadam à nobis fuit introducta, plurimum adiutura, et auxilio futura ad ea, quae ex professo, et proposito intenduntur in hoc anno. Proposui enim, ut uobis iam dixi, legere casus quosdam particulares, qui tamen communes erant, quia in constitutione aeris pessima uagabantur: si ergo constitutiones non intelligetis, in quibus hi casus particulares, certum est etiam quod non intelligetis has particulares aegritudines, quae consequuntur, neque eorum causas scietis perquirere. Nos ergo uolentes declarare uobis haec particularia, in quibus tota ars consistit, antequam ad casus deueniremus, ut et nihil praetermitteremus, quod in hoc libro ab Hippocr. dictum fuit, et omnia quae ad propositum intelligendum facere uiderentur, haberemus, uolui has constitutiones breuiter, et copiose simul colligere, quae cum tres ab Hip.



Hippoc. in hoc primo libro epidem. proponantur, de prima credo satis abunde dixi in præterita lectione: considerandum modo est de secunda, quæ fuit deterior prima, Hæc constitutio fuit in eodem loco, in quo etiam prima in Thaso insigni insula, una ex cycladibus: unde marmor euehebatur. ideo & clata, & insignis fuit hæc insula lata agris, & copiosa: non laborabo multum in hoc, ut uobis describam naturam, & situm huius insulæ: quia parum ad rem nostram facit, ut etiam in hoc sequar Galenum sicut semper secutus sum, qui in primo commento primi Epidemiorum ex sententia Quinti sui præceptoris inquit non esse multum immorandum in descriptione loci, in quo accidunt morbi particulares, quia nihil facit locus, nec ad indicationem, nec ad præagitionem. non occupabimur igitur in describenda hac insula, sed solum morborum essentia sunt annotandæ, & constitutiones aeris, quæ in tali loco contigerunt, tali tempore: quantum ergo ad locum, satis est, ut sciamus, quod fuit in Thaso hæc secunda constitutio posita ab Hippocra. Thasus autem est una insignis insula ex cycladibus, in qua excavabantur marmora, & incidebantur, nihil aliud refert scire, quantum ad præsens attinet institutum; in hac insula fuit pessima cæli constitutio, & in ea morbi epidemici uagabantur, multosq; simul corripiebant: constitutio postea optime consideranda est: constitutio hæc ab autumno incepit dicit Hipp. sicut, & prima: Et dicit, quod autumnus incepit mutari à naturali temperie ad statum præter naturalem, quæ dispositio perduravit per totum autumnum: IN THASO ANTE AUTUM-

C

tum=



# COMMENT. MONTANI

TVMNVNVM &c. Videte quòd hæc constitutio inceptit ab autumnno, si debetis intelligere quomodo sit immutatus à dispositione naturali, oportet uos prius scire, quæ sit dispositio, & quæ temperies autumnni secundum naturam, & hoc propter iuniores: scio enim quòd multi sunt, quibus hoc erit superfluum, oportet ut omnes habeant suam partem. Dico ergo q̄ temperies autumnalis est aliquomodo frigida, quia plus de frigido, quàm de calido habet: sicca quia plus de sicco, q̄ de humido, ita tamen frigida est, ut èt calida: non habet frigiditatem absolute, sicut siccitatem; neque enim frigiditas est comparanda siccitati, & frigiditas inquam relatiuè, & sic respectu autumnus est frigidus, cuius respectu æstatis, quæ præcessit calida, & sicca; Et hic consideramus autumnum, ut est in propria natura, non ut est in principio, quando incipit autumnus: secundum primam partem, uel primum tempus autumnni illa non est natura autumnis, quia participat de natura æstatis: neque etiam intelligimus de ultima parte, & ultimo tempore autumnni, quod participat de natura hyemis subsequens: consideramus naturam autumnni, idest, mediam illius partem, medium tempus, hoc tempus habebit temperiem naturalem frigidam, & siccam, hic dicitur proprie autumnus: neque quando dicimus esse frigida temperiei intelligimus de intèsa frigiditate. neque enim potest esse multa frigiditas, quia sol non multum recedit a zenith caputem nostrorum: est adhuc caliditas aliqua, sed quia maiorem partem autumnni occupat frigiditas, ideo dicitur frigiditas superare, non quod tanta sit frigiditas in aere, ut est in hyeme, quæ maxi  
me



me corpus refrigeret: siccitas etiam dominatur in autumno & magis, q̄ frigiditas: & hoc propter siccitatem æstatis, quia æstate fuit exiccatus maxime aer: in autumno et remanet illa siccitas, quia à nullo remota est, quoniam non successit aliqua notabilis humectatio, ita autumnus temperatura secundum naturam est frigida, & sicca moderatè. nullam ergo potest facere intensam in corpore impressionem, maxime cum hac sua temperie habeat inæqualitatem, non semper dominatur frigiditas, aliquando est pauca caliditas: illa ergo frigiditas autumnus retundit caliditatem æstatis præcedentem: siccitas autem cum sit admodum temperata nihil potest, uel parum corpus immutare. ideo corpora in autumno naturaliter se habente bene habent, sana degunt, & ab omni ægitudine libera: homines sunt leues, læti, & sine dispositione mala: hoc dico quantum est ad naturam temporis autumnus, & dico quod corpora humana maximè ualent in autumno, nisi ab aliqua alia causa ægrotent. nunc de aere solum sermo habetur, non intelligimus nos, quod si propter malam uictus rationem, aut exercitium, uel aliquid aliud incidant in ægitudines aer, uel tempus sit causa non enim tunc tempus erit in causa ægitudinum, sed aliæ ab hoc causa, quæ secundum qualitates corpora mutant: Hæc est natura propria autumnus qua naturali existenti corpora naturaliter se habebunt. Si modo autumnus ab hac temperie mutetur ad aliquam contrariam qualitatem, ut in autumno aer reddatur magis calidus, uel etiam magis humidus; ex leui occasione generantur ægitudines consimiles illi temperiei, corpora uarias patiuntur



## COMMENT. MONTANI

tur dispositiones secundum differentiam illarum qualita-  
tum, pessimum est tempus hoc autumnicum à natura sua  
mutatur: consideremus modo hanc nostram constitutionē,  
et ipsius naturam sicut proponit Hipp. qui dicit in prin-  
cipio Boreas spirabat ualde, et maximus erat extensiuē, et  
intensiuē: intensiuē quidem ualde spirabat, quia maximus  
erat flatus: expensiuē, quia perdurauit per totum autum-  
num, cum hoc Borea flante aliud fuit adiunctum ut Hipp.  
dicit in textu subsecutæ sunt pluuie, et superuenerunt Bo-  
reæ, ita ut quotidie fierent pluuie per totum autumnum  
magnæ, et largæ: sicut dicit Gal. Habuimus igitur totum  
hunc autumnum malignum, et pessimum, qui erat autum-  
nus frigidus, Aquilonaris cum aliquibus Austris spiran-  
tibus, erat frigus maius, quàm oportet, et quàm natura  
sua requireret. diximus esse temperaturæ frigidae mode-  
ratae, At in hoc autumno non naturali erant summa frigo-  
ra, et præter hoc quod frigora erant intensa, fuerunt  
etiam intempestiua, non debito tempore, facta sunt frigo-  
ra in autumno ante æquinoctium autumnale, quod fit post  
paucos dies ab ortu Arcturi: in principio Arcturi ferè,  
qui cum oriatur in principio Septembris mensis, æquino-  
ctium erit autumnale in puncto Libræ, ut circa xi. uel xii.  
diem Septembris, ante æquinoctium ergo, idest, in princi-  
pio Septembris, uel etiam in fine Augusti frigora inuale-  
re inceperunt: cum tamen in hoc tempore non sit consue-  
tum frigus esse. Fuit frigus inquit Hippoc. pluuie succede-  
bant, flabat spiritus Aquilonius, idest, Boreas, et postmo-  
dum quod peius erat, repente inualuerunt ista frigora, sal-  
tem



tem paulatim successissent; sed dicit Hippoc. SED RE-  
 PENTE, hæc pessima erat, uidete quid parabant. primo  
 scitis Boream, & flatum aquilonarem quod idem est es-  
 se frigidum cum siccitate, subtilem in substantia, id  
 eo optime penetrat ad profundum: cum penetrauerit ma-  
 xime refrigerat, & exiccat. Vnde mulieres exponentes  
 pannos Aquiloni exiccant eos, cum etiam flant uenti A-  
 quilonares maximum frigus, & penetrabile ad interiora  
 sentitur. Vnde dicebat etiam Poeta: Ne madidos intret pe-  
 netrabile frigus in artus, intelligens de Aquilone, qui sub-  
 tilis maxime penetrat in membra corporis, & cum frigi-  
 dus sit humiditatem, quæ impressa fuit magis retinet, &  
 incuneat, & exiccat: habet enim frigiditatem cum siccita-  
 te iunctam. Vnde optime etiam dicit Hippoc. in tertia A-  
 phorismorum particula, in illo Aphorismo de autumnno,  
 quod quando autumnus aquilonius fuerit multæ sunt ex-  
 pectandæ ægrotudines malæ, quia Boreas maxime pene-  
 trabilis, & subtilis est. flante ergo Borea in autumnno fiunt  
 stranguriæ, difficultates partuum, tussis, rauedines, &  
 distillationes: quia Boreas subtilis est penetrat ad profun-  
 dum, cum penetrauerit qui frigidus est & siccus compri-  
 mit corpora, & exprimit humiditatem exprimendam, si  
 quid inconeandum est incuneat, & impellit, ut non faci-  
 le possit dimoueri. cum autumnus fuisset aquilonaris, in-  
 cuneatæ, sunt materiæ in corporibus, ex pressa humidi-  
 tas. Huic postea Boreæ additus est paucus auster. ET  
 AVSTER: Auster autem, ut habetis ab Hippoc. in lib.  
 de locis, ære, & aqua calidus & humidus existit: unde ca-



# COMMENT. MONTANI

put maxime replet humiditate super: Austri caput grauā  
tes, auditum hebetantes, ut habuistis in eo Aph. tertiae par  
ticulae iam supra citato, sua temperata, & remissa calidita  
te laxabat corpora, quae fuerant compressa ab Aquilone,  
liquida faciebat, humiditateq; uaprosa replebat: magis. n.  
& facilius humiditas poterat per poros laxos penetrare.  
ex quo etiam Boreas qui de se subtilis ex poterat magis  
penetrare: ita ancipites erant effectus, & duo omnino cō  
trarij effectus, qui producebantur à contrarijs flatibus:  
Aquilonaris quidem primum exprimebat humiditatem,  
incuneabat materiam, quae incuneanda erat, comprime  
bat corpora, & constringebat: Australis contra inimicus  
relaxabat corpora constricta, & meatus cutis, humidita  
tem inducebat, & putredinem faciebat: quia Auster calix  
dus humidus putredinalis est; ita inaequales erant uenti in  
autumno. Et ideo inaequaliter etiam corpora disponeban  
tur, post flatum etiam subsequente sunt pluuie. HVMIDA:  
Videte, istud etiam maleficiū augebat: Nā si uerum est q,  
Auster relaxabat corpora, & subsequente sunt pluuie: er  
go humiditas pluuiosa facile penetrabat per poros cutis  
laxos, deinde Aquilo incuneabat, & impellebat, inaequa  
liter se habebat autumnus, modo humidus propter flatum  
Austrinum, modo humidus propter pluias, modo siccus  
flante Aquilone, talis fuit status, & constitutio totius au  
tumni inaequalis, humida astrina, Aquilonaris, pluuiosa fri  
gora maxima intēpestiua. Cum haec fuisset eius cōstitutio,  
quid deinde contigit? cum pluisset & uentus austrinus spi  
rasset, aer erat humidus obscurus. scitis autem ex Galeno,  
qua=



qualis fuerit aer, in quo continentur corpora, tales generari spiritus, ut dicebamus superius: quia spiritus secundum principia Gal. nutriuntur aere. qualis igitur aer, tales spiritus necessario, in constitutionibus humidis spiritus humidiores & obscuriores. ergo in tali constitutione autumnus spiritus crassiores, humidioresque reddebantur, obtenebrabantur, & obscuriores fiebant. spiritus crassi humidiores ergo calor naturalis humidior, debilior, & remissior: Nam cum spiritus aut sint anima secundum Galen. aut non sine his possit operari potentia animae, propter ea mutatis spiritibus anima non bene operabitur, calor quoque mutabitur, & debilior efficietur, obtundetur: & inde pessimae fient concoctiones, quia calor fortis, intensus, uehemens non potest stare cum humiditate, licet ea ut subiecta utatur, tamen si superflua fuerit calor obtundetur, & pessimae succedent concoctiones: hoc necessario sequitur in hac constitutione, in qua spiritus sunt redditi frigidiores, & humidiores, à quibus concoctiones efficiuntur, & omnes operationes: neque enim refert si dicas spiritus causare concoctiones, uel calorem naturalem: quoniam spiritus, & calor naturalis idem sunt subiecto, qui non distinguuntur nisi ratione, ut alias satis diffusè declarauimus. Quare uidetis, quod hic duae erant humiditates, una uaporosa, altera pluuiosa in autumno, uaporosa propter Austros, pluuiosa propter pluuias: una extrinseca, & alia intrinseca, id est, humiditas spirituum. succedebat deinde frigiditas, & siccitas Aquilonaris comprimens, & constringens: haec erat summa temporum inaequalitas, in qua parabantur

C iij tur



# COMMENT. MONTANI

tur corpora ad morbos malos, & uitiosos, sicut uidebitis  
 successisse: quando uidebimus, qui morbi in hac constitutio  
 ne sunt facti; mutationes temporum pariunt morbos, mu-  
 tatus est autumnus in temperie à statu naturali. ergo ex-  
 pectandi morbi: Vnde dicebat Hippoc. in lib. de locis, ae-  
 re, & aqua quòd nihil peius esse potest, q̃ mutatio ae-  
 ris à statu naturali, qui est inter omnes præcipua causa,  
 quando præsertim mutatur inæqualiter in eodem tempo-  
 re, & in eodem die. Nam tunc pessima constitutio aeris,  
 pessimi morbi pariuntur; quod etiam repetebat idem Hip-  
 pocr. in tertio Aphorif. Mutationes temporum pariunt  
 morbos: & in alio Aphorismo in temporibus, quando eo-  
 dem die modo calor, modo frigus fit autumnales morbos  
 expectare oportet: inæqualitas etenim aeris pessimè dispo-  
 nit corpora ad ægritudines. Vidistis duos oppositos fuis-  
 se uentos, Auster relaxabat meatus cutis, replebat humi-  
 ditate: Boreas comprimebat, & constringebat: pluuiæ se-  
 cutæ, ita magis augebatur aer, cum augeretur necessa-  
 rium erat, quòd corpora quoque magis augerentur, &  
 præpararentur ab aere infecto ad pessimos morbos. Vn-  
 de corpora maximè patiebantur in hac inæqualitate maxi-  
 ma temporis; hoc fuit primum tempus constitutionis hu-  
 ius, malum inæquale. Quod tempus secutum est? oportet  
 uidere, si fuisset hyems naturaliter disposita: nã tunc cor-  
 pora non essent tam malè disposita; & siquid passa fuis-  
 sent ab inæqualitate autumnus, ab hyeme in contrarium de-  
 ducerentur, & ad pristinum statum, ac temperaturam  
 propriam redderentur: Nam si sit unum tempus malum  
 præ-



præter naturam, & sequatur aliud secundum naturam, quod commissum est ab innaturali, remouetur à naturali; quod habetis ab Hip. & Gal. in commen. in 3. Apho. ubi inquit, Quod sequens tempus corrigit uitia superioris: imò etiam si tria tempora, uel duo mala præter naturam præcedant: unum autem naturale sequatur, illud remouetur omnia mala, quæ fuerunt impressa, & bona constitutio unius temporis corrigit malam constitutionem illorum omnium. in hoc anno tempus bonum non est secutum autumnum non naturalem, successit hyems peior priore, & inequalior, ut audietis. Dicit autem constitutionem illam autumnalem perdurasse per totum tempus autumnus ab æquinoctio, scilicet: Imò ante æquinoctium autumnale quod est 11. uel 12. Septembris usque ad occasum pleiadum, uel Vergiliarum, quod idem est. fit autem iste occasus Vergiliarum, quando Sol ingreditur, & accedit ad primum gradum sagittarij, primus gradus Sagittarij, in quem ingreditur sol est circa 8. 9. uel 10. uel 11. Nouembris, uel circa sicut in hoc tempore, in quo nunc sumus, huc usque protenditur autumnus, nec procedit ultra: hic fit occasus Vergiliarum, & incipit hyems. ergo usque ad nonum, uel circa Nouembris durauit constitutio autumnalis non naturalis. post autumnum in hyeme quid secutum est? Audietis: Cessauerunt Austri, accessit solus Boreas, qui coepit flare potentius & magis, quàm in autumnus. Boreas ergo maior, pluuiæ maiores, ninge bat, erat nubilosum tempus, obscurum, plenum uaporibus, modò serenitas cœli, ita inequaliter procedebat; quod

C v tem=



# COMMENT. MONTANI

tempus, & quam inequalitatem uniuersaliter appellat  
 græcè Hip.  $\mu\iota\epsilon\iota\delta\pi\iota\alpha$ , appellat enim  $\mu\iota\epsilon\iota\delta\pi\iota\alpha$  hanc in=  
 equalitatem, quia modo serenum tempus, modo pluuios=  
 um, modo nubilosum erat: isti nostri qui interpretan=  
 tur libros Hippocratis, & Gal. interpretantur mista su=  
 da, & satis quidem infœliciter: non enim exprimunt pro=  
 priè conceptum, & notam huius nominis, quod dico  $\mu\iota\epsilon\iota\delta\pi\iota\alpha$   
 male acceperunt, & male uerterunt: Nam  $\mu\iota\epsilon\iota\delta\pi\iota\alpha$   
 propriè & fideliter loquendo licet non satis fœli=  
 citer significat quod Nos dicimus admistionem nubium  
 cum serenitate, & claritas aeris mista cum nubilatione,  
 ut ita dicam, dicitur  $\mu\iota\epsilon\iota\delta\pi\iota\alpha$ : Sed quia non possumus  
 latine propriam huius nominis uim exprimere, nec fœli=  
 citer utemur nomine græco, & dicemus in hyeme fuisse  
 $\mu\iota\epsilon\iota\delta\pi\iota\alpha$  dantes uobis intelligere, quod tempus erat nu=  
 bilosum, modo serenum, clarum: pluebat, & quandoque  
 niues uidebantur, ita tempus mutatum à naturali statu  
 perseuerauit usque ad solstitium brumale à primo gra=  
 du Sagittarij, idest à principio hyemis, sicut dicit Hip. in  
 textu: HYEMS AQUILONIA, &c. Pessima  
 erat constitutio hyemis, pessimum tempus: primo hyemis  
 Aquilonia: Aquilo sicut audiuiſtis superius, est uentus  
 subtilissimus, frigidus, & siccus, qui penetrat ad profun=  
 dum, incuneatq; materiam, quæ in corpore continetur,  
 exprimit humiditatem: flante Borea aer ita refrigera=  
 tur, & Borealis trahebatur intra corpora per systolen,  
 & non solum per systolen, sed etiam per totius transpi=  
 rationem: quia pluebat, & tempus nubilosum erat: aer  
 quo=



quoque nubilofus, humidusq; trahebatur intra: cum attractus eſſet humidus aer, Borealis deinde, & Aquiloni-  
 nus comprimebat ipſum, exprimebat quod tenuius erat,  
 incuneabat. unde meatus obſtruebantur, craſſior aer at-  
 tractus reddebatur, & fiebant per totum corpus obſtru-  
 ctiones multæ, cum exprimat & incuneat, ita materia ſi-  
 gebatur, ut non facile ille remoueri poſſent, adiuuabat ad  
 hoc frigus magnum, quod eo tēpore ortum erat: FRI-  
 GORA &c. Videatis quid parabatur, quā peſſimum  
 tempus: remoueret ne uitia autumnī? certe non, magis  
 adiuuabat ad maleficiū, excrementa colligebantur, et cor-  
 pora ad malas ægritudines diſponebantur, & hoc tam  
 peſſimum tempus perſeuerauit uſque ad ſolſtitium bru-  
 male, quantum poterat confirmare id, quod imprimebat?  
 Quod ſit uerum. IAM VERO POST BRUMA-  
 LE SOLSTITIVM: Ecce uſque ad ſolſtitium hye-  
 male perdurauit conſtitutio dicta, quia ſtatim poſt ſolſti-  
 tium alia ſecuta eſt ab iſta diuerſa: Vt hoc ſciatis intelli-  
 gere uideatis Gal. in primo lib. Epid. Sectione prima, com-  
 mento etiam primo, in principio libri, quoniam quan-  
 doque Hip. loquitur de ſeptimanis, Gal. declarans tem-  
 porum diuiſionem, ut intelligeretur Hip. inquit quod &  
 ſi ſecundum Antiquiores annus haberet ſolum duas par-  
 tes, ut diſpeſcebatur per duo ſolſtitia, tamen à Poſterio-  
 ribus diuiſus eſt in ſeptē partes principales; quæ poſtea  
 à pluribus fuit acceptata diuiſio. Diuidebant ergo an-  
 num in ſeptem partes, cum quatuor ſint tempora omni-  
 no illi aliqua ex his diuidebant, aliqua indiuiſa permitte-  
 bant.



## COMMENT. MONTANI

bant, ita ut numerum septenarium complerent in partibus, Autumnus, & uer propter breuitatem temporis, quam habent, non diuidebantur, remanebant ita indiuisa, & erant duæ partes anni: Alia duo quia satis longa sunt diuidebantur æstas, & hyems: æstas in duas alias partes: hyems in tres, ita si bene numeretis consurgebant septem partes: Autumnus, & uer duæ: tres hyemis quinque: duæ æstatis septē. in totū ergo annus habebat septē partes. Neque hoc erit ingratū, Audiatis hoc, quia multum attinet ad medicum, ut cognoscat partes omnes anni, & in hoc maxima debet esse eius diligentia, multum facit ad prognosticum, & ad curationem scire quot tempora anni, qualia, & quo modo se habeant maxime circa motum, & eorum temporum spatium. Ver igitur apud Antiquos erat indiuisum propter eius breuitatem, tam breue erat, ut audietis nunc, quod pro una parte annitotum ponebatur. incipiebat autem ab æquinoctio uerno, & perseuerat usque ad ortum Vergiliarum seu pleiadum: oriuntur autem quando sol intrat primum gradū Arietis. ergo Ver incipiet circa 11. uel 12. Martij, et perdurat usque ad ortum pleiadum: quando? quando ingreditur Sol primum punctum Geminorum, idest usque ad 3. 4. 8. uel 9. Maij, dicamus nos usque ad principium Maij paulo plus, paulo minus. Ver ergo durat ab 11. uel 12. Martij: non curo nunc distinctissimè id perquirere an usque ad principium Maij paulo plus, paulo minus; ita uer erit duos menses complectens reliquum Martij, totum Aprilem cum paucis principio Maij: isti sunt  
duo



duo menses ueri, & integri: Videte quàm breue tempus erat, non poterat diuidi: & hæc est una pars anni. post ortum pleiadum incipit æstas, & perdurat usque ad ortum Arcturi, qui fit circa principium mensis Septembris, quoniam Arcturus oritur per 12. dies ante æquinoctium autumnale. æquinoctium autem fit 11. uel 12. uel 13. Septembris. ergo in principio Mensis septembris orietur Arcturus, ad quẽ terminatur æstas: Aestas erit à principio Maij usque ad principium septembris: hoc totum interiacens tempus æstas est, ut in ea contineatur id, quod reliquum est mensis Maij in uere, totus Iunius, Iulius, & Augustus: & ita habebit quatuor menses integros, uel circà: non curo, Videte quàm prolixũ tempus sit ad duplum ueris. ideo Antiqui secarunt æstatem in duas partes, ut ex uno tempore generali diuidentes duo facerent: prima pars dicitur ab illis græce ὥρæ, & est pars in qua maturatur fructus præcoces, qui ideo dicti sunt à Medicis fructus horarij, qui maturantur tempestiue eo tempore, quod est ante solstitium æstiuum: hoc totum spatium in quo maturantur fructus præcoces à principio Maij usque ad solstitium æstiuum, quod fit circa 11. uel 12. diem Iulij hæc dicitur prima pars æstatis; etiam sunt duæ partes Ver, & ὥρæ: secunda pars æstatis est spatium illud à solstitio æstiuo usque ad principium autumnii, idest ad ortum Arcturi; & in hoc toto tempore maturantur fructus non horarij, qui non sunt fugaces, nec præcoces, sed magis durabiles: & hæc dicitur ὀπώρα, non προωρα: quia de hac postea, dicitur ὀπώρα



COMMENT. MONTANI

ὁπῶρε. Sic ergo æstatem diuidimus in duas partes, in primam ὦρεν, & secundam ὁπῶρεν, & habemus iam tres partes anni. Succedit autumnus qui incipit ab ortu Arcturi, idest in principio Septembris, et durat usque ad occasum Vergilianum, quando sol ingreditur prima puncta Sagittarij, idest circa 8. uel 9. Nouembris diem, ut nunc sumus in fine autumnus, Occidunt nunc pleiades: ideo finit autumnus. Autumnus si bene aduertitis in supputando habet duos integros menses septembrem ferè totum, & totum Octobrem, & principium Nouembris, quod computatur respectu principij Septembris, quod occupatū fuit ab æstate. duos igitur habet integros menses, & adhuc ultra paulo plus longior est, quàm sit uer, quod non habet duos menses omnino completos, & perfectos. Ideo nec autumnus fuit ultra diuisus: quoniā breue admodum spatium habet. Hyems postea sequitur, quæ incipit à principio Nouembris post occasum pleiadum, et perseuerat usque ad primam partem Martij, usque ad æquinoctium uernum, quod fit in principio Martij. ergo hyems continet plus, quàm quatuor menses, longissimum est tempus. Antiqui adhuc diuiserunt ipsum in tres partes, & primam partem sementum appellabant, quia in hoc tempore seminabant, erat tempus sationis, à qua actione nominarunt ipsum sementum: secundum tempus brumale nominabant, & hoc erat medium: unde Poeta, Hæc tibi brumali gaudentia frigore rapa: dicebat, eò quòd in hac parte hyemis maxime uigeant frigora intensa: est deinde tertia pars hyemis, quæ à Græcis proprie

φύε



φυταλία dicitur ab eadem ratione, qua prima σπορά; Nam primam appellant Græci σποράν, Latine sementum à σπείρο quod sero significat, quia tempus serendi est: sic secundam φυταλίαν à φυταλίζω, quod est insero, quod hoc tempore inserantur arbores, & plantentur: illa serendi, hæc inserendi: & ita tres sunt partes hyemis, sementum, Bruma, & tēpus inserendi. prima incipit statim ab occasu Vergiliarū, & durat usque ad solstitium brumale; Reliquum tempus diuiditur in illas duas partes, in Brumam, quæ incipit à solstitio brumali, et per seuerat usque ad occasum. Tertia durat quæ est inserendi tempus usque ad principium ueris, idest ad æquinoctium uernum ad principium Martij, ita si ponatis hyemis tres partes cum alijs quinque, ut prima sit uer, secunda ὥρα, quæ est prima pars æstatis, tertia ὀπωρα, Secunda pars æstatis, quarta autumnus, quinta tempus serendi, sexta Bruma, septima inserendi tempus erunt omnino septem partes anni per diuisionem duorum temporum, quæ cum sint quatuor principalia, duo propter breuitatem spatij remanent indiuisa, alia duo diuiduntur, Ver & autumnus indiuisa, æstas & hyems diuiduntur: æstas in duas partes; hyems in tres: æstas in ὥραν: et σπωραν: hyems in sementum, brumam, & φυταλίαν. ergo sunt septem tempora anni secundum Antiquos, licet etiā secundum antiquiores duæ tantum essent partes anni secundum duo solstitia: hæc est anni distinctio in sua temporalia, quam necessariò oportet scire in medicina, quoniā maximum refert Medici cognoscere tempora anni & ad cu-

ran=



# COMMENT. MONTANI

randum, & ad prognosticandum: necessaria etiam fuit.  
 distinctio ista ad intelligentiam eorum, quæ hic ab Hippo-  
 crate dicuntur. Dicit igitur Hipp. quod perseveravit  
 illud tempus tam malum, & præter naturam cum plu-  
 uis cum dicat ipse **IMBRES ERANT** &c. perse-  
 ueravit ita hyems cum pluuiis magnis largis, & multis  
 usque ad brumale solstitium, ita uel tota prima pars fuit  
 talis à naturali statu mutata, quæ est sementum, fuit plu-  
 uiosum spirantibus Aquilonibus: in secunda deinde parte,  
 quæ sequitur sementum, & est brumale tempus incepe-  
 runt flare zephyri, idest in media hyeme post solstitium,  
 in quo incipit Bruma. **IAM VERO** post brumale  
 solstitium, & ubi Fauonius spirare cœpit &c. incepit  
 spirare Fauonius: Fauonius est uentus, qui spirat ab occi-  
 dente contra Septentrionem, non debebat in eo tempore  
 spirare, maxime in regione temperata, si spirauit est indi-  
 cium, quod malè afficiebat aerem continentem, & corpo-  
 ra humana offendebat: in Thaso nanque in sula tempe-  
 rata, quæ est in principio quinti climatis, uel in fine quar-  
 ti non sit dissidium, & in finitimis regionibus tempera-  
 tis, ubi omnia temperata sunt non debebant spirare zephy-  
 ri, nisi fuisset constitutio non naturalis. incipientibus igitur  
 zephyris, quos Fauonios dicimus Aquilones desierunt,  
 quia isti uenti sunt oppositi & sibi contrariantur; in con-  
 trariis etiam regionibus situati sunt, & à partibus mun-  
 di contrariis spirant: sicut enim zephyrus spirat medius  
 inter occidentem, & meridiem, sic Aquilo spirat medius  
 inter orientem, & Septentrionem. Ecce quo modo de  
 dia=



diametro sibi per paralellum opponuntur in spirando, cum unus spirat, alius non spirat: nunquam simul spirant, & hæc est causa, quam tradit Aristoteles qui in 26. si me mini particula Problematum proponit unum problema, & querit cur est quod cum incipiunt zephyri spirare statim cessant Aquilones? Respondet, quia sunt uenti oppositi, & sibi contrarij. ideo dicit Hippoc. cessantibus Aquilonibus in solstitio annuali inceperunt flare Fauonij uenti intempestiue, qui non debebant adhuc spirare, hyems propterea exasperata, non debebant tam citò flare, frigora erant, pluuia & nix: pluebat continuè & multum: Exasperata inquam fuit extrema, & ultima pars hyemis: quia cessantibus Fauonijs incepit adhuc Boreas multum spirare, frigus erat, ita perseuerauit ista constitutio hyemis usque ad æquinoctium, idest, ad principium ueris, maiora facta sunt omnia usque ad illud tempus, nubilosus aer, procellosus, & maxime obscurus, ita processit hyems. Debebat sequi uer temperatum, æquale, calidum, humidum, & sic corpora non tam malè fuissent affecta, sed & ipsum fuit intemperatum inæquale: audiat quid dicit Hippocr. in textu: VER AVTEM frigidum, Aquilonium &c. non fuit temperatum, sed frigidum, & siccum inæquale, quæ est propria temperies autumnij: uer debet esse calidum, humidum, temperatum si corpora debent bene habere, & ita uerum erit, quod uer secundum naturam conseruat corpora humana in sanitate. sed quid fuit, uer non solum non fuit temperatum, sed etiam ad oppositam intemperiem mutatum, nempe ad frigidam & siccam: flabant Aquilonij &

D plu-



# COMMENT. MONTANI

pluuijs nubilosum erat, fuit frigidum: bene uerum est quod & si ratione Aquilonis sicum esse deberet, tamen propter pluuiarum copiam, & nubium multitudinem fuit humidum. Successit ultimò æstas, quæ si fuisset naturalis, & in naturali temperie consistens calida & sicca fortè natura adiuta fuisset, & corpora reducta ad statum meliorem sanitatis, excrementa per tria superiora tempora congregata, & retenta resoluta fuissent, ac inanita, corpora sine excrementis adhuc sicut prius sana essent. sed quid fuit? **ÆSTAS NON** admodum fuit feruens &c. fuit etiam æstas à naturali temperie mutata, sicut & superiora tempora: ideo uidete quomodo augebat maleficium, inæqualis erat, Aquilonaris cum caliditate remissa, pluuiosa in fine Aquilone spirante: uidete quomodo corpora debebant affici, & languere; uirtutes debilitatæ sunt omnes, spiritus humidi obscuri, non lucidi, excrementa à remissa caliditate non fuerunt resoluta, imò magis congregata, & malum malo additum. debebant igitur esse ægri tudines multæ malæ; hæc temperies æstatis non naturalis extra suam naturam perseuerauit usque semper fuit humidum tempus, inæquale modo frigidum, modo parum calidum. Post solstitium æstiuum quid contigit? Scitis quod solent spirare quidam uenti singulis annis, qui à Græcis dicuntur ἐπνοῖα, eò q̄ certis temporibus, & statutis diebus flare incipiant: ethesiæ sunt species omnino Boreæ, flant ab eodem situ, & regione, & ijdem sunt. ideo specie non differunt, quando Boreas flat post solstitium dicitur ἐπνοῖα, ita certo eo tempore singulis annis aspira-

re



re incipiat, uel uenti ἐπὶ τοῖς ab his, qui interpretantur  
 subsolani uocati, quid post solstitiam statim quando sol re-  
 cedit à nobis, incipitq; abire à zenith nostrorum capi-  
 tum, & sunt idem cum Borea, uel de eius familia: sed in  
 hoc differunt, quia cum sint Boreales quidem, non sunt ta-  
 men tam asperi sicut boreas simplex; humidiores sunt, &  
 benigniores, & mitiores: cū sol à capitibus nostris recedit  
 incipiunt flare ἐπὶ τοῖς quocunque anno: dicuntur ἐπὶ τοῖς  
 ab ἐπὶ τοῖς, quod est certum & statutum, qui post solstitium  
 semper flant, causam optime & diuine: nescio quid magis  
 reddebat Arist. in secundo Meteororum: uideatis locum,  
 certe in hoc fuit resolutus. Dicebat ibi Arist. quando sol  
 est supra capita nostra, & nobis propinquus ante solsti-  
 tium, ac æstiuas uersiones in puncto cancri, & si maxi-  
 mus sit æstus, & calor solaris, non tamen potest resoluerе  
 niues & humores, qui sunt in partibus illis Borealibus  
 frigidissimis licet sit calor uehementissimus propter di-  
 stantiam maximam inter solares radios rectos, & regio-  
 nes, Aquilonares non possunt resolui humiditates: scitis  
 enim in Aquilonaribus partibus maximas niues eo tem-  
 pore esse, & pluuias, humores, glacies, & multas humi-  
 ditates. propter distantiam igitur solis colliquantur, sed  
 neque perfecte, cum sol magis ad illas partes accedat, &  
 fiat propinquior colliquat omnino, ut quando accedit  
 ad punctum Leonis, & niues, & glacies, ex quibus col-  
 liquatis deinde à caliditate solari in uapores, & exhala-  
 tiones eleuantur, & ita fiunt uenti Boreales, & insur-  
 gunt ἐπὶ τοῖς, si magis accedat cum à nobis recedit ad

D ij par=



# COMMENT. MONTANI

partes Aquilonares, quia magis propinquus est humiditatibus resoluit, & exiccat, ut antequam exhalationes generentur prius resoluta sit humiditas, & materia uaporationis: post solstitium insurgunt, quia sol ibi colliquare potest glacies, non resolvere ante uersiones aestiuas non fiunt isti uenti, quia non possunt colliquari glacies & humiditates propter multam solis distantiam; in solstitio resoluntur antequam exhalent propinquo sole existente: post solstitium uero colliquari commodè possunt. inde fiunt ἐπιδυαί. melius ergo dicamus ante solstitium, cum sol est in primo puncto cancri, & ante: aquae congelatae & glacies non possunt resolui, nec colliquari: ideo etesiae non spirant, in solstitio cum sol magis cancrum penetrat propinquus existens Aquilonaribus regionibus non solum colliquat, uerum etiam resoluit, & exiccat, ut non possint euaporare deficiente humiditate: post solstitium commensuratè distans calor colliquat, & exhalationes efficiuntur, ex quibus consurgunt uenti etesiae, haec est causa Aristot. propter quam non flant alio tempore isti uenti, nisi post solstitium, quando sol ingreditur punctum Leonis: ita bene diximus, non antea: in hoc nostro anno inceperunt flare etesiae, & perseuerarunt ante solstitium, & per totam aëstatem: qui non potuerunt esse, nisi praeter naturam, quia si etesiae spirant, & efficiuntur propter plurimos uapores, hic non erat causa, quam dicit Aristot. non erant exhalationes, quia caliditas debilis, & remissa non potens colliquare congelatas aquas, imò potius tepiditas quaedam: & quia non erat causa Arist. non



non est iudicandum fuisse, nisi non uaturaliter propter humiditatem multam & post etesias secuta est frigiditas & flabat Aquilo, secutum est contrarium, cum debuit esse calor fuit frigus, secutæ sunt pluuie in fine æstatis ferè sub Arcturi principium. Hæc est secunda constitutio posita ab Hippocrate, & breuiter recitata, quæ sicut est ordine secunda, ita etiam peior est priore, fuit constitutio Aquilonaris frigida, humida: prima quidem erat frigida humida, Austrina nebulosa, habebat uaporosam humiditatem subtilem, quæ maxime penetrat, sed cito resoluitur hæc Borealis cum humiditate aquea: sicut illa habebat frigiditatem, ita hæc illa humiditatem uaporosam, quæ cum penetrauerit citò resoluitur: ideo minus mala est, hæc humiditatem habet aqueam, quæ ubi penetrat incuneatur, & non facile resoluitur: illa fuit austrina nebulosa, hæc Aquilonaris pluuiosa, maxime adiuuabat Aquilo ad penetrationem pluuiosæ humiditatis, incuneabat, & comprimebat. unde malæ & peiores ægritudines parabantur, quàm ægritudines, quæ fuerunt in prima: crassior, & etiam difficilius resoluitur cum impressa fuerit, peior fuit primo, quia Aquilonaris humida pluuiosa: pariebat obstructions: Aquilo enim comprimebat humiditatem pluuiosam, & magis incuneabat. unde meatus cutis, & foramina uasorum obstruebantur: secundo peior fuit, quia cum hac malitia aliud maius maleficium adiungebatur, quod erat inæqualitas temporis, quòdque tempus modo Aquilonare, modo frigidum, modo tepidum ex hac inæqualitate multæ & uariæ parabantur ægritudines. in

D iij prio=



# COMMENT. MONTANI

priore constitutione non erat tanta inæqualitas : scimus autem tempus inæquale peius esse æquali, propterea quod in ipso plures, & peiores oriantur morbi. Vnde dicebat Hippocr. in tertia par. Aphorif. inconstantibus temporibus cum tempestiue tempestiua redduntur, morbi constantes, & boni iudicij fiunt: in inconstantibus autem inconstantes, & mali iudicij, quia male terminantur. & in alio Aphorismo intemperibus quando modo calor, modo frigus &c. pessima sunt tempora inæqualia: Hæc constitutio ita inæqualis necessario parabat, & disponebat corpora humana ad multas, plurimasq; & pessimas dispositiones: si legatis Hippocr. in reliquo usque ad finem horum textuum uidebitis omnes morbos, qui secuti sunt hæc inconstancia tempora, fuisse pessimos, & peiores his qui in prima acciderunt: neque enim profiteor ego omnes recensere, nec totum textum exponere, omnia sunt clata, quæ sequuntur, & multi sunt morbi, quos non possumus recensere, dum tendimus magis ad nostrum intentum principale, dico solum aliquos potius, exempli gratia, quam quod uelim de his sermonem habere longiorem: Videbitis si textum percurreris usque ad finem, quam uarij & mali morbi orientur, multi ægrotabunt & pessime habebunt, cuius rationem etiam breuiter hic recensere possumus. Quia si constitutio anni sit non naturalis sibi constans à principio usque ad finem recedens ad talem, uel talem intemperiem ægrotant solum illi homines, qui in intemperie conueniunt. si sit constitutio tota humida, qui habent humidam intemperiem solum ægrotant: alij uel nul-



li, uel pauci: sic in sicca sicci, in calida calidi. Nam qui contrariae sunt temperaturae resistunt illi constitutioni, non aegrotant: & si aegrotant illi, qui cum constitutione conueniunt moriuntur. At si tempus sit inaequale non constans, uarians in constitutione plurimi, & omnes aegrotant secundum inaequalitatem constitutionis, & pessime aegrotant, multiq; moriuntur, si uerum est quod modo calidum, modo frigidum, modo humidum, modo siccum & hi, & illi aegrotant, pessimos morbos ita patiuntur isti, sicut illi: est par ratio, quod morbi omnium sint inaequali dispositione, & malitia, & non solum uerificatur in temperaturis uarijs hominum, sed etiam ratione aliorum, ut propter sexum, uel tempora, & aetates pariter omnes aegrotant in inconstantibus temporibus, sicut in hac constitutione secunda, & morbi, qui accidunt sunt perniciosi. Ideo dicit Hippocr. in Aphorif. & mali iudicij, quia male terminatur uel ad mortem, uel faciunt recidiuas: erant deteriores, quam in prima propter humores crassiores in corpore collectos, & crassifectos multitudine pluuiarum, & aeris crassitie spiritus sunt crassiores, obscurati, uirtutes debilitatae omnes, stante uirium imbecillitate, & crassitie humorum resistente non poterat aliquo pacto fieri bona crisis: uirtus non regebat humores, quia multum resistebant rebelles natura. Videte modo etiam Hippoc. & uidebitis ipsum numerare omnes morbos contigisse in hac constitutione cum malo iudicio, hoc secundum principia Hippoc. & Galen. sequitur necessario, quotiescunque uirtus est debilis, humores crassi in corpore

D. iij pore



## C O M M E N T . M O N T A N I

pore necessario semper sequitur mala crisis: rationi postea respondit etiam experientia: Hactenus habetis secundam constitutionem, quæ fuit in Thaso; Videbimus cras tertiam.

Declaratis iam duabus constitutionibus positis de Hippocr. in hoc primo lib. Epidemiarum, superest modo tertia, quæ quidem multum ad nos attinet, & est totum nostrum intentum in hoc anno: Nam casus omnes, ut postea in re ista melius uidebitis, qui proponuntur in hoc lib. sunt casus, qui contigerunt in hac tertia constitutione. ideo tertia constitutio erat necessario præscienda ad rectam cognitionem eorum, quæ dicentur in casibus particularibus. Volui uobis declarare & breuiter colligere illas duas etiam, ut totum hunc primum librum perfectum habeatis, ne haberetis opus imperfectum propter duas, uel tres lectiones: duas primas cõplexi sumus in duabus lectionibus; tertiam in hac lect. complebimus; & ita breuiter extrarem licet in re habebitis, & intelligetis omnia, quæ in hoc libro continentur usq; ad nostram partem quæ est de Philisco, & præter quod intelligetis ea, quæ dicemur ab Hip. non erit hoc etiam inutile uobis, quia ex his cognoscetis constitutiones temporum, & scietis in illis optime procedere sicut processit Hip. non sumus igitur frustra hactenus in his uagati, uobis utilia erant non modo ad textum, & ad ea quæ dicentur in hac parte libri, uerum etiã ad optimam temporum dignotionem, in qua decet medicum esse perfectissimè exercitatum, & maxima debet esse

se



se eius cura in hac parte. Hæc tertia constitutio est omnium pessima, quam præ manibus habemus, & ita processit Hip. ordinare in ponendis his tribus constitutionibus tanquam per tres gradus ab infima ad supremam ascendens, à mala ad peiorem, à peiore ad pessimam. Vidistis secundam peiorem prima, nunc audietis tertiam peiorem adhuc secunda, & sic omnium pessimam. Et ut in hac ordinate procedam, (et sciatis quod hoc fuit præcipuum studium Hip. ut per gradus semper ad peiorem ascenderet) primo proponam totam tertiam constitutionem; & uerba Hip. exponam, deinde ad propositum veniemus, quæ ægritudines in hac contigerint? Dicit Hip. in Thaso eadem insula fuisse hanc constitutionem, sicut et alias duas, ponā primo uerba: IN THASO PAULO ante Arcturum, & sub Arcturo multi, & magni spirante Aquilone imbres & c. iste est autumnus tertiæ constitutionis positus ab Hip. sicut primæ duæ incipiebant ab autumno, ita hæc tertia constitutio ortum habuit ab autumno: diuiditur hic autumnus in duas omnino partes: prima pars est incipiendo paulo ante Arcturum, fuit una constitutio aeris ante Arcturum parum sub Arcturo usque ad æquinoctium autumnale: est alia constitutio ab æquinoctio usque ad occasum Vergiliarum, & finem autumni: Autumnus enim (ut scitis) perdurat per duos menses incipiens ab ortu Arcturi usque ad occasum pleiadum, Arcturus oritur ante æquinoctium 12. diebus: æquinoctium est circa diem duodecimum Septembris: ergo in principio Septembris Arcturus oriens con-

D v sti=



## COMMENT MONTANI

stituit autumnum. paulò igitur ante Arcturum, & sub  
 Arcturo, idest in principio mensis Septembris, uel in fine  
 Augusti paulo ante principium Septembris incepit con-  
 stitutio aeris mutari ad statum non naturalem, pluuiæ  
 magnæ, plurimæ spirante Aquilone ortæ sunt. Videte  
 hanc tertiam constitutionem quo modo ualde similis erat  
 in principio autumnii cum superioribus duabus, si memi-  
 nistis processum earum, maxime tamen cum priori secun-  
 da in ordine: Nam in principio secundæ pluuiæ largæ,  
 multæ inceperunt spirante Aquilone, ita in tertia spira-  
 bat Aquilo, multæ pluuiæ, & magnæ erant. Duo erant  
 pluuiæ, & Aquilonaris uentus, quæ hanc constitutionem  
 faciebant præter naturalem. Audiuitis heri quo modo  
 ista duo sunt contraria, & faciunt oppositos effectus;  
 Aquilo est uentus subtilis, tenuis, frigidus, subtilitate pe-  
 netrat ad partes profundas, cum penetrarit comprimit,  
 & refrigerat, pluuiæ propter multam humiditatem hu-  
 mectant, & incrassant aerem. aer ergo in contrario e-  
 rat, anceps, cum corpora penetrabat, propter Aquilonem  
 penetrabat, propter pluuias humectabat: cum aer humi-  
 dus penetraret deducebatur ad profundas partes ab A-  
 quilonari uento, & incuneabatur, ut non facile posset re-  
 solui: inde obstructions multæ factæ sunt in corpore in-  
 crassata humiditate, & incuneata, obstructionibus exi-  
 stentibus non poterant diffilare corpora, & hoc maxi-  
 mum erat in tali constitutione nocumentum, quod ut re-  
 cte intelligatis, Debetis scire secundum Hip. in 3. Apho.  
 quod proprius effectus Aquilonii uenti est, ut penetret  
 ad



ad profundum, et ita penetrat, ut ad uesicam usque perueniat, & stranguriam efficiat, obstructionsq; generet, ut urinae non facile exeant: attrahitur deinde humiditas aquea, pluuiosa per anhelitum, et totam transpirationem: quae cum ab Aquilonari uento comprimatur, et incuneetur magis obstructions parit, prohibet euentationem, et inducitur putredo in humoribus corporis. Videte quam similes fuere isti duo autumnii: perdurant hic status coeli in autumnno à principio Arcturi, & paulo ante Arcturum usque ad æquinoctium: ut circa 12. uel 13. uel 15. dies in totum perseuerauerit, non determinatur dies, quae incepit. ideo nos poterimus ita supponere uel paulo plus, uel minus, nihil refert, scimus quod per hoc tempus fuit una temperies aeris præter naturam Aquilonaris, pluuiosa, successit alia temperies in reliquo autumnii ab æquinoctio usque ad occasum pleiadum, uel Vergiliarum usque ad finem autumnii principium hyemis, quando Sol ingreditur primum punctum Sagittarii: in toto hoc tempore longiore pluuiae non cessarunt, loco Aquilonis successit auster: stante igitur Austro pluuiae erant. uideatis Hip. quid dicat. AB AEQVINOCTIO usque ad Vergilias &c. incipiendo ab æquinoctio usque ad principium hyemis fuit tempus pluuiosum, Austrinum, pluuiae autem erant paucae, & modicae: Notate quare dixit paucae modicae? non immerito hoc additum est ab Hip. quia superius in prima parte autumnii dixerat pluuias magnas, multasq; fuisse, ad differentiam hoc addidit: Quare autem duplicauerit uerba, magnae multae, paucae modi-

cæ



# COMMENT. MONTANI

*cæ* interpretatur Gal. in comment. dicens quod Hip. per  
 magnas ostendit quantitatem, per multas uices, ita ut sæ-  
 pe plueret, melius magnitudo significat quantitatem con-  
 tinuam, in magna erant quantitate, sed multitudo quantita-  
 tem discretam, uel numerum uicium: scitis enim duas es-  
 se species quantitatis continuam, & discretam, ut habetis  
 in prædicamentis. in hac secunda parte autumnii Auster  
 flabat, pluuiæ paucae, modicæ, idest parue in magnitudine  
 & quantitate continua, & paucae in quantitate discreta,  
 & in numero, in uicibus, raro pluebat & modicum: lar-  
 ge uero quod in superioribus etiam addebat, quando dice-  
 bat: imbres multi, magni, largi significat magnas pluuias,  
 repentinas, & uehementes fuisse, ita si bene aduertistis  
 status principii autumnii humiditatem habuit, fuit humi-  
 dus spirante Aquilonari uento, pluuiosa fuit humiditas do-  
 minans non uaporosa. Sed habuistis superius, quod nunc  
 breuiter repeto humiditatem duplicem esse alia est plu-  
 uiosa propter pluuias, alia uaporosa propter nebulas et  
 caligines: hoc audiuitis, oportet modo supponere, quod  
 totus autumnus huius constitutionis fuit humidus non u-  
 nica humiditate: nam duplex in eo erat humiditas, à prin-  
 cipio usque ad æquinoctium humidus humiditate pluuiosa,  
 erant pluuiæ magnæ, multæ: ergo crassa, obscuraq;  
 humiditas, quæ ab æquinoctio usque ad finem uaporosa  
 fuit humiditas non pluuiosa: licet etiam aliquæ fuerint  
 pluuiæ, paucae tamen & modicæ. Itaque autumnus omni-  
 no fuit humidus duplici humiditate partim propter plu-  
 uias, partim propter nebulas & uapores adiunctis pau-  
 cis



cis pluuiis modicis. Hæc quantum ad passiuas qualitates attinet, fuit autumnus humidus, qui debebat esse siccus secundum suam temperaturam cum hac humiditate postea caliditas addita fuit. Quantum ad actiuas qualitates caliditatem, & frigiditatem à principio fuit frigidus, in secunda parte cum humiditate calidus : unde magis suffocabantur spiritus, & humidiora corpora efficiebantur : Quod ut intelligatis, audiatis, oportet meminisse quemadmodum Aquilo frigidus et siccus est uentus, qui dominās in principio autumnii reddidit eam partem frigidam cum humiditate pluuiosa : sic Auster est humidus & calidus : ideo cū caliditate humiditas dominabatur in secundo tempore. quantum autem faciant ad suffocationem maxime spirituum manifestum est, & præsertim quando humiditate caliditas remissa adiungitur qualis est in hoc autumno; ita calidus est, ut potius tepidus dici debeat. Videte quā pessimus autumnus totus inæqualis, intemperatus: erat primo inæqualis quoad qualitates passiuas, modo pluuiæ, modo nebule, quæ diuersos effectus produciunt: inæqualis etiam in actiuis modo frigidus, modo calidus, non potest esse peius tempus, in omniibus qualitatibus inæquale, necessario parabat corpora ad multas, & pessimas ægritudines : Nam sicut quando constitutio temporis autumnalis est regularis, corpora conseruantur in sanitate, sana degunt : ita quando est inæqualis, & irregularis morbi sunt expectandi, & quidem mali iudicii, ut habetis ab Hip. in eo. 8. Aph. tertie part. supra citato : hic autumnus erat inæqualis intemperatus, sicq; expectan-

dæ



# COMMENT. MONTANI

de male ægri tudines , ita processit autumnus . Sequuta  
est hyems intemperata non in propria natura frigida &  
sicca: audiatis Hip. H Y E M S aquilonia , frigidi uen=  
ti & squalores &c. Notate hyems fuit frigida spi=  
rante Aquilone cum magnis niuibus squalida , & sic=  
ca : sicca quidem ad bonum sensum non eodem modo quo  
dicunt Grammatici proprietatem uerborum inquiren=  
tes, non accepit siccitatem eo modo, uel squalorem Hipp.  
Nam id squalidum est quod habet partes incontinuas  
propter plurimam siccitatem, quod à Græcis proprie di=  
citur αὐχμυρός uel αὐχμυρός dicatis quomodocunque,  
& est proprie quando terra est arida in medio æstatis  
maximis æstibus, ita ut propter maximam siccitatem ter=  
ræ partes inuicem separentur, & apparet incontinua=  
ta: uidistis credo, sæpe in æstate tellurem habere multas scif=  
suras & hyatus prouenientes ex partium incontinuita=  
te, & separatione : aperitur etenim terra hæc à nimia  
siccitate, summa scissura in ea efficitur : inde partes in=  
continuatæ efficiunt asperitatem, & inæqualitatem in su=  
perficie : hoc proprie dicitur αὐχμυρός à Græcis, à no=  
stris squalidum , cum dicit Hip. hyems fuit squalida,  
αὐχμυρός non credatis, ut notauit Gal. in prima consti=  
tutione posita, quod Hip. intelligat illam magnam siccita=  
tem, & ariditatem, hoc apud Hip. non sonat squalidum ,  
uel αὐχμυρός græcè , sicut siccitas est in media æstate ,  
quando terra aperitur , nunquam est tanta intemperies  
sicca in hyeme, ut partes terræ disgregentur, & scindan=  
tur, sit quantumcunque magna, sit intensa quantum uult.

in=



intelligendum ergo est squalidam fuisse hyemem, siccam  
 tanta siccitate, quanta potest in hyeme contingere innatu-  
 raliter disposita, non est intelligendus crasso modo Hip.  
 omnia ad bonum sensum accipienda sunt. Erat igitur  
 (inquit) hyems sicca, arida, frigida, Aquilonarisq; : me-  
 ritò, si meministis, dicebamus superius, quod Aquilo est  
 uentus, qui semper refrigerat & exiccat, quotiescunque  
 spirare incipit, semper refrigerat, exprimit humidum, et  
 exiccat aerem : si hoc perpetuo sequitur ad Aquilonem,  
 & in quocunque tempore spiret, quanto magis in hyeme,  
 quæ naturaliter disposita in propria manens temperie est  
 frigida, & sicca : quod si humida uideatur non est ratio-  
 ne sui, sed propter pluuias, in hac hyeme nihil erat, quod  
 humectaret aerem, non pluebat, Aquilo spirabat. Qua-  
 re necessariò debebat sicca esse hyems, omnia adiuuabant  
 ad siccitatem, frigida etiam meritò, quoniam Aquilonaris  
 præter propriam temperaturam : MAGNAE NI-  
 VES. Non miremini, quod inferat etiam niues fuisse et  
 magnas, quod niues humidae sint; neque tamen impediunt  
 niues aeris siccitatem, potest esse siccitas aeris, & tamen  
 nix magna decidat, hoc præter rationem uidetur. Vos  
 uidistis anno elapso, in quo primum plurimæ, & maxi-  
 mæ fuerunt niues : deinde successit Aquilo, spirauitq; per  
 multos dies, qui ita constipauit, & compressit niues, aerẽ  
 refrigerauit, & omnino niues congelauit, ut supra ter-  
 ram permanserint per duos menses quandoque, uos exper-  
 ti estis anno præterito cum uestro damno, & si niues e-  
 rant in terra, tamen aer lymphicus, lucidus, clarus, & sic-  
 cus



# COMMENT. MONTANI

cus erat, et l' strizegana, apparebant niues usque ad æqui-  
noctium uernum, in hac aeris constitutione niues magnæ  
erant congelatæ, terra humida propter niues, sed uer sic-  
cū flante Aquilone, ut etiam terra sicca ex congelatione  
uideretur: IAM SVB æquinoctium frigora maxi-  
ma: Erat necessarium, ut esset maximum frigus, quia fla-  
bant uenti frigidi, ut dicit in textu, erat nix congelata su-  
pra terram, quæ maxime refrigerabat aerem: tota igitur  
hyemis constitutio breuiter fuit ista frigida & sicca  
Aquilonarum: VER AQVILONIVM, squalores,  
pluuiæ paucae, & frigide, &c. Erat sperandum quod  
uer naturale & salubre succederet; si debebat esse salu-  
bre, quod spirarent uenti zephyri, ut spirant in debito ue-  
re, quod de se temperatum existit, ita aer fuisset contem-  
peratus in suis qualitatibus, & colliquerentur niues, &  
tempus rediret ad suam naturam, ita forsitan quod uitium  
secatum erat ex hyeme non naturali remoueretur, et cor-  
pora bene ualerent, ut solent in uere temperato: sed quid  
contigit circa æquinoctium? incepterunt perspirare Aquil-  
onij frigidi & sicci, cum tamen deberet esse calor in ue-  
re cum humiditate temperata: ista est temperatura au-  
tumni, non ueris, paucae pluuiæ: parum enim pluebat, nō  
humectabatur aer ex illis paucis pluuijs. ergo siccum eo-  
dem modo uer fuit frigidū Aquilone spirante. uideatis nun-  
quid adiuuaret ad remouenda uitia hyemis & autumnij  
non naturalis, potius augebat maleficium, hæ qualitates  
dominabantur in uere præter naturam: & quantū per-  
durauit hæc constitutio? per duos menses, sicut est uer;  
di=



dicebam in superiori lectione uer complecti ferè duos per  
 fectos menses . fuit ne per hos menses talis constitutio ?  
 perdurauit usque ad canem, canis oritur , quando sol in=  
 greditur Leonem : ortus autem Leonis est circa 11. uel  
 10. uel circa Iulij, perdurauerunt magna frigora à prin=  
 cipio ueris Aquilone flante usque ad principium canis, fri=  
 gidity magna fuit in his mensibus, multis & multis die=  
 bus perseuerauit, comparatæ uosmetipsi , incepit à prin=  
 cipio ueris, idest, in principio Martij paucis diebus præ=  
 termisissis: Martius ergo Aprilis, Maius, Iunius cum illo  
 pauco Iulij quod supplet defectum Martij per hos qua=  
 tuor integros menses durauit hæc constitutio aeris frigi=  
 da, maximeq; sicca cum paucis pluuijs, Aquilonaris: No=  
 tetis Hippoc. inquit CIRCA SOLSTITIVM æ=  
 stium imbres pauci, magna frigora usque ad canem, ma=  
 gna fuit hæc intemperies, ut etiam circa solstitium æsti=  
 uum circa principium canceri tanta fuerit, quod non modo  
 non erat calor, qui eotempore maxime uiget, sed frigo=  
 ra erant, & quidem magna dicit Hipp. Nam uidete mo=  
 do, si debebat esse magna intemperies, ut eo tempore, quo  
 dominari solet contrarium in summo, dominetur alterum  
 contrarium & in summo, ista sunt perpendenda, frigora  
 erant & magna, non miremini : Nam ego memini quan=  
 doque fuisse tam magna frigora in media æstate circa sol=  
 stitium æstiuū in die sancti Ioannis Baptistæ, ut oportue=  
 rit me tota illa die mansisse apud ignem, quādo debebat es=  
 se æstus & debebam uentilari, perdurarunt hæc magna  
 frigora non propter aliud, quā propter uentos frigi=  
 dos



# COMMENT. MONTANI

dos, quia semper spirauit Aquilo flatus frigidissimus, non est audiendum hoc aliter, neque aliter potest intelligi fuisse, sicut in superioribus temporibus frigora fuerunt, ita in æstate, spirabant uenti frigidi, Aquilo, qui et in illis spirare solebat, fuerunt omnia similia tempora, et eadem constitutio ferè perseuerauit, sed modo pluuiæ, modo non, modo pluuiæ multæ magnæ, modo paucae modicæ, totum hoc tempus usque ad 2. uel circa Iulij quando oritur canis. VSQVE AD canem, postea quid contigit. A CANE AD ARCTVRVM usque æstas calida, æstus magni etc. Notetis, dicit repente inuasferunt maximi calores, et feruentissimi æstus continui uehementes, non crescebant paulatim, heu quàm pessima constitutio, nunc in uigore æstatis magna erant frigora, debebat sensim aer alterari ad contrarium, et calefieri: sed statim et repente inceperunt maximi æstus suffocantes magni, et continui, non intermittebant, consideranda sunt omnia ista: putate per uos an corpora deberent languescere, et uirtutes debilitari: natura enim non tollerat mutationes repentinas, cum neq; ipsa inoperando faciat saltum, procedit ab extremo ad extremum per aliquod medium, multum passa est ex hac repentina mutatione, non perdurauerunt autem isti æstus magni, nisi usque ad principiū Arcturi per duos menses ferè, idest, usque ad principium Septembris in quo incipit autumnus, et finitur æstas, hoc tempus ita præter naturam fuit constitutum. Notetis igitur quod Hipp. non frustra dixit illud, repentini, et addit, magni, non sensim incrementes non interuallo, sed continui, sine plu-



pluujs spirauerunt etesiae: Dicebamus si recte memoria tenetis, quod etesiae uenti erant, qui eo quod certis, statutisq; temporibus anni spirabant statim post canem, dicti sunt ἑτησίαι, sunt uenti benigni, post ortum canis exurgentes; & generantur quemadmodum dicebatur ex Ari. sententia in secundo Meteororum, & bene, quoniam sol propinquus existens aquilonaribus regionibus frigidissimis, in quibus niues, & aquae sunt congelatae, colliquat, facit exhalationes multas non resoluens, ex quibus exhalationibus fiunt etesiae maiores, uel minores secundum potentiam caloris solaris, & copiam exhalationum. Est autem uentus iste frigidus omnino similis Boreae, benignior & mitior; imò plus dicam, est ipsemet Boreas humidior & benignior, remissior: dicitur etesia non alia ratione, nisi quia certo tempore cuiusq; anni flare incipiat, ut significat eius nomen apud Graecos ἑτησίαι ab ἑτος, est uentus ordinatus, & quasi autumnalis, aura moderata, suauius in aestibus magnis: CIRCA arcturum &c. fuit aestiua illa tempestas ita disposita usque ad Capricornum, circa principium modo Arcturi alia fuit aeris dispositio, & est ultima pars huius constitutionis, circa ortum Arcturi in principio autumnus inceperunt flare austri uenti, pluuiae erant, totum tempus humidum fuit australe, pluuosum, & perseverauit à principio Septembris, in quo oritur Arcturus usque ad aequinoctium uerum: ut dicit Hippocr. in textu, aequinoctium uerum fit circa aliquot dies Martij, uidistis hoc superius non est repetendum. igitur longissima fuit ultima pars constitutionis, quae durauit



# COMMENT. MONTANI

ferè per sex menses : nam Arcturus circa principium Septembris oritur, æquinoctium uernum circa x. uel xi. uel circa Martij totum tempus inter medium fuit præter naturam humidum austrinum, September, October, Nouemb. December, Ianuar. Febr. & pauculum Martij, per tres menses integros durauit si bene computetis: Fuit ista constitutio pessima in qualitatibus: ergo & pessimas parabat ægritudines. Consideremus modo effectus huius constitutionis, quos nam potuit producere effectus, in hac erit utilitas maxima, uidebitis quantam uobis id afferet utilitatem tum circa curationem, tum circa artem prognosticandi: hic erit effectus huius nostri consilij; credite mihi si unquam alia nobilis fuit lectio, aut pars ista erit: si unquam alia lectu digna hæc est illa & ad cognoscendum morborum, essentiam, & ab futuram prædictionem, & ad eorum quæ præter naturam sunt remotionem maxime faciet. Notetis modo effectus huius malæ & pessimæ constitutionis: Autumnus in hac constitutione fuit humidus humiditate aqueæ, in fine uero uaporosa, fuit inæqualis; ergo & diuersos effectus facere debebat; non eundem producunt effectum hæ duæ humiditates, Aquea enim humiditas ex sententia Gal. à quo nunquam recedimus, maxime humectat aerem, aer corpus: uaporosa magis quidem penetrat ad profundum corporis, non tamen ita humectat, sicut aquosa, & pluuiosa humiditas, in principio autumnus erat quidem humiditas pluuiosa, tamen maxime humectauit corpora, ut audietis, penetravit ad profundum, necessario aere humectato multitudine pluuiarum reddita sunt

cor=



corpora excrementosa, plenaq; superfluis humiditatibus:  
 & scitis quod præcessit caliditas æstatis, quæ relaxauit cu-  
 tim corporum, dilatauit omnes meatus, resoluit corpora,  
 & spiritus consumpsit, uirtutes omnes debilitauit, conco-  
 ctiones & omnes operationes non potuerunt perfici de-  
 bili uirtute, multa excrementa collecta sunt, successit hu-  
 miditas pluuiosa, aquosa, crassa: quæ licet crassa sit, tamen,  
 inueniens corpora iam rarefacta à caliditate æstiuæ facile  
 penetrauit. unde magis aucta sunt excrementa, & humi-  
 ditates superflue: frigiditas autumnæ ab Aquilone pro-  
 ducta compressit, & crassescit, illa excrementa; incunea-  
 uit, ut non facile possent resolui & separari, costipauit  
 corpus, & ita necessario parata corpora erant ad susci-  
 piendas ægitudines: successit secunda pars autumnæ au-  
 strina, humida humiditate uaporosa, adhuc magis auctæ  
 humiditates in corpore, spiritus obscurati, calor debilita-  
 tus: neque illa pauca & remissa caliditas proueniens ra-  
 tione Austri resoluit excrementa, sicut deberent resolui,  
 si parum adiuuari debebant ea corpora, potius tepiditas  
 ista ad maleficium augebat, rarefecit enim magis, & laxa  
 reddidit humana corpora: ex quo humiditas uaporosa po-  
 terat etiam facilius penetrare, & augere excrementa im-  
 pressa & incuneata magis obstructions multas genera-  
 re: tota hæc pars, ut uidetis, impleuit homines multis humi-  
 dis excrementis. Vnde debebant expectari morbi mali,  
 hos effectus produxit autumnus non naturalis, inæqualis  
 auxit magis repletionem redundantibus excrementis. Ac-  
 cessit hyems frigida & sicca, quæ adiuuit ad maleficium,



# COMMENT. MONTANI

inuenit factam repletionem, constipauit meatus corporum, expressit humiditatem magis, atque magis. Quare incuneata sunt & crassifacta corpora, omnino obstructa, & condensata: ita permansit etiam uer, per omnia ista tempora, auctum fuit in corpore maleficium: uidete & attendite ad quid preparabantur homines. Aestas deinde, quæ debebat esse calida & sicca secundum naturam, debebat resolueret excrementa collecta in precedentibus temporibus, fuit aestas frigida Aquilonaris, non potuit resolueret ista excrementa & humiditates collectas, imò illi qui habebant excrementa permanserunt ita repleti, & quotidie replebantur humiditatibus excrementitijs, uirtus ex repletionem debilitata non poterat concoctiones efficere, expulsionem male excrementorum, & omnes operationes deterius efficiebantur: neque etiam purgabantur corpora per resolutionem: quandoquidem à frigore constipata erant; omnia repletionem augebant. In hyeme putate quæso, fuerant niues magnæ, humiditas magna ex his impressa non potuit resolui à caliditate ueris, æstate frigida adhuc non erat resolutio. ergo necessario replebantur quotidie magis uiribus imbecilibus, quæ non expellebant sicut debebant in tam innaturali constitutione: durauit frigiditas in aere usque ad ortum canicule: quomodo uolebatis excrementa diminui, & corpora expurgari? sicut in æstate & uere solent, si excrementa quotidie augebantur, & illa non resoluebantur, nec per expulsionem euacuabantur: certe credendum est, quod erant admodum repleta illa corpora cessante frigiditate ab ortu

ca=



canis statim, repente inuaserunt uehementissimi æstus, quoniam uidetur, quod debuissent præficere, sed magis nocuerunt, ita repente inuadentes non potuerunt resoluerе humiditates & excrementa collecta, colliquata sunt potius in uenis, resolutioni necessaria est alteratio successiua, & aliqua præuia dispositio: sed hic adhuc erant obstructions multæ, corpora constipata, humiditates incu-neatæ, non potuerunt isti æstus etiam maximi resoluerе, colliquatæ sunt, & humidiores effectæ: pessimæ sunt mutationes omnes, quæ repente, & sine præparatione fiunt, ægritudines parant, & in omnibus uniuersaliter dammandæ. unde habetis, Mutationes temporum pariant ægritudines in tertio Aphorif. & in libro de locis, aere, & aqua dicebat Hippoc. quod nihil potest esse deterius, quàm mutationes temporum, uel aliorum quorumcunque aeris, locorum repentinæ: Nam multum abhorret à natura motus repentinus; quod etiam affirmabat Arist. natura, dicebat, ordinata procedit ab extremo ad extremum non sine medio, omnia media pertransit, non facit saltus natura, pedetentim & ordinate procedit, abhorret omnes repentinis motus: quia ducunt ad interitum. Merito igitur & opportune Hipp. addidit illud repente, inquiens repentinis & magnos successisse æstus ab ortu canis, qui inuenerunt magnam imbecilitatem corporum, adhuc debilitata resolverunt, calorem innatum, suffocantes; humores à debili uirtute & calore non sunt resoluti: quoniam imbecillibus uiribus omnes operationes fiunt deteriores, & diminutæ; bene colliquati, calor debilis bene potuit colliquare hu-



# COMMENT. MONTANI

mores & excrementa; sed non resolvere & si magni essent æstus: quia æstus sine calore naturali non possunt colliquare aut resolvere, qui secundum eius proportionē & ipsi fortius, & debilius agunt: omnium enim operationum in corpore natura est operatrix: alia sunt instrumenta, & ita ab his repentinis æstibus quantum attinet ad corpora, illa non potuerunt adiuuari, imò magis debilitata, quia æstus suffocabant calorem, colliquabant etiam humores: ex quo præparata corpora humana sunt ad plurimas ægritudines. Quantum ad terram etiam æstus, & calores isti uehementes potius fuerunt nocumento, & maleficio, quàm iuuamento, inuenientes terram humidam & ratione autumnii præcedentis humidi, & ratione niuis, quia erant magnæ nives in hyeme: quibus imbibita terra adhuc interius humida, licet à frigore fuerit exterius exiccata & constipata, quid fecerunt æstus repentini. aperuerunt terræ meatus, tota humiditate colliquata est non potuit dare terminum resolutionis ista constitutio: ideo meritò & digne posuit illud Hippoc. in textu, magnæ nives, quibus resolutis uapores exhalarunt multi, aer male effectus: quid secutum est audietis, ergo æstus repentini mali fuerunt, & quoad corpora ipsa, & quoad terram: quia resolutis uaporibus ex terra humectata, aer humidus factus adhuc magis augebat humiditates corporum, & debuisset exiccare, & resolvere. Vnde Hippoc. in tertio Aphorismis. quando dicebat. Si uer pluuiosum fuerit, & sequatur æstas calida & sicca &c. credo quod sit xi. Aph. Gal. in commento reddit rationem, quare malū sit



fit tempus, & inquit, madida existente terra ex illa multa exhalationes fiunt, & nihil uapores à calore æstatis, qui imbibuntur in corporibus, et sequuntur ægritudines, febres acuta, ophthalmia, & alia quæ connumarantur: hæc est sententia Hip. et Gal. in illo si recte memini. 11.

Apho. tertiæ particulæ: Vnde consentaneum rationi est quod cum in re nostra corpora excrementis humidis repleta fuissent à præcedentibus temporibus non potuerunt resolui, quia frigora durarunt magna continue, corpora male haberent, successerunt æstas repentini, calores uehementes, qui inuenientes ipsa repleta non potuerant ita statim resolvere, & consumere: sed colliquantes, & euaporantes à terra exhalationes imbibebant corpora, & ita non modo non potuerunt corrigi uitia præcedentiū temporum, sed etiam magis pararunt ad malas dispositiones; & necessarium erat quod fierent ægritudines, de quibus narrat Hip. in hac constitutione, ut uidebimus, uideatis quid consecutum post ea est. quid subsequutum est? inquit Hip. circa ortum Arcturi in principio Septembris, & ab ortu canis usque ad æquinoctium uernum, cum fuissent maximi, & repentini æstus, secutæ sunt austrinæ pluuiæ, quid peius potuit consequi, uidete quàm mirabilis Hip. ut ponat semper augeri per gradus hanc constitutionem, par erat, ut fierent hæ pluuiæ, cum à principio anni & huius malæ constitutionis humiditas, & in hyeme mues materia pluuiarum abundauerit, secuti deinde æstus qui uapores auxerunt, sequutus autumnus frigiditate sua condensauit exhalationes, & factæ sunt pluuiæ, adiuuerunt

E

v

etiam



# COMMENT MONTANI

etiam hoc flatus Austrini, qui perpetuò spirarunt, terra  
 prægnans erat humiditate, quæ in uapores resoluta fuit,  
 & semper materia pluuijs suppeditabatur, non deficie-  
 bat materia, & exhalatio. Vos uidistis quàm humida  
 erat terra & niuibus colliquatis, & humiditate autum-  
 ni: Austri postea auxerunt pluuias, qui sua natura plu-  
 uiosi sunt, perdurauerunt pluuiæ usque ad æquinoctium  
 uernum per sex menses integros, per totum hoc tempus  
 male ualebant homines, & ad putredinem parabantur, si  
 bene notauistis qualitates & processum huius constitutio-  
 nis certe mecum fatebimini hanc esse peiorem superiori,  
 quam heri recensuimus. Videatis primo autumnus fuit nõ  
 naturaliter humidus, inæqualis modo propter pluuias,  
 modo propter nebulas, et uaporum multitudinem: hyems  
 frigida, & sicca, uer eiusdem naturæ, æstas etiam frigida,  
 statim successerunt maximi, repentini æstus statim inquã  
 post canem, qui non potuerunt resoluerè humiditates ex-  
 crementitias, tum quoad corpora, tum quoad terram:  
 quoad terram quidem humiditates, quæ in terra erant col-  
 liquatæ fuerunt à magnis æstibus repente factis, eleuati  
 uapores: successerunt deinde flatus Austrini, qui humidi  
 sunt. necessario ergo debebant sequi pluuiæ in autumno.  
 ideo Hip. dicit pluuiæ factæ sunt, quæ perdurarunt us-  
 que ad æquinoctium uernum, ista tempora cum tam ma-  
 la, & intemperata fuerint, ut uidetis non potuit nisi ma-  
 lum aliquod consequi, necessarium erat, ut corpora reple-  
 rentur, & multis, ac plurimis abundarent excrementis,  
 humiditates augerentur, & tota corpora pluuiis imbibe-  
 ren-



rentur, putredines pararentur, ex quibus deinde fierent morbi uulgares & uniuersales Epidemici, qui multos simul inuadunt homines, sicut secuti sunt, ut modo uidebitis in sequentibus lectionibus isti sunt morbi, quos nunc aggredi uolumus, iam diximus, & enumerauimus quàm breuiter fieri potuit omnes constitutiones ab Hip. in hoc libro singillatim positas nunc his suppositis declarabimus casus, qui acciderunt in constitutione tertia, & accedemus ad Philiscum, qui primus est, & hæc hætenus diximus, ut continuaremus nostra dicta, & ea quæ ab Hip. docentur à nobis interpretanda. Videtis continuationem, positis constitutionibus reliquum est uidere morbos particulares, qui secuti sunt: Neque omnes hic numerabimus, dimittam multos sicut & Hip. dimisit, eos tantum qui sunt insigniores attingemus, ideo Hip. solum eos, qui in hac tertia & ultima constitutione contigerunt enarrat. quare debetis meminisse, quæ superius dicebamus, tres sunt constitutiones, quas ordinatissime posuit in hoc lib. ac si essent tres quidam gradus unus altero peior. Hip. conatus est secundum eorum malitiam ordinem etiam constituere, & primo posuit primam, quæ mala est absolute, bona respectu duarum sequentium: unde homines, qui ægrota- bant euadebant, & sanabantur: secunda peior erat, ideo & secundo loco posita est: tertia pessima omnium, quod hoc sit uerum uideatis & discurratis per totam hanc constitutionem omnes, qui ægrotabant mortui sunt, erat tanquam superlatiuum respectu sui comparatiui, & positiui. Et quia Hip. erat maximus, & ingenij altissimi erit

nun-



# COMMENT. MONTANI

nunquam docere uoluit ea, quæ sunt uulgata, imò suum fuit in hoc præcipuum studium, sua diligentia, & magnanimitas, ut quæ omnes scirent prætermitteret, difficilia, & digna doceret, hoc in eo est perpetuum: certe mirandum est ingenium huius hominis, & breuitatis, & dignitatis in loquendo semper ut aliàs ex sententia Gal. uobis ostendi, fuit amator mediocria ommittere, quæ sub captum uniuscuiusque cadunt, mirabilia & quæ non nisi à doctis intelliguntur accipiens. hac igitur de causa casus particulares notatu dignos non omnes, sed insigniores, qui in tertia constitutione pessima omnium acciderunt uobis annotauit non morbos aliarum constitutionum, quia salubres erant: in hac tertia pessimi & insalubres omnes fuerunt, cuius rei signum est illud manifestum, quod inuenietis omnes periisse, nullus ferè saluatus: hoc audietis, habebitis difficiliore morbos, & casus particulares letales. in tertia constitutione, hæc fuit ratio ordinis, & doctrinæ Hip. in hoc lib. habetis nostrum progressum: quod sumus progressuri post hac curationes morborum particularium: sed hic unum notandum est, post ea dimittam uos: sciatis in his tribus cōstitutionibus per capita solum repetitis Hip. non fuit idem progressus, non idem ordo: uidetur ipse principaliter intēdisse ita progredi, ut primo poneret constitutionem temporis, secundo casus, qui contigerunt & ægritudines Epidemicæ: aliquando prognostica, & curationem: Sed antequam ad casus particulares, quos uolumus exponere accedamus post constitutiones sunt quædam inter media,

ua=



uariæ sententiæ, uarii tractatus, modo de febribus, modo ponit Apho. modo de morbis particularibus, nescio quæ inepta ita sine ratione fuerint interposita, cur non exponis posset aliquis obijcere. Hic debetis scire, quòd illa intermedia non sunt germana, nec propria Hip. Sed quomodo sint ibi adiuncta audiat rationem et causam secundum Gal. sententiam, non sunt digna Hip. minus ordine Hip. ita ineptè interposuisset tantus uir, nunquam fecisset id. Sed scitis quid fuit? Gal. in secundo de natura humana in proœmio quod præmittit reddit causam, eo quia Hip. non multa edita erant scripta, pauca admodum edidit præter ea etiam, quæ ad nos peruenerunt, circumferabantur tamen multa scripta aliorum uirorum, et Doctorum insigniorum, & illustriorum, sicut nunc etiam circumferuntur scripta huius, uel illius magni Doctoris, quid factum est? Post mortem Alexandri cum res bellicæ desinerent pace iam existente inter omnes, Attalus, et Ptolomæus in Ægypto cæperunt æmulari inuicem doctrinis, & scientijs, ac studijs quietioribus contendebant habere maximos uiros docentes, & libros magnorum uirorum; Id non diuulgabatur, quod uterque desideraret edicto publicato, quòd hi qui regi libros illustriorum hominum afferrent pecuniam essent accepturi, tantum pro tanto libro etiam precio determinato, ut magnos libros afferentes multam pecuniam relaturi, qui paruos paucâ: inceperunt corrumpi homines, et auari pecuniæ insurrexerunt, ut multum lucrarentur, sicut sæpe contingit nostris temporibus in rebus honestis non curantes doctrinam,



## COMMENT. MONTANI

nam, sed omnia pro pecunia mensurantes quid fecerūt? inceperunt excogitare quomodo multum lucrarentur: ideo portabant libros alicuius magni Doctoris, & inscribebant alicui ex ueteribus celeberrimo, ueniebant qui inscriberent libros Hippocratis, quos nunquam conscripserat, non deerant qui inscriberent alijs doctis uiris, ut etiam aliqui essent, qui inscriberent Orpheo, & multis alijs, ut uidebant fuisse magnos. hac de causa multi libri inscripti sunt Hippocrati, qui non sunt ipsius. aliud imaginabantur, quando inuenirent libros Hip. qui parui essent, ut magis augerentur, quoniam exigebant pecuniam secundum eorum magnitudinem, acceperunt libros aliorum Authorum, et simul coniunxerunt sub nomine Hip. sicut dicit Gal. de libris illis de natura humana, ita fecerūt in his: cum enim liber de constitutionibus, et casibus particularibus, qui est primus Epid. paruus esset, solum continet tres constitutiones, quas recensuimus, & hos paucos casus ægrotantium, addiderunt ista, quæ sunt in medio, maiorem pecuniam à Rege exigentes. addiderunt autem sicut de natura, de uenis, & consimilia: quæ negotio proposito non conueniunt, & præter rem intentam sunt. Ex quo factum est, ut post hac semper sub nomine Hip. ederentur, & circumferreretur, hæc est causa cur inuenietis multos libros, qui continent multa non digna Hip. eo modo & de Gal. possemus dicere, multi sunt libri utriusque spurij: sed qui Hippocrati inscribantur & non sunt ipsius ab auaritis fuerunt inculcati: auaritia omnia corrumpit, ut augeret pecuniæ exactionem, condiderunt

li=



libros Hip. semper fuerunt auari, sicut & nostro tempore multi reperiuntur. itaque non miremini, quia hoc non est nouum, est antiquum, pecunia multa facit.

Vidistis in præcedenti lectione constitutionem tertiã Hip. quã mala fuerit, & inæqualis quandoque Austri-  
na, aliquando Aquilonaris, modo cum pluuijs, modo sine pluuijs, & cum nebulis, modo frigida, modo calida, modo humida, modo sicca. Audiuiſtis, quæ sequebantur, et qui effectus fuerint huiusce constitutionis: & si comparetur ista tertia omnibus alijs superioribus facile iudicabitur peior, & se habere tanquam superlatiuum ad comparatiuũ, & suum positiuum. cum enim sint tres constitutiones istæ (ut notauimus) sunt tanquam tres gradus, ac si esset quædam scala: prima mala: secunda peior: tertia de qua loquimur, pessima, idest in tertia fuerunt pessimæ ægritudines cum symptomatibus sæuis: aliæ non ita malæ erant, quia ægritudines, quæ fiebant in illis erant mitiores, & meliores non cum sæuis symptomatibus. Quod uidens, & obseruans Hip. ita ordinauit has constitutiones in hoc libro secundum earum malitiam, & solum posuit, et adnotauit eos casus particulares, qui contigerunt in tertia constitutione dignos maxime notatu: quoniam Hip. semper sectatur ea, quæ sunt digniora et rariora, nec ea quæ sunt nota uulgo, ut dicebamus: neque enim posuit omnes etiam casus tertiæ, sed ex his solum mirabiliores, et insigniores. unde uidetis quod illi ferè omnes sunt mortui. Debetis scire quod in hac tertia constitutione pessima  
mor=



# COMMENT. MONTANI

morbi Epidemici diuulgabantur, & erat pestis, in qua  
 multi & fere omnes ægrotabant. ideo nimis longum, &  
 tediosum fuisset omnes casus recensere, Hip. tantum su=  
 mit insigniores ex his, ut per unum eorum multos confi=  
 miles, qui accidebant consideret, sicut Epaminundā, duos  
 Epigenis fratres Philiscum, & Silenum, & alios confi=  
 miles. creditis uos quod in tam mala constitutione uniuersa  
 aeris isti tantum infirmarentur? Nam multi alij æ=  
 grotabant, quos Hip. non recenset, quia prolixissimum es=  
 set: & quoniam sub his multi alii continentur, qui eodem  
 morbo laborabant enumerat eos, qui erant insigniores.  
 hoc manifestum est, sed quod modo isti casus omnes posi=  
 ti in hoc libro sint casus, qui contigerint in tertia consti=  
 tutione, non in alijs hoc etiam probatur per ipsummet  
 Hip. ea quæ ab Hip. dicuntur in secunda sectione hoc de=  
 clarant, ubi de Philisco, & Sileno mentionem fecit, quod  
 ægrotauerint in ea constitutione, tamen ponuntur in ter=  
 tia sectione, Videatis cum loquitur de Epaminunda et de  
 fratribus Epigenis, sententia ita incipit: Ut duo fratres,  
 qui habitabant prope Theatrum &c. ibi dicit Hip. mul=  
 tos infirmos periisse, qui in hac tertia constitutione labo=  
 rabant, & dat exemplum de Philisco, & de Sileno. ergo  
 non est à nobis in hoc dubitandum Philiscum inquam, &  
 alios, qui sequuntur non fuisse ægrotos in tertia consti=  
 tutione omnium pessima: Antequam accedamus ad casum  
 prius adnotandum est unum à uobis in hac constitutione,  
 quod etiam notauit Hip. omnes illi qui liberati sunt, sunt  
 liberati, quia habuerunt recidiuam, & qui inciderunt in  
 hos



hos epidemicos morbos si non faciebant recidiuam, omnes moriebantur, non liberabantur ab his morbis: opus est speculatione, cur propter recidiuam liberi euadebant. sed quoniam ad nostrum propositum accedere uolumus non immorabimur in hoc: unum est uniuersale habendum in casibus omnibus, quos exponemus, quod omisit Gal. hoc est mirabile Hippoc. tamen notauit inquiring se neminem uidisse, aut nouisse ex his ægrotis, qui saluatus sit nisi recidiuam fecerit, uideatis aperte in secunda sectione huius primi libri in ea sententia: Vt duo fratres &c. hoc est notatu dignum: uidebitis, et Ego hoc obseruaui omnes, qui saluati sunt in hac constitutione incidisse in recidiuam, obseruaui solum unum saluatum sine recidiua: Vos etiam uidebitis. ideo dixi, & dico ferè omnes esse seruatos: euasit. n. unus propter multam copiam sanguinis, quæ fluxit e naribus. hæc in tribus lectionibus de constitutionibus diximus & considerauimus, nunc modo in singulis his casibus considerabimus & primo in Philisco causam mortis & salutis, quare aliqui sunt saluati, alij non, habitis his ut habeatis omnia quæ haberi debent incipiamus, Accedamus ad nostrum Philiscum. Dicit Hippoc. Philiscus est primus æger in hac tertia constitutione: PHILISCVS PROPTER Mænia &c. Procedemus ita in his casibus particularibus ut in Philisco à primo die usq; ad obitum eius, quoniam moriturus est, ut dicemus, considerabimus omnia symptomata, quæ singulo quoque die contigerunt. in hoc uiro à principio morbi, et in singulis huius, ut Hippoc. proponit; deinde referemus causas singulorum, quæ

F re



# COMMENT. MONTANI

re hoc, uel illud contigit & in hoc pulchre contemplabi-  
mur; & quoniam signa, & symptomata deducunt nos in  
cognitionem causarum, & naturæ morborum ex sympto-  
matibus deducam uos ad notitiam naturæ, et causarum hu-  
ius morbi: quod non fecit Hippoc. Hic etiam erit pulcher-  
rima theórica, & mores morbi, malitiam, uel bonitatem u-  
bi ostendemus cum talis esset ægrotudo, qualem ostendunt  
signa posita ab Hippoc. quomodo necessario Philiscus mo-  
riturus erat, uidebitis luce clarius auditis symptomatibus  
quemadmodum per uos poteritis etiam iudicare omnino  
moriturum et si Hipp. non dixisset aliquid aliud, erant si-  
gna letalia, post prognosticum & iudicium adducemus cu-  
rationem, quæ in hoc casu conueniret, quomodo Hippoc.  
proceßit in eius curatione, ut uos quoque sciatis in huius-  
modi casibus deploratis, & sine spe recta ratione proce-  
dere, & ex hoc habebitis maximam utilitatem, quia habe-  
bitis exempla particularia ægrotudinum, & scietis pro-  
cedere in praxi, erit ac si duceremus uos in praxim, &  
ita quod à nobis fuerat propositum assequemur, habebitis  
in singulo casu & theoricam, & practicam, hic erit no-  
ster progressus. Quare aggrediamur id quod intendi-  
mus, incipiamus à primo & uideamus symptomata, quæ  
circa Philiscum acciderunt, uisis illis facile iudicabimus  
naturam morbi, quisnam fuerit morbus, quo torquebatur,  
& quantum ad prognosticam partem attinet iudicabimus  
de salute, uel morte futura. PHILISCVS PRO-  
PTER &c. Locum scribit, & enumerat in quo habita-  
bat & dicit quod habitabat prope muros ciuitatis. in hoc  
non



non est contendendum, non multum refert an sciamus ubi habitabat, uel non: quia neq; ad cognitionem morbi, neque ad eius curationem facit. Addidit hoc non propter nos, sed quoniam non debebat cognosci Philiscus, uel quia uoluit ipsum cognosci cum multi essent Philisci in ciuitate: ut ergo intelligeretur quis esset, addidit, qui habitabat prope muros ciuitatis ad differentiam aliorum, qui sic uocabantur, & quia cognoscebatur locus, ubi manebat, ad Artem parum, uel nihil facit, habitet ubicunque hoc saltem scimus ex Hipp. quod morbo decubuit, quo etiam mortuus est: nō declarat tamen Hipp. quis morbus fuerit, & quæ eius essentia, sic nec de ætate, qua. s. ætate ægrotauerit, nec quo tempore anni: nihil habetis distincte ex istis circumstantiis limitantibus, solum dicit breuiter Hipp. Philiscus morbo decubuit, nihil aliud, non circumscribit ætatem, cuius esset ætatis æger iste, neque quo tempore anni inceperit ægrotare. Nos in his supplebimus ubique, quando Hip. deficit. Philiscus decubuit æger, qua ætate? nihil habetis, sed hoc (ut uidebimus postea) ex probabili quadam coniectura sicut medici solent procedere, patebit, quando in hoc faciemus discursum clarissime ibi scietis cuius esset ætatis, & quo tempore anni etiam ægrotauit, an uere, an alio quopiam tempore decubuit, & quis morbus uulgaris. s. & quod esset febris pestilens. Videbitis, noluit ponere in textu ea quæ facile ex his quæ dicuntur cognosci possunt: **HIC MORBO** decubuit: hoc est quod proponitur: Philiscus ille morbo laborans in lecto decubuit: **PRIMO DIE** febris fuit acuta &c. Enumerat nunc symptoma-



# COMMENT. MONTANI

ta omnia, quæ acciderunt singulis horis per sex dies, quoniam in sexto defunctus est. proposito ergo casu recenset sua accidentia, & signa per quæ ueniemus in cognitionem causarum, & naturæ morbi: dicit quod primo statim die febris inuasit acuta: quæ debebat esse magnus morbus & periculosus, imò maximus. Vos scitis ut dicit Hip. in secunda particula Aph. quod in principio, & fine omnia solent esse leuiora: tamen dicit in hoc morbo, quod statim in primo die & in primo decubitu, quo decubuit, inuasit ipsum febris acuta: ut moriturus decubuit sic decidit in febrem acutam, ingressus morbi & febris acutæ fuit idem, tam pessimus erat futurus morbus, ut qui in principio & primo insultu tam graua habent accidentia. Febris acuta: Debetis scire secundum sententiam Gal. à quo nunquam recedimus credo quod morbus acutus & morbus uelox ualde differunt non sunt idem, ut multi existimant fortasse: illum dicimus esse morbum acutum, qui uehemens, & pessimus cum sit, multum properat ad terminum, idest, uel ad mortem, uel ad salutem: sed magis ad interitum, quam ad sanitatem. Idcirco pessimus, & periculosus est: Velox est morbus in motu citò properans ad finem, & breui tempore terminatus, sicut dicitur ephamera uelox, quæ in xxiiii. horis terminatur, & tertiana uelox est, quæ in quatuordecim aut septem ad summum periodis terminatur, ut plurimum: ut dicit Hip. simul cum Gal. non est acuta, quia tuta, & non cum periculo, ut sunt acuti morbi, sed potius tertiana est tuta, & benigna, mitis non periculosa, in hoc stat differentia quod acutus habet præter citam & breuem terminationem

pe=



periculum, & malitiam, ut cito terminetur ad mortem magis, q̃ ad salutem: uelox simpliciter habet quod breui tempore terminatur, & sine periculo. ideo acuto quidem opponitur tutus morbus, sicut acutus malignus est cum seuis symptomatibus, ita tutus benignus est & mitis cum accidentibus, benignis, & bonis. Veloci uero opponitur ὀλιγοχρόνος Græce à nostris longus diuturnus, & proprie appellant medici chronicū, qui longo tēpore durat & tardatur determinatur sine periculo. Videte quomodo ista sint distincta: Acutus morbus est malignus, & cum periculo uitæ. ideo qui patiuntur & laborant morbo acuto breui & cito liberantur, quia morbus citò terminatur, ut Hip. affirmabat: Acuti morbi in 14. diebus terminantur & c. et hoc cum morbus acutus sit malignus, & maximus affligit maxime naturam, quæ non diu potest tollerare uim morbi, ideo omnem ponit conatum, ut ipsum superet cum uirtus non toleret breui tempore uel morbum superabit, uel debilitata deijcietur: hæc est causa cur cito terminentur acuti morbi, sed hoc est potius per accidens. per se maligni sunt, contingit quod sint breues, & ueloces natura non tolerante eorum uim, atque malitiam. Quare habetis quomodo morbus acutus malus sumitur a qualitate morbi, quia letalis et periculosus est: tutus à bonitate, quia sine periculo nō terminatur. unde per accidēs tarde terminatur, si natura diu potest uim illius sustinere. Velocitas uero morbi sumitur à quantitate motus & tēporis: ille uelox est morbus, qui cito terminatur & breui tempore à principio tendit ad suum terminum non cum periculo. ὀλιγοχρόνος



# COMMENT. MONTANI

uero diuturnus & chronicus longus est, qui tarde terminatur, multo & longo tempore pertransit spatium inter principium & terminum: si postea contingit, q̄ uelox sit malignus hoc per accidens est non quā uelox est, sed quatenus est acutus. Videtis quātum inter sit inter acutum, et uelocem morbum, per acutam ergo febrem Hip. intellexit malignam cum sc̄uis, pessimis, & malignis accidentibus uelocissimi motus, ardentem & malorum morum: Febris acuta inuasit Philiscum pessima & detestabilis, hoc est qđ uoluit Hip. per acutam febrem, hoc erat timendum, & debebant illi medici tunc maximē timere, cum medici uiderint tam malam febrē cum symptomatibus maxime desperabant, & timebant: Vos etiam quando ita uidebitis, timebitis & præsertim, quia contigit in principio, si hoc contigit in hoc uiro in principio, & statim (ut ita dicam) initiāte morbo quid deinde fiet? quid putatis in sequentibus subsequetur? certe nihil nisi magnū malum imminere iudicandum est. primo igitur die inuasit febris acuta maligna: s v DAVIT & c. malitia febris adhuc magis confirmata fuit ex his sequentibus symptomatibus, quæ numerantur ab Hip. in primo die, in quo febris acuta incepit, & in principio paroxysmi fuit sudor secundum symptoma. Sudor iste multipliciter erat malus, & ad summum tripliciter: primo quidem ratione uirtutis, quæ nondum perfecerat concoctionem, exiuit in die primo non critico. sine concoctione aliqua, in principio etiam paroxysmi: secūdo fuit malus, quia frigidus, non debebat exire frigidus, sed calidus à corporis partibus intimis egressus: tertio fuit malus quoniam

niam



niam subsecuta est deterior dispositio, deterius se habuit post sudorem, q̄ antea, cū melius debuisset habere: omnes huiusmodi sudores mali sunt. De sudoribus omnibus tam bonis, q̄ malis quam coniecturam, quæ signa nobis tribuāt latius habetis in secundo Prognosticorum in capite xi. nō tamen ita distincte de his malis, & collectim sicut modo de terminauimus, poteritis uidere locum, ut plura habeatis: neque enim profiteor hoc in loco uniuersaliter de sudoribus aggredi sermonem, sed ea quæ ad propositum nostrū faciunt de illis dicemus. tripliciter igitur fuit malus hic sudor. Quantum ad hoc uos scitis sudorem si bonus esse debet, debere habere tres conditiones, quod fiat in die critico per naturam expulsus facta concoctione: secundo calidus: tertio ut sequatur dispositio melior. post sudorem, ubi non sunt istæ conditiones mali sunt sudores: in hoc sudore erant contrariæ. ergo malus sudor: Quantum ad primam habetis tertio Aph. 36. in eo Aphorismo qui sic habet, & hoc modo incipit: Sudores febricitanti si inceperint boni, et 3. die. 5. 7. & 9. & in consequentibus imparibus diebus bonum indicant: si uero contrarium malum, in acutis quidem mortem significāt, in chronicis uero longitudinem, et recidiuam, ibi habetis quare in paribus diebus mali sudores, in imparibus boni, potestis uidere ea, quæ habet Hip. in secundo Prognosticorum, & Gal. ibi. & in hoc Aph. habebitis rationem cur iste sudor malus fuerit, quia in die non critica, & in principio apparuerit. Nam in principio morbi natura nondum concoquit humores, & materiam, quæ in corpore existit. ergo non potest separare ex



# COMMENT. MONTANI

crementum à bono humore, sudor est excrementum eorum, quæ sunt in uenis. in principio igitur morbi sudor critice, & naturaliter expelli non poterat: ergo symptomatice & non naturaliter. secundo multus erat sudor & præter naturam, quia frigidus: sudor frigidus indicat casum uirtutis, & summam imbecillitatem cum sit excrementum eorum, quæ in tertia concoctione concoquuntur. sed hoc magis declarabo in sequentibus, nunc hoc habeatis, ut conclusionem pro huius recta intelligentia & confirmatione. Is Hippocr. in quarta par. Aphor. credo quod sit Aph. qui sequitur illum supracitatum, & est Aph. 37. Frigidi sudores cum acuta quidem febre mortem, cū chronica, & mitiori longitudinem significant: uideatis causam huius apud Gal. in commento. Sed hic erat sudor frigidus cum morbo, idest, febre acuta: ergo necessario mortem significabat, & præcipue cum apparuerit statim in prima die, in qua omnia leuiores esse deberent, & sunt tria iā, quæ indicabant mortem futuram, omnium pessima symptomata in principio morbi, febris acuta, sudor in die primo non critico, & frigidus indicabatur ferè extinctio caloris naturalis. Sudor frigidus semper est malus, sed pessimus in acutis, in chronicis non ita malus: semper tamen malus est. Ideo Author ille libri Prorrhethicorū in Prorrhethicorum sententia si memini 4. quia dixerat sudores frigidi quandoq; boni sunt: ille Author irridetur ibi à Gal. in commento dicit Gal. nunq̃ sudores frigidi bonum quidpiam indicant, semper mali sunt, & malum afferunt indicium: male hic Author dixit in hoc: sed prætermittamus nunc quæ=



quæso hoc, melius inferius de hoc dicemus, nolo ponere capitulum in capitulo satis uobis in præsentia sit quod sudor frigidus semper significat casum uirtutis, imbecillitatem, & extinctionem caloris innati. Sed in hoc dubitabat Galen. in eo quarto Apho. 37. in commento eiusdem Aphor. frigidi sudores &c. docet omnes causas frigidi sudoris: unde cum istud uideretur difficile & fere impossibile dubitat quomodo fieri potest, ut in eodem corpore sit calor feruens febrilis per totum dispersus, tamen sudor frigidus exeat? si corpus in quo fiunt sudores est calidum, qui fieri potest, ut illi sint frigidi, non potest esse hoc: soluit Gal. dicens quod sudor frigidus non alia de causa in corpore etiam febriente exit, nisi propterea quia in febriente est copia humorum, ubi est multitudo humorum in uenis calor retrahitur, & concentratur à partibus exterioribus ad interiores, & cutis relinquitur frigida: cutis frigida. ergo & ea, quæ in cute continentur, & cutanea parte generantur: & sudor cum sit excrementum cutaneum in cute existens. ob id sudor frigidus efficitur in cute frigida. sed cum interiora calent: exteriora uerò frigent febres sunt pessimæ, & malignæ, malorum morum, & tendentes ad perniciem, ut optime adnotauit Auic. in prima quarti cap. de febribus pestilentibus, quando contingunt febres pestilentes exterius frigescunt corpora uidentur bene habere, interiora tamen maxime calent, & feruentissima sunt, propter magnam inflammationem igniuntur, exterius frigida sunt, ut si tangantur non uideantur febricitare, & tendunt ad mortem dicit



# COMMENT. MONTANI

Aui. sic possunt esse corpora calida, frigidi tamen sudores qui semper malum dant nobis indicium, habetis causas & rationes, quibus Hip. dixerit sudores frigidos in febricitante malos esse. Et uidetis sudores frigidos male indicare tum per uiam causæ, tum per uiam signi: per uiam causæ uos sciistis hactenus, & scietis melius, per uiam signi quod indicent uirtutem debilem, & calorem intra reclusum suffocari. Cum namque sudores frigidi mali sint ob tres causas, ut dictum est, mali sunt etiam, quoniam significāt multitudinem humorū in corpore redundantium maxime frigidorum, qui cum non ita cito possint à uirtute debili concoqui, & superari consequenter morbi longitudinem in chronicis, in acutis mortem significant, uirtus imbecillis non poterit superare tantam copiam humorum non naturalium, tamq; naturæ rebellium. præterea sudores frigidi non subleuant corpus ab ægritudine, cum non subleuant magis lædunt, pro hoc uideatis Gal. in 56. Aph. & 42. in 4. part. ubi Hip. ita habet. Sudores quicunque multi, sed frigidi, uel calidi superuenientes feбри indicant morbum: prolongatur enim morbus, & multam significant humiditatem si fiunt symptomaticè isti sudores, efficiuntur propter multitudinem materiæ uirtute imbecilla: quo modo ergo possunt rectè nobis afferre indicium? non fiunt regulariter à natura operante; sed ratione materiæ adhuc malitia eorum augeatur, quando æger non subleuatur. Nam si uerum est, quod indiget euacuatione humorum, qui sunt in multa copia in corpore, factò sudore euacuatio fit. ergo habito sudore



dore iuuari debet, multitudo humorum diminuitur, & natura imbecillis subleuata leuior reddita aggreditur materiam: At si facta euacuatione cum hoc quod euacuatur, & deberet subleuari, non iuuatur, summopere nocetur, euacuatio omnis si non iuuat, lædit: si euacuatio nihil iuuat detrahendo id, quod superfluum est debilitat uirtutē ex altera parte euacuando humores, & consequenter spiritus exhauriendo calorem naturalem inminuit, & totum corpus resoluit. igitur si post sudorem non sequitur bona dispositio, est malus, talis est frigidus sudor: & sic malus: in Philisco sudores frigidi manebant, qui mali fuerunt propter omnes has causas (habenda est consideratio febris acutæ cum qua incepit sudare) propter istas inquam tres causas mali erant sudores. primo quidem quoniam in prima die non critica apparuerunt, quod hoc sit uerum audiatis Hip. uolo uobis ostendere mirū artificium in hoc uiro, uolo ut tangatis manibus quod Hip. referat has causas, quibus sudor malus efficitur: dicit prima die, quæ non erat critica et in principio morbi febris fuit, acuta, sudauit: quod fuerint sudores mali propter secundam causam, quia frigidi, legatis textum, uideatis in calce huius Aphorismi post omnia symptomata addidit: **SUDORES** perpetuo frigidi: tertio mali fuerunt, quia secuta est peior dispositio, non est subleuatus, habuit malam dispositionem post sudorem, & quod hoc sit uerum dicit Hip. quod habuit noctem laboriosam. ergo malam; propter has tres causas, quas etiam in textu recensentur sudor frigidus in Philisco malus fuit, & malum de futura

mor=



# COMMENT MONTANI

morte indicium : Hæc de sudoribus diximus ut quando etiam uos uidebitis in morbis accidere sudores sciatis per illas tres conditiones iudicare qui boni, qui mali, qui salutem indicent, & qui mortem : ita pedetentim per hæc signa facillime iudicabitis id, quod euenturum est, morituris hunc ægrum. Dixit : uideatis tertiam conditionem. **LABORIOSAM** noctem habuit &c. si nox fuit laboriosa, erat iudicandum quod dies futurus esset malus necessario, in die sequenti fuit exacerbatio febris, quæ debebat fieri nocte laboriosa præcedente (in hoc uiro si bene obseruauitis in toto processu morbi exacerbationes fiebant in diebus paribus) pro hoc habetis sententiam uniuersalem notatu dignam ab Hip. in secundo Aph. 13. ubi habet. Quibuscunque crisis futura est, his nox grauis ante accessionem &c. quotiescunque nox præcedens laboriosa fuerit in die sequenti paroxysmus expectare oportet : quod sit uerum in re ipsa experiamini : inquit : **POSTRIDIE**, idest in die sequenti intelligatis ita, omnia euaserunt grauiora, febris exacerbata, symptomata inualuerunt, et paroxysmus inuasit ipsam ita incepit affligi in die pari, quæ erat secunda, ita affligebatur in paribus diebus usque ad mortem, quæ fuit in die sexta, ut audietis : exacerbari in diebus paribus malum est signum, ut habet Hip. in Aph. in illo Aph. quando dicit Accessiones in diebus imparibus bonum, in paribus uero malum indicium est, & hoc est quoniam omnes motus in morbis acutis, qui fiunt in die pari sunt mali indicij, & ex illis ægri non subleuantur, cur modo dies impares bonum afferant indicium



cium pares uero malum non est nunc locus disputandi. satis est ut habeatis quod ita sit quantum pertinet ad nostrum institutum: si tamen uultis de hoc aliquid habere, debetis accedere ad Gal. in secundo de diebus criticis; ubi ostendit quare dies pares sunt illi, in quibus omnes mali motus fiunt: impares uero, in quibus boni, quod ita sit primo experientia confirmabat dicens fuisse semper hoc obseruatum, ab antiquis etiam medicis usque ad sua tempora omnes motus, uel paroxysmos, uel crises, uel alios con- similes motus, qui fiunt in morbo, quando fiunt in paribus diebus malos esse, & male indicare, non oportet hic calcitrare experientia & usu uiderunt medici hoc. si quis motus in pari die aliqua ante 20. fieret statim mali iudicij fore, in diebus uero imparibus motus sunt boni, bonae crises, & bonum afferunt indicium, quotidie in ægris hoc uisum fuit, & quotidie uisitur, non est sensui resistendum, hoc est quia est, quod probat experientia, non dubitatur de hoc apud Nos, qui ita uidemus esse: Sed propter quid ita sit? hic opus hic labor est, hinc pendent leges, & prophet. Gal. in 3. de diebus criticis cum in secundo loco comprobaſſet experientia ita esse, ut quidam dies sint decretorii, quidam non: quidam boni iudicij, quidam mali, in tertio causam horum dierum uult assignare, & in hoc toto tertio est eius intentio propria causas horum inquire re: Vnde statim in principio ferè libri inquit se inuestigaturum causam horum dierum diligentissime, quantum poterit, licet in hoc omnino sibi non satisfaciat, dicam tamen (inquit) quod probabilius dici potest non arripiens po-



## COMMENT. MONTANI

potestatem, quin alij alias inueniant causas; quantum meū ingenium assequi potuit dicam, non quod ita sit necessa-  
rio: quia mihi non satis facio, sed probabilius quā ha-  
ctenus habitum sit ab aliquo inuestigabo, postea incipit  
tractatum, quem nunc recensere longum esset, hoc tamen  
uolui annotare propter quosdam argutos homines, &  
temerarios, qui putant se omnia cognoscere, & nihil no-  
runt, irrident Gal. qui tam ineptas causas adinuenit, po-  
tius chymeras & fictitia quædam, quā quod uerum ali-  
quid contineant. Ideo alias causas conati sunt assignare  
longe deteriores, & quæ à probabilitate maxime disce-  
dunt nolentes accipere, quæ sunt probata nunc à præce-  
ptore, oporteret inuenire meliores, neque Gal. illis con-  
trarius esset quia non profitetur se necessariam adinue-  
nisse causam. sunt pessimum genus hominum, nesciunt  
reddere causam, & male dicunt his, qui probabilius, &  
propinquius ueritati accesserunt. credite mihi omnes, qui  
hactenus post Galenum conati sunt reddere causas nouas  
omnes esse deceptos magis, quā Gal. nullus adhuc tam  
probabiles inuenit, sicut Gal. Non debebant etiam ar-  
guere Galenum alia de causa non solum quia tales uiri  
nesciunt meliores, sed ne ipsi quidem pares dare. Sed &  
quod si bene aduertissent non inuenissent in eo causam ui-  
tij, se ipsum excusat honestissime, qui nō poterat honestius  
loqui. Ego inquiram dicit Gal. quid probabilius, quā ha-  
ctenus uisum sit: & si mihi non satisfaciam homines uide-  
bunt meas rationes: si quis ingenium acutius habuerit, ut  
meliores inueniat, & meæ sibi non placeant relinquat  
&



& inueniat alias, & ego illas admittam, satis habeo  
 nunc quod magis satisfaciam mihi in hoc, quàm aliquis fe-  
 cerit, uidete poterant manere in sua ignorantia nō dam-  
 nantes Gal. non habebant causam aliquam damnandi: Sed  
 ad pauca respicientes de facili enuntiant quicquid in os  
 uenit. Proh Iupiter sancte; omnes causæ quæ sunt ab  
 alijs redditæ non sunt æquiparandæ causis, quas Gal. tra-  
 didit tantum abest, ut ueritatem inuenerint, solus Gal.  
 potuit causas, quæ teneri possunt assignare, illæ possunt  
 melius sustineri: Multi multa & uaria dixerunt à sco-  
 po longissime aberrātes inter quos est etiā Vir quidam  
 noster Veronensis uolens plus sapere, deterius locutus  
 est: et ipse non cognoscens sapientiam aliorum, & igno-  
 rantiam propriam conatus est reducere causas omnes ho-  
 rum dierum ad quandam chymērā, reduxitq; omnes ad  
 humorem melancholicum, ut fundamentum omnium cum  
 ipse esset uere melancholicus putans omnia melancholi-  
 ca, debebat uidere quanta modestia locutus sit in eo lib.  
 Si tibi non placet, inuenias aliam causam, non uetat hoc  
 Gal. imò hortatur, ut meliorem & quæ tibi satisfaciat in-  
 quiras: Sed noli damnare meam dicit Gal. neque enim in  
 hoc mihi omnino satisfacio, probabilius tamen dixi, quàm  
 aliquis alius. Cum ergo non possetis inuenire meliorē te-  
 neat is hanc, quam dat Gal. interim ueritatem acquirentes,  
 & ad eam quotidie magis accedentes, hoc debebant facere  
 isti uiri, Et ego illam tenebo, donec meliorem aliquis  
 mihi asferet: unum scio quod Gal. melius potest sustine-  
 ri, quàm alij; Qui in eo tertio libro de diebus criticis po-  
 nens



# COMMENT. MONTANI

nens duo magna luminaria cœli ad ipsa reduxit causas ho-  
rum dierum, magis tamen motum Lunæ respiciendo, prin-  
cipaliter ergo ad motum Lunæ referendi sunt, & quam-  
uis Sol maius sit luminare, & Luna quicquid agit, agat  
in eius uirtute, tamen quia effectus Lunæ nobis sunt no-  
tiores, & sensui magis patent propter maiorem propin-  
quitatem. ideo motus Lunæ, ut causas dierum esse affirma-  
uit Gal. Sol non nisi per annum cursum suum in Zodia-  
co perficit: Luna uero singulo quoque mense orbem cir-  
cumagit, & perlustrat. ergo effectus eius in hæc inferio-  
ra à nobis magis notari possunt, q̃ effectus Solis: & cū  
in cursu Lunæ sint septem quadræ, & quatuor septima-  
næ, ecce quomodo cursus Lunæ ad summum perficiatur  
in 27. diebus, ex hoc cursu Lunæ insurgunt dies impa-  
res, & pares: in quibus fit iudicium morbi, in hoc spatio  
27. dierum erant septimanæ quatuor, has diuidebat &  
faciebat quadras, dimidia septimana est una quadra. ergo  
ex quatuor septimanis quatuor quadræ insurgunt, quas  
cum Luna ingreditur in dimidio quatuor .s. diebus fiunt  
dies pares, in tota septimana, & inæqualiter diuisa impa-  
res dies efficiuntur, sicut ergo in his septimanis, in quibus  
sunt quadræ Lunæ, mutantur motus Lunæ, & uario mo-  
do Luna est in illis, ita uariæ fiunt mutationes in his infe-  
rioribus. ergo in diebus imparibus cum melior fiat muta-  
tio à motu Lunæ meliores corporum fiunt mutationes,  
& meliora indicia, ad causas harum quadrarum, & mo-  
tus, qui in ipsis sunt in Zodiaco per 12. signa Gal. redu-  
xit causas dierum decretoriorum, indicantium, parium,  
uel



uel imparium: Et quia in hoc loco nolumus de hac materia longius pertractare uideatis Galenum in illo tertio de diebus criticis per totum librum: & in tertio Prognosticorum: De his etiam Ego multa dixi alias, & ostendi quomodo Gal. recte senserit cum ex professo hanc materiam esse aggressus, diffuse tunc, & distincte omnia, quæ dici possunt enarraui his, qui me audiebant, nunc tantum per capita hæc dicta sint: si uobis non occurrit melior teneatis eam, donec doctiores meliorem inueniatis, saltem habetis quod est probabilior explanatio cæteris: Quicquid sit impropósito omnis motus in die pari malum indicium affert, & periculosus est: in acutis quidem mortem, in chronicis uerò longitudinem, quod hoc uerum sit præter testimonium Gal. credatis experientiæ, omnes medici longo tempore obseruarunt accessiones, paroxismos, crises, & denique omnes mutationes, quæ fiunt in alie pari malas esse. Philiscus ægrotauit febre acuta in primo die statim inuadente præter symptomata præcedentia febris exacerbari consuevit in diebus paribus, post noctem laboriosam dies accessionis secuta est: cum ista omnia uiderent medici in primo die statim iudicare poterant ipsum moriturum: in secunda accessit febris exacerbatio. quis erat qui non cognouisset futuram mortem? etiam asinus iudicasset moriturum esse Philiscum in die pari quarta, uel sexta: in tertia etiam stulti, & dementes quid futurum dixissent, VESPERI A clysteri melius habuit &c. adiutus est in iectione clysteris, idest, postq̃ iniectus fuerat clyster in uesperis. ergo curabat ipsum: Videre q̃ pius, & q̃ mirabilis

G      lis



# COMMENT. MONTANI

lis Hippoc. etiam si moriturum esse prognosticatus fuerat, tamen noluit relinquere sine auxilijs. prognostico ergo præmissis his, quia stabant curationem aggressus, & incepit applicare remedia: Vespere iniecit clysterem, quo iniecto adiutus fuit: Non putetis quod melius habuit propter clysterem, ut clyster fuisset remedio, & auxilio, non: sed hoc quia ita debebat esse, contigit, clyster nihil fecit, ita fuisset etiam si non iniecisset clysterem: hoc dixit, non quod clyster inuisset, sed est modus loquendi: ut quando dicimus sole existente super terram Philiscus ambulauit, contigit solem esse super terram cum Philiscus ambulauit: sic in proposito intelligit Hip. contigit enim quod iniecto clystere fuerit, cum postea Philiscus melius habuit fuit per accidens; per se uere quia debebat ita esse propter ea quæ nunc suadet Hipp. iniecerat autem ipse clysterem, ut leniret, & euacuaret intestina repleta fecibus: sed nihil iuuuit, quia uehementissimus erat morbus: Videte modo quomodo debebat ita esse, quod melius se haberet: Nam dicit Hipp. quod nocte, quæ præcedebat tertiam diem quieuit. NOCTE QUIEUIT: Hoc etiam rationabiliter fuit, sicut se habet oppositum de opposito, ita quæsitum de opposito regula Topica: Dictum est superius noctem laboriosam esse, quia nox præcedens diem paroxysmi grauis est, sic in proposito nox fuit quieta, quia præcessit dies, in qua debebat esse quies: nox enim præcedens diem quietam leuis, & quieta est: dies secunda fuit dies paroxysmi, dies tertia erat dies quieta. futura ergo nox præcedens tertiam debebat esse quieta, & est nox de qua nunc dicit.

No



Nocte quieuit Hippocra. uir in arte exercitissimus elegit tempus quietum magis, in quo iniiceretur clyster post crepusculum noctis in uespere iniecit clysterem, in quo tempore non ita affligebatur à morbo: quod uos quoque debetis obseruare, ut scilicet in quietiori tempore morbi remedia exhibeatis, uel applicetis; hoc uobis perpetuum sit: iniecto clystere dicit Hippocr. melius se habuit: Vespere &c. id est, post crepusculum secundæ diei in principio noctis, quæ præcedebat tertiam diem melius habuit, rationem assignauimus, quia in nocte debebat bene habere propter diem tertiam futuram quietam. ideo uespere clystere iniecto melius habuit, quia debebat melius habere: dies. n. futura erat libera, & sine paroxismo. Vultis uidere ita esse, audiat. DIE TERTIO mane, & ad meridiem usque febre uisus est liber esse &c. bene dixit: & si melius haberet habito clystere (ut dixi) non erat, quia fuisset adiutus: ideo Hippoc. non accepit aliquam spem de salute, isti bene imperiti medici non firmi in principijs artis, qui huc illuc agitantur, uolubiles fluctuant, ut nauicula quædam sine timore à uentis agitata, quando uidissent ita bene ualere: Hem saluares est dicunt ipsi, tendit ad salutem, ita faciunt nostri isti medicastrum, cum uident ægrum melius habere, dicunt sine ulla consideratione statim simpliciter, bene est, ualebit; absolute inquam sine cautione: Sed si sequantur aliqua magna symptomata, uidentq; quod urget, & affligunt ægrum, ad oppositum uertuntur, & dicunt absolute morietur: isti miseri nesciunt stare loco: sicut uident symptomata uariari, ita ipsi uariantur in sententijs:

G ij si



# COMMENT. MONTANI

si nostri medici uidissent in tertio die ægrum illum melius habuisse statim sine ulla præ meditatione iudicassent de salute, illum inquam liberatus à morbo: Non ita fit dicit Hippocr. uisus est liberaſſe à febre in tertia die, dicit uisus est liber eſſe, notanter id effatur, non fuit liberatus, ſed uisus est alijs medicis idiotis, imperitisq; liber eſſe, nō mihi: non putetis tantum uirum motum fuiſſe ad uariandum iudicium tam leni de cauſa in morbo acuto. ideo uiſus est liberatus, hanc peculiarem habet Hippocr. in loquendo diligentiam, quando omnino & uere liberatur æger ſecundum ſuum ſanctum prognosticum dicit abſolute liberatus eſt, ut uidebitis melius inferius, ubi erimus in curſu cuiuſdam ægroti, qui ſaluatus eſt. At quando non loquitur ſecundum ueritatem, & propriam mentem, ſed ſecundum aliorum iudicium, & apparentiam dicit uisus eſt liber eſſe, non liberatus eſt. Notabitur hoc inferius in quibuſdam caſibus modo dicit liberatus eſt, modo iudicatus eſt, nunc uero uisus eſt liber eſſe, Hippocrat. bene ſciebat, quod non habebat ſe melius in tam mala ægritudine cum febre acuta, & ſæuis ſymptomatibus: Notetis, iſte uir peius ualebat, & tendebat ad mortem: quod ſemper iudicauerat Hippocr. quando omnia ſunt quieta in febre maligna, & peſſima non poteſt eſſe niſi malum iudicium, & ſignum eſt quod morbus letalis eſt, ac æger moriturus, hoc nobis perpetuum ſit in febribus malignis in tertia die prognosticum confirmatum fuit de morte, omnes ſciuiſſent dicere moriturum Philicum tanta ægritudine, & tali diſpoſitione afflictum, qui bene habuit in  
tera



tertio die . ergo mors futura : causam huius si uultis habere legatis in secundo de causis pulsuum, & de prognosticatione ex pulsu, dicit Galen. quando est pestilens, & febris maligna propter summam in corde putredinem omnia uidentur esse leuiora, calor remissus ad tactum, pulsus paruus, rarus, & uidetur esse secundum naturam, siue inaequalitate omnia uidentur esse meliora, tamen febris acuta est, & omnium deterrima. Si medicus imperitus uideat omnia ita benigna tangat pulsum, percipiat esse paruum, & ita naturalem certe iudicabit procul dubio bene ualere, non aegrotare; medici dogmatici, & principia Artis optime edocti, in morborumq; cognitione exercitati magis timebant, & mortem expectabant: causam horum reddebat Galen. dicens pulsum paruum, & fere secundum naturam esse omnia leuiora, propterea quod natura non audet aggredi pugnam contra tam malam materiam, tanta est putredo in humoribus, qui sunt in corde, ut calor naturalis, & natura ipsa non audeat, ne paruam quidem partem eius oppugnare: cum non fit pugna non augentur symptomata, sed omnia mitescunt, morbus exacerbat. praeterea uirtus a tanta materia, & quidem pessima fuit debilitata, non habet robur, ut moueat arterias ad magnas dimensiones, calor concentratus est, & quidem debilis. ideo si tangantur aegri non percipitur fere calor a medico, imò nec aeger uidetur percipere calorem febrilem, putat se esse sanum in tam magno discrimine, quod optime declarans Auicenna. in prima quarti in capite de signis febrium pestilentialium dixit: Et quan-



# COMMENT. MONTANI

doque est de febribus pestilentibus, in qua non percipitur neque à medico, neque ab ægro intensio caloris, pulsus parvus secundum naturam parum alteratur, urina ferè secundum naturam, & cum hoc ipsa est interficiens uelociter, & æger tendit ad mortem, & plurimum hæsitant medici in esse eius; si inspiciantur ea, quæ apparent extrinsecus non uidetur esse morbus, cum hoc medici hæsitant in esse eius, ægri uero moriuntur, uolunt surgere, & dicunt se esse sanos inquit Auicenna. & continuè moriuntur. iste ergo uir in tertio quiescebat, quia natura defessa erat, & debilis non poterat pugnare cum morbo, paroximus non aderat, pulsus parui ferè secundum naturam, frigida exteriora, non percipiebatur calor febrilis, sine febre omnino esse uidebatur. Quapropter meritò ab imperitis uisus est liber esse, non est liberatus, sed uidebatur esse liber. Quòd hæc fuerit uana uisio, & quod non fuerit liberatus à febre, ac quòd Hippocr. bene iudicauerit de morte audiat is quid secutum sit: **SUB CREPUSCULUM** uero febris eum acuta corripuit &c. scilicet post dimidium noctis ferè in mane quarta, circa crepusculum redijt illa in foelix febris: Note, arcana sunt omnia hæc in Arte medica, inuasit febris iterum in nocte præcedente quartam, & in fine tertie diei, cum debuisset incipere in quarto, anticipauit hoc spatium temporis: scitis quod febris acuta inuasit in prima statim die, in secunda exacerbata est, durauit usque ad uespertinum tempus præcedens tertiam, in tertia quieuit subcrepusculum iterum inuasit

pa=



paroxysmus, & hoc erat indicium quod deberet fieri crisis ad mortem; si perseverasset febris in secunda die per totam secundam non habuisset febrem, postea in crepusculo tertiæ. Sed inuasisset, (sicut debebat, cum aggregeretur in paribus diebus) in quarta, in secunda cito terminata est: ideo & ante quartam anticipauit tantum, quantum in secunda defecit: in secunda ante noctem desuit, in quarta ante crepusculum inuasit. ergo in tertia die quæ debebat esse tota quieta, omnia indicabant futuram mortem, & quidem cito: in prima die incepit febris, in secunda inuasit, in tertia, quæ debebat esse quieta cum non esset dies accessionis sub crepusculum iterum redijt febris, & perseverauit in quarta, statim erat futura crisis, nemo est qui uidere processum huius febris consideratis accidentibus omnibus non iudicasset in sexto, uel circa futuram crisin, erat necessarium, cum esset febris acuta maligna, inuadens paribus diebus, & anticipasset in secundo paroxismo qui cæpit in tertia die, ut cito fieret crisis: est enim hæc perpetua regula duobus diebus consequentibus febre exacerbante cum accidentibus malis non posset esse, quin cito fiat crisis. quod Vos admonet diuissime certe, & opportune Galen. in commento huius Aphorif. & debetis mandare hoc dictum memorie, dicit: Fac memineris ubi in morbo acuto quartus perinde, ut tertius graua habeat symptomata, & signa, in ambobusq; sit exacerbatio febris, breui expectandam crisin esse, in hoc uiro fuit exacerbatio febris, & symptomata graua in fine tertiæ, idest, sub crepusculum quar

G iij te,



# COMMENT. MONTANI

te, & in quarta die omnia grauiſſima. Igitur neceſſa-  
 riò cito erit criſis, puta in ſexta per regulam Galen.  
 quæ perpetuo uera eſt. Fac memineris ubi &c. primo  
 erat febris acuta, quæ cito terminatur: ſecundo in pari-  
 bus diebus exacerbabat; anticipauit deinde, debebat in  
 quarta inuadere, & incepit in fine tertie, fuit paroxiſ-  
 mus in tertia & quarta: ergo de neceſſitate his omnibus  
 de cauſis criſis erat expectanda citò: de neceſſitate his in-  
 dicijs mori debuit in ſexta, ſicut mortuus eſt. Videte,  
 quanto artificio ponantur iſta ſymptomata ab Hippocr.  
 ut iudicetis per uos, quod morietur, & in quo die morie-  
 tur, anticipatio acceſſionum indicauit uelocem motum ad  
 criſim. VNA CVM ſudore &c. in hoc paroxiſmo  
 erat ille idem ſudor diaphoreticus, de quo etiam locuti  
 ſumus ante in primo die non ſubleuans corpus à febre,  
 ſicut debet facere ſudor bonus, & naturalis: ſubſecutus  
 eſt ille ſudor non naturaliter, ſed ſymptomaticè, ubi in-  
 uaſit febris acceſſio, id eſt, in fine tertie ſub crepuſculum  
 quartæ futuræ, & ſudor quidem frigidus ſicut in primo  
 die, hoc addebat aliquid ſuper malitiam febris, diximus ſu-  
 perius cur quot uel de cauſis frigidus ſudor malum indi-  
 cet, & quòd malus ſit ſudor frigidus exiſtente febre acu-  
 ta ſeruentiſſima habetis ex principijs Artis, & hæc bene  
 poteſtis cognoscere, ſi habetis iudicium: Dicebat etiam Poe-  
 ta Plautus de quodam ſeruo: Non placet quando homo ſu-  
 dat, & friget: deridebat hominẽ quando ſimul cõtrarijs af-  
 fligitur, peſſimum erat iudicium, quod iſte homo frigeret  
 cum ſudore, ſupponendo quod ſudor debeat eſſe calidus  
 non



non frigidus: Sitibundus erat &c. Ego admonco uos legam quàm diu uolueritis, non ero pertinax, agitur de uestra utilitate, non sunt legenda ista, nec audienda sine auribus, sunt omnia arcana intima Artis, non faciatis strepitum, quia statim uertitis me: audiatís dum potestis, Ego doceo ueritatem non conteratis tempus, audiatís libenter, & diligenter.

SVB CREPVSCVLVM uerò febris eum acuta corripuit, una cum sudore &c. Intersecueramus sine aliquo puncto in præcedenti explanatione naturã, & casum ipsius Philisci, propterea oportet ut connectamus dicta dicendis, ut sumus continui. Debetis primo meminisse, quod primo scitis naturam ægitudinis Philisci, ut exacerbetur in diebus paribus, cum sit febris pestilens, ut cum sit pestilens, & maligna habuit duas exacerbationes in diebus paribus, in prima die incepit febris acuta, in secunda omnia grauiora, in tertia die uisus est quiescere, & melius habere. Debetis meminisse ista omnia, & notare exacerbationes quo die fiant propter prognosticũ, quod multum refert, ut recte præponatur, si scietis prædicere, & iudicium futurorum præferre eritis optimi medici. In tertia ergo die quieuit, & uisus est liber esse à febre: ideo erat bonus dies: Circa crepusculum circa mediam noctem erat quarta hora noctis, uel circa: crepusculum enim est hora illa, in qua dubitatur, num sit nox, an dies: ante crepusculum quartæ inuasit iterum febris acuta, anticipauit cum debuisset incipere in quarta: ideo fuit expressissimũ

G V si



## COMMENT. MONTANI

signum crisis ad mortem in sexto. fuit igitur necessarium,  
 ut in quarta duraret paroxismus, & in tertia, in qua li-  
 ber esse debebat cum non esset dies accessionis, quarta e-  
 rat dies paroxismi, sed accessio fuit in fine tertiae, & in  
 quarta: ergo in sexta crisis necessario esse debebat per  
 ea, quae dicta sunt: Nam quotiescunque febris acuta simul  
 exacerbatur in tertia, & in quarta inuadens paribus die-  
 bus expectanda est crisis citò, id quod admonet quoque  
 Gal. in comm. dicens: quando tertia, & quarta dies simul  
 fuerint inquietæ, ut accessio sit in tertia, & in quarta ex-  
 pectare oportet crisin breui futuram, quæ uel mala erit,  
 uel bona; magis tamen mala, quam bona, quia febris acu-  
 ta anticipauit unum diem, in tertia inuasit, & perdurauit  
 per quartam, in qua debebat rationabiliter aggredi Philo-  
 scum. hæc est enim regula apud Medicos perpetua, quan-  
 docunque exacerbatio febris acutæ & in tertia, et in quar-  
 ta perduret necessario cito iamiam erit crisis siue bona,  
 siue mala: in hoc uiro paroxismus perseuerauit in quar-  
 ta, cum tamen inuasisset sub crepusculum in fine tertiae fe-  
 cit anticipationem per illud tempus. ergo crisis expectan-  
 da erat potius ad mortem, quam ad salutem: quod iudiciū  
 magis confirmabatur, quoniam cum febre acuta sub cre-  
 pusculum ante quartam diem sudor quoque frigidus anti-  
 cipauit. Vidistis quot de causis fuit pessimus sudor: pri-  
 mo quia in principio paroxismi statim cum febre exiuit  
 sudor: secundo quia frigidus, tum quia in die pari debe-  
 bat cum febre oriri: sed dicit sub crepusculum etiam su-  
 dor una cum paroxismo fuit. igitur necessario debebat ci-  
 to,



to, cito fieri crisis, ut sicut febris cum symptomatibus anticipauit, ita crisis debuit anticipare, & esse in prima die pari. in sexta: Dicit: SITIBUNDVS erat &c. Hoc est nouum symptoma, quod accidit in principio secundi paroxismi sub crepusculum ante quartam, non contigit in primo paroxismo, neque in prima die, scitis causam? audiatis: Sitis est accidens, quod fit propter caliditatem, & siccitatem in uentriculo, & membris naturalibus existentem, & ut dicunt philosophi est appetitus frigidus, & humidus: in principio morbi, in prima die, & in primo paroxismo, qui fuit in secunda materiae multae crudae adhuc sunt in uentriculo, quia nondum fuerunt consumptae, uel euacuae, humectant & infrigidant uentriculum, ac membra naturalia: unde non poterat sitis adesse, quod hoc ita sit, & hac de causa sitis non sentiatur in principio, cognouerunt hoc quoque medici nostri temporis antequam dent syrupos, quos uocant ipsi digestiuos, & antequam pharmacum exhibeant, uel sanguinem mittant, prius dant quaedam leuiora in principio, ut euacuent illam materiam crudam, ne intra uenas impellatur, uel trahatur; dicunt ipsi, euacuare oportet materias communes, quae non faciunt morbum, sed sunt adhuc in membris primis naturalibus, causam nescientes alteris, quam tamen Gal. assignauit in quarto de tuenda sanitate, ubi hoc praecipit esse faciendum in principio ante alia remedia, ne materiae illae crudae communes trahantur intra uenas, & faciant obstructions, adaugeant materiam morbi, & morbum intendunt. quia igitur in principio erant istae mate-

rie



COMMENT. MONTANI

riæ crudæ in uentriculo humectabant, non poterant exic-  
cari membranaturalia: ideo nec in principio sitiebat, in  
quarta & principio secundi paroxysmi, idest in fine ter-  
tiæ diei materiæ crudæ iam fuerunt consumptæ, exicca-  
tæ, inflammatæ à calore febrili in paroxismo præceden-  
ti, successit secundus paroxismus, calor igneus febris inue-  
nit uentriculum uacuum ea cruda materia exiccavit, &  
sitim prouocauit: ideo in hoc paroxismo sitibundus erat,  
non in primo: ad hoc adiuuabat unum aliud, habebat in-  
flammatas partes interiores, erat inflammatio in hypo-  
chondrio sinistro, ex qua magis inflammatæ erant par-  
tes illæ, & sitis facta est. in secundo itaque paroxismo  
sitibundus erat, non in primo, nondum erat inflammatio  
aliqua uisceris, adhuc materia cruda erat in uentriculo,  
quæ postea consumpta erat in quarta die, LINGVA  
præterea exaruit &c. hoc est aliud accidens, Vbi admo-  
neo uos quod tam in ægitudinibus acutis, quàm in chro-  
nicis: non solum enim dico hoc in acutis, sed etiã in chro-  
nicis: admoneo inquam uos, quod semper debeatis inspicere  
linguam, quando ægrum uisitis singulis uicibus, & dili-  
genter aduertere, quæcunque circa ipsam sunt consideran-  
da, quotidie spectetis linguam, habet maximam partem ad  
iudicium, & tantum uobis proderit eius indicatio, ut for-  
sit an melius indicium habeatis ex lingua, quàm ex urina,  
quæ uidetur tantum præstare in indicando, uel si nõ ma-  
ius, saltem par, non minus, hoc non est meum inuentum,  
est antiquum: uideatis Gal. quid dicat in 6. Epid. com-  
mentatione. 5. in commen. eius Aph. uel sententiæ, quæ  
ita



ita habet: Lingua lotium significat &c. & est Aphor.  
 14. per multas potest differentias indicare, primo per co-  
 lorem, ut ibi dicit Gal. dominium humorum singulorum  
 indicatur, si lingua sit rubra sanguinis dominium esse si-  
 gnificat; si flaua, uel citrina flauæ bilis; si alba pituitæ, si  
 atrum habuerit colorem, melancholiæ; ex dominio hu-  
 morum tingitur ling' ut qualis est color humoris domi-  
 nantis, talis sit color linguae: quod dicebat etiam Hip. ibi  
 in textu recensens f. uificationes omnes humorum ex lin-  
 gua quo ad colorem: Hæc quo ad colorem habetis à lin-  
 gua: Quantum attinet ad superficiem eius oportet uide-  
 re nunquid sit aspera, an lenis? si multum sit exasperata  
 significat inflammationem esse in aliquo uiscerum, quia  
 quando hepar, aut lien est inflammatus fiunt multi uapo-  
 res fuliginosi adusti, qui ascendentes per œsophagum lin-  
 guam exiccant, exiccata exasperatur. ergo de primo ad  
 ultimum linguam exasperant uapores fuliginosi sicci a-  
 scendentes à loco inflammato. primo enim fiunt sicca ea,  
 quæ exasperantur, postea aspera efficiuntur, asperitas se-  
 quitur siccitatem tanquam causam. ideo Arist. in quar-  
 to Meteoror. dicebat asperum esse signum sicci, læuita-  
 tem uerò humiditatem indicare: & hoc est quoniam aspe-  
 ritas à siccitate prouenit, sicut lænitas ab humiditate: con-  
 trarij effectus & signa, contrarias causas significant:  
 huius rationem possumus assignare ex principijs eiusdē  
 Arist. qui in secundo lib. de generatione, & corruptione  
 dixit humidum habet ea, quæ diuisa sunt, et separata con-  
 iungere, ac continuare, siccitas contrà quæ continua sunt  
 se=



## COMMENT. MONTANI

separat, & discontinuat. ubi ergo abundat siccitas partes, quæ continuæ sunt separantur, ut non amplius sint æquales, una superat alteram, una altior, alia depressa: habent magnam inæqualitatem, & hæc proprie asperitas dicitur: per siccitatem enim remouetur humiditas, quæ continuatas partes retinebat, & æquales: ex quo fiebat lenitas & planities in superficie: sed de hoc latius non dicemus: habent hoc ostendere uobis philosophi. supponatis nunc satis esse, quod omnia aspera sicca sunt, & asperitas signum est siccitatis: ubi ergo uidebitis asperitatem in superficie linguæ, ut eius partes sint diuisæ, & segregatæ iudicabitis magnam siccitatem adesse, quæ non prouenit, nisi ratione membrorum interiorum, quæ inflammata generant multos uapores fuliginosos siccos per œsophagum ascendentes ad linguam. ergo per consequentiã, ubi lingua aspera, indicium est inflammationis alicuius uisceris, ut splenis, uel hepatis; in Philisco erat aliqua inflammatio in his membris, quia in hoc paroxismo apparuit lingua arida, asperata, sicca, & inæqualis: inflammatio fuit in splene in hypochondrio sinistro: cum hæc ita se habeant, lingua uaria indicet secundum uarios colores, & uarias superficiei differentias. Hip. solum accepit indicatiũ ab asperitate linguæ dicens, Lingua exaruit, tacuit colorem non habuit ab illo aliquam indicationem: cur ergo prætermisit colorem, uideretur forsan diminutus. Hip. breuitatem amat, notate maximum artificium in textu, non dicit aliquod uerbum sine pondere, cum acceperit id, quod accidit circa superficiem linguæ subticuit colorem,

&



Et merito, ne uerba multiplicaret : hoc enim fuit studiū  
 proprium Hip. ut cum loquitur ea, quæ sunt essentialia,  
 Et ponderat, si qua sunt, quæ uno uerbo intelligi pos=  
 sint, unum uerbum solum dicit, reliqua quæ à legentibus  
 possunt intelligi prætermittens. ideo habeatis hoc quod  
 Hip. intendit loqui semper cum uiris doctis, qui princi=  
 pia Artis sint bene affecuti. Dixit, Lingua exaruit, exa=  
 sperata est, colorem tacuit, non dixit, nigra fuit lingua,  
 sed lingua exaruit, debebat esse necessario nigra; tamen  
 non dixit : Tacuit autem hoc, quia statim intelligebatur  
 ex asperitate lingue, quæ fit à siccitate, et propter id quod  
 subdidit de urina, dixit fuisse nigram urinam. ergo neces=  
 sario Et lingua nigra debuit esse per ea, quæ dixit Hip.  
 cum Gal. in eo sexto Epid. sectione quinta, in eo Apho.  
 quem supra citauimus. Lingua lotium significat, qualis lin=  
 gua, talis urina, qualis urina, talis lingua, hæc se conse=  
 quuntur. ideo uir tam in signis sicut est Hip. non posuiss=  
 set tot uerba, satis est quod dixit, lingua exaruit : quia si  
 exaruit adustio magna fuit : ergo nigredo consecuta : ec=  
 ce per causam. præterea urina nigra : ergo lingua ni=  
 gra consequenter, hæc est ratio cur de colore lingue ni=  
 hil dixerit, potest intelligi, quod nigra fuit ex his, quæ di=  
 cit NIGRAM urinam reddidit : Debetis scire circa  
 speculationem urinarum, ut sciatis intelligere indicia, quæ  
 ab his habentur, Et ea quæ habet in textu Hip. breuiter  
 quedam, quæ uobis distincte, Et breui quadam methodo  
 nunc uolo communicare. Debetis inquam scire ex sen=  
 tentia Gal. in primo de crisi cap. 12. quod urina uel si=  
 gni=



# COMMENT. MONTANI

gnificat sanitatem, uel ægritudinem: illa quæ significat sanitatem habet colorem secundum naturam: color autem naturalis urinae est ille color medius inter album, & rufum, neque plane est albus, neque omnino rufus, sed pallidus est, unde proprie dicitur pallidus, uel palearis color similitudine, quam habet cum palea, color paleæ hordei proprie est color naturalis urinae, à Græcis dicitur *ἁχρόσ*, pallidus medius inter album, & rufum, ut est color quando rufum ponitur in albo, qualis est color citri remissus, Urina talis pallida lucida est, & splendens substantia eius, Quantum ad hypostasin, quæ uariat secundum rationem hominum uariam, dico quod prout homo exercetur est hypostasis in urina naturalis; si exercet se aut nullam habebit hypostasin, aut paucam, si quam habebit: si non exercetur urina habebit hypostasin mediam non in fundo omnino residentem; ita enim urina uariatur in hypostasi secundum exercitium: Variatur etiam hypostasis in urina uarietate ciborum iuxta eorum quantitatem, substantiam, & qualitatem: quod cibi uariet urinas in colore, substantia, in liquore, in hypostasi, & in omnibus, hoc habetis à Gal. in quarto Aph. ubi ostendit, quomodo possunt mutare urinam, & quod omnino mutatur: Hæc est urina, quæ sanitatem indicat, de hac uideatis latius Hip. secundo prognosticorum, hic tantum per capita dicimus hæc ad intelligentiam eorum, quæ dicuntur. Urina quæ ægritudinem significat uel significat simplicem ægritudinem, idest intemperiem qualitatum tantum, uel humores præter naturam: intemperies ualida du=



duplex aut calida, aut frigida, uel igitur indicat intemperiem frigidam, uel calidam: frigidam indicat urina tenuis in substantia, alba in colore: si crescat frigiditas in intemperie fiunt urinae liuidae plumbeae: Si adhuc magis augeatur frigida intemperies fiunt uirides: si ulterius efficiatur maius frigus, urinae tandem nigrae euadunt: hoc summum est, & pessimum signum, quod potest esse, quantum ad frigidam intemperiem. Si uero indicet calidam intemperiem simplicem sine affluxu materiae urina fit in colore citrina magis: si adhuc crescat caliditas uertitur ad calorem croci, & fit crocea: si adhuc magis crescat cum sub nigredine fit rubor in urina, postea eruginea, tandem inualefcēte calore euadit nigra. Hæc de simplici intemperie, quomodo indicetur ab urina. Si autem cum materia adsit frigiditas, ut humor s frigidi in corpore abundant, urinae fiūt albæ, habent residentia, ut farina, uidebitis in fundo urinae esse, ac si esset farina crassiuscula: quandoque habent nebulam, quando sunt illa residentia, ut farina indicant, quod multi sint frigidi humores, crassi, et pituitosi: quando non habent residentia illa crassiuscula, sed habent quandam nebulā in summa parte, et significant, quod humores frigidi pituitosi flatuantur non remanent ita crassi, sed tenuiores fiunt dum in flatus uertuntur: Si sint calidi humores, qui abundant in corpore cum duo sint sanguis, & bilis, uarie erunt in utroque urinae: si sanguis dominatur, urina crassa, & rubea est: si dominatur bilis, urina lucida quidem erit, sed ut semper appareant arenulae quaedam nantes in tota substantia urinae, ut dissiliant, si quis aspiciat

H in



# COMMENT. MONTANI

in his uideat hæc sedimenta: ideo in hoc est differentia ab urina, quæ indicat intemperiem solum: Si sit materia cum caliditate, materia inquam biliosa, urina fit flaua cum arenulis residentibus. At si sit calida solum intemperies urinae flauæ sunt sine sedimentis istis: si modo augeatur caliditas cum materia biliosa fit crocea urina cum suis arenulis semper: si adhuc magis crescat fit æruginosa: si inualescat calor tandem accedunt ad pessimum gradum, fiunt nigre, crassæ cum multo sedimento, feculentæ, & hæ sunt in ultimo malitiæ: isti sunt gradus urinae, qui uario modo indicant de ægritudine breuiter à nobis collecti. istis sic stantibus dicit Hippoc. urinas nigras apparuisse: Non putetis non fuisse in his hypostasim, habebant suas hypostasises, quia fuit materia simul cum intemperie calida, uidebitis postea melius fuit in his urina nigra, suum etiam sedimentum nigrum habebat, ut par rationi erat, necessariumque: sed Hipp. id non dixit, quia sub uno ambo complexus est, loquitur cum uiris doctis, & expertis: si urina erat nigra: ergo magis sedimentum suum nigrum erat. pro hoc uolo, ut uideatis præter rationem ita distantem pro meliori satisfactione omnium, ne uideatur imaginarium apud me, dico ut Gal. in primo de crisi cap. 10. ubi uidebitis quod si substantia urinae est nigra, sedimentum nigrum est, licet non sit uerum contra, potest esse sedimentum nigrum in urina non nigra. Vnde dicit ibi Galen. quod si in urina apparuerit sedimentum nigrum est mala urina, & quantum attinet ad prognosticum, morietur ille infirmus: sed non omnino aufertur spes de salute, & ut loquar sicut ipse



se dicit, quandoque uidi aliquos esse saluatos: Si est urina nigra, idest, substantia urinae cum sedimento nigro pessima est, & ego dicam sicut Galen. mortem necessario futuram esse significat. Ego (inquit) nunquam uidi aliquem saluatum esse, urina tali apparente nullum euasisse reperti. Sed cum urina nigra est, non quod substantia eius sit nigra: sed quia sedimentum, quod est in urina nigrum est malum indicium est, sed tamen non omnes moriuntur, quandoque saluantur, nigra existente substantia ipsius nullus sanatus est, intelligatis in febre, & morbis acutis: Nam alioquin hoc uerum non est, imò aliqui sunt, qui comedunt aliquid uitiatum, quod denigrat urinam, uel quando se exerceant nimis, & sunt obstructions in uisceribus, ut in splene, hepate, urinae nigrae fiunt, sani sunt, non aegrotant, non moriuntur, quamuis urinam meiunt nigram propter cibos, qui tingant urinam, aut propter exercitium aduruntur, aut effunditur bilis atra, & bilis flaua, quae lucidam reddit urinam, retinetur. distinguendum igitur est quando dicitur, quod urina nigra pessima est, neque aliquis unquam saluatus est. notetis, intelligit nunc Gal. quod nullam saluatum uidit in febre acuta, uel in morbis acutis, de his quae in sanis apparent non intelligit. cum sedimine igitur nigro aliqui saluati sunt, cum urina nigra in febre acuta nullus sanatus est, omnes moriuntur qualis erat febris in hoc uiro: iste homo habuit utrumque & nigrum sedimentum, & substantiam nigram. dicit Hippoc. quod mixit nigram urinam cum sedimine nigro, quia postea nigram reddet utroque modo: sudauit sudore frigi-

H ij do



# COMMENT. MONTANI

do, sitibundus erat, sub crepusculo, id est, circa principium noctis febris iterum redijt acuta, lingua exasperata cum sudore iterum frigido, urina nigra circa quartam horam, uel primam horam noctis, uel circa principium noctis, sub crepusculum hoc fuit, postea totam noctem habuit inquietam. NOCTEM grauem habuit, neque dormiuit, uigilauit, inquietus fuit: hoc necessario debuit esse primo quidem per regulam illam medicorum, propter ea quod futurus erat paroxysmus in die sequenti. Regula est quod nox praecedens diem paroxysmi inquieta, & grauis est. Quibuscunque crisis fit, his nox grauis ante accessionem &c. dicebat Hippocrat. secundo Aphoris. & cum eo Galen. ibi, & alias saepe, haec est prima ratio: secundo debuit etiam esse inquieta nox, sicut fuit, quia habebat paroxysmum febris, quo affligebatur; incepit enim in crepusculo, uel in principio noctis sub crepusculum, non potuit aliter esse, quin inquiete maneret his duabus de causis. habuit ergo noctem grauem, non dormiuit. OMNINO delirauit &c. Hoc etiam fuit additum in secunda accessione, quae fuit in nocte praecedente quartam diem: Nam & si antea habuerit grauem noctem, tamē dormiuit, non delirauit, non dixit ita Galen. ibi, quod postea additum est in secunda accessione, & hoc merito, quia in principio morbi nondum siccatum erat cerebrum, sicut in hoc paroxismo. Debetis enim scire, quod priuatio somni fit à siccitate cerebri, humiditas est propria, primaria, & per se causa somni: siccitas uero uigiliarum, si secundum Galenum, quem nunc sectantur, & secundum omnes medicos



eos uolumus loqui; quorum sententia fuit, ut humiditas sit  
 principalis causa somni, non frigiditas. Bene dixi secun-  
 dum medicos, quia secundum philosophos aliter est:  
 Nam in hoc uidetur esse discors Aristot. à Galen. qui in  
 libro de somno, & uigilia uidetur totum oppositum su-  
 stinere, quod frigiditas sit principalis & per se causa som-  
 ni: ut frigiditas primo faciat somnum, per accidens ad hoc  
 agat humiditas. Ego cum de hac questione ex professo  
 sermonem haberem annis elapsis tenui cum medicis, &  
 conciliaui Aristot. cum Galen. quia reuera non differunt,  
 imò Aristot. hoc idem dicit, neque aliter potest esse apud  
 philosophos, tametsi uideatur dissentire non dissentit: O-  
 stendi Aristot. dicere, quod humidum conciliat primario  
 somnum, ut Galen. contendit, dabam exemplum de rore,  
 ut ros cadens in nocte primo humectat, deinde refrigerat:  
 sic uapores, qui causant somnum naturalem primo hume-  
 ctant, tandem refrigerant, ita ut humiditas primo faciat  
 somnum, secundo frigiditas, hoc uoluit Arist. si haberem  
 tempus adhuc clarius ostenderem, sed non est locus pro-  
 prius uagandi in hac materia, satis est Aristot. hoc uelle,  
 quod etiam cognoscens ille Poeta dixit uolens dicere Pa-  
 linurum incidisse in somnum, finxit sparsum fuisse rore  
 madido cadente à cœlo, quo ita quieuit poeta: optime, &  
 artificiose tetigit naturam somni, quæ à Galen. & philo-  
 sophis realiter & manifeste declaratur. uoluit autem  
 Poeta idem dicere, quod primum humectato cerebro, dein-  
 de refrigerato somno correptus fuit Palinurus. Bene  
 uerum est quoniam Arist. sicut & Galen. uult soporem fie-



# COMMENT. MONTANI

ri à frigiditate primo, & per se, humiditate secundario. Sopor non est somnus naturalis, Nos loquimur de somno naturali. Vnde papauer cum frigidum sit non inducit somnum, & ea, quæ maxime sunt frigida, illa inquam non causant somnum naturalem, sed inducunt sua frigidityate intensa soporem: somnus naturalis fit solum primario ab humiditate, secundario à frigiditate. Siccitas uerò per se primo uigiliarum causa est, caliditas secundario, & præter naturam. optime nouit ista Aristot. non possum longius immorari in his. Philiscus noster non dormiuit primo propter magnam siccitatem, quæ à febre fuit inducta in cerebrum, secundo quia cerebrum exiccatum est propter uapores ascendentes à materia putrida fuliginosa: propter ista duo non dormiuit, somnus non poterat esse ablata causa somni, quæ est humiditas naturalis. Eadem de causa quare non dormiuit, delirauit etiam propter uapores ascendentes cerebrum exiccantes. delirium secundum sententiam Galen. & Auicen. & paraphrenitis fit à siccitate cum materia coniuncta ob uapores calidos fuliginosos à materia acris, siccaq; eleuatos, qui cum ad cerebrum ascendentes peruenerint siccitatem inducunt & faciunt materiam, & melancholiam seu deliriū, & cæteras consimiles passionis: non dormiuit, & delirauit: si delirauit non potuit dormire: ab eadem enim causa proueniunt ambo, sed differunt secundum intensiorem, & remissionem: oportet cerebrum magis exiccari in delirio, quàm in priuatione somni. ideo si delirauit non dormiuit, non tamen sequebatur, non dormiuit: igitur delirauit, quia pri-



priuatio somni poterat esse siccitate simplici sine materia.  
 at delirium cum fiat à materia sicca calida, si delirauit si-  
 gnum erat, quod aderat materia, propter quam etiam non  
 dormiuit, quod affuerit præter siccitatem materia pa-  
 tet, quia si non fuisset materia in cerebro siccitate præsen-  
 te non esset delirium, uel paraphrenitis, sed κατόχος con-  
 gelatio, quando homo congelatur, non dormit, non deli-  
 rat: κατόχος enim fit à magna siccitate cerebri sine ma-  
 teria: ut habetis in primo Prorrhethicorum ab illo Autho-  
 re, & ab Auicen. congelatio dicitur in tertio lib. cap. de  
 congelatione: At si cerebrum exiccatur, & adest materia  
 mala sicca non congelantur homines, sed incurrunt deli-  
 rium. ubi ergo delirium, ibi materia necessario calida &  
 sicca: iste non dormiuit, & delirauit: aderat igitur mate-  
 ria in cerebro calida & sicca: de his non dicam plura, sa-  
 tis est quedam tetigisse ad rem nostram necessaria. Nota-  
 te quæso diligenter omnia ista, habebitis discursus hoc  
 anno multos, perlustrabimus totam istam artem, per om-  
 nia discurremus modo longius me extendendo, modo ma-  
 gis restringendo, uultis aliud? Scio uobis dicere, quod to-  
 tam artem addiscetis, omnibus satisfaciemus: scio multos  
 uestrum esse, qui indigent calcare ad intelligenda ea, quæ  
 docentur; Aliqui alij sunt, qui non modo non egent calca-  
 re, uerum etiam freno sunt reprimendi, omnia facile ca-  
 piunt, & sunt quandoque nimis prompti omnes erunt  
 contenti. Q V A R T O cuncta exacerbata sunt &c. me-  
 rito euaserunt omnia fortiora, & grauiora: scitis cur? ista  
 erat dies exacerbationis, in qua debebat esse paroxysmus,

H iij quia



# COMMENT. MONTANI

quia (ut dictum est) inuadebat paribus diebus. in quarta igitur debuit magis exacerbari, & si ante praeuenerit, & occupauerit: quandoquidem dixit Hipp. quod sub crepusculum ante quartam inuasit accessio febris acutae, quae debebat esse omnino quiesca. ergo exacerbatio perdurauit in tertia, & in quarta die: qua de causa per regulam supra assignatam ex Galen. necessario futura erat crisis in sexta & ad mortem per ea, quae euenerunt, non poterat euadere: in tertia die quae debuit esse quiesca, habuit paroxysmum febris acutae, in quarta die exacerbationis ordinariae debuit habere accessionem, habuit, & omnia sunt facta grauiora: quomodo obsecro putatis hunc infelicem euasurum? tam magna & pessima symptomata fuerunt, quae indicabant necessario mortem, anticipauit accessio, nunc omnia grauiora euaserunt, quomodo? nonne audistis in primo paroxysmo, & in principio secundi, qui fuit sub crepusculum inuasisse febrem acutam cum sudore frigido, urinae nigrae erant, non dormiuit, uigilauit, exaruit lingua omnino, delirauit, quid peius poterat esse? necessario debebat mori, tamen dicit Hipp. omnia ista mala symptomata exacerbata sunt in quarta die accessionis, quomodo euasurus est iste homo? cito morietur necessario, quando putatis cum non possit euadere, quod moriturus sit? quia symptomata pessima, & quia febris anticipauit de necessitate non poterat pertransire sextam diem, ut non moreretur, ita sensim duxit nos, ut iudicaremus futuram mortem, quum manifeste poteramus praedicere in secunda, & clarius in tertia: nunc tam clare indicium erat a sympto-

ma



matibus, ut unusquisque etiam rudis possit intelligere moriturum esse Philiscum: & qua die mori debeat, potestis uidere quàm admirandum artificium sit Hip. in disponendo symptomata, quæ singulis diebus contingerunt, ut etiam si subticuisset ægrum istum mortuum esse, per nos possimus bene iudicare, est diuina doctrina, & semper magis admiranda, quanto magis consideratur, singula uerba sunt arcana, non nugæ ponit: ita fietis medici ab isto uiro. **VRINA nigra &c.** Adhuc magis admiror prudentiam Hip. Audiatis: Reddita iterum est urina nigra: cum fuerint omnia in quarta die exacerbata, quæ in aliis superioribus diebus erant leuiora, addit hoc urina nigra: superius dixit, urina fuit nigra, hic iterum addit urina nigra, uidetur uerba multiplicare, tamen Hip. nunquam nugatur, fugit quàm maxime nugæ, dicit bis idem: nunquam temere loquitur, non sine magno mysterio hoc addidit, ut clarius adhuc patebit, quando tertio repetet idem: notate mysterium, & arcanum artificiosissimum in textu, & uidebitis quod non modo non fuit dictum temere, sed consultò id fecit, **Urina nigra.** Debetis scire quemadmodum supra dicebamus, quod urina potest nigrescere dupliciter, nigrescit aut quia hypostasis, quæ est in urina nigra sit substantia urina lucida remanente, uel quia substantia urina nigra est non amplius sedimentum. Rursus idem repetatis, substantia urina nigrescit dupliciter uel propter adustionem sanguinis, quoniam aduruntur humores, et tingunt substantiam urina; uel propter extinctionem caloris innæ-



# COMMENT. MONTANI

ti, quia corpus refrigeratur, & calor naturalis diminuitur. hos gradus nigredinis non imaginor, bene notetis, sunt Hip. reperietis in textu, Hip non in docendo solum, uerum etiam in loquendo fuit artificiosissimus, uolens ostendere, quod in hoc uiro successiue apparuit urina nigra propter has tres causas ter in hoc textu repetiuit: Vrina fuit nigra, non multiplicans uerba: primo reddita est urina nigra, quoniam hypostasis in urina erat nigra, non substantia urinæ: in secundo paroxismo minxit urinam nigram non quidem propter hypostasim, sed quia substantia urinæ nigrescebat propter primam causam, quia sanguis adustus erat: tertio & ultimo loco dixit minxit nigrā, uolens significare Hip. quod urina omnino nigra erat, & propter hypostasim nigram, & propter substantiam urinæ nigram, quæ nigra erat facta nō propter sanguinis adustionem, sed propter extinctionem caloris naturalis: iam moriebatur, Et ita uidetis, quod uoluit Hip. significare uobis in hoc ægroto nigram fuisse urinam omnibus modis successiue, sicut ad mortem magis accedebat. ideo ter dixit, urina fuit nigra non immerito: uidete modo an sit mea imaginatio, inuenistis in Hip. hos tres gradus urinæ nigræ, quos secundum ordinem disponens in textu dicit primo quod urinam minxit nigrā, quia habebat hypostasim nigram, quod erat pessimum signum, & quia Hip. uidit grauiora omnia, ægritudinem ualidiorem, addidit secundo: Vrina nigra: tertio mors instabat, calor extinguebatur. ideo minxit nigram: habetis tres causas, quibus urina nigrescit, & quanto artificio



ficio repetat ista : oportet uidere hæc arcana in textu , non percurrere, sed ponderare quando loquitur iste homo diuinus, non tumultuate sunt audienda cū attētiōe.

QUARTO CUNCTA exacerbata sunt urina nigra, nox molestior, urina melioris coloris &c. Oportet uos meminisse omnia, quæ superius dicta sunt, & continuare : intellexistis casum huius Philisci, & omnia symptomata circa ipsum contingentia usque ad diem quartam : Ex his symptomatibus indicabimus essentiam morborum, & causas eorum indagabimus, ad prognosticum accedentes tandem curationem proponemus, quæ in tali casu conueniat, quem processum postea tenebimus : intellexistis omnia symptomata, febrē inuasisse statim à principio acutam, quemadmodum exacerbationes habebat in paribus diebus, quod pessimum indicium afferebat, sudores frigidi, urinae nigrae erant, Et cum febris ista paribus diebus consueuisset inuadere, in secunda habuit accessionem, debuit postea in quarta accedere, quod est admodum notandum in hoc casu mutauit consuetudinem, & anticipauit per aliquod spatium temporis ; in tertio sub crepusculum acuta febris inuasit, exacerbatio secuta est, quæ inuadere debebat in quarto, si uerum est quod exacerbabatur in diebus paribus, si hoc uerum est debuit paroxysmus esse in quarto, tamen dixit quod in fine tertij coepit accessio febris acutæ; hoc erat malum signum in morbo acuto, anticipauit per illud tempus tertiæ diei: ex hoc iterum quod per hos duos dies paroxysmus durauit, & febris se  
cit



## COMMENT. MONTANI

cit anticipationem accedens in fine tertiæ indicium certis-  
simum erat, quod necessario moriturus esset in sexta die,  
in qua defunctus est: asini cognouissent ex accidentibus  
tam manifestis, & certis; quæ & mortem, & breui fore  
significant, quod moriturus erat in sexta, non poterat e-  
uadere, necessario debebat mori. Dicebamus si memi-  
nistis hanc regulam esse firmam apud medicos, & est re-  
gula tradita à Gal. in commen. huius Aph. quæ talis est:  
quandocunque in tertia, & quarta simul febris exacerba-  
tur, fac memineris quod citò, citò erit crisis illius morbi,  
uirtus non poterit sustinere ultra sextam, uel circa: in  
Philisco sub crepusculum anticipauit accessio febris acu-  
tæ, & non cessauit, sed in quarta etiam perseuerauit.  
igitur iudicandum erat moriturum cito, non euasurum  
sextam: hæc fuerunt quæ prognosticum nobis confirma-  
bant: audistis ista in genere, modo audiatis in specie. Di-  
cit Hic. Quarto cuncta exacerbata sunt, urina nigra, non  
molestior, urina melioris coloris: omnia, inquit in quar-  
to fuerunt grauiora, symptomata inualuerunt, urinam  
in ea die paroxysmi minxit nigram: repetit id quod  
dixerat superius, sed non sine causa, maximo myste-  
rio hoc fecit: Videatis magnum artificium Hip. quo lo-  
quitur, & breuitatem, & grauitatem coniungens. opor-  
tet ut intelligatis, & uidebitis quod uerè docet Medi-  
cinam ubique. hic dicam de Hip. & merito possum dice-  
re, quod Quintilianus dicebat de M. Cicerone, qui non  
intelligit Ciceronem, & ipsum diligenter non aduertit, il-  
le ignauus est dicebat Quintilianus, ille sibi persuadeat se  
mul-



multum in eloquentia, & facultate dicendi, cui placet Ciceroprofeciſſe, alioqui nihil profecerit: Sic ego dicam hoc loco de hip. in Medicina ille maxime in Medicina proficiet, & euadet bonus medicus, cui placet Hip. qui intelligit ipſum artiſiciũ, quàm mire, quæſo, loquatur uideatis, ſcio quomodo ſemper habeatis ipſum in manibus. Repetiuit igitur hoc, minxit urinam nigram non immerito, conſultiſſime id fecit, ut declarabamus etiam ſuperius, quando intellexeritis qua ratione ita locutus fuerit, non admirabimini niſi prudentiam huius hominis: Admonui uos ex ſententia Gal. in primo de criſi, cap. 12. quod ſi uideritis, cognoscetis ea, quæ dicuntur: admonebat uos Gal. ibi, quod urina pōt nigreſcere tripliciter, ſiue propter tres cauſas nigra fit, aut fit nigra non ratione ſubſtantie, ſed ratione hypotaſeos, quæ in urina continetur: aut fit nigra ratione propriæ ſubſtantie, quia ſubſtantia urinae nigra eſt: aut propter extinctionem caloris ratione frigiditatis, quia corpus refrigeratur, ut proximum ſit morti. Tres ergo gradus urinae nigrae ſecundum tres cauſas, quæ poſſunt illam nigrefacere, iſta non ſunt mea, neque imaginaria, præter hoc quod uobis oſtendi ex natura rei in re ipſa, ſunt etiam Gal. in eo 12. cap. uideatis: non ſunt chymerae, neque noua, non recedo à Gal. primo quidem fit nigra hypotaſis, & ſi urinae ſubſtantia non fit nigra: facilius enim & minori de cauſa nigra fit hypotaſis, quàm ſubſtantia: ſi ſubſtantia debet nigreſcere, requiritur maior & fortior cauſa. fit autem nigra hypotaſis urina propter melancholiam, quæ aduſta ad ueſi-

ſi-



# COMMENT. MONTANI

ficam excernitur, melancholia fit adusta facillimè inter omnes humores. Ideo facillime hypostasis nigrescit: inde bene dixit Gal. & rationabiliter, quod urina nigra apparente, in qua hypostasis nigra sit, substantia non, malum quidem iudicium à medico fieri debet de morte: multi tamen saluati sunt, & dicit Gal. plurimos uidisse saluatos, sed quando substantia urinæ nigrescit, pessimum indicium affert, & morbum maligniorem significat. ideo apparente urina nigra, quia substantia nigra est nullum uidit unquam saluatum fuisse, omnes moriuntur, nec possunt euadere, nigrescit urina, non quia melancholia aduratur, sed color iam adusit alios humores, ut etiam aquo sitatem & serositatem urinæ attigerit, magna ergo causa fuit, quæ potuit adurere aquositatem humidam ineptā, ut aduratur, magnus est ille ignis, qui in aqua non extinguitur, ut dicunt nostri recentiores, quando loquuntur de febribus: sic magnus debuit esse calor, qui non potuit extingui in serositate humorum ex qua fit urina, non modo non potuit extingui, sed etiam adusit aquam, & nigram reddidit urinam: si aquositatem ita humidam potuit adurere usque ad nigredinem, creditis uos quod magna fuerit uis ipsius caloris? certe non potuit aliter esse. ergo magna existente causa morbus necessario magnus est: si urina appareat nigra in substantia, causa non potest esse nisi magna, calor adurens intensus, & morbus magnus, & malignus est. igitur malum indicium affert urina nigra, quia indicat magnitudinem causæ, malitiā morbi, peior est ista urina, quàm prima quæ nigrescit leui, et

re=



remisso etiam calore, quia melancholia de se facile aduritur, & ex adustione nigrescit. Quia in Philisco semper inualescebat ægritudo, & causa intendebatur, hinc est quod urina in malitia indicandi peius habebat, quod aduertens Hip. ter quidem dixit urinam minxisse nigram, non eodem modo, quos omnes tres tetigit. primus gradus nigredinis erat, urina nigrescebat, quia hypostasis erat nigra, ægritudo erat mala, & calor febrilis intensus, sed non ita ut adusta sit aquositas urinalis, adussit partem humoris melancholici: ex quo hypostasis nigra erat: deinde additur urina nigra, quia substantia urinae iam nigrucrat, non amplius propter hypostasim solam iam nigredo occupauerat & substantiam, & hypostasim, inualuerat ægritudo, & causa maior facta: tertio fuit nigra urina, non sicut prima propter humorem melancholicum adustum, nec propter adustionem aquositatis urinalis, & omnium humorum; sed quia hypostasis, & tota urinae substantia nigra est propter extinctionem caloris innati. ideo uidetis quod in tertio loco dixit urinam minxisse nigram, & statim erat moriturus, cum dixisset in primo paroxismo fuisse urinam nigram, quia hypostasis nigra erat, & malum indicabat, nunc modo addidit in secundo paroxismo urinam nigram minxisse, quæ haberet substantiam urinae omnino nigram. ideo peius indicium afferebat, et morbum ualidiorem, & causam potentiolem redditam esse, merito dixit Hip. antequam mentionem faceret de urina nigra, cuncta exacerbata sunt in quarto, ita patet uobis maximum artificium ipsius, & mysterium in  
tex=



# COMMENT. MONTANI

textu. Notate, non intelligetis postea ipsum, nescietis cur toties inculcet hoc: indiget interprete, hoc ipsius fuit perpetuum studium, ut interpretem haberet. Vidistis hactenus hos gradus urinæ nigræ in ipso, non est meum figmentum hoc: Audiatis, postea dicit. **NOX MOLESTIOR:** Non immerito hoc adiunxit, quia certius mortem significabat: uultis hoc uidere, nox quæ debebat esse quæta, fuit molestior, cum duobus simul diebus perdurasset paroxismus: uidete malum significabat. Nox antecedens diem quietum est quæta, omnia remittunt, sicut nox præcedens diem paroxismi est inquietæ & molestæ, regula est, & sententia quam supra tradidimus ex Hip. in eo Aph. 2. part. Quibuscunque crisis fit, his nox grauis ante accessionem: Quæ uero subsequitur magna ex parte leuior existit: hac ratione dicebam superius noctem ante secundam diem fuisse inquietam, quia in secunda futurus erat paroxismus, & nox ante paroxysmum grauis est, debuit esse nox quæta ante quintam diem, et non fuit: nox enim molestior: pessimum indicium, non satis erat afflictus præter hoc, quod haberet etiam noctem molestam. Quod autem debuit esse nox quæta ista, patet; declaro sic: scitis quod exacerbat in die pari febris ista maligna, in secunda, in quarta. igitur in diebus imparibus quæta nox esse debebat, quia & dies quieti sine accessione febris, in quarta fuit paroxismus, in quinta non erat futurus paroxismus. ergo in nocte ante quintam debuit esse quæta, & liber à febre, & symptomatibus, non fuit, nox fuit molestæ, debuit etiam correspondere tertie nocti

sti



Et ante tertiam diem, quæ fuit quæta. sed fuit molestæ, si-  
 cut ad crepusculum ante quartam deterius habuerat, cer-  
 te ex hoc non poterant iudicare medici, nisi quod esset mo-  
 riturus: Notetis, & si fuit in tertia, quæ erat dies quæta,  
 paroxysmus, & febris exacerbatio in quarta persevera-  
 uerit, nox adhuc molestior successit, in qua debuit parum  
 refocillari, non potestis nisi expectare mortem citò futu-  
 ram: propterea Hipp. non sine leui causa addidit hoc, nox  
 fuit molestior: Deinde dicit: VRINA MELIORIS  
 coloris &c. creditis uos, quòd statim iudicaret bene uale-  
 re? Urina est melioris coloris: ergo bene ualet, creditis  
 quod tam fatuus esset Hipp. tam mobilis ingenij? tantus  
 uir non motus esset à suo iudicio, & si urina esset melio-  
 ris coloris, sed forsitan alijs uisa est bona urina, quod ap-  
 pareret esse melioris coloris, non liber erat, uisus est a-  
 lijs, non Hippoc. imo desperaret, nihil peius esse potest in-  
 diciu de morituro, quàm cum apparet urina coloris me-  
 lioris cum omnibus malis symptomatibus, quæ prius erant:  
 in Philisco non modo eadem erant symptomata mala, sed  
 omnia etiam exacerbata, & tamen urina erat melioris co-  
 loris: hoc erat pessimum indicium, & quod sensim tende-  
 ret ad mortem: quod diximus de urina idem est de pulsu,  
 quotiescunq; pulsus apparet secundum naturã non muta-  
 tus ad aliquam differentiam stantibus eisdem malis sym-  
 ptomatibus, quæ prius in morbo apparuerant, non potest  
 peius esse indicium, statim ille morietur, proximus est  
 morti, ut bene admonebat etiam Gale. in secundo de præ-  
 sagitione ex pulsu: in malignis, & pestilentibus febribus



## COMMENT. MONTANI

pulsus apparent secundum naturam, urina apparet naturalis, tamen omnia symptomata sunt letalia, febris maligna est, putredo iam confirmata in corde, uel in eius humoribus, uel etiam tandem in substantia cordis: morietur aeger citissime, urina & pulsus sunt secundum naturam: quomodo potest hoc esse quæso? & rationem dat ibi Gal. dicens in febre pestilenti est summa putredo in corde confirmata, omnia scilicet symptomata, uirtus maxime aggrauatur, & tanta est uis ipsius morbi, tantaque potentia hostis, ut à pugna defessa deterreatur, morbo inualecente uirtus magis debilitatur, debilis existens non potest suas operationes perficere, uirtus expulsiua non expellit, concoctiua non fungitur suo officio, & tandem omnes operationes à singula uirtute fiunt deteriores, uitalis uirtus non potest aggrauata ab hoste mouere arterias: ideo pulsus fiunt parui, ferè naturales, expulsiua non expellit malos humores: ideo urina apparet naturalis: mors instat magis, ac magis. in nostro Philisco omnia symptomata scilicet appaauerant in superioribus diebus, sed quia nondum uirtus erat defessa, sed fortis humores malos corruptos concoquebat, expulsiua expellebat extra uenas per sudorem, per urinam, & alia loca humores ita putrefactos, & adustos. unde urinae nigrae reddebantur, sudor exibat: quanquam symptomaticè, cum esset sudor ille diaphoreticus non criticus: satis est quod natura agebat in humores rebelles, & stantibus symptomatibus urinae nigrae fiebant, uirtus erat ualida, quæ ageret contra suum hostem: sed nunc post quartam, in qua fuit paroxismus, nox grauior



uior extitit moriturus est in sexta Philiscus, dicit Hippo.  
 minxit urinam melioris coloris, non erat amplius nigra,  
 sed colorata, lucida, iam debilitata uirtus expulsiua fuit à  
 morbo à tanta putredine humorum, non poterat expul=  
 siones facere, concoctiua non concoquebat, expulsiua non  
 expellebat illos humores adustos corruptos extra uenas:  
 sic humores adusti non miscebantur cum aquositate urina  
 li, natura ita debilis excernebat solum quandam tenuem  
 aquositatem, ex qua fit urina sine humore aliquo; non tin=  
 gebatur, sed colorata & lucida ita exhibat: hinc est quod  
 urina fuit melioris coloris, idest, colorata proprio colo=  
 re, non absolute fuit bona urina, neque per se. non pote=  
 rat igitur indicare, quòd bene ualeret: sed fuit melior uri=  
 na melioris coloris respectu uisus, uidebatur quoad colo=  
 rem melior, & respectu coloris, quem habuit antè in ter=  
 tia, quarta, & secunda urina fuit nigra mali coloris, nunc  
 est colorata meliori colore, quia non est ita nigra sicut e=  
 rat: malum enim in respectu maioris mali licet in se ma=  
 lum sit, dicitur bonum: ideo urina melioris coloris fuit,  
 uerum est non respectu positiui sui, ita ut fuerit melior re=  
 spectu sanitatis, in qua bona est, sed comparatiue dicitur  
 respectu contrarij, quia in præcedentibus diebus fuerit ma=  
 li coloris et nigra: sicut dicimus de duobus hominibus ma=  
 lis unum esse meliorem, non quod in se, uel respectu homi=  
 nis boni sit melior, sed quod non ita malus, sicut alter: uri=  
 na melioris coloris non erat urina bona, pessimam ægri=  
 tudinem indicabat, & ægrum properare ad mortem. Et  
 hoc est ad mirabile dictum ipsius Auic. in prima quarti in



# COMMENT. MONTANI

tractatu de febribus pestilentibus, in capite de signis fe-  
brium pestilentium: Et quandoque est de his febribus pe-  
stilentialibus, in qua non percipit æger, nec tangens pro-  
pinquus multitudinem caloris, & pulsus apparent secun-  
dum naturam, urina secundum naturam, non alterantur  
alteratione magna, & tamen cum hoc ipsa est interficiēs  
uelociter, & hæsitant medici in esse eius, ægri tendunt ad  
mortem, & uidentur non ægrotare, dicunt se non ægro-  
tare, continue moriuntur. Hinc est quod Hippocr. iure  
optimo notauit in textu urinam fuisse melioris coloris :  
Notetis ante quintam diem nox fuit molesta cum in quar-  
ta fuisset exacerbatio simul, et in quarta, seu a omnia ergo  
signū erat quod natura deuinceretur à morbo ualidiori,  
cū debuisset quiescere, et morbus remitti, intendebatur ma-  
gis, & uirtutē affligebat, omnia symptomata pessima ade-  
rant, superuenit urina melioris coloris, idest, lucida, pura  
aquositas urinalis, non nigra, sicut ante fuit, hoc erat si-  
gnum futuræ mortis citò, nihil peius contigisset: cum om-  
nia symptomata remansissent successit urina melius colo-  
rata, natura non amplius agebat contra hostem, statim  
necessarium erat quod decumberet. QUINTO AD  
meridiem parum de naribus, idq; merum stillauit &c. De-  
bebat in quinta quiescere, quæ erat dies quietis, & inter-  
missionis; tamen fuit maligna, pessimè habuit, seu a sym-  
ptomata acciderunt, & omnino tertiæ correspondit sub  
crepusculum, quoad symptomata: Notate nihil peius po-  
terat addi ad detrimentum, ad priora enim quæ passus est  
accescit stillicidium sanguinis e naribus, & quidem par-  
uum,



uum, quod id debuit esse in quinta, & in meridie indicauit  
 tertiam in quinta uidebatur esse liber ab omni febre & ac=  
 cidentibus circa meridiem: natura in quinta, quæ non erat  
 dies paroxysmi fecit impetum contra morbum, & causam  
 morbi: stillauit sanguinis parum e naribus: natura tenta=  
 uit aliquid circa meridiem, sed debilis iam defessa nihil po=  
 tuit perficere, uoluit tamen aliquid aggredi, stillicidium  
 fecit per nares. Notetis hic sunt pulchra consideranda, al=  
 tius rem repetamus: stillicidium hoc e naribus malum fuit  
 indicium, & pessimum symptoma in quinta die, omne stil=  
 licidium malum, & præter naturam existit. Est autem præ=  
 ter naturam tribus de causis hoc stillicidium, quod fuit in  
 Philisco: primo quidem ratione sui, quando stillicidium, id  
 est, guttæ quæ exeunt e naribus in ægritudine malæ sunt,  
 & præter naturam malum etiam indicium per uiam cau=  
 sæ, signum est quod materiæ multæ, & humores petunt  
 caput, natura non bene ipsos regulat, sed secundum pro=  
 prium impetum mouentur: unde cum ascenderint caput  
 dissiliunt & uasa disrumpunt, unde sanguis stillat, & ef=  
 fluit, hoc malum est ut materiæ ita ad caput ascendant. id,  
 eo si fuerit uel acuta, uel longa semper malum: si in acuta  
 id contiget morietur æger: si uero in chronica longa fiet  
 ægritudo, ita per uiam causæ malum fuit indicium: per  
 uiam autem signi malum, quia præter hoc quod erat stil=  
 licidium sanguinis fuit parum non multum, signum est quod  
 natura tentauit pugnam contra hostem, sed non potuit p=  
 ficere id, quod inceperat: succubuit: si multum stillasset de  
 sanguine bonum fuisset, non ita malum. sed per uim stilli=  
 I iij cidium



# COMMENT. MONTANI

cidium fuit: quod hoc sit sicut dictum est uidebitis adhuc melius in alijs casibus, non oportet omnia in uno casu proponere, satis est quod malum fuit stillicidium, sanguinis parum, si fuisset multum non ita malum extitisset. Vnde Gal. quem uideatis, quoniam dixerat Autor ille prorrhethicorum in tertio Prorrheth. Aphor. uel sententia. 49. dicit. Quæ ex naribus cum surditate, & ignauitate parua est stillatio, difficile quippiam habet, inquit Gal. in commento eius Aphor. quod Autor iste Prorrheth. nescio quomodo inconsiderate dixit, difficile aliquid portendit, non debebat dicere aliquid difficile portendit; sed lætale, uel aliquid consimile: quoniam omnis ægritudo cum stultitia, uel cum surditate, uel furore acuta est, si superueniat stillicidium sanguinis e naribus malum est, & mortem significat non modo difficultatem: in longis uerò ægritudinibus longitudinem ostendit. Erat malum stillicidium in hoc Philisco secundo propter aliam causam quam tetigit Hippocr. cum inquit. **ΙΔΩΕ** merum stillauit &c. merum fuit id stillicidiū, quod facilius ipse dicit Græcè, & foelicius **ἄκρως** ergo malum: Nam ut uidebimus melius etiam in casu sequenti Sileni, quandocunque aliquis humor exit à corpore merus **ἄκρως** signum est, quod sua aquositas, & suus ichor fuit resolutus, & consumptus. ideo humor purus, & merus excernitur, ut si bilis sincera excernitur sine proprio ichore, sola & uera substantia bilis: signum est, quod ichor ipsius absumptus est, alias declarauimus quid sit **ἰχρὸς**, est subtilior, & tenuior pars aquosa in quocunque succo, uel humore, quæ à nostris

stris



stris aquositas dicitur, & ostendimus omnes humores ha-  
 bere proprios ichores: sanguis habet suum ichorem, bilis  
 suum, melancholia suum: probauimus ratione secundum  
 Platonem, & Galenum, à quo non dissentimus, ut sensu  
 etiam ostenderimus illos esse in quocunque humore de-  
 prehensos, ut pote qui & subtiliorem, & fluidiorem hu-  
 morem reddant, quàm sit in propria natura, & substàn-  
 tia. Et qui negant eos, nesciunt principia medicinae, Gal.  
 non intelligunt, quem profitentur, bonos & ueteres tñ  
 philosophos, tum medicos non assequuntur, & tandem  
 sensui repugnant. hoc nunc supponatur, quod aliàs fir-  
 missime & distinctissime probatum est à nobis: Dico q̃  
 si ichor humoris absumptus sit à calore, si exeat sanguis,  
 uel melancholia, uel pituita, uel quicunque humor crassior,  
 & siccior existit, necessario quem cum ichore admistum  
 habet. ideo sanguis excernitur crassus, & niger, quando  
 ichorem non habet commistum. si separatur ab ichore, ut  
 substantia illa serosa tenuis, a qua tenuis clarus, & sub-  
 tilis efficitur, seiungatur à parte crassiori, quæ est uera  
 sanguinis substantia: ichore seiuncto statim sanguis red-  
 datur obscurus, crassus, niger, remota causa subtilitatis in  
 sanguine crassus efficitur, & terrestris, & pessimus: atq;  
 hæc est causa secunda propter quam malum existit stilli-  
 cidium sanguinis. Hic notetis Hippocr. non frustra addi-  
 disse, quod merus fuit sanguis, qui stillauit, & per hoc,  
 quod dixit sanguinem, qui excretus fuit e naribus, merum  
 fuisse, habere potestis consequenter, quod crassus erat ob-  
 scurus, quòdq; esset niger: quia merus non cum ichore,



# COMMENT. MONTANI

Substantia erat sola, crassa, terrestris, ichorosa nunquam  
pars ipsius fuit à calore absumpta, & resoluta: tacuit hoc  
Hippoc. quia ex hoc poteat unusquisque intelligere re=  
liqua, seruat semper suam breuitatem, & grauitatem.  
quod autem fuerit niger præter rationem quæ nobis ita  
dictat, hoc notat quoque Galen. in commento, dicit niger  
erat sanguis, qui exiuit, eò quòd merum fuisse dicit, pro=  
babile & maxime uidetur uerisimile, quòd fuerit niger,  
& quod per hoc Hippoc. simul intellexerit nigrum exti=  
tisse præter aliud signum prope imò necessarium. Dicit  
Gal. necessariò fuit niger non ruber sicut naturaliter cõ=  
missus cum ichore existit: Nam si fuisset ruber, non fuisset  
febris acuta. At dixit Hippocr. febrem fuisse acutam, imò  
statim in principio inuasit acuta. ergo sanguis non erat ru=  
ber, sed niger: in quacunque ægritudine animaduertatis  
quotidie hoc, ægritudine dico acuta stillat sanguis e nari=  
bus ille merus, idest, niger semper emanat, nunquam ego  
uidi in febre acuta sanguinem rubrum, nunquam. Dicit  
propterea etiam Gale. Ego nunquam uidi in febre acuta  
exitiali, & perniciosa sanguinem rubrum emanasse, nun=  
quam uisum est hoc, sed semper si fluit, fluit ater in febr=  
ibus lætalibus, & perniciosis, & hoc est quoniam in fe=  
bribus acutis calor feruentissimus, & intensissimus est ad  
urens humores, qui sunt in corpore ex adustione nigre=  
scūt: quade causa etiam dixerat Philiscum minxisse nigrā  
urinam, non minxisset urinam nigram, n si feruentissimus  
fuisset calor, qui sanguinem aduisset. ex adustione humo=  
rum audistis superius urinam reddi nigram, & hoc in a=  
cutis



cutis febribus: ita dicendum de sanguine, cum sit adustus per nares exiuerit necessario niger est, ex assatione acqui-  
 sunt nigredinem, & bene hoc notauit inter symptomata Hippoc. stillauit sanguis merus sine ichore terrestris, qui fuit à calore feruentissimo absumptus, remansit pars crassa, assata: ergo & nigra: huius bene reddebat causam Gal. in primo Prorrheth. ubi Author Prorrhethicorum in sententia, s. 4. dicit stillicidium ex naribus malum, si nigrum et atrū letale est: si stillet sanguis merus niger non modo indicat materiā ascendere ad caput, & uapores multos eleuari ad superiora, sed etiā indicat materiā illam adustam, & assatam à calore acutissimo, qui consumpsit totam humiditatem, absumpta humiditate serosa, quam ichorem appellamus remanet pars terrestris, crassa, quæ consequenter nigra fit. ergo stillicidium sanguinis nigri pessimum indicium affert in ægitudine acuta, & mortem omnino significat, stillicidium ex naribus malum &c. primo pro reth. sententia, s. 4. ideo & uicissim esse debet, si sit febris acuta in qua calor feruentissimus adurit, assatq; humores, si sanguis fluxerit ater erit, non ruber. Debemus itaque interpretari Hip. ut bene inquit Gal. hoc noluisse per sanguinem merum, idest nigrum terrestrem sine serositate tenui, & subtili: fuit haecenus stillicidium malum signū duabus de causis tum quia stillicidium, tum quia meri sanguinis, tertio malum erat stillicidium sanguinis e naribus; quoniam erat cum sudore frigido, & cum refrigeratione extremorum, erat febris acuta cum calore intensissimo, exiuit sanguis merus, & sudores frigidi erant, ex-



# COMMENT. MONTANI

trema frigefacta, hoc addebat ad maleficium, quod significabat merum stillicidium, erat pessimum, quod poterat esse ex sententia eiusdem Authoris diuini certe in hoc in Aph. uel sententia. 34. primi Proorrheth. Ex naribus si stillicidium sanguinis fuerit cum sudore frigido, & refrigeratione extremorum malum & letale est. sic itaque habetis stillicidium sanguinis in Philisco malum fuisse propter tres causas, quarum singula potest ipsum reddere præter naturam, & malum indicium: primo quidem malum est, quia fuit actu stillicidium, & omne stillicidium in acuta febre maxime cum parum est, exitiale, & letale signum existit, si sanguis enaribus semper malum indicat: materia ascendit ad caput, quod est arx ipsius cerebri: secundo malum, quoniam præter hoc quod fuit stillicidium sanguinis, id etiam fuit merum, nigrum, & crassum: ergo adustum; tertio cum sudore frigido, & frigiditate extremorum: Non potuit autem esse cum sudore frigido, frigidis etiam existentibus extremis propter aliam rationem, nisi propter eam quam tradit uobis Gal. ut supra adnotauimus, in commen. Apho. 37. in quarta particula Aphor. ubi dicebat Hip. in textu Frigidi sudores cum acuta quidem febre mortem &c. prima facie alicui posset & iure esse suspectum hoc dictum: propterea Galen. in commen. dubitat, & remouet dubium: dubium est quomodo possibile sit, quod cum febris sit acuta, calor uehementissimus, & feruentissimus adurens etiam humores, & interiora omnia inflammans, sudor tamen qui e corpore febriente, & partibus interioribus excernitur frigidus sit,



fit, si uerum est quod sudor sit humorum excrementum ultimum, quando iam sunt in membris quomodo possibile est humoribus adustis, & inflammatis partibus, in quibus generatur, quod sudor frigidus sit? hoc uidetur mirabile. Soluit Gal. dubitationem distinguendo; esset impossibile; si sudor exiret à partibus interioribus inflammatis, argumentum concludit, sed non exit ab intrinsecis, est excrementum cutaneum, quod excernitur à cute, & partibus exterioribus, quæ frigida sunt in febre acuta, in qua sudor frigidus excernitur, idest in pestilenti maligna, in qua exteriora frigida sunt: interiora uero inflammata & calidissima: sudor simul cum stillicidio emanauit à corpore symptomatice non critice, erat sudor ille diaphoreticus, propter debilitatem caloris maximam symptomatice exhibat, & si natura paulum expulsionem adiuuaret, & cum dies quinta non esset dies exacerbationis si stillicidium fuit, peius indicat, quia omnino symptomatice fuit, natura modice agebat, maxime cum præcessisset dies paroxysmi, uirtus defessa quiescebat non poterat tam malignam materiam critice expellere, tamen non desistens ab actione, ut omnino e corpore duceret illam, aliquid tentauit, quod perfecte assequi non potuit, excruit sanguinem adustum nigrum per nares, & id quidem parum, non poterant illi medici colligere, nisi aliquod malum. AD MERIDIEM stillauit in meridie sanguis merus, & bene, quia in meridie solebat inuadere paroxysmus, et natura magis inualebat contra humores, qui propter exacerbationem solitam ea hora maiorem impetum faciebāt

ad



## COMMENT. MONTANI

ad partes exteriores, idest in quinto quia symptomatice non in die acceſſionis: parum, quia natura modice agebat ad excretionem, circa meridiem, quoniam inuadebat paroxysmus in meridie: hoc necessario secutum est, sperandū erat non posse contingere, nisi aliquid mali. V R I N A E  
V A R I A E in quibus erant nubes quædam genituræ similes, rotundæ &c. De stillicidio dixit, quod apparuit stillicidium in quinto die, idq; merum, & paucum: Nunc modo dicit de urinis, quæ urinæ fuerint in quinto, & inquit in quinto urinæ uariæ erant, per uarietatem in urina intelligit de uarietate in substantia, non de hypostasi, ut ita dicat, urinæ in substantia apparebant: Varietas autem ad substantiam refertur, quoniam modo crassa erat, modo tenuis, nunc clara, modo obscura, modo nigra, modo colorata, modo aliqua alia: hoc erat indicium ultimi conatus, quem poterat facere natura; & signum extreme contentiōis, ac pugnae naturæ cum morbo, nunc facit totum quod potest. ideo omnia uaria apparent, nihil firmi & certi, sine ullo ordine, non est aliquis ordo in apparentibus, ut urina secundum ordinem uideatur nunc crassa, nunc crassior, & significet ordinem in actione uirtutis: sed in extrema pugna uaria apparent nunc crassa, nunc tenuis: iterum crassa, & sic in alijs, quæ fiunt in substantia urinæ: hoc est signum, quod natura non agit regulariter, quia semper procedit ordinatè non impedita: Vt uideatis quid indicarent uariæ urinæ, & quod uirtus symptomatice coacta nunc quicquid agebat, produxit, debetis animaduertere naturam rei: Et si uerū est quod di=



dixit Hip. in secundo prognosticorum. Si urinae modo bone, modo malae, modo cum hypostasi, & sedimento, modo sine hypostasi aegritudo longior, & periculosior significatur, quanto maius periculum indicabit in casu nostro proposito, iste moriturus est, ut ex symptomatibus praecedentibus firmissime potuit deprehendi: sudor frigidus, febris acuta, & cetera, quae haecenus connumeravimus mortem monstrabant. postea urinae fuerunt variae in substantia, modo bonae apparebant, modo malae in colore: ergo maximum, et extremum periculum mortis instabat, & si sciremus moriturum, hoc magis confirmavit iudicium: Si esset aegritudo non acuta, chronica, in qua appareant urinae ita variae nunc malae, nunc bonae timere debemus, & periculum inesse putandum est, quia si non morietur, saltem aegritudo longior erit, ita ut semper aliquid mali futurum esse timendum sit, quid debebat postea esse in hac saeva, & acuta aegritudine? Putate quaeso, & recte considerate quanto magis erat in hac timendum: si in longis, & non periculosis timendum est? omnia symptomata significabant mortem necessario futuram, ut unum, singulumque sufficeret hoc indicet, & postea secutae sunt urinae variae in substantia: quid peius poterat esse? natura maxime turbata erat, ponebat ultimum conatum, ut cum morbo contenderet: sed parum agere potuit, ad summum fecit stillicidium sanguinis, & id quidem parum, licet impetus humoris principaliter fuerit eius causa, agebat tamen adhuc aliquid natura: illud parum fere nihil erat. & ideo quae acciderunt symptomatice non

or=



# COMMENT. MONTANI

ordinate, ut natura facit contigerunt, erupit sanguis purus, merus: sudor diaphoreticus: urinæ melioris coloris, defessa tandem omnino prostrata est, nihil agebat amplius, exhibant omnia tanquam à uase non expellente natura, sed ut impetus humorum ducebat, non retinebatur aliquid: sed quicquid exibat, erumpebat natura non regulante. ideo uideatis quid additum sit. IN QVIBVS erant nubes quædam rotundæ, genituræ similes, dispersæ, non residebant. Dicit Hip. in his urinis uarijs erant quædam nubeculæ, & hypostases similes genituræ rotundæ per urinam totam dispersæ. notetis quod cum dixerit, quæ urinæ essent in substantia, quia uariæ erant, modo crassæ, modo tenues: nunc modo dicit de hypostasi, qualis esset hypostasis, quæ in illis continebatur, & quoad figuram, & quoad colorem, & quoad situm. Quod ut rectius intelligatur à uobis, notandum est, & discurrendum per ea, quæ notauit Gal. in primo prognostic. & est in ultimo cap. illius primi libri, in secundo de crisibus, in secundo de facul. natural. in lib. de semine, quod etiam repetebat in quinto de usu partium, in primo quidem prognost. clarissime cap. ultimo, ubi loquitur de pure ita discurret. Natura ad omnes partes corporis solidas distribuit sanguinem per uenas, & arterias, cum concoctus in hepate fuerit, & sanguinis formam acceperit: distributo sanguine ad membra fit tertia concoctio, quam Arabes uolunt esse quartam: sed hoc prætermittamus, & dicamus nunc, quod fit tertia concoctio, quando sanguis elaboratus transmissus ad membra solida, in illis con-

co=



coquitur à calore naturali, & tunc uertitur ad albedinem, qualis est substantia ipsorum membrorum, et fit omnino similis geniturae albus & in consistentia non dissimilis, inò dicebat ibi Gal. quod ille humor ita albus, & confectus, ut nutriantur membra solida non differt subiecto à seminis genitalis substantia, idem utriusque est subiectum, eademq; materia. supposito fundamento quod in singulis mēbris est uirtus alteratiua, quæ sibi assimilet id, quod distribuitur pro eorum nutritione in uentriculo, ut generet ex cibo chilum, in hepate, ut inducat formam sanguinis; in singulis membris, ut sibi assimilent in substantia sanguinem, qui cum transmissus fuerit ad testiculos, immutatur ab eis, ut inducant illi similitudinem, & sibi similem faciant in substantia, ubi recipit formatiuam uirtutem, qua inclusa dicitur semen & genitura, quia cum illam receperit potentiam habet proximam, ut ex illo animal generetur; hoc est semen: illa uero substantia similis geniturae, hoc differunt, materia tamen eadem est, ut uidetis: per ulteriorem, & perfectiorem concoctionem sanguis fit alimentum proximum membrorum, adhuc si concoquatur semen conficitur: uultis uidere quod ita sit ostendo luce clarius per sensum: uolo ut uideatis, & hoc adducit Gal. illi qui multum coeunt cum emisserint totum sperma, eijciunt postea quandam substantiam imperfectū semen, & deformem materiam, tandem eijciunt etiā sanguinem, & ego id sæpius obseruauī in salacibus hominibus, & qui multum conantur in coitu, indicium clarū, quod semen nihil aliud sit, quàm sanguis optimè concoctus



# COMMENT. MONTANI

ctus, & perfectus per concoctionem in testiculis: sanguis uero est semen imperfectum, per ulteriorem concoctionem euadit in semen. ideo saepe in testibus incisus reperietis semen imperfectum non elaboratum, idest sanguinem paratum purum ad recipiendam formam seminis; sicut est etiam pus secundum naturam, & bonae substantiae, quod, ut dicebat Hip. aequale, leue, et album, minimeque foetidum est; pus est idem subiecto cum sanguine, ut Gal. in eo capite ultimo discurrebat, & si hoc alibi quoque repetat: membra enim in quibus est pus conantur sibi assimilare materiam, ex qua fit: quae cum sit rebellis multum naturae non possunt in totum similem reddere in substantia. ideo saltem in colore, & aliquantulum in consistentia assimilarunt: sed haec praetermittantur nunc, unum est quod semen non differt subiecto à sanguine, quod ex eius parte magis concocta, & elaborata à corpore decisa in testiculos generatur: sanguis uero per tertiam concoctionem in solidis membris dealbescit, & fit similis fere ipsi semini, cum hoc sit ultimum alimentum quod proxime membris agglutinator nutrit actu, si separetur, et excernatur e corpore, natura certe iam mortua erit. in nostro Philisco uirtus ad tantam deuenit imbecillitatem, ut nihil amplius ageret, omnia dimittebat exire sine impedimento, nihil retinebat: ideo dimisit excerni non modo sanguinem, non solum sudores, & urinas aquosas, sed proprium etiam alimentum membrorum: non nutriebatur corpus statim accessura erat mors, ideo in urina hypostasis, & nubecula erat geniturae similis, alba, quae est hu-



humor pro alimento membrorum: hæc est sententia Gal.  
 non mea. quod dixi non est mea imaginatio, est dictum Gal.  
 à quo nunquam discedo, uideatis locum, repeto latius &  
 clarius quæ habet Gal. Excernebatur igitur in ægro isto  
 humor perfectus, & nutrimentum proximum actu nu-  
 triens membra, qui etiam inuenitur in uenis, & illas nu-  
 trit cum sint membra solida: uirtus decubuit, non agebat  
 aliquid, omnia dimittebat secundum impetum e corpore  
 fluere, nihil regulabat. ideo etiam alimentum proprium  
 cum urina effluens excernebat: ex quo urina habebat, ut  
 inquit Hipp. hypostasim, uel nubem genituræ similem, e-  
 rat indicium firmissimum proximæ mortis. Erant ergo  
 nubes genituræ similes hac de causa. **ROTVNDÆ:**  
 Addidit quod præter hoc quod hypostasis erat alba geni-  
 turæ similis quoad substantiam, & colorem, fuit rotunda  
 quoad figuram, Nubes erant rotundæ propter æqualita-  
 tem substantiæ: Æqualitas enim in substantia, & par-  
 tibus substantiæ facit rotunditatem in figura. unde simpli-  
 cia sunt rotunda omnia, & quanto simpliciora sunt corpo-  
 ra æqualia, tanto magis rotundiora sunt in figura, ut cœ-  
 lum cum omnium corporum sit simplicissimum, habeatq;  
 summam in partibus æqualitatem, maxime rotundum exi-  
 stit: sic cætera elementa inferiora quanto simpliciora, &  
 magis æqualia; tanto rotundiora sunt, & circularem fi-  
 guram habent, licet nullum eorum præter cœlum sit per-  
 fectè rotundum; quia nullum simplex reperitur elemen-  
 tum: Terra tamen inter cætera elementa minime rotun-  
 ditatem habet propter inæqualitatem, & dissimilitudinem

K par=



## COMMENT. MONTANI

partium: si uerum est, quod propter similitudinem in partibus fit rotunditas, ut in cœlo est. ergo quæ dissimilia fuerint non erunt rotunda, sicut terra, quæ propter inæqualitatem aspera est modo plana, modo caua, modo montuosa. At in his quæ minus simplicia sunt, ut in urinis non creditis, quod quando simplices fuerint nubeculae rotundam habeant figuram, habent pyramidalem. quanto simpliciores fuerint, & magis elaboratae. ideo & in inflammatione, quæ fit ab affluxu humorum, quando pus maturatur, & concoquitur superatur à calore naturali, humores separantur, id fit figura rotunda in tumore non omnino rotundo, sed tendens in pyramidem sicut in urina apparet hypostasis pyramidalis: at si pus non concoquatur, nec ad suppurationem ducatur rotundus prorsus tumor existit: hinc est quod inflammatio pyramidalem habens figuram meliorem, quàm inflammatio cum tumore rotundo, quem admodum habetis ab Hippoc. in secundo Prognosticorū, & à Gal. ibi in ultimo commento, ubi humores uel in uenis, uel in cavitatibus, uel quocunque concoquuntur, & suppurantur à calore, ut in inflammatione cum sint proportionati in omnibus, quatuor elementis primis, simplicibus quatuor corporibus permisti faciunt rotundam figuram ante concoctionem, sed concocti separantur: quoniam calor, qui facit concoctionem seiungit partes dissimiles à seipsis, separati mouentur motu elementorum simplicium: pars quidem biliosa, sicut & ignis ad altum inflammationis ascendit, & facit acutiem & pyramidem ipsius cum sit magis ignea, & igni inæqualitatibus proportiona-

na



nata, facit talem elationem in altum: sanguis aeri similis ascendit post ipsam, & parum plus dilatatur in consistencia sua: deinde pituita, & melancholia cum sint crassiores humores magis resident in fundo, & grauiore in latum profunduntur. quo circa constituunt basim ipsius tumoris, ita fit ut primum in acutiem tendat, postea ad basim in latum, & constituitur figura pyramidalis: eodem modo in urina contingit, quando humores fuerint concocti apparet eadem ratione hypostasis in urina in forma pyramidalis, quemadmodum ignis ascendens constituit pyramidem, & acutiem elementorum: terra & aqua basim.

Hæc si uera sint sicut sunt uera, bene nubes erant rotundæ, non pyramides, quia natura erat omnino prostrata ut audistis, nihil agebat, non concoquebat humores: sed ita commisti inæquales non separati exhibant in urina, & faciebant hypostasim figuræ rotundæ propter inæqualitatē partium, quæ commistæ ita in massam rotundam fiebant: hac ratione nubes rotundæ in urinis uarijs malæ: significabant enim concoctionem non fieri, uirtutem deiectam, ut non possit amplius humores concoquere, & separare.

DISPERSÆ. Secundo erant nubeculæ dispersæ non collectæ in unum, diffusæ per totam urinæ substantiam. Videte quæso, quomodo erant urinæ prorsus præter naturam, hypostasis naturalis debet habere hæc tria quod sit in figura pyramidalis, secundo quod æqualis simul collecta: tertio quod in fundo ita collecta resideat. totum oppositum erat in istis urinis: primo hypostasis erat rotunda, hoc uisum est: erat etiam dispersa per totam urinam

K ij inæ-



# COMMENT. MONTANI

inæqualis, non collecta. Erat diffusa propter flatu-  
 tos, qui separabant illam, non permittebant simul, dissi-  
 liebant, & diffundebant in minimas partes. quod autem  
 fuerint multi flatu uidebitis in progressu, quoniam in-  
 ferius Hippocr. notabit quod habuit retrimenta, uel excre-  
 menta alui flatuosa, ut statim audietis. ergo si flatu ade-  
 rant, necessario hypostasis debuit esse diffusa, NON  
 RESIDEBANT: Neque residebant in fundo uri-  
 nae. scitis quod hypostasis bona debet esse in fundo col-  
 lecta: ergo si non residet in fundo præter naturam existit:  
 hypostasis, quæ in urinis erat inæqualis, rotunda propter  
 commistionem & cruditatem humorum: secundo disper-  
 sa propter flatu dissilientes, & hypostasim disrumpen-  
 tes, eadem de causa non residebat in fundo: Vnde non erat  
 amplius digna, ut appellaretur hypostasis, nullam habe-  
 bat conditionem, quæ ad hypostasim naturalem requiritur,  
 oppositum erat, uocatur potius quoddam contentum à Græ-  
 cis ἐνὸς πύμω quasi sublinamentum, non residebat, sed in  
 medio erat, & per urinam diuulsa uagabatur propter  
 flatu, ut dixi, quod ut uideatis ita fuisse audiat. S V B-  
 DITA BALANO pauca retrimenta flatuosa &c.  
 Supposita balano, idest, nuce, uel glande exierunt excre-  
 menta alui flatuosa: ecce modo uidetis, quod habebat mul-  
 tos flatu iste æger, qui diffundebant hypostasim urinæ:  
 per Balanum autem intelligit suppositorium: Balanos  
 apud Græcos idem est, quod apud nos glans. Notetis di-  
 cit, quod supposuit balanum, ut egereret feces, quæ erant  
 in intestinis, sicut in superioribus in secunda die uestri  
 im-



immisit clysterem, quia non poterat egerere, ita nunc supposuit balanum ad proportionem, & egesit excrementa flatuosa: pauca tamen. Hic considerata sunt à nobis omnia: Nam dicit quod parum egesit, & id quidem flatuosum, uidendum cur tam raro egerebat, & parum, idque flatuosum: Vbi prius uolumus animaduertere artificium, & maximam in operando secundum methodum, & rationem prudentiam, qua usus est in hoc ægro: certe non miror, si quandoque admirer hunc hominem, fuit diuinus in arte, nescio quid possit accedere, & quoad doctrinam, sapientiamque, & quoad operationem, diligentissimamque prudentiam. Aliquis ignarus non intelligens methodum nesciret causam huius diuersitatis, cur in secunda die in principio ægritudinis submisit clysterem, nunc uero balanū supposuerit, artificiosissime ita fecit; in principio uirtus adhuc erat fortis, non multum agitata sicut nunc est. ideo ut multum euacuaret ex his, quæ continebantur in intestinis clysterē immisit, quod est fortissimum, & acerrimum medicamentum. At in quinto die non immisisset, quia omnia, ut uidiſtis, in quarta erant exacerbata, uirtus omnino prostrata, & debilitata: clyster autem est remedium, uel medicamentum, quod maxime agitat corpus, & uirtutem debilitat, occidisset ægrum si nunc immisisset. Quid fecit prudentissimus Hippocr. oportebat euacuare feces in intestinis non poterat inijcere clysterem fortissimum medicamentum, supposuit balanum, quæ leuior est, non ita agitat corpus, neque uirtutem resoluit, tamē euacuat feces, quæ sunt in intestinis: hac arte motus

K iij ius



# COMMENT. MONTANI

iussit balanum subdi in quinta: non autem clysterē, quod tunc iniecerat, quando uirtus erat fortior, nec corpus ita resolutum. Balanus autem, uel Glans est instrumentum, uel medicamentum, quod imponitur per aluum ex aliqua materia consistente confectum ad euacuanda excrementa, quæ sunt in intestinis leuiori quodam modo, quàm clystere euacuentur: hoc dixi, ut iuniores etiam intelligant ea, quæ à nobis dicuntur; hanc uocant nostri uulgo suppositorium: Mouet aluum non semper uno modo, sed diuerso secundum diuersitatem materie, & medicamenti ex quo conficitur: duplici enim modo componitur, aut ea, quæ ingrediuntur sunt lenientia, & mollientia, aut acria, uel mordicantia: Si lenientia sint componentia fit balanus lenitiua, & mollificatiua: mollificat autem musculos ani & tunicas, mollificati muscoli relaxantur, relaxati & lenes facti permittunt fluere feces, emolliunt etiam feces induratas, quæ non facile possunt educi, nisi molliantur, & hæc balanus conficitur ex uitellis ouorum, radicibus, & mucilagine altheæ, Maluæ, & consimilium mollificantium, quibus muscoli leniuntur, & relaxantur, ut facilius per anum exeant excrementa: Quandoque in balano ingrediuntur mordicantia non mollificantia, quibus balanus mordicat musculos ani, & intestinum rectum cui imponitur, mordicatum intestinum insurgit ad expellendum medicamentum, quod nocet, mordicat, & ita egerit feces retentas, & induratas. conficitur porrò balanus mordicans ex melle, ut uulgo conficiunt aromatarij, ex sale simplici, uel sale gemmæ,



me sapone, & confimilibus mordicantibus, quæ cum imponuntur mordicant intestinum rectum, & incitant ad egerendas feces, quia acria sunt, hoc modo euacuant mordicando, sicut contingit in Tenasmo, qui est morbus intestinorum ab acris humoribus mordicantibus proueniens, & hoc qui laborant semper uellent egerere, acres humores infixi in tunicis intestini recti semper mordicant ipsum, quod uolens expellere nocumentum semper egerere conatur. Supposuit igitur balanum, quia erat aluus astricta, non egerebat, non dicit qualis fuerit balanus num acris, num mollis, sed fuit balanus, quæcunque fuerit: Erat aluus astricta primo propter inflammationem uiscerum, quotiescunque in hepate est aliqua inflammatio, in liene, uel in uentriculo, uel alio quopiam uiscere incalescunt partes circumuicinæ, & per successionem caliditas ad intestina peruenit, feces in his existentes exiccat, & exiccando indurat, induratis fecibus astringitur aluus. audistis & melius audietis in Philisco præter caliditatem febris acutæ inflammationem etiam fuisse in hypochondrio sinistro, idest, in liene: ergo necessario aluus astricta: secundo erat astricta propter flatum multos suspendentes feces non dimittentes illas descendere: ob has duas causas non egerebat tum propter inflammationem uisceris exiccantem, ex quo aluus astringitur; hinc est quod omnes qui sunt calidioris hepatis, habent aluum astrictam, raro egerunt, & indurantur in intestinis feces propter caliditatem, quæ absomit humiditatem in fecibus existentem: tum etiam non egerebat propter flatum suspē



# COMMENT. MONTANI

dentes feces. ideo qui generant multos flatus habent aluum  
 non lubricam. Est & tertia causa posita à Galeno,  
 ob quam aluus astringitur, ut paulum egerat, & est ob=  
 structio, & reſeratio pori fellei, meatus qui est in ue=  
 fica fellis, quotiescunque obſtruitur meatus ille paruus  
 chystis fellis aluus astringitur, quia non transmittitur ad  
 intestina flaua bilis, acris: scitis enim naturam proui=  
 dam ad hunc finem destinasse illum porum, ut per ipsum  
 bilis excerneretur ad intestina, ut irritarentur ad ege=  
 rendum: quando reſeratur egeſtio & rara, & tarda fit,  
 licet hæc causa sit sufficiens causa, tamen in hoc Philisco  
 fuerunt duæ præcipuæ causæ primæ, tum propter in=  
 flammationem, quæ erat in uisceribus, tum propter flatus  
 multos contentos tum in uentriculo, tum in superioribus  
 intestinis, qui suspensas tenebant feces non dimittentes il=  
 las descendere. ideo uidens Hippoc. aluum astrictam sup=  
 posuit balanum, uel glandem quæcunque fuerit, subdita  
 glande egeſſit excrementa Flatuosa, in quibus erant mul=  
 ti flatus contenti; pauca, quia flatus retinebant, ita habuit,  
 quod intendebat: primo per clysterem, & uirtutem non  
 fortiter agitauit. Flatus autem fit propter duo, ut bene  
 declarat Galenus in secundo Prognosticoruus aut pro=  
 pter motum, quotiescunque materiæ uiscidæ agitantur, fit  
 flatus, id est, quando includitur in illis materijs aliquis fla=  
 tus, & uentus, qui postea agitando efficit maiorem fla=  
 tum; aut fit flatus a diminuto calore exhalante, non re=  
 soluente materias humidas.

Au=



Audiuistis in precedenti explanatione, quemadmo-  
 dum in quinto die Philiscus ipse affligebatur sæuis sym-  
 ptomatibus, tanquam ille qui necessario moriturus erat  
 in sexta: Audiuistis etiam quomodo irregulariter, &  
 præter rationem ista symptomata fuerunt in quinta die,  
 quoniam erat dies quietis non exacerbationis: si uerum  
 est, quod secundum consuetudinem affligebatur in pari-  
 bus diebus, quinta erat impar, tamen grauis fuit: in ter-  
 tia febre, omnino liber esse uisus est, quia non erat par  
 dies, in qua exacerbaretur febris, quæta fuit, & liber esse  
 uidebatur: tamen in quinta, quæ correspondebat tertiæ  
 erat grauior, omnia erant sæuiora. ideo indicium erat  
 certissimum, quod in sexta necessario deberet mori, non  
 poterat euadere, quin moreretur in sexta. Nam præter  
 ea, quæ superius numerata sunt, quorum singula per se  
 mortem significabant, quinta quæ debuit esse quæta fuit  
 grauis, & inquieta: quis non erat, qui non sciret mor-  
 tem magis, ac magis accedere, quilibet medicus etiam ru-  
 dis, & parum in Arte exercitatus iudicasset, & potuis-  
 set pronunciare istum moriturum in sexta die sequenti:  
 ex quo in quinta non debebat esse exacerbatio, tamen om-  
 nia fuerunt exacerbata, quæ contigerunt. Audiuistis in  
 quam quæ in superioribus diebus acciderunt circa Philis-  
 cum, statim ab initio inuasit febris acuta, in secunda gra-  
 uiora omnia, in tertia uisus est liber à febre, sub crepu-  
 sculum iterum incidit in febrem acutam præter expecta-  
 tionem medicorum, in quarta mala accidentia, urinae ni-  
 græ, modo melioris coloris, lingua exaruit, & reliqua

K v quæ



# COMMENT. MONTANI

quæ uidimus fuisse in hoc uiro in superioribus diebus: ad  
diatis modo, quæ adhuc successerunt in quinta, uidimus cir  
ca meridiem sanguinem e naribus stillasse, & illum qui  
dem merum, diximus quot causis stillicidium sanguinis in  
Philisco malum erat, & quare fuerit factum de urina e  
tiam quomodo uaria apparebat in substantia, nunc cras  
sa, nunc tenuis, & quoad hypostasim, quæ rotunda erat,  
dispersa per urinam tota, non residebat, & omnino e  
rat similis genitura, satis de urina declarauimus, et quo  
modo per impositionem balani excrementa flatuosa egess  
serit pauca, reddidimus causas, cur astricta haberet alium,  
& quemadmodum in nocte præcedente sextam non dor  
miuit, grauis fuit, somni pauci, & tandem delirauit, mul  
ta loquebatur, & ea erant deliramenta. DELIRA  
MENTA loquebatur: Hic, ut ego arbitror, dimisi  
quæ sunt ita connexa, ut oporteat scire, quæ præcesse  
runt si recta intelligenda sint ea, quæ sequuntur, ut tan  
quam cathena deuinciantur. ideo necessarium fuit multa  
repetere: oportet ut ista per capita nunc teneatis, licet  
late declarata sint superius, ut aditum facilem habeamus  
ad exponenda, quæ nunc dicet Hip. sunt sicut res mathe  
maticæ, quorum ultimum se consequuntur, & necessario  
annexa sunt. Cum ergo hæc ita sint nunc audiat, quæ  
fuerint alia symptomata usque ad mortem; multa loque  
batur, eaq; erant deliramenta, delirabat iam iste infelix.  
Textus græcus ita habet, & sunt uerba propria Hip.  
πολλὰ λόγοι. iste interpret non affecutus est id, quod  
uoluit Hip. cum dixit: deliramenta loquebatur, aliquid  
aliud



aliud addit : Dicit enim Hip. multa loquebatur, & ea erant deliria : interpretis unum uerbum tantum protulit, & dixit, deliramenta loquebatur, ut quod Hip. distinxit, ipse simul posuit in textu; sed de hoc non plura dicamus, non curemus ista quicquid sit, ita habeatis textum, ut integra sit Hip. sententia non diminuta, neque corrupta : Multa loquebatur, & delirabat. Hoc autem rationabiliter secutum est, accidebat propter uapores acres, et mordaces, calidos, & subtiles, qui ad cerebrum ascendebant, & delirium causabant: Nam si fuit febris acuta, maligna, pendens à putredine bilis cum intensissimo calore, multi fumi exhalabant à materia biliosa, putrefacta, & ascendebant ad caput, mordicantes deinde membranas, uel substantiam cerebri faciebant delirium, et multa loquebatur, quæ erant deliramenta. Diximus etiam antea uapores acres ascendisse, sed non in tanta quantitate causam dicebamus præter materiam totius febris fuisse in uisceribus inflammationem à flaua bile putrefacta, adusta, a qua ebulliente calore uapores multi eleuati petebant superiora, et faciebant asperitatem linguæ. audiuiſtis quod lingua exaruit, & sitibundus erat, exiccabant œsophagum, & sitim efficiebant, ista uidimus fuisse in Philisco, ex quibus nullus est tam fatuus medicus, qui non cognouisset materiam habere raptum ad caput. cum deinde magis humores à calore febrili adusti fuerint, plurima materia ad cerebrum tendit, quæ cum acris sit, & mordax uellicans substantiâ cerebri, uel membranas, in quibus continetur, facit paraphrenitidem, sicut & completam phrenitidem prouocat.



# COMMENT. MONTANI

aucta ergo materia, & acrior facta facillime potuit cau-  
 sare paraphrenitidem in Philisco: unde multa loqueba-  
 tur delirans, & ea fatua, & delira erant. paraphrenesis,  
 siue delirium fit quotiescunque materia calida acris, sicut  
 est biliosa, mordicat cerebrum: qua de causa necessarium  
 etiam fuit quod Philiscus deliraret, & esset paraphreniti-  
 cus: hoc erat pessimum signum mortis instantis, præter  
 sæuissima alia accidentia, materia etiam tendebat ad prin-  
 cipium nobilissimum, certe omnino erat desperandum de  
 uita ægri. **EXTREMITATES** undequaque frige-  
 bant &c. Acceßit detestandum symptoma, extrema iam  
 frigescebant: extremæ partes frigebant, non totum cor-  
 pus, quia nondum erat mortuus, sed paulatim magis ad  
 mortem accedebat. ideo extremæ, quæ longius distant à  
 fonte, & principio caloris inceperunt frigescere, hoc e-  
 rat signum mortis præsentis, calor reuocabatur ad suum  
 principium relinquens exteriora, & longinquiora, quod  
 hoc sit signum mortis, patet per se, & nunc declaro; cū  
 urina nigra apparuerit, & extrema passa sint frigus, si-  
 gnum erat manifestum, quod calor, qui à corde diffundi-  
 tur, reliquerat extremas partes, & urinam non poterat  
 amplius excernere secundum naturam, extinctus fere nō  
 poterat agere in urinam, & in humores, à quibus sepa-  
 ratur. ob frigiditatem igitur, & interitum caloris urinæ  
 nigrae, si calor interibat, qui dat toti corpori uitam: er-  
 go & uita deficiebat. Frigebant extrema propter reuo-  
 cationem caloris naturalis ab interiora ad suum princi-  
 pium, & relinquebantur partes extremæ frigidae actu.

Et



Et ut intelligatis debetis animadvertere ad hoc unum, quomodo calor reuocatur ad partes intimas, & qua de causa retrahatur, & ita scietis, quare partes frigeant reuocato calore ad suum principium. Sciendum igitur est, quod cum ex anima & corpore constemus, ut ea cætera animalia, tam diu uiuimus, quàm diu anima nō separatur à corpore, determinatio animæ à corpore interitus est ipsius animalis; anima dum est in corpore suas operationes non exercet, nisi mediante calore naturali, qui cum oriatur in corde, ut fonte, & foco caloris in actu est, ut semper animæ subministret ad operandum, tanquam proprium, & proximum eius instrumentum: ortum cum habeat in corde, à corde perpetuo fluit, & spargitur per arterias propria caloris receptacula per totum corpus, ad omnia membra, ut & ipsis animæ uim communicet, et calorem complexionalem, ut uocant Medici, qui est in potentia, reducat ad actum, tandem ut membris quibuscunque det actum uitæ, ut inquit Auerroes per hunc calorem, qui dicitur natiuus, innatusq; cordi totum corpus per participationem eius uiuit: cor autem in quo oritur primum uiuit, quia ipsum continet. Calorem autem complexionalem illum appellamus, qui ex mixtione quatuor elementorum resultans remanet in cōplexione cuiuscunque membri non in actu, sed in potentia consistens: ideo calor dicitur complexionalis. Calor autem qui est in complexione singulorum membrorum in potentia, non potest dare actum uitæ, neque inferuire animæ in suis operationibus: calor à corde diffusus fluens ad omnia membra redu-



# COMMENT. MONTANI

ducit hunc calorem complexionis de potentia ad actum, cum ipse sit in actu, & ita dat actum uitæ & membra actu caleſcunt, ut ſi tangantur ſentiatur actualis caliditas, quod ſi tãgantur antequam complexionalis calor habeat actum à calore natiuo, & ſi membra calida ſint, quia in complexione habent hunc calorem, tamen actu frigida ſunt: quãdiu calor actualis fluit à corde, & ſpargitur ad ſingula membra, tamdiu calida ſentiuntur, & uitam habent, & hoc eſt in corpore animalis quando bene & ſecundũ naturam habuerit. Vnde ſi propter aliquod impedimentum quandoque calor natiuus à corde non fluat ad aliqua membra cõplexio non eſt calida actu, non reducitur calor complexionis ad actum, & ſi tangantur mēbra actu frigida ſunt, partes cum careant calore innato actuante complexionem earum putreſcunt, & corrumpuntur: quandoque ſi ſtatim reuocatur ad cor ille calor actualis frigeſcunt extremæ partes ob defectum eius actus, quem recipiebat complexio ab illo calore; hoc ma-niſeſtum eſt in morituro, in quo paulatim calor retrahitur ad principium ſuum, et relinquens cætera membra mortem producit, quia membra priuata eo calore moriuntur. Contingit iſta reuocatio caloris ad interiora propter plurimas cauſas, quotieſcunque in corde ſit ali-quod nocumentum, quoniam cor non patitur aliquã corruptionem, calor diffuſus per totum recurrit ad ipſum, ut ſit iuuamento, & expellat nocumentum à corde, et ita membra extrema per conſequens refrigerantur, ſicut eſt in timore, qui eſt affectus cordis, quando timet aliquis:

cor



cor patitur: statim calor totius recurrit, & retrahitur ad cor, ut illi succurrat, & expellat nocumentum: propterea illi, qui timent exterius frigescunt, & quandoque si magnus fuerit timor fiunt liuidi; eodem modo si in parte aliqua interiore contingat nocumentum, ut inflammatio, uel apostema aliquod statim calor, & spiritus concentratur, & retrahitur ad illud membrum, ut sit iuuamento quemadmodum docebat Gal. ideo & in dolore alicuius partis spiritus inculcantur ad eam partem, ut subueniant & dolorem auferant: omnia enim membra totius corporis, ut dicit Hip. habent quandam inter se harmoniam, & mirabilem conspirationem, ut mutuo se adiuuent, & unum alteri succurrat in nocumentis, & simul omnia ad suum principium, à quo uitam habent, & calorem actua- lem: si mutuo conspirant, ut se iuuent quandocunque of- fenduntur, quanto magis habent conspirationem ad suum principium, ut cum ab aliquo nocetur, offensam non patia- tur. hinc est quod calor reuocatur ad cor à toto corpo- re, ut ipsi subueniat. Hac de causa retrahitur calor ad cor in paroxismo febrium, & tunc fit frigus partiū ex- tremarum, & aliarum omnium propter humores, qui ad musculos mittuntur. Scitis cum fiat paroxismus humo- res à uenis extra uenas emittuntur, & pertranseunt per musculos, & cum calor retrahatur ad cor sequitur frigus eorum membrorum. Retrahitur autem calor, ut cordi subueniat, qđ maxime affligitur à uaporibus putri- dis, ratione quorum in ipso fuit febris putrida accensa: Nam cum humores in corpore putrescant, ex putridis hu-



# COMMENT. MONTANI

humoribus eleuatur multi uapores fuliginosi, qui per suc-  
cessionem ascēdunt ad cor per partem post partem. quo-  
circa ponunt humores cordis in calefacto esse, & calor  
ipsius mutatur ad igneum, & febris subsequitur, retra-  
cto & reuocato calore ad suum principium humores  
putridi extra uenas in musculis existentes, dum mouen-  
tur per musculos, efficiunt frigiditatem, & quandoque ri-  
gorem: quod hoc ita sit, ut frigus istud in paroxismo fe-  
bris efficiatur propter reuocationem caloris innati ad  
cor laesum, signum illud manifestum existit, quoniam hoc  
non contingit in alijs febribus, nisi in putridis, in quibus  
leditur cor propter uapores fuliginosos eleuatos à pu-  
tridis humoribus, hoc est signum nobis apertissimū, quod  
hæc concentratio caloris sit ad adiuuandum cor: præ-  
terea fit quādoq; reuocatio caloris ad interiora, et ad suū  
principium propter summam putredinem, quando in cor-  
de est maxima putredo, quæ sit in summo gradu reuoca-  
tur calor, ut illi resistat, & expellat à corde, quemadmo-  
dum contingit in febribus pestilentibus, & malignis, quæ  
ut aliàs distinctissime ostendimus, oriuntur à summa pu-  
tredine infestante humores cordis, non solum ponuntur  
in calefacto esse, sicut in putridis febribus, uerum etiā pu-  
trescunt, & tanta quandoque fit confirmatio caloris pu-  
tredinalis, & summa putredo, ut non modo humores pu-  
trescant, sed etiam figatur in substantia ipsius solida: hæc  
est uera differentia febrium pestilentium, & manifesta  
propter quam calor ad interiora retrahitur, & exteriora  
frigescent. Alio etiam modo reuocatur calor ab exte-  
rio-



rioribus ad partes interiores, non quia putredo sit in corde, sed quia aliqua uiscera interius inflammata sunt, ut bene notauit Galen. in Aphor. quotiescunque inflammatio est in aliquo uiscere interiore, ut quando inflammatur lien, aut hepar, uel uenter, & alia huiusmodi membra nobiliora retrahitur calor ad partes interiores, & exteriora frigescent, ut etiam repetebat idem Gal. in Aphor. calor, & spiritus ad uiscus inflammatum recurrit, ut materiam inflammationis expellat, & liberet membrum ab ægritudine, sicut in hoc ægro, in quo erat inflammatio lienis. Quandoque etiam reuocatur calor propter paucitatem caloris, ut in corporibus debilibus, infirmis, ut in corporib. senum, nō propter aliquam affectionem, sed quia in se paucus est ad nobiliora membra, & ad suum principium remeat, ut augeatur, & fortificetur, uel etiam concentratus, & unitus concoctionem perficiat: quandoque est uenter ita debilis, & tam infirmum habet calorem, ut non possit concoquere cibum, & statim assumpto cibo retrahitur calor naturalis ad uenter, ut simul totus collectus fortior reddatur, & concoctionem adiuuet, & consequenter exteriora priuata calore frigescent propter paucitatem caloris naturalis. Alio modo reuocatur calor quando extinguitur in magnis ægritudinibus, ita calor ad interiora redit. Cum igitur tot modis possit calor reuocari ad suum principium, & ad uiscera interiora, uel quia cor affligitur, ut illi succurrat: uel quia paucus est: uel quia extinctus: uel ut succurrat alijs uisceribus. cum dicit Hippocrat. quod in Philisco calor reuocabatur ad interiora:

L      quæ=



# COMMENT. MONTANI

quæro modo nunquid fieret reuocatio caloris, ut cordi succurreret? an quia paucus esset in substantia? Dico utrunque fuisse in hoc uiro, & propter extinctionem, ac paucitatem caloris reuocatum esse, ideo bene addidit Hippocr. extrema undequaque frigebant, nec iam ad calorem illæ reuocari amplius poterant, hoc erat, quia paucus; reuocatus quoque fuit propter aliud, ut succurreret suo principio: quod amplius non redibat, non est, ut cordi succurreret, sed quia paucus, & ferè omnino extinctus, iam iam erat moriturus. quod autem recurreret, ut suo principio cordi auxiliaretur, & succurreret manifestum est ex hoc, quia erat febris pestilens maligna, & ut ex signis sæuissimis potuistis comprehendere, & melius inferius ostendemus. Si febris pestilens, ergo summa in corde putredo, id est, in humoribus cordis: cor à summa putredine humorum laborat in extremis, ut illi succurrat calor ad ipsum recurrit, à quo prius fluxerat. Si in ægitudine alicuius membri interioris non principalis ad interiora redit, quanto magis creditis, quod redibit, quando affectus fuerit omnium principium? & si in affectu minimo cordis refugit, quanto magis in maximo. Videtis necessitatem, qua calor ad interiora reuocatus est: præterea erat inflammatio in liene, quæ adiuuabat ad reuocationem ipsius. Audiuiſtis calorem recurrere ad uiscus inflammatum, ut nocumentum auferat: ergo omnes causæ erant, quibus debebat reuocari; Sed quia etiam diminutus, & debilis admodum erat ex paroxysmis, & sæuis symptomatibus, ab acutissima ægitudine extinctus extrema frigescebant,



bant, & ille paucus calor ad suum principium remeabat. ideo dixit Hippocr. Extremitates undequaque frigebant, omnes extremitates iam relictæ erant à calore undequaque, bene dixit calor exinguebatur. NEC IAM AD calorem illæ reuocari amplius poterant &c. Et hoc merito, non absque ratione, non expansus est omnibus: Hoc est signum clarissimum, quando extrema frigebant, & calor ad interiora recurrebat, non modo propter causas diuersas, sed etiam propter extinctionem, & paucitatem: nam, quandocunque calor naturalis relinquit exteriora, & petit interiora, deinde iterum ab interioribus reuocatur ad exteriora, & expanditur per totum corpus, signum est, quod retractus fuerat, ut succurreret cordi affecto, uel alteri uisceri inflammato, postquam expulerit nocumentum ad membra, iterum diffunditur, & sic incalescunt post frigiditatem. At si reuocetur, & non possit amplius reuocari ad extrinsecas partes, hoc non est, nisi propter extinctionem caloris, ut qui propter paucitatem non ualeat expandi per totum corpus. Quapropter redeundo ad rem, dico cum Hippocr. quod extrema frigebant, & est signum mortis proximæ: frigebant autem quia calor redierat ad cor, ut subueniret, & expelleret à corde summam illam putredinem, & a liene inflammationem: præterea quia calor extinctus erat iam, non poterat amplius reuocari ad extrinseca, moriturus statim erat: hoc est quod dicit in textu. MINXIT nigra &c. Ter modo dixit urinam fuisse nigram magno quidem mysterio: Dixit tripliciter minxit nigram urinam: putatis sine ratione; imo



# COMMENT. MONTANI

uolo uobis dicere, quod maxima arte id factum fuit, & di-  
cam unum, quod non minus est admirandum artificium.  
Hippoc. in doctrina, & re ipsa, quam in modo loquendi,  
& ornamento, proprietateq; uocabulorum: in disponen-  
disq; affectibus artificiosissime non nisi necessaria interse-  
rendo, propterea non frustra, non abs re audiuit per lon-  
gum tempus Gorgian rhetorem, habuit omnia, quæ debet  
habere optimus, & perfectissimus medicus, sapientiam in  
docendo artem, diligentiam, & artificium in eloquendo,  
quid non habuit Hippoc. Non existimetis itaque sine ra-  
tione idem inculcasse; nunc uidebitis arcanum maximum.  
Dixit ter minxit nigram urinam, Non eodem modo: pri-  
mo dixit, minxit nigram. Audiuitis superius quemad-  
modum urina fiat nigra tripliciter, uel quia hypostasis  
contenta in urina nigra est, uel quia tota aquæ substantia  
nigra, uel propter extinctionem caloris naturalis. Secun-  
dum quod sunt tres gradus artificiose omnes ponit Hip-  
poc. in ægro fuisse, & quotidie magis inualebat ægritu-  
do. primo dixit ὀψῖσαι μέλαινα, secundo ὀρα μέλαινα, ter-  
tio dixit ὀψῖσαι μέλαινα, uariavit semper locutionem, nō  
eodem modo dixit uolens uaria etiam significare, cum uri-  
na tripliciter fiat nigra dixit ter etiam urinam fuisse ni-  
gram uolens significare hos tres gradus. Ego repeto sæ-  
pe ea, quæ sunt utilia uellem omnino, ut intelligeretis ar-  
tificium Hippoc. primo minxit urinam nigram, quæ facta  
fuerat nigra propter sedimentum nigrum, quod in urina  
continebatur, erat quidem malum signum, quando nondū  
ægritudo pertransierat principium, oportet multoties u-  
rina



urina nigra hoc modo, & tamen saluantur ægroti, est malū  
quidem indicium, sed non necessario mortem significat,  
multi sunt saluati cum hac urina. igitur dixit primo Hip-  
poc. ὅρῃσαι μέλαι in singulari, dans nobis intelligere,  
quod urina apparuerat nigra propter hypostasin nigrā,  
minxit urinam nigram, idest, in qua erat hypostasis ni-  
gra. Secundo loco dixit ὅρῃσαι μέλαι: Urinæ nigræ in  
plurali, quasi dicat, urina erat tota in substantia propria  
nigra, non erat amplius nigra, quia sedimentum nigrum:  
sed tota substantia erat nigra, ægritudo peior fuerat. er-  
go signum mortis futuræ necessarium, nulli saluantur cū  
hac urina nigra pessima est, & cum apparet, libere pro-  
nuntiare potestis, quod certē morietur: quod non est fa-  
ciendum si solum sedimentum fuerit nigrum: tertio loco  
dixit: ὅρῃσαι μέλαι minxisse nigra: Nam urina non  
solum habebat nigrum sedimentum, non modo substantia  
urinæ, sed utraque nigra erant ex adustione humorum, et  
serositatis simul cum extinctione caloris naturalis, morie-  
batur, non erat amplius urina, neque merebatur nomen  
urinæ, quod obseruans diligentissimus Hippoc. dixit ὅρῃ-  
σαι μέλαι, non erant urinæ nigræ, sed minxit quædam  
nigra in plurali, quia omnia deteriora erant, non nomina-  
uit urinam, sed absolute dixit minxit nigra, quia non e-  
rat urina, sed erat quædam aquositas serosa urinalis com-  
mixta cum quibusdam nigris propter maximam frigidita-  
tem corporis, & extinctionem caloris naturalis, non e-  
rat urina, hæc non sunt mea, sed Gal. in primo de crisibus  
cap. 12. Si legeritis illud caput Gal. uidebitis, quod Hip-



# COMMENT. MONTANI

poc. non frustra uariavit modum loquendi, sicut & res  
 uarie sunt, ut notaret quod non semper dicit idem licet di-  
 cere uideatur. Sunt tres differentie in urina nigra, ut au-  
 diuistis; prima est mala, sed non prorsus letalis, multi  
 saluantur, & hanc primo posuit in textu: secunda est pe-  
 ior & necessario mortem significat, hanc notauit secun-  
 do loco fuisse, uidete mysterium in textu, ista uolui uos ad-  
 uertere, ut sciatis Hippoc. non sine maxima causa locutum  
 esse: tertia urina nigra posita est in textu tertio loco, pes-  
 sima omnium, & necessario mortem indicans proximam  
 esse, neque erat urina, sed quaedam nigra. dixit, minxit ni-  
 gra, moriebatur. Cum dixisset prius mala praecessisse, ut  
 quod frigida erant extrema, & quod delirauit, non dor-  
 miuit, nocte se grauititer habuit, subdidit, minxit nigra pro-  
 pter extinctionem caloris naturalis, qui nihil agebat am-  
 plius omnia prostrata erant, exhibat diaphoreticè aquosi-  
 tas nigra; nigra quidem, quia derelicta à calore, non am-  
 plius, quòd substantia, uel sedimentum nigresceret, omnia  
 erant nigra, et sine regula caloris, ista satis declarauimus:  
 ALIQUANTVM dormiuit &c. Dormiuit parum,  
 idest circa medium noctis ferè usque ad finem noctis: Què  
 creditis quæso somnum fuisse, non erat somnus reuera,  
 sed potius quaedam impotentia uigilandi non poterat ui-  
 gilare, sed non dormiebat, non erat uerus somnus, quem  
 somnum uelletis fuisse in Philisco, qui moriturus erat in  
 sexto die non pertransiturus septimum. certe non potuit  
 esse uerus somnus, impotentiam uigilandi aliquantum ha-  
 buit: SVB DIEM obmutuit &c. Circa diluculum  
 diei



diei obmutuit, nihil loquebatur: quomodo cito mutatus est: parum supra delirauit, multa loquebatur, & ea deliramenta erant, nunc obmutuit, nihil locutus est, omnia erant prostrata, uirtutes omnes defessæ, & aggrauatæ, color extinctus, languebat totum corpus: quomodo non uultis, quod ista non acciderint, aliquantum dormiuit; non dormiuit, habebat impotentiam uigilandi, erat defessus ab ægritudine, obmutuit, non poterat uirtus motiua mouere musculos facientes ad formandam uocem: præterea uirtutes animales nihil operabantur, non imaginabatur aliquid, nihil discurrebat, erant tanquam mortuæ facultates animæ intelligentes. non poterat igitur uocem exprimere, quia ut bene dicit Aristot. si meministis, in libro primo Perihermeneias in principio. Voces sunt significatiuæ notionum animæ, & eorum, quæ sunt interius in anima: si ablata sint ea, quorum significatiua uox est, aufertur quoque ipsa uox: ablato signato tollitur signum. merito ergo cum nihil intelligeret non loquebatur, uirtutes animales decumbebant, uitales quoque defessæ erant, & naturales omnes: imaginatiua & ceteræ animales, motiua, & omnes in uniuersum extinguebantur, non poterat loqui, idcirco illi, qui sunt morituri statim obmutescunt propter omnia ista, quæ dicta sunt de Philisco. FRIGIDA SUDAVIT: Ecce ordinem mirabilem, hoc etiam significat mortem instantem, sicut ter dixit Hippoc. Minxit nigram urinam, & tertio loco quando mors proxima fuit dixerat, minxit nigra, non erat urina, sed quedam nigra, ita ter dixit sudasse: primo sudauit, secundo fuerunt sudores diaphoretici.



# COMMENT. MONTANI

ci semper, non critici à natura facti, tertio loco dixit, sudauit frigida, hoc correspondet illi: Minxit nigra: Nam sicut fuerunt tertio quedam nigra non uere urina, ita nunc dixit, quod sudauit frigida, sudores frigidi exhibant symptomaticè nihil natura agebat, neque erant sudores, sed quidam liquor exibat à corpore frigidus ob extinctionem caloris natiui. ideo quando dixit, sudauit, improprie accepit illud, sudauit, non erat sudor: ergo nec proprie sudauit, sed possumus abuti hoc nomine etiam in animatis, possumus dicere etiam parietes, udare, ligna, & lapides: ita in ægro apparuerunt sudores frigidi, non sudores, quedam aqua, & liquor quidam exiuit frigidus, non habebat formam sudoris, neque merebatur nomen sudoris. ideo bene dixit sudauit frigida uolens nobis hoc innuere, quod exierunt quedam frigida, sicut aqua, erat hic mors. **EXTREMAE** partes liuescebant &c. Dixerat ante. **Extrema** frigebant, nunc dicit. **Extremities** liuescebant: Non absque ratione. Notetis. Est sententia ipsius Galen. quod partes extreme in corpore humano cum frigescent, primo liuescunt, deinde nigrescunt aucta frigiditate, causa uero huius quæ causet liuorem, & nigredinem in corpore intelligatis nunc, quam reddidit etiam Arist. in octaua particula problematum Problemate primo in quo quærit Arist. & proponit hoc dubium, cur est quod partes frigescentes in corpore uiuo liuescunt, & tandem nigrescunt? Soluens problema inquit, quod quando sanguis refrigeratur à magna frigiditate congelatur partes, in quibus existit liuidas facit, & postea nigras. refrigerato ergo sanguine



guine partes extremæ liuescunt : causa hæc Arist. in se uera est, sed indiget consideratione, oportet recte intelligere, & contemplari cum Arist. alioquin primo aspectu suspecta uideretur : Nam frigiditas non uidetur esse propria causa nigredinis, oportet per principia discurrere, & ueritatem inueniemus, quod frigiditas non sit causa nigredinis, uidemus in Germania regione frigidissima cœlo et flatibus Aquilonaribus niuib, et regionis situ homines fieri albos, Germani sunt albißimi : contra in regionibus calidißimis, quanto calidiores, tanto magis nigri fiunt homines, ut in Æthiopia, India, et aliis calidis regionibus, homines sunt nigerrimi, in frigidioribus albißimi fiunt. si uadas in Germaniam, longe albiore sunt homines, quàm in Hispania, quæ calida est : in Gallia etiam est frigiditas satis intensa, et tamen Galli sunt albicantes, et molliu carniū, suntq; albißimi, hoc uidetur præcipuū esse in Gallis. Vnde in VI. Æneidos: lactea Gallorum colla appellat Virgilius, quia sunt albißimi. Qui uero habitant in Hispania et calidioribus regionibus nigricant, et liuidi fiunt, hoc uidemus quotidie sensu ipso : Et ita cum dicit Arist. in eo Problemate, quod frigiditas sit causa nigredinis, et humiditatis, ut quia refrigerātur extrema ob id liuescant, et quod albedo pertinet ad ignem oportet considerare, et uidere nunquid hoc uerum sit quod dicit, albedinem ad ignem pertinere, et quo pacto uerum sit hoc, quod ibi dicit Arist. Videndum nunquid per hoc intelligat quod ignis sit lucidus, splendidus, et hoc modo albus, et faciat albedinem, claritatem, et splendorem, qui est op=

L v po=



## COMMENT. MONTANI

positum tenebrarum, et contrarium nigredinis : hoc non est in proposito, non est reddere causam problematis, quod quaerit cur partes frigidae liuescant, et quod caliditas faciat ad albedinem, sicut ad nigredinem caliditas, non est reddere causam nigredinis, uel albedinis : albedo et splendor, uel lumen attinet ad ignem : Nam quando dicit ignem limpidum, et splendidum inde esse album non est uerum : non enim sunt sub eodem genere, sed in diuerso, quia licet ambo lumen, et albedo conueniant in generalissimo, et sint ambae qualitates accidentales, tamen sunt sub proprio genere diuerso. ideo potest bene ignis esse lucidus, tamen non est albus. Quid ergo illud dicere, quod albus quia lucidus, est improprie dictum, non redditur propterea causa dubij, quod si intelligat, quod albedo attinet ad ignem, uel ad Solem, id est quod proprijs radijs descendens faciat albedinem, hoc longe magis abest, longe peti- tum, haec non est causa, quod albedo causetur à caliditate, nigredo à frigiditate, longius abest à re, et medulla rei. ideo uidendum est à nobis per discursum, ut assequamur, nunquid albedo pertineat ad caliditatem, id est causetur à caliditate, uel à frigiditate, et nigredo utrius sit effectus caliditatis, an frigiditatis, quod ut uideamus primo dico u- num supponendo tanquam fundamentum. Certum est quod colores sunt qualitates secundae, quae sunt in super- ficie corporis naturalis, quorum causa est lumen rece- ptum in superficie, ratio nanque formalis, à qua consti- tuuntur, et per quam distinguuntur inter se est lumen re- ceptum in superficie corporis secundum magis, et minus.

442



uariantur colores secundum quod uario modo recipitur lumen in ea superficie: Hoc est suppositum et fundamentum primo supponendum, quod non est meum; est dictum Arist. et omnium philosophorum: Nam si plurimum de lumine recipiatur in superficie causatur albedo, albi multum luminis continet, quod si nihil, uel minimum luminis recipiatur fit opacum, et nigrum corpus, quod minimum habet luminis, ita fiunt duo extremi colores, et lumen est omnino ratio, et ut forma, qua constituuntur isti colores extremi, si plurimum sit lumen fit album, si nihil, uel minimum, uel nihil: Si medio modo se habeat in superficie, fiunt medij colores secundum magis et minus: ut quanto magis de lumine fuerit, tanto magis accedant ad albedinem, et contra: quanto minus fuerit lumen, tanto minus ad albedinem uergent, et magis accedent ad nigredinem. Hoc habito fundamento ulterius progrediamur, cum lumen sit ratio formalis, qua colores constituuntur in esse proprio scitis ex philosophia quod humidum maxime recipit lumen, humida sunt lucida, quia recipiunt plurimum de lumine. ideo humidiora sunt albiora, Hoc obseruetis quod perpetuo uerum est, humidum magis recipit lumen, quam siccū, sicut est aer, aqua, quæ quàm facile recipiant lumen uos scitis, ut citissime lucida euadant, siccum cōtrā non facile recipit lumen in superficie, et si recipiat parū, uel nihil recipit: Hinc est quod omnia sicca quatenus sicca sunt nigra, et opaca, et potestis habere causam cur terra sit opaca inter cætera elementa simplicia, quia nihil recipit de lumine, humida elementa sunt lucida, et splendida  
cla=



# COMMENT. MONTANI

clara, hoc dico de sicco, ut siccum est : Bene uerum est, & aliqua sunt, quæ cum sicca sint, deberent esse nigra, sed propter multitudinem pororum, et raritatem substantiæ recipiunt multum lumen in superficie quemadmodum sunt ossa, et pumex, et ita fiunt alba, ista sunt alba, deberent esse nigra, quia sicca, hoc est propter plurimos meatus, et poros, in quibus lumen recipitur, et quod deficiebat ex siccitate restauratur à raritate superficiæ, et multitudine foraminum, non sunt alba propter superficiem, quod facile recipiant lumen, quia sicca sunt, sed siccitas à multitudine meatuum superatur : Quando dicimus humidum facilius recipere lumen, quàm siccum ; et idcirco esse magis album intelligimus sub ratione hac, qua dicitur humidum, et qua siccum, si sit oppositum hoc per accidens contingit propter raritatem superficiæ. Constituto hoc si sint uera fundamēta, et supposita Arist. et philosophorum, primo quod receptio luminis in superficie corporis naturalis sit immediata causa, et ratio formalis constituendi colorem, ut secundum magis, et minus uariantur quoque colores : secundo quod humidum magis sit receptiuum luminis, siccum contrà minimum lumen recipiat, sequitur hoc necessario, quod ea, quæ exiccantur indurantur : et quanto magis indurantur, et exiccantur minus de lumine possunt recipere, et nigriora efficiuntur, hoc semper uerum est per se considerando, nunc ut solum consequitur ad fundamenta : inde uidemus, quod corpora, in quibus est multum humidum, quando exiccantur si fuerint alba ; nigra efficiuntur : quoniam per exiccationem extrahitur



tur humidum subtile, spumosum, remanetq; crassum, quod simul continuat partes totius corporis, remanent et crassiora. Ex quo fit, ut crassius, & siccus corpus existens non potest recipere lumen, & fit color niger. primo ergo fit color niger, quando humidum extrahitur subtile, sed si calor non cesset, adhuc ulterius agat, ita exiccat, ut iterum redeat color albus: fiunt enim crassa corpora iterum alba, quia exiccantur, & tantum exiccantur, quod partes inuicem disiunguntur, & rarefiunt, lumen subintrat, & color albus sequitur. Cum uero prius humidum tantum illud spumosum tenue consumptum, & extractum fuerit à calore exiccante, erant partes crassae induratae bene compactae, & continuatae ab humido crassiori continuante. quocirca lumen non recipiebant in superficie, & opaca nigra ex albedine fiebant, nunc per ulteriorem exiccationem, & adustionem humidum crassum extrahitur, quod continuabat partes illas corporum, extracto humido continuante partes separantur, & aperiantur, rarefiunt, fiunt multi pori in superficie, rarefacta superficie lumen facillime penetrat, & recipitur ad interiora superficiei, & ita fiunt alba, si uerum est quod plurimum lumen dum recipitur in superficie efficit albedinem, hoc non est propter siccitatem, ut uidetis, sed est propter raritatem superficiei: habetis exemplum manifestum in chartis combustis, quando comburuntur chartae in igne primo nigrescunt, quia exiccantur, & indurantur, extrahitur humidum subtile, quod facilius extrahitur, remanet crassum, non potest lumen recipi in earum superficie, ut

se-



## COMMENT. MONTANI

sequatur albedo : si adhuc magis comburantur extrahitur etiam humidum crassum, quod continuabat partes simul, continuante humido absumpto dissoluuntur, & fiunt raræ, lumen intrat meatus, & poros superficiei. ideo fiunt iterum albæ chartæ, & quia carent humido continuante abeunt tunc in fauillas uolantes, ut ad minima etiã diuidantur, uidetis uolare per aerem illas paruas fauillas, quæ tandem & ipsæ dissoluuntur. Hinc est etiã quod cineres quanto ficciores, & terrestriores, tanto albiore sunt : præterea ossa dum sunt in cimiteriis mortuorũ habent plurimum humidum crassum, & corpulentum, qui in partibus bene continuantur, & indurantur, ut nõ possint recipere lumen : ideo sunt liuida et nigra cum postea exiccantur magis, fiunt albiora & leuiora : Nam quanto candidiora fuerint, tanto leuiora efficiuntur. Scitis rationem ? quia per ulteriorem exiccationem extrahitur humidum illud corpulentum, crassum quod obturabat meatus, & poros ossium, non poterat ingredi lumen & ita nigra uel liuida erant. grauius, quia humidum multũ ponderabat. At si exiccata fuerint, & humidum corpulentum continuans ossa, & ossium partes eductum fuerit, et resolutum à Sole, uel ab igne rarefiunt, rarefacta lumen citissime penetrat. & ideo redduntur albiora, et lucidiora eo modo, & leuiora, qua ratione albiora redduntur, ea quoque leuiora fiunt. Si etiam comburantur ossa, idem contingit quod contigit, quando erant in cimiterijs : deinde extracta sunt, & à Sole exiccata : primo fiunt liuida cum comburuntur, & nigricantia propter  
exic=



exiccationem, & resolutionē humidi spirituosī, tenuisq; ,  
quod si ulterius comburantur resoluitur humidum corporu-  
lentum continuans inuicem partes, quodq; prius obtura-  
bat poros, ut lumen non posset ingredi eorum superficiē,  
& fiunt ossa albiora, plurimum de lumine recipitur in  
superficie ossium, quod est uera causa, & forma coloris,  
ut audiuiſtis, postea fiunt adhuc nigra propter maiorem  
combustionem, qua humidum crassum à partibus interio-  
ribus ad extrinsecas trahitur, & iterum occluduntur  
meatus: quo resoluto si magis comburantur tandem al-  
bissima fiunt, & tunc dissoluuntur, non habent humidum  
quod possit continuare, albiora, & si sicciora propter ra-  
ritatem superficiē, & multitudinem meatuum, leuiora,  
imò leuissima sunt. ergo concludendum, quod semper ue-  
rum est hoc per se humidum facilius recipere lumen, q̃  
siccum quatenus humidum, & de ratione humidi, uel sic-  
ci semper quoque uerum est, quod siccum cum humido mi-  
stum recipit plurimum de lumine, & fit albius, quando  
extrahitur illud humidum, non qua siccum, sed quatenus  
priuatum humido acquirit raritatem superficiē, in idem  
quoque uenimus, ut dicamus perpetuum uerum esse humi-  
dum mistum cum sicco albius esse, quando recipiat multū  
luminis: quando uero est humidum solum simplex sine  
sicco à quo non possit resolui, per receptionem luminis nō  
fit album, sed magis lucidum: atque ideo uidemus quod  
aqua simplex humida tantum, quanto magis pura, tanto lu-  
cidior est sicut & aer, & aqua ubi lumen subingredi-  
tur, est magis parata ad recipiendum lumen: alba uero  
non



COMMENT. MONTANI

non fit quia lumen non solum intrat superficiem, sed ad profundiora penetrat, & causat luciditatem: Quando modo congelatur, albior redditur aqua: Vnde glacies alba fit, & si aqua non esset alba, ut habetis in quarto Meteororum, ubi assignans rationem philosophus inquit, cum per suppositum color fiat à lumine in superficie corporis naturalis recepto. idcirco dum aqua simplex, & pura humida est lumen non tantum recipitur in superficie aquæ, uerum ad profundum etiam subingreditur. ideo non alba, sed lucida uidetur, glacies uero alba est, quoniam lumen non penetrat ad profundum, remanet exterius in superficie, & facit album colorem, hæc est ratio, & causa quare glacies fit alba, & aqua non: in proposito, modo habemus quomodo fiunt colores et liuescunt partes extremæ. Si sanguis & ichores subtiles tenues congelantur cum refrigerentur exhalatur humidum subtile spirituosum, remanetque crassum ita congelatum in partibus extremis: ex quo fit ut liuescant, exhauritur humidum à frigiditate congelante: Nam, ut dixi, in superioribus ex quarto Meteororum, & notavi in præcedentibus explanationibus ita frigiditas exiccat, sicut & caliditas, non magis ab una fit, quam ab altera, sed non eodem modo: frigiditas quidem exiccat, & dissoluit humidum, exprimit et per expressionem educit: caliditas exiccat humidum resolvendo, ita ut facit caliditas post resolutionem, facit frigiditas post expressionem humiditatis. Hinc est quod corpora frigescentia in magnis frigoribus prius liuescunt, deinde nigrescunt, quia humidum exprimitur, non potest  
lu=



lumen penetrare, & recipi in superficie, apparet hoc manifeste in unguibus; tempore hyemis frigidissimo liuescunt ungues propter expressionem humidi, ex qua fit sanguinis congelatio, & crassifectio. Habetis igitur hactenus causam, & rationem cur extremitates liuescant, & nigrescant: liuescunt à magna frigiditate, quæ exprimendo humiditatem à sanguine exiccat, & congelat, & ichores, sanguisq; totus crassescit, quo crassifecto, & exiccato non potest recipi lumen: ergo nec albedo esse potest, sed liuiditas, quod si magis increascit frigiditas per consequentiam succedit nigredo, & ita partes primo liuescunt à frigiditate, secundo nigrescunt. in Philisco propter mortem accedentem calor extinguebatur, frigiditas in corpore sequebatur, ex qua sanguis incrassatus, & spiritus crassiores, deinde ablati fuerunt: unde primo frigescabant, ut dixit ipse, extrema; secundo liuescebant, aderat iam mors, & actualis frigiditas à priuatione caloris naturalis.

DIE SEXTO ad meridiem est defunctus &c. Omnia consonabant, quod moriturus esset, & quidem in sexta die, & circa meridiem, quod ut planè & collectim nunc uideatis breuiter memoria repetatis ea, quæ dicta sunt accidisse à principio morbi. inuasit Philiscum febris acuta cum saeuissimis accidentibus, in paribus diebus cepit exacerbari, in tertio die & si liber à febre omnino uisus sit, & quod melius habuerit cum esset dies quietis, tamen sub crepusculo diei inuasit inflammatio totius, & febris acuta præter omnium spem, & expectationem medicorum, à crepusculo usque ad finem quartæ perseuerauit febris cum

M

aug=



# COMMENT. MONTANI

augmento omnium symptomatum, Hoc erat indicium certissimum mortis in sexto, uel septimo futuræ: Habetis regulam medicorum quotiescunque tertia, & quarta simul grauer se habuerint, ut in ambabus sit exacerbatio morbis crīsim cito futuram expectare oportet: in tertia & quarta exacerbatio durauit in hoc ægro. ergo expectanda est cito crisis futura, præter hoc quod tertia & quarta fuerunt tam graues, & mortem indicabant, in quinto etiam omnia grauiora facta sunt, quæ erat dies quietis: si uerum est, quod consuevit inuadere diebus paribus, quod & ipsum erat signum malum, quandocunque ægritudo habet accessiones in die pari significat esse malorum morum. cum itaque in quinta sæuissima fuerint accidentia, et febris aucta, necessarium erat, ut moreretur in sexta. Et quoniam scitis quod moriuntur ægri in hora maioris afflictionis, propterea Philiscus debuit mori in hora priori diei sextæ: hora autem peior est hora exacerbationis, in qua consuevit exacerbari: ergo non solum moriturus erat, sed cito moriturus, & in sexta, & hora paroxysmi, in qua maxime affici consuevit. Audiistis quod in secunda & alijs diebus accedebat febris in meridie, merito debuit mori circa meridiem, in quo maxime afflictabatur, ista cōsiderando uos clare uidetis necessariò moriturum Philiscum, sicut mortuus est. Et ideo medicus prudens potuit ex omnibus his signis bene colligere, & prædicere tutissime non modo moriturum ægrum, sed etiam diem, quod debuit necessariò mori in sexta, uel septima, & non tantum diem mortis, uerum etiam horam, qua mori debebat,



bat, in hora inquam afflictionis circa meridiem, ut solitus erat affici; quod & uos poteritis assequi si diligenter signa omnia perquisueritis: sed bene uellem quod notetis unum medicum esse rationalem, non uatem; ideo quando prædicit futuram mortem in tali, uel tali hora, in tali die, uel tali non prædicit, ut uates, uel propheta, non uaticinatur, sed ut philosophus, & medicus rationalis, qui non sine ratione mouetur. primo respicit accidentia omnia ex quibus discurrendo per eorum causas colligit mortem, uel salutem: si mortem, alia deinde considerat ex quibus & diem, & horam mortis prognosticatur. Medici ergo eo tempore potuerunt etiam in principio moriturum esse Philiscum, nunc uerè cito moriturum in sexta, uel septima magis in sexta, quia dies exacerbationis, circa horam meridiei, quæ erat hora exacerbationis, & maioris afflictionis. ex his consideratis poterant inquam tuto illi medici prædicere rationabiliter non suffecturum Philiscum ad septimam, sed potius defecturum in sexta circa meridiem, quod dixit Hipp. Die sexto ad meridiem est defunctus, perfecit suam uitam pauper Philiscus. Notate, quæso perfecimus ista circa textum breuiter. Nā cras iterum proponemus casum, ex symptomatibus essentiā huius morbi cognoscetis, qua cognita causas inuestigauimus, deinde prognosticum afferemus cum ratione: quo præmissis indicationes curatiuas à proprijs fontibus eliciemus, & curationem totam perficiemus in particulari, Vos uidebitis; hic erit doctrina. SPIRITVS HVIC erat perpetuo, quasi reuocanti, rarus, & magnus &c. Notetis, ut sciatis, quomo

M ij do



# COMMENT. MONTANI

do ista sint addita, cum Hippoc. proposuisset omnia symptomata ad essentiam morbi cognoscendam necessaria, quæ singulis diebus incipiendo optimo ortu ægritudinis usque ad finem, & ipsius exitum, nullum prætermisit dicens, hoc eo die contigit, illud illo usque ad mortem, quæ fuit in sexta: Nunc modo subiungit separatim quædam symptomata, quæ non singulo quoque die mutabantur, sed semper perseuerarant statim à principio morbi usque ad finem, fuerunt perpetua, quæ non poterunt nobis com-  
monstrare processum morbi. primo dicit perpetuò fuisse spiritum, id est, anhelitum, respirationem magnam, & raram, statim à principio mutata fuit ad differentias præter naturam, ut esset rara quasi quod oblitus esset respirare: ideo reuocanti quasi rarus erat anhelitus, erat oblitus respirare, postea redibat. Et hic notetis quod hoc non bene uertitur, interpretes male transtulit ex græco in latinum, quasi reuocanti, id est, reuocanti similis non affecutus est mentem omnino Hippoc. sicut nomen græcum recte stat, ita nobis bene Galen. interpretatur in com. quasi reuocanti, id est, quasi oblitus, ac si reuocaretur in memoriam illi, ut respiraret, id est, ac si recordaretur respirationis, hoc bene uult Hippoc. Nam si staret textus eo modo, quo uertitur, quasi reuocanti, deciperentur multi, putarent Hippoc. dicere, quod reuocaret anhelitum tantum, & magnū, id est, bis successiue respiraret, ut respirationem repeteret, hoc non dicit, iste interpretes debebat saltem respicere expositionem Gal. non potuit exprimere conceptum Hippoc. non uult ipse, quod repeteret anhelitum, & respirationē:

Vo-



Voluit significare anhelitum talem fuisse, ac si quis oblitus sit alicuius operationis, & iterum redit ad illam, sic Philiscus oblitus erat quasi respirare, & iterum redibat ad anhelandum, quasi recordatus respirationis, hoc modo similis erat reuocanti, id est, quasi uideretur in memoriam reuerti, ut respiraret, sicut contingit in maximis anxietatibus, & cogitationibus, qui multas, & quidem magnas habent curas obliuiscuntur respirationis, & omnium suarum operationum, postea cum calor in corde indigeat euentatione, trahunt multum aeris, & faciunt magnū anhelitum, ac si sibi in mentem ueniret, ut respirarent, trahunt magnam respirationem, & hoc dicitur à nostris suspirium, & homines isti dicuntur respirantes uehementissime suspirare, ut etiam contingit in magnis ægitudinibus, quibus cor affligitur, & animus patitur. in hoc uiro ita fuit, respirabat similis recordanti. Galen. cum Hippocr. in secundo Prognosticorum, et in primo libro notauit quod quandocunque in ægris fuerit anhelitus magnus, interposito multo interuallo, rarus ita, ut fiat suspirium delirium significat: si uero in sanis fiat suspirium non delirium, sed affectum aliquem animi indicat, ut in his, qui sunt amore alicuius capti, aut magno dolore, & merore laborant. in hoc uiro bene, & merito notauit hoc perpetuum symptoma, quod delirium significabat. audistis Philiscum delirasse, & maxime cor affectum erat, fuit perpetuò spiritus, id est, respiratio à primo die statim ægitudinis, & durauit usque ad finem rara & magna: rara quasi esset oblitus respirare, & proprias operationes nesciēs quan-



# COMMENT. MONTANI

do incipiat, uel quando cohibeat, postea recordatus respi-  
rat: magna, ut quod ab raritatem fieri non poterat ma-  
gnitudo subueniret. Bene & diuine meminit huius signi,  
ex quo etiam uos hanc regulam & documentum accipia-  
tis, ut quando acceditis ad ægrum uestrum primo aduer-  
tatis anhelitum, & recte perspicere eius differentias etiã  
magis, quàm pulsum: quoniam anhelitus fortasse firmior,  
& certior est, quàm pulsus, scitis causam? quia pulsus le-  
ui quacunque mutatione caloris, & affectione ipsius cor-  
dis immutatur, anhelitus non tam facile uariatur, nisi sit  
magna causa: potius anhelitui confidere debetis hoc est u-  
num, dabit uobis iudicium certius. Vnde mirabiliter dili-  
gentissimus Hippocr. nunquam curauit differentias pul-  
sus, anhelitum semper obseruauit: Et dico uobis hoc,  
quod nunquam hac ratione inuenietis Hippocr. mentionem  
fecisse de pulsu: in quocunque tamen ægro semper diligen-  
ter conspiciebam anhelitum, quod & hoc loco non præ-  
termisit dicens anhelitum fuisse rarum, & magnum in  
Philisco, quod significabat delirium, ut uidistis factum es-  
se. De spiritu & anhelatione multa essent notatu digna  
dicenda, quæ in sequenti ægro dicemus, non omnia sunt  
hic referenda latius ibi differemus cum occasionem maio-  
rem habebimus, & in quocunque casu aliquid dicemus,  
illud tamen semper habebitis, ut quod de anhelitu dixit  
Hippocr. depulso idem intelligatis. LIEN IN TU-  
MOREM rotundum elatus erat &c. Aliud perpe-  
tuum & commune symptoma in toto morbo fuit tumor  
uisceris, erat lien humidus, & quidem tumor rotundus  
erat.



erat. Notetis, Aut poterat esse durus iste tumor lienis, qui appellatur scirrhus, aut inflammatio: Non fuit durities, quoniam durities fit ex humore frigido incuneato in membro, in quo est: hic autem non abundabat humor frigidus, sed calidus, ut patet qui correptus fuit febris acutissima. ergo fuit inflammatio ab eodem quidem humore, à quo dependebat febris, ista inflammatio erat pessima: primo in uiscere nobili intrinseco, secundo quia rotunda in figura, quæ indicabat materiam malam commistam non separatam, dicebamus superius, quòd quando inflammatio tendit ad salutem, & salubris existit habet figuram pyramidalem rotundam, sed in acutum tendentem, quoties figura apostematis pyramidalis est semper pessimum indicium affert, quod concocti sint humores, & ad exitum bonum deducetur. At si fuerit figura rotunda in apostemate, significat materiam crudam, non esse factam concoctionem humorum, sed massam esse quandam humorum commistam simul non separatam à natura, ideo bene et rationabiliter notavit hoc signum malum Hippoc. in Philisco fuisse perpetuò, ut haberet lienis apostema rotundæ figuræ: erat enim inflammatio à materia nō concocta, cruda, commista, non quatenus erat inflammatio, sed ut rotundam habebat figuram. SUDORES perpetuo frigidi &c. Bene etiam notavit hoc commune symptoma, quod & si inualeret in diebus exacerbationis, tamen perpetuo duravit. De sudoribus noua non dicemus nunc, ostendimus ex Galen. quomodo possint esse sudores frigidi in febre acuta superius à principio: & audiuitis

M iiij quod



# COMMENT. MONTANI

quod non est impossibile, licet interiora sint feruentissima, ut tamen partes extrinsecæ frigeant à quibus exeunt sudores frigidi: hoc autem ita malum signum esse dictum est à nobis, ut si fuerit in acuta ægritudine possitis tuto pronuntiare moriturum ægrum: si in non acuta, longitudinem morbi futuram, ut semper sint mali sudores frigidi. **ACCESSIONES** diebus paribus. febris acuta exacerbabatur in die pari, ista omnia sunt symptomata, quæ à principio ægritudinis usque ad finem, & mortem Philisci perseuerarunt. Vidimus quod statim in principio, in prima die inuasit febris acuta cum sæuissimis accidentibus, postea consuevit in paribus diebus exacerbari: accessit enim paroximus in secunda & ita deinceps successit, hoc erat signum letale, quia semper accessiones in paribus diebus male sunt, & mali iudicii exitum significant: si in acutis mortem dicebat Hippocr. si in non acutis longitudinem, omnia ista communia, & perpetua signa habuit mortem significantia futuram necessario, non poterat euadere. Ex hoc habetis quod exemplo Philisci, in quocunque ægro debetis diligenter inspicere symptomata propria, idest, quæ uariantur & mutantur singulis diebus, & communia omnibus temporibus ægritudinis, ex quibus scietis prædicere mortem, uel salutem, curationem uestram optime dirigere, & optimi euadentis medici. Et ita textus totus sit expositus, Nunc ita procedemus. Proponemus Philiscum, & ad exemplum eius alterum, symptomata inuestigabimus; ut per ea possimus cognoscere, quis morbus esset, de quo Hip. non facit

cit



cit mentionem, tum essentiam ipsius declarabimus, et causas afferemus prædicendo mortem, uel salutem: præmissis prognostico tandem curationem aggrediemur, Eritque utilis discursus.

Haecenus simul cum ipso Hippocrate tanquam inuimus illum Philiscum, qui in sexta die obiit. Obseruauimus secundo simul cum Hip. omnia symptomata contingentia circa ipsum, tam communia non uariata à primo die decubitus usque ad finem, et mortem, quam ea, quæ singulis diebus acciderunt: Habuimus ducem tantum uirum Hip. nihilominus quoniam tantummodo symptomata habuimus: per signa autem non declarauit essentiam morbi, quis esset morbus, quo laboraret Philiscus, causas morbi, nec curationem Hip. nihil dixit in hoc, neque in illo. Ideo ut habeatis doctrinam perfectam, nec aliquid uobis deficiat existimaui suppositis nunc symptomatibus, et declarato textu contemplari essentiam morbi huius: et prognostico præmisso, ut solent medici prudentissimi curationem uobis afferre, qua procedendum esset in hoc, et consimili casu, ut particularia quoque habeatis. Adeundum igitur est rursus ad Philiscum nostrum, et primo perquirendum quisnam esset morbus, et causas morbi perquiremus dabimusque methodum curandi omnes huiusmodi casus: Ut recte possimus hoc facere, oportet quædam præsupponere. præmittenda igitur quatuor, quibus parati magis ad hanc tractationem accedatis, ad meliorem eorum, quæ habuit Hip. in textu expositionem. Audiatis:

M v Vi



## COMMENT. MONTANI

Videndum primo est quomodo debeat esse dispositus medicus, idest quem habitum debeat habere uos futuri medici, antequam accedatis ad Philiscum, et ad uestrum quolibet ægrum: exemplo enim Philisci omnes consimiles intelligemus: Secundo quid speculandum circa ægrum afflictum, cum iam estis ducti ad ipsum, ut cognoscatis morbum, & morbi naturam: Tertio quid prædicendum, & prognosticandum sit antequam aggrediamini curam, ut seruetis præceptum illud Gal. Galenus præcipuus ille medicorum omnium præter Hip. in Prognosticis cum Hip. dicit nos debere præuidere futura. oportet enim medicum, inquit Hip. uti præuisione, ut melius sciat procedere in curatione morborum: Quarto & ultimo docebimus quid agendum sit, uisa ægritudine, causis illius consideratis, præmissa prognosticatione, & præparatione ad operandum quid debeat agere & moliri, ut auferatur ægritudo, Hæc omnia docebunt nos, & erunt uestra fundamēta, quibus procedere sciētis in auferenda ægritudine Philisci, & non modo aditum habebitis in Philisco, uerum etiam in omnibus ægrotis Hip. & in tota Arte, ut nullus sit casus, quem rationabiliter nesciatis dirigere: in his principijs Paulum immorandum est, non miremini, habebitis totam Artem: qui enim habet principia ille bene in augmento scit procedere usque ad declinationem, tota uis est in principijs, & qui habet principia habet omnia. principium est totum in potentia, ut bene dicebat Arist. in his ergo non dedignemini immorari paululum. Quantum uerò ad primum attinet, idest ad habitum, quem de-



debetis habere antequam ad ægrum accedatis, Debetis primo in uniuersali habere, ut ea intentione, eo animo accedatis ad patientem uocati, ut morbum remoueat, negligentes adultera, Hic est principalis uester Scopus, ut curetis morbum, & ægrum à morbo liberetis, remoueat omnes alterationes, omnes adulterationes in Arte hac diuina, quæ possunt facile contingere, ut nihil agatis pecunia, uel ambitione; ista sunt quæ Medicinam adulterant, à quibus omnino caueatis, uitam ægri et sanitatem habeatis primum præ oculis, pecunia non deficiet & honorem acquiratis conantes quantum fieri poterit sanare ægrotantem. Primum querite regnum Dei, et hæc uobis adijcientur, infallibile uerbum. Bonus semper sit uester animus, nihil deerit, hoc unum supplebit totum, non accedatis, ut lucremini, quæso supponatis uobis, ut sanetis ægrotum, & queratis quæcunque possint & tutius, & citius id præstare: Si habebitis animum uestrum ad hoc accedat quicquid uelit, non eritis damnandi, uestrum conatum in hoc ponitis, ut sanetis hominem, pecuniam non curetis. Debetis ergo solum hoc inspicere, ut sanetis iste est proprius Scopus medici non adulteratus, pecunia per se adijciatur, hoc est curandum, ut principale & solitariū proprium medici, ut bene dicebat Hip. neglecta pecunia, & omni alteratione extrinsecus adueniente eatis ad patientem: Cum habueritis hunc habitum in mente uestra, & ita supposueritis uos esse facturos, ut oculum tantum habeatis ad sanitatem acquirendam, uestrum proprium scopum acceditis ad ægrum, ingredimini, statim bono animo in-



# COMMENT. MONTANI

inspiciatis hominem, ut illum adiuuetis, quid modo uobis speculandum? hoc est secundum, quid contemplandum? Vultis eo animo sanare, & ægritudinem remouere: Nunquam inducetis sanitatem, nisi prius cognoueritis naturam morbi præsentis, à qua sumitur uera indicatio curandi; indicatio est illa, quæ dirigit medicum in curatione, ut recta ratione, & recta methodo remoueat ægritudinem. ergo natura ægritudinis prænosceda est à medico, ut sciat ab ea sumere indicationem, hæc est ueritas. Recentiores postea nostri intricant se, faciunt multas quæstiones, argumenta ducunt, & se complicant, ut non possint aliquid decernere: uideatis illos, uos eritis testes, nihil nisi nugæ quærunt, à quo sumi debeat indicatio curatiua, an à morbo, an à causa morbi, arguunt hinc, illincq; tandem nesciunt quid dicant: Ego quandoque si uideo, misereor, admirans tantam dementiam, ita confusi sunt, ut nihil penitus de hac re intelligant, sunt digni potius misericordia, quàm obiurgatione. Si itaque uultis remouere ægritudinem, oportet ut cognoscatis naturam eius, cognita natura ægritudinis statim patebit indicatio, quæ diriget uos ad curationem: contemplamini prius, quæ sit natura istius morbi? Quomodo cognoscetis in ægro uestro naturam ægritudinis? non cognoscetis nisi per cognitionem suæ essentiae, ut uideatis essentiam morbi, secundo motum, tertio tempus, quarto & ultimo mores: hæc quatuor deducunt uos ad cognoscendam naturam morbi: Et hoc merito, quia natura morbi consistit in his omnibus essentia, motu, tempore, & moribus: Vbi debetis adnotare, quod

na=



natura, ut bene dicit etiam Gal. non semper eodem modo intelligitur, ut cum dicimus naturam, statim intelligamus eo modo, quo ipsam diffiniuit Arist. ut principium motus, & quietis corporum naturalium, quo modo materia & forma naturæ dicuntur, sed largiori quoque modo accipitur, & significato pro accidentibus alicui inhaerentibus, quo modo quandoque refertur ad mores, ad bonitatem, uel malitiam, ut quando dicitur homo malæ naturæ est, idest malorum morum: bonæ naturæ, bonorum morum, ita refertur quandoque ad proprietatem, & qualitatem propriam alicuius rei, quod in accidente consistit, quemadmodum dicimus magnetem trahere ferrum, quia talis est naturæ, ut ferrum trahat, quod nihil aliud est, quam dicere, quod magnes habet hanc proprietatem, ut ferrum ad se trahat: quandoque attenditur natura penes motum, tempus, & mores. quando igitur loquimur de natura morbi non eo proprio modo intelligimus, quia morbus non componitur ex materia, & forma, sed consideramus naturam. i. accidentia ista, in quibus stat natura morbi, & ipsa coniuncta sunt natura morbi, motus, tempus, & mores, supposita prius eius essentia. Oportet igitur uos ista præscire, & præsupponere, si uultis discere Artem, & curare per uiam rationalem, & methodum breuissimam omnes ægitudines: Neque in his expectetis completam tractationem, ero brevis, tantum per compendium, et per quædam capita docebimus attingentes præcipua: Nam si debuisssem hoc perfecte tractare nimis longum esset, produceremus nostrum sermonem non modo per duas, uel tres præ-



## COMMENT. MONTANI

praelectiones, uerum per annum totum: omnia supponantur, quæ hic non possumus percurrere, aliàs à duobus ab hinc annis distinctissime, & perfectissime omnia percurrere, & uos quotidie docui per totum annum: supponatis ea, quæ ibi didicistis; Hic capita eorum recensebo, & ut his, qui me tunc audierunt in memoriam reuocem essentiam rei, tum ut Iuniores, qui non intellexerunt ea possint, quæ dicentur, percipere, per totam secundam primi Etenim ista docuimus, nunc notate eorum capita. Dictum est cum accesseritis ad ægrum speculandam esse statim à uobis essentiam morbi, ut cognoscatis quoque naturam, quæ in essentia & alijs accidentibus consistit. Essentia igitur morbi à uobis præscienda, & quoniam unaquæque res scita, & cognita cognoscitur per suas omnes causas, essentia cognosci debet per suas causas: ergo causæ inuestigandæ: Causæ sunt in duplici differentia, aliæ sunt intrinsecæ rei, aliæ extrinsecæ: ad cognitionem essentiae morbi cognosci debent omnes causæ intrinsecæ, & extrinsecæ, si omnes habuerit: Tunc enim putamus nos scire rem unamquamque, quando eius causas cognouerimus primas, & prima principia usque ad elementa, ut dicebat primo physicorum in principio statim: per elementa intelligens causas intrinsecas illius rei, ut materiã, & formam, quæ sunt in eius essentia: per causas & principia, extrinsecas: per causas quidem finalem causam: per principia efficientem, ut omnes consentiunt, et interpretantur omnes interpretes Peripatetici simul, nullus discordat. itaque si cognoscenda res est, prius sunt habendæ causæ ipsius tum

in



intrinsecæ, tū extrinsecæ. Sed ulterius in his non laboramus, dimittamus ista philosophis, hoc didicistis in alijs scholis: Causæ quæ constituunt essentiam morbi sunt cognoscendæ? ergo primo intrinsecæ, quæ sunt materia, et forma: ratio formalis per quam est essentia à uobis præscienda, & à quocunque medico curaturo consideranda, non solum intelligo considerandam esse in genere & in uniuersali, sed etiam in particulari magis, & specie specialissima, & indiuidua, ultra quam non licet progredi, ut quando consideramus aliquam febrem primo formam contemplamus in genere uniuersali, & uidemus quod ista febris est quædam qualitas, Febris est calor naturalis mutatus ad igneum accensus in corde, hoc est scire formalem rationem in uniuersali, & in genere, quia omnis febris est calor accensus in corde: istud non sufficit, oportet modo ulterius deuenire ad specialissimam speciem, et differentiam formalem huius febris, cuius essentiam inuestigamus, ista postea docentur in particularibus, quando illa forma uniuersalis in praxi applicatur in particularibus formæ particulari, & speciei specialissimæ; ita consideranda est forma morbi: Cognita forma materiam secundo querimus cognoscere. materia duplex est in morbo, alia est materia à qua dependet morbus, & hæc dicitur causa materialis: Morbi, qui à materia dependent appellati morbi materiales hi non eandem habent materiā, & causam materialem, nec eodem modo dependent à materia, sed diuerso modo: quidam habent materiam morbo coniunctā, propinquamq; cui proxime morbus inheret,



# COMMENT. MONTANI

ret, & immediate ab ea dependet, hæc propria est materia illius morbi, quæ coniuncta appellatur, uel materialis; quomodocunque non curo de nominibus dum res intelligatis: noui in hoc bene senserunt, quando dixerunt causam coniunctam in morbis materialibus dari, neque sunt in hoc damnandi, nam est ita coniuncta morbo, ut inter ipsam, & morbum nihil intermediet, sicut est humor, qui actu facit morbum, & ut Iuniores me intelligant, dico illum humorem esse coniunctam, à quo morbus nullo mediante dependet, quo posito ponitur actu morbus, quo remoto remouetur. hoc bene uiderunt boni medici, neque inficias eunt causam coniunctam dari, quia reuera datur, & omnes boni Doctores illam concesserunt, hoc debet esse uobis, ut principium, Et qui tollunt, uel tollere conantur hanc causam coniunctam, & arguunt contra novos nostros, neque rationem habent, nihil concludentes, tollunt partem Medicinæ, & Gal. contradicunt, quem imitari uolunt dicentes se esse Galenicos, non uident Gal. eam concessisse, & secundum eius fundamenta novos quoque concessisse, qui putant omnia scire, & nihil sciunt: Gal. eam concessit, ipsi non uident. Causa itaque proxima, & coniuncta morbi materialis, actu faciens morbum idem est diuersis nominibus expressum, appelletis uel materiale, uel coniunctam, uel proximam, uel asinum non curæ sit uobis, dum intelligatis eam materiam, quæ immediate morbum contangit, illa inquam est causa coniuncta, ut exemplo rem illustremus; in suffusione oculorum, uel in cataracta, ut uulgo dicunt, cum sit morbus à materia dependens



dens, causa coniuncta proxima morbo & aqua decidens in id spatium, quod est inter pupillam, & corneam: aqua illa & humor aquosus est causa & materia coniuncta: Videatis suffusio est morbus materialis, habet materiam, & differentiam formalem, quantum ad rationem formalem dico quod suffusio est oppilatio illius spatij, & intermedij, & oppilatio morbus est. Causa uero materialis proxima coniuncta qua posita ponitur suffusio, remota remouetur aqua decidens inter corneam, & pupillam: posita aqua in eo intermedio ponitur suffusio & oppilatio, impeditur uisus, remoto humore statim oppilatio deficit, & statim ille homo uidet: deposita aqua cum acu à medico ilico uidet, hæc est causa coniuncta, & proxima, morbi immediata, ut nihil mediet inter morbum, & causam. Considerata ergo forma morbi & in uniuersali genere, & in speciali, debetis considerare materiam proximam, id est, coniunctam, ut appellant medici, quæ est causa materialis propinqua, & immediata morbi: Est alia materia, quæ si recte aduertatis, non proprie materia dicitur est tamen materia si largiori modo & significato accipitur, prout subiectum materia est accidentium, non quod constituat essentiam ipsorum, sed cui accidentia inhaerent, ut sint, & quemadmodum dicimus in philosophia naturali unamquamque formam naturalem habere propriam materiã, et indigere materia non ut cõstituatur, sed in qua subiiciatur, & cui inhaereat: sic ad hunc sensum dicimus ipsum morbum habere materiam aliam à coniuncta, & materiali causa, quæ est subiectum, cui inhaeret tanquã for-

N ma,



# COMMENT. MONTANI

ma, & accidens in subiecto suo receptum, ut subsistat, non posset esse morbus, nisi esset subiectum, in quo subsisteret, & hoc est corpus humanum, in quo sunt diuersa subiecta, & hoc modo hectica febris est in cordis substantia, & in membris solidis tanquam in subiecto, & materia propria, ei inhaeret, ista febris est sine materia primo modo dicta, non habet aliquam causam materialem, uel coniunctam, sed est simplex intemperies calida, & sicca in membris solidis confirmata nihil patitur à materia proprie, & hæc materia prout de subiecto prædicatur, à uobis etiam cognoscenda est, si recte uultis curare morbum, & febrem quam habet noster ægrotus, ita nunquam poteritis remouere hecticam febrem nisi prius cognoscatis substantiam ipsorum membrorum, in qua, ut proprio inest subiecto, considerata materia, id est, substantia istorum membrorum habetis alterare, & cum alterantibus remouere intemperiem simplicem, non est intentio aliqua ad humorem, cum non pendeat ab humore, & affluxu materie. & si ergo morbus careat materia & humore, à quo pendeat, tamen habet subiectum, in quo subsistit, quod etiam anteq̃ aggrediamini curationem considerandum est, hoc considerabit in febre, uel quacunque ægritudine, qua laborauerit æger uester considerata prius causa coniuncta, corpus humanum uniuersaliter illud est, in quo est morbus, uidetis num in corde, an alijs membris, num in toto? considerate subiectum morbi, si uultis morbum remouere, & hæc est materia improprie, targo modo accipiendo nomen materie pro eo, cui inhaeret, & ita contemplabimini naturam

cor=



corporis humani, quod morbo subijcitur. Hoc modo considerabitur essentiam ægritudinis penes causas intrinsecas, materiam inquam, & formam: materiam autem dupliciter aut cōiunctam, aut improprie materiam, idest, subiectum, & materiam, in qua consistit. Causæ extrinsecæ postea considerandæ sunt ad cognitionem essentiae ipsius morbi, quæ sunt agens, & finalis causa. Finalis autem in morbis non consideratur, quia in morbis non est aliquis finis, quod aliàs late probauimus, & in hoc discurremus, in rebus præter naturam non reperitur finis: naturalia sunt illa, in quibus finis existit, morbi sunt res præternaturales, & errores quidam naturæ non habent finem: in defectibus enim naturæ non est inquirendus finis, ut dicit Arist. ex cuius sententia id ostendebamus, morbi sunt errores, & defectus ipsius naturæ. ergo in his non est spectanda causa finalis: probatur per Arist. in rebus, quæ præter usum naturæ contingunt omnino finis nullus reperitur, quia natura agit quæcunque agit ordinate non impedita propter aliquem finem, quæ si deficiat ab eo, quod intendit, & dico deficiat præter intentionem, nunquam fieri poterit, ut in illis defectibus finem inueniatis. sunt præter finem naturæ, quomodo habebunt finem? in morbis ergo quos natura non intendit, finis consideratio nulla erit. Omissa finali causa quam medici nihili faciunt, uertetis uos ad contemplandas efficientes, quæ præcipue sunt in tractationibus Medicorum. Causæ efficientes sunt duplices adhuc, quædam extrinsecæ, & alterantes omnino corpus, ut aer, cibus, & potus, has uocant Græ-



# COMMENT. MONTANI

*ci προκαταρκτικάς*, recentiores & medici uulgares  
 primitiuas appellant, siue hoc, siue illud non est nunc in li  
 te mihi ponendum uocetis quomodocunque, & libenter.  
 Ego appellabo ipsas primitiuas, ut omnes intelligant: uta  
 mur nomine communi à recto rei conceptu non disceden  
 tes, loquendum etenim est ut multi, sapiendum ut pauci,  
 hoc signum est uiri docti, & sapientis: isti nostri recentio  
 res interpretes præincipientes transferunt, quomodocun  
 que appelletis de nominibus, ut docet Gal. nobis non sit cu  
 ra, bonum est intelligere terminos, ne in re confusio fiat.  
 distinguatis igitur rem, & nomina relinquatis: causæ pro  
 catarctica extrinsecæ sunt omnino, & extra corpus hu  
 manum, ut aer ambiens exterius totum corpus, & per  
 anhelitū ad cor exceptus, cibus & potus pro nutritione,  
 animi accidentia, siue perturbationes, quæ quotidie in re  
 bus agilibus contingunt uariæ, & diuersis modis, omnes,  
 & ceteræ omnes sex causæ, quæ dicuntur à medicis res  
 non naturales, istæ exterius existentes occurrunt neces  
 sariò corpori humano, & alterant; alterando immutant,  
 & uarios inducunt morbos, sunt quædam aliæ causæ effi  
 cientes extrinsecæ & ipsæ, sed intra corpus humanum,  
 quæ efficiunt morbos alterando, à Medicis appellantur  
 antecedentes corporeæ, Et istæ sunt humores in corpo  
 re existentes, qui non actu faciunt morbum, quoniam es  
 sent causa coniuncta, de qua superius dictum fuit, sed apti  
 sunt, ut ipsum efficiant, & leui quacunque de causa & oc  
 casione moueantur, & faciant morbum: aliquando accidit  
 ut colligantur humores intra corpus, qui aliquid etiam le



ue passi causant ægrotudines, & actu iam morbum faciunt : sunt causæ efficientes non quod actu morbum efficiant, sed possunt efficere, & istæ sunt extrinsecæ causæ efficientes: sunt tamen intra corpus humores ipsi. Hic ergo statim diceret aliquis si sunt extrinsecæ quomodo sunt in corpore, uel si sunt intra corpus sicut de facto sunt quomodo extrinsecæ efficientes? non potest simul hoc esse uerum, ut istæ causæ sint extrinsecæ & intra corpus: intelligatis quod causæ efficientes sunt extrinsecæ uniuersaliter omnes, quia agēs omne est extra rem, quam agit, sed animaduertendum quod sunt extrinsecæ, idest, extra essentiam morbi, quam efficiunt, nec sunt in morbo: primo & per se morbum efficiunt, non tamen intra ipsius essentiã sunt, quemadmodum erat materia & causa coniuncta cum formali ratione, omnes sunt extrinsecæ, non constituunt essentiam morbi, sed sunt modo istarum duæ differentie, aliæ sunt extrinsecæ, aliæ intrinsecæ supponendo semper quod sint extrinsecæ & hæ, & illæ, neque hoc est inconueniens respectu diuersorum. Notetis, Dico quod omnes causæ efficientes sunt extrinsecæ per relationē ad morbū non sunt in essentia morbi, sed quædam sunt extra corpus ægrotans, & hæ sunt omnino extrinsecæ, quoniam non sunt in corpore, & hæ sunt sex illæ res non naturales, neque essentiam morbi constituunt, neque intra corpus continentur: Aliæ sunt extrinsecæ quidem propter morbum, in cuius essentia non reperiuntur, sed corpore humano continentur ut humores, hæ causæ sunt antecedentes. Vnde bene dictum est, quod causarum efficientium quæ incō-

N iij mu=



# COMMENT. MONTANI

muni sunt extrinsecæ, quædam intrinsecæ in corpore, quædam extrinsecæ extra corpus alterantes, & procatarctice, & morbo, & corpori extrinsecæ: illæ morbo non corpori. Ab his causis efficientibus sumitur uera indicatio præseruandi, non curatiua, neque remouemus causam efficiens, ut curemus, quia nondum effecit morbum, sed remouemus, ne efficiat morbum, & ut prohibeamus ipsius effectum: Et ita oportet facere discursum, ut morbi essentiam habeatis, uidendo formam & materiam, quæ sunt causæ intrinsecæ, & elementa, materiam distinguendo, aut coniunctam & materialem, aut subiectum ipsius morbi, in quo consistit, postea uersari oportet circa causas efficiens extrinsecas neglecta finali, quæ duplices sunt aut extrinsecæ corpori, aut intrinsecæ. ille qui omnes has causas sciuerit proculdubio essentiam morbi cognoscet: Quid propterea? cognoscit essentiam morbi, adhuc est in uniuersali non posset aggredi curationem, non sufficit habere essentiam, nunquàm remoueremus ægritudinem, nisi alia consideremus, si stemus in hoc uniuersali erit adhuc confusa indicatio, quæ propria à natura morbi sumitur, quale indicans, talis indicatio, confusa est cognitio nature morbi, quæ est indicans: ergo & indicatio confusa erit: confusa indicatio? ergo confusa curatio. non possetis aggredi rectam curationem, ergo ulterius oportet adhuc progredi, opus est ut consideretis tempora morbi, quod erat secundum caput: obseruanda sunt tempora, quia in diuersis temporibus morborum aliter & aliter procedimus in curatione, aliud agimus quādo morbus est in principio,



cipio, aliud quando in augmento, aliud in statu, & aliud in declinatione. Tempora morbi attenduntur & distinguuntur penes coctionem, & cruditatem, ut apparent signa coctionis, quæ indicat pugnam naturæ cum morbo, ut bene demonstrabat Gal. in principio de crisibus. itaque si uultis considerare tempora morborum, & habere eorum distinctionem debetis uidere cruditatem, & coctionem inspicere. Cruditas uero duplex est, alia est per excessum, alia per defectum caloris: per excessum quidem, quando humores aduruntur à calore intenso; per defectum cruditas fit quando humores non concoquuntur, ita debilis & imbecillis est calor faciens concoctionem, ut non possit perfectam formam concoctionis inducere in humoribus, & coinquinat potius, quàm concoquat. Scitis quod concoctio omnis fit à calore naturali debite proportionato humido digerendo, ut habetis ab Arist. quarto Meteororum; quotiescunque igitur calor debilis fuerit non proportionatus humido concoquendo fit cruditas, & *μολύνσις* ab Arist. dicta species inconcoctionis, à nostris proprie inquinatio, incipit calor concoquere, sed non potest postea ad terminum concoctionis peruenire, dimittit imperfectam, hæc est inquinatio. Consideramus ergo tempora morbi penes coctionem, & cruditatem, ut cognoscamus morbi naturam, tertio consideramus naturam morbi penes motum ipsius, non eodem modo omnes mouentur ad declinationem, & ad terminum suum: quidam sunt uelocissimi motus, ut cum primum inceperint, statim uideantur deficere, & terminari: quidam tarde mouentur. Dicebamus superius



# COMMENT. MONTANI

rius quod illi qui cito, & uelociter mouentur sunt ij, qui à Græcis dicuntur ὀλιγόχρονοι, quasi dicas pauci temporis, & citi motus: Qui uero tarde χρόνικοι ab eisdem, à nostris quoq; chronici appellantur, quasi multi temporis, et longi motus, tarde terminantur: cōsiderabitis ergo motum morbi, ut sciatis; quando terminaturus sit, cito, an tarde, nunquid sit ὀλιγόχρονος, an uero chronicus, quoniā secundum tarditatem, & breuitatem morbi habemus occasionem ad dirigendam uictus rationem, & ad exhibendas medicinas, occasio præceptum est, ut ait Hipp. ergo speculari oportet occasionem, ne transeat inconsideratē, ut nihil postea agere possitis, aliam rationē uictus instituitis in his, qui cito terminantur, & alio tempore exhibetis phar-maca, sanguinem mittitis in acutis, qui uelocissime terminantur, & aliter proceditis in longis, in acutis in principio statim datur uobis occasio ad operandum, quæ occasio si præterierit forsan non dabitur amplius intentio, ita contem-plemini quo ad motum tarditatem, uel breuitatem ipsius morbi: quarto & ultimo oportet quod uideatis mores ipsius morbi, & tunc perfecte habebitis morbi naturam: mores intelligo penes accidentia, num accidentia sint mitia, & benigna; an uero sæua, & timenda? quandoquidē si benigna, & mitia fuerint accidentia, morbus etiam indicatur esse benignus non mortalis, ad salutem terminabitur non ad mortem, & hi dicuntur morbi bonorum morum, & bonæ naturæ, ut homo bonæ naturæ, uel malæ, habens bonitatem, uel malitiam dicebat Aristot. Contrā sunt aliqui morbi cum accidentibus sæuis, malignis, et de-  
testa-



testabilibus, qui proprie à Græcis dicuntur κακονθῆς male naturæ, & malorum morum, quoniam habent malignitiam, & sunt cum periculo uitæ, ne ad mortem terminentur, & morbi acuti maligni, qui cito terminantur, & ad mortem sæpe terminantur, hi sunt malorum morum, & accidentium, cum sæuissimis symptomatibus: considerabitis autem mores tanto diligentius, quanto magis faciunt & ad curationem, & ad prognosticum, sed præcipue ad prognosticum, si fuerint maligni cum sæuis accidentibus, periculosi, iudicabitis fore mortem, ut in acutis quando ægritudines cito mouentur, & habent deterrima symptomata prædicetis futuram mortem: si uero benigni sint morbi, et uacēt omni periculo uitæ cum benignis accidentibus dicetis iste saluabitur, & ita maxime, & principaliter mores morbi uos conducent ad prognosticum recte proferendum: Secundo etiam ad curationem, cum sciueritis ægritudinem salubrem, uel insalubrem scietis quomodo uobis sit procedendum, & nunquid operandum, necne? ista sunt habenda à uobis, ut curationem dirigere possitis. Quando itaque consideraueritis ingressi ad ægrotum ista quatuor essentiam inquam morbi penes causas, & intrinsecas materiam & formam, & extrinsecas efficientes: tempora morbi, in quo tempore sit quando estis uocati, num in principio, uel augmento, &c. motū, an citi motus, acuti, uel tardi chronici: & mores, utrum ægritudo mores benignos habeat, an malignos? tunc uere habebitis, & cognoscetis naturam morbi, in qua consistit tota ratio curationis, natura ægritudinis est illa, quæ

N v per



## COMMENT. MONTANI

per indicationes proprias diriget uos in curationē, uide-  
te quā breuiter potestis discere curationē: idcirco ars  
non est longa, ut male, & falso nonnulli opinati sunt, ar-  
tem intelligo habitum artis, si modo per methodum, &  
ueram rationem addiscatur: longa est his, qui non discūt  
eam cum artificio, & methodo: sed si per methodum pro-  
cesseritis, breuissime acquiritur, Vos uidetis, per hęc qua-  
tuor ut methodo docui potestis ad curationem descende-  
re, Quid enim aliud est methodus, obsecro uos, quā ha-  
bitus, & uia breuis cum ratione totam scientiam, uel Ar-  
tem adipiscendi, ut aliās distincte ex professo docuimus:  
Nugę sunt longę, pura & mera ueritas cum ratione bre-  
uissima, Ego doceo uos ueritatem, et methodum instituo.  
igitur si recte animaduerteritis multum hoc anno profi-  
cietis, & euadetis perfectissimi medici: Ad rem: hęc qua-  
tuor circa ægrum primo speculemini, deinde indicationes  
curatiuas eliciatis: sed quia non semper manifesta sunt  
& nota, ut sensui obijciantur, latent, & sunt occulta o-  
portet à posteriori per effectus deuenire in cognitionem  
ipsorum: ergo indicia sunt à uobis inquirenda, indicia ha-  
beri non possunt, nisi locos constituatis, à quibus eliciatis  
omnia, quę possunt indicare uobis naturam morbi, &  
quatuor in quibus consistit natura morbi, locos appello  
ea, à quibus uniuersaliter ut fundamentis signa eliciun-  
tur, quemadmodum dicunt Dialectici, qui sibi constituunt  
locos argumentorum, quos constituerint facile possunt in  
quacunque materia erigere argumenta, & formas argu-  
mentorum, ut fecit Arist. in libris Topicorum, qui adeo  
la-



laboravit, & tanta usus est diligentia, ut consumpserit octo integros libros Topicos in statuendis locis argumentorum, & ea quærens, quæ attinent ad rationem recte loquendi, & argumentandi: quanto magis uos debetis hoc facere? quomodo non debemus quærere, & omni studio, ac diligentia statuere locos, e quibus indicia sumamus ad cognoscendam naturam morbi, ut curemus, & demus uitam homini? Oportet igitur habere locos & fontes omnium signorum indicantium morbum: Hi fontes sunt in duplici differentia: primo alij sunt intrinseci, alii uero extrinseci, à quibus non sumuntur uera signa morbum statim indicantia: intrinseci sunt actiones lesæ, quæ immediate prouentu primo à morbo dependent, hæc non sunt mea, non sunt chymere meæ, horum fuit autor omnium bonorum Gal. in Arte medica, à quo nunquam discedo, et cui idem sum, pater meus Gal. & ego unum sumus: Qui docet hoc in secundo de locis affectis, licet non ita distinge, nec ita exacte, sicut nos docemus, non tamen aliquid meum est, sed Gal. omnia: Nam et si ibi omnia non doceat, alibi aliquid aliud tradidit, quod additum isti totum complet tractatum, habet hoc proprium Gal. ut omnia distinge doceat in omnibus suis libris, diminute non perfecte, non distinge, imò tantum libro in unoquoque seorsum diminutus, & confusus, in omnibus simul, & perfectus, & distinctissimus, & huius causam reddidit Gal. ipse, quoniam nunquam scripsit librum, ut in lucem ederet tanquam completum, & ut scriberet posteris; sed quæcunque scripsit, scripsit ad preces amicorum, qui petebant à Gal. propriam



## COMMENT. MONTANI

priam aliquam materiam, rogatus scribebat ea, quæ petijssent, hac de causa non poterit in uno libro insistere, ut doceret singula problemata & theoremata complete, unus uolebat procul proficisci requirebat à Gal. librum puta de sectione partiũ humani corporis, scribebat quod ad petitionem attinere uidebatur, si quid postea obiter incidere disputatum non disputabat præter expectationẽ illius amici; Alius de interioribus, & sic de alijs, nõ scripsit librum, in quo omnia exacte doceret, uideatis in tertio libro Epid. commentatione secunda statim in principio: Nos uero qui omnes Gal. libros, qui ad manus nostras peruenerunt legimus, hinc inde collegimus, & unum completum confecimus, ex quo doctrina nostra est multa distinctior, & exactior, quàm quæ à Gal. habetur, hoc plus addimus. Redeundo itaque ad propositum dicimus quod fontes intrinseci signorum omnium morbum significantium ex sententia Gal. in illo secundo de locis affectis sunt quinque numero: primus est actio læsa, quæ cum primo, & per se à morbo dependeat, immediate quoque & per se morbum significat: Quamuis ostendat etiam locum affectum secundario, ut postea uidebitis in particularibus, quando uersabimur in praxi, & practicabimus hunc ægrum: Secundus fons sunt exeuntia extra humanum corpus præter naturam, & immutata, ut sunt urinæ præter naturam, feces alui, sudores & confimilia corporis excrementa: Quæ excernuntur à corpore uel sunt naturalia, uel præter naturam, non naturalia à quibus sumuntur indicia morbi, quia præter naturam sunt



sunt dicuntur exeuntia mutata: Tertius fons est dolor, qui apparet in aliqua parte corporis, ubi est indicat morbum, ubi dolor ibi ægritudo, dicunt nostri medici, et non modo dolor indicat locum affectum, uerum etiam morbi magnitudinem, si magnus dolor, magnus est morbus, si paruus, paruus, ex differentijs doloris cognoscetis etiam uarias materias morborum, hoc clare uidebimus, quando tractabitur casus particulares: Quartus cum fuerint tumores in aliqua parte corporis, indicant esse ægritudinē in ea parte, ubi est tumor, ibi est ægritudo: Quintus & ultimus sunt quædam accidentia propria, quæ consequuntur morbum, sicut umbra sequitur corpus; Tussis consequitur ægritudinem existentem in membris spiritalibus, ubi materia in thorace fuerit collecta stimulat uirtutem, & insequitur tussis: Tussis enim nihil est aliud, quàm motus uehementissimus partium spiritalium institutus & factus à natura, ut expellat nocumentum in illis existens. ubi igitur tussis est, ibi ægritudo est in thorace, & partibus spiritalibus: iste est ultimus fons signorum accidentia propria consequentia morbum non exeuntia, nō actiones læsæ, ista accidentia uel sunt perpetuò consequentia & subsequentia, uel sunt præcedentia, de quibus alias distinctam tradidi methodum, hic non est locus, nunc modo oportet accedere ad magis necessaria, & ad rem nostram uergentia. Oportet omnia ista contemplari, ut bonum habitum habeatis, quo postea ad particularia curanda possitis accedere. Et certe uolo libere loqui; sæpius, ac sæpius miratus sum, quod uos uiderim tam cito ire



## COMMENT. MONTANI

in praxin, ut uulgo dicunt sine habitu isto, ut adhuc nihil fitis speculati, Nescio qui medici futuri fitis, si statim uolueritis sequi medicos ad particularia, non habentes bonum habitum speculatiuum, quo omnia, quæ dicimus consideraretis, uellem ut prius habitum scientiæ addiceretis, deinde exiretis ad operationem, quia si male in principio didiceritis operari, non poteritis aliter operari, & cū in principio ignari Artis ad praxin accedatis, discitis sine ratione curare, cum eritis prouecti etiam si uelletis non poteritis postea rationaliter medicari: Nam oportet habere bona principia: Cytharædus bene cytharizando cytharæ fit bonus cytharædus, male cytharizando fit malus cytharædus, ita si habebitis mala principia ad operandum, mali & irrationabiles euadetis medici: Si uero primo acquireretis bonum habitum, ut doceo uos, ex habitu accesseritis ad opus, non despero quin aliquando maximi medici euadatis. non accedatis igitur tam cito ad ea particularia: discite scientiam, & modum operandi prius, poteritis postea deuenire ad operandum. Absurdum est etenim, ut dicit Arist. simul querere scientiam, & modum sciendi, ita absurdum est simul querere operationem, & modum operandi. Hæc sunt consideranda antequam ad curandum Philiscum accedatis, ut habitum in mente uniuersalem habeatis, & sciatis penes quæ attenditur natura morbi, et fontes, à quibus indicia sumuntur, cum hoc habitu postea acceditis ad uestrum ægrum, & speculamini circa corpus contingentia, & inquiritis, ut per signa omnia collecta deueniatis in cognitionem morbi, quem uultis remouere:

Se=



Secundum ergo quod facitis contemplamini signa: signa haberi possunt partim ex presentibus accidentibus, quæ apparent, & ex relatione astantium amicorum, partim ex his, quæ quotidie, & singulis diebus emergunt, quando uisitatis ægrum: neque enim primo die statim cognoscitis morbi naturam, ut in prima uisitatione sciatis quid agendum, nec in secundo etiam die potestis distinctè scire quisnam sit iste morbus: in tertio nisi cognoueritis ipsum non eritis medici: Sed ignari, & uulgares asini, ut inquit Gal. qui in tertio, uel primo Therap. dicit, in prima uisitatione ægritudinem cognoscere est hominis prudentissimi, maxime in his, quos ante non noueramus, quia plerunque ad curandos peregrinantes necamur cū quibus non fuimus uersati: in secunda est medici docti, qui obseruans presentia, & ea, quæ antecesserunt cognoscit talem esse ægritudinem: si quis expectet tertiam, et permittat transire tertiam non cognoscens morbi naturam is non amplius medicus est, sed asinus, qui per tot dies ex signis apparentibus non potuit comprehendere quo morbo laboret, is est asinus, inquit Gal. Quare uolo inferre quod præter accidentia, quæ in prima apparent potestis usque ad tertiam expectare, & considerare symptomata uisitando ægrotum quotidie, & ex his considerare naturam morbi: Cognita natura morbi per contemplationem omnium signorum apparentium accedatis ad tertium propositum, & pronuntiatis uestrum prognosticum. Hic cognoscuntur & distinguuntur medici docti ab indoctis, & imperitis, hoc est totum in quo cognoscitur uera doctrina



## COMMENT. MONTANI

Arina, & artificium medici, non in remedijs applicandis:  
 periti & imperiti utuntur eodem oximelle, eisdem syru-  
 pis, eadem sunt utrorumque medicinae, ita periti curant,  
 sicut imperiti, & ita his foeliciter succedunt auxilia, sicut  
 & illis, imò uidetur hoc his esse institutum, ut à fortuna  
 magis adiuuentur, quàm docti uiri. Fortuna potius fauet  
 temerarijs, & ignaris, quàm sapientibus, propterea in  
 curatione dirigenda non distinguetur medicus doctus ab  
 imperito quomodocunque fiat, uel rationabiliter, uel ca-  
 su, & Fortuna: quandoque melius curat ignarus, nō est  
 fidendum in hoc: in prognostico uere cognoscitur do-  
 ctus ab indocto, & ignaro, non in euentu rei, non est ali-  
 quis ignarus, qui calleat artem prognosticandi. ergo om-  
 nis, qui recte scit prognosticari, & praeuidere futura  
 hic uere doctus, & diuinus medicus est existimandus. ideo  
 si uultis esse inter maximos, & peritos medicos oportet,  
 ut sitis exercitati in Arte prognosticandi, etiam si recte  
 curaueritis morbum foelicissime sanaueritis ægrum, non  
 propterea eritis docti medici, quoniam & imperiti ha-  
 bent remedia, accedunt ad libros, & inueniunt auxilia, si-  
 cut uos secundum rationem procedentes, prognosticum  
 accedens distinguit & hoc quidem doctos existimari fa-  
 cit, illos uero indoctos, propter quam causam Hip. in pri-  
 mo prognosticorum dixit oportere medicum esse exerci-  
 tatum in prognosticis, & se de his diligenter conscribere:  
 Dicit enim Hip. duabus de causis potissimum studen-  
 dum esse huic libro prognosticorum, tum ut medicus ui-  
 deatur hominibus doctus, & peritus; ipsum futura prae-  
 di-



dicentem, ut diuinum habebunt, amabunt, & uenerabuntur: si ita euentus respondebit uerbis medici, quid magis, de ipso bene persuadentur, & famam cum pecunia, & lucro acquirunt: sin minus culpa uocabunt, prognostico præmisso quicquid contingat semper culpa uocabunt: Nam si per casum prædixerint ægrum moriturum, & moriatur, non damnantur, amici ascribunt, & ita putant euentum aut morbo, qui malignus erat, aut ægro, aut astantibus, aut fortunæ: si curatur, quanto magis existimabitur medicus? utpote qui moriturum à morte eripuerit, & liberauerit, idem spem infirmo, & alijs pollicetur, ut quotiescunque ægrotauerint, uocent ipsum, ita semper prognostico, & à culpa liberatur, & doctus hominibus existimatur: Præmisso prognostico quo seruat honorem proprium medicus, deinde ad curationem morbi se accingit, indicationes erigit, & remedia putat, quibus applicitis incipit operari. primo ergo debetis & uos habere habitum illum in mente, antequàm accedatis ad patientem: secundo cum hoc habitu speculari, quæ sunt circa ipsum specularanda: tertio prognosticari: quarto & ultimo aggredi curationem: si in his quatuor exercitati fueritis, eritis proculdubio optimi medici. His fundamentis præsuppositis, & præmissis accedamus nunc ad nostrum Philiscum, ut particularia ita se habere cognoscatis ordine, & methodo ista proposita uersetur circa hunc ægrum. Dico ergo quod Philiscus, quem inuisit Hipp. & nos simul cum Hippoc. ita supponatis, per sex dies sequitur, per ea, quæ uisa sunt accidisse; quod laborauerit febre pestilenti acuta, maligna, & con-

O      tinua,



# COMMENT. MONTANI

tinua; quod esset continua non est dubitandum, licet exacerbationes habuerit in paribus diebus, necessario debuit esse continua, quia cum esset febris pestilens, maligna, acuta non poterat aliter esse, quam continua, non fuisset acuta, nisi & continua, non maligna, neque pestilens: quare dicendum quod esset continua, hoc declarauimus aliàs, quomodo necessario ad ea prædicata febris sequitur, & istud quod sit continua, si acuta, ut fuit. Dixit Hippoc. in primo die inuasit Philiscum febris acuta: acuta inquam, & continua pestilens. ergo maligna: uidistis habuisse pessimos mores, & sæuisima accidentia: pestilens quod putrescebant humores in corde contenti, alioqui febris pestilens non fuisset, de ratione formali pestilentis est ut summa putredo corripit humores, qui sunt in corde, licet quidam homines falsò existimant fieri febres pestilentes sine putredine humorũ, imaginanturq; esse qualitatem quandam uenensam, quæ imprimitur cordi, hoc falsum est, & alias probauimus rationibus euidentissimis non posse dari febrem pestilentem, nisi humores in corde putreant, imò hæc est illarum formalis, & essentialis differentia, quod uobis ostendebat Gal. quem ut in alijs, in hoc quoque imitatur in primo de febrium differentijs, inquit formaliter loquens de febribus pestilentibus: summa febrium pestilentium est putrefactio: quandoquidem febres pestilentes sunt germina putredinis: putredo autem est in humoribus in massa omnium humorum in corde, hoc alias declarauimus. ideo erat febris maligna statuta tanta putredine in fonte, & principio uitæ, hoc non habent febres putridæ, in quibus  
non



non putrescit tota simul massa sanguinis, sed aliquis humor particularis in uenis, uel extra uenas: massa uero sanguinis à natura seruatur, ut corpus nutriatur, & uita non deperdatur: Sed cum aliquid præter naturam accedit ad massam sanguinis, putrefacit totum sanguinem, & omnes simul humores, ita fit febris pestilens: hinc est quod putrescente alimento omnes uirtutes decumbunt in pestilentibus, & sunt febres omnium pessimæ: hæc nunc ita supponantur, quæ alibi docuimus per principia distinctissime, ut digito, & manu fecerim hoc tangi. Erat febris pestilens: ergo humores putrescebant, qualis humor erit, qui in Philisco putrescebat? Audiuiſtis, quod erat humor crassus biliosus; putrescebat intra uenas cholera crassa, uittellina propriè dicta tam apud Græcos, quàm apud Arabas; eodẽ nomine semper dicitur uittellina à similitudine, quam habet cum uittellis ouorum, & in colore, & in substantia. Quamuis in re ipsa differant, cum Græci unam tantum speciem bilis uittellinæ esse dicant, quam uolunt fieri per aduſtionem bilis flauæ naturalis: Arabes uero præter hæc speciem aliam addant, & dicant bilem uittellinam duobus modis generari, uno modo per aduſtionem humoris tenuis, & crassi, pituitæ, & bilis naturalis, ex quorum commiſtione oritur quidam medius humor, & dicitur bilis uittellina: alio modo fit non per admiſtionem, sed per aduſtionem bilis naturalis, resolutis partibus tenuioribus à calore adurente remanent crassæ, & ita bilis crassa efficitur: & sicut diuerso modo fiunt, ita uoluerunt nominibus eas terminare, appellaruntque illam, quæ ex admiſtione hu-



# COMMENT. MONTANI

moris pituitosi cum bilioso ortum habet, bilem uel cholera-  
 ram, ut ipsi dicunt maioris fame, reliquam uero speciem  
 Græcorum, quæ uerè fit per adustionem à calore poten-  
 tiori, Auicenna, & omnes cum eo Arabes uocarunt cho-  
 leram uitellinam minoris fame, ut per hoc, quod dico ma-  
 ioris fame, & minoris fame distinguerent duas species  
 cholerae uitellinae, & eam, quæ per admistionem, & il-  
 lam, quæ per adustionem. Dico ergo quod in hoc uiro la-  
 borante febre pestilenti putrescebat humor biliosus cras-  
 sus, idest, cholera uitellina tum quæ per admistionem pi-  
 tuitæ ab Auic. dicta maioris fame, tum quæ per adustio-  
 nem, minoris fame. ergo hic erat duplex putredo à præ-  
 dominio superantibus duobus his humoribus, erat inquam  
 putredo, & in ea, quæ fit per admistionem pituitæ cum  
 flaua bili, & in ea, quæ adusta fuerat à calore: Erat ægri-  
 tudo in Philisco febris acuta, pestilens, maligna, & conti-  
 nua facta ex humoribus putrescentibus intra uenas, & in  
 arce caloris, ac uitæ. Humores à prædominio duo, partim  
 bilis uitellina putrescebat per adustionem à calore gene-  
 rata, partim per adustionem pituitæ putrescente: ex qua et  
 bilis flaua putrescebat: ista erat febris, hæc erat materia,  
 ut statim ostendemus per signa consequentia. Cum hac to-  
 tius corporis ægritudine erat alia particularis ægritudo  
 coniuncta in liene, uidistis in textu habuisse inflammatio-  
 nem in hypochondrio sinistro, in liene, quæ erat figuræ  
 rotundæ, ista inflammatio ab eodem humore, ab eademq;  
 materia dependet, a qua dependebat & uniuersalis mor-  
 bus ab humore crasso, bilioso, calidoq;: ita considerata est  
 à no-



à nobis essentia morbi huius secundum ordinem propositum. Essentia talis est: Febris pestilens cum inflammatione in uiscere nobili existente; his laborabat Philiscus: Videntis causas, per quas cognoscitur essentia morbi, & primo intrinsecas, rationem inquam formalem, quæ erat febris pestilens cum summa putredine, & inflammatio in uiscere, & materiam, quæ eadem erat & morbi uniuersalis, te particularis, oportet modo ipsam considerare quoad causas extrinsecas efficientes inquam, sunt istæ aut antecedentes corporeæ, aut primitiue. Quantum ad efficientes corporeas, & antecedentes dico quod erat ille idem humor biliosus, crassus, à quo efficiebatur continuè egritudo, qui nisi superabundasset in corpore Philisci forte non incidisset in hanc febrem pestilentem etiam in tam pessima constitutione, si non est modo in corpore non potest morbus ab extrinsecis causari: ideo bene dixit Gal. in primo de diff. feb. ubi agit de pestilentibus, quod corpora pura, & uacua prauis humoribus in constitutione pestilentiali non corripuntur putredine, non facile a peste inficiuntur, nisi sit tanta putredo, ut habeat rationem ueneni, & statim suffocet homines, alioqui nisi hoc uerum esset sequeretur inquit Gale. quod omnes in pestilentibus laborarent, & omnes morerentur: hoc autem falsum, quia uidemus multos saluari, qui non habent seminaria putredinis intra corpus, & habent intrinsecam resistantiam, illi uerò qui congregarunt multas superfluitates, humores malos, & parati sunt ad recipiendam impressionem putredinis statim cadunt in pestem, & quanto magis humores illorum



## COMMENT. MONTANI

accedebant ad putredinem, tantò citius moriuntur : inter  
agens omne naturale, & patiens debet esse debita propor-  
tio, quia omne agens agit in passo & subiecto disposito ad  
recipiendam actionem illius agentis. ergo ubi corpora di-  
spositionem non habuerint ad recipiendam putredinem,  
munda fuerint ab omni superflua humiditate, resistunt pu-  
trefacientibus causis, inde in pestilentijs uel nihil, uel mini-  
mum mali sentiunt, si materia & passum non recipit pa-  
rum inter est quod agens aptum sit ad agendum; sed si pas-  
sum sit præparatum, & consentiens in synbolismo cum  
agente à quacunque eius etiam infirma impressione alte-  
ratur, propterea quanto magis corpora consenserint cū  
causis putrefacientibus, tanto facilius putredine inficiun-  
tur, quanto contraria fuerint & magis restiterint, tanto  
difficilius recipiunt actionem illarum causarum : hoc ex  
fundamentis philosophorum manifestum est, oportet sem-  
per passum esse proportionatum agenti, & contrà, alio-  
qui quanto fuerint magis inter se disproportionata, tanto  
minus sequetur actio. hoc habito ex sententia Gal. in hoc  
uiro erat dispositio ad putredinem recipiendam, ut si acces-  
sisset causa aliqua facillime putredinē induxisset, erat plu-  
rima materia, multi purulenti, & prauī humores ex ma-  
la ratione uictus congregati, qui se habent sub ratione cau-  
sæ efficientis intrinsecæ corporeæ: erat secundo causa effi-  
ciens omnino extrinseca, ambiens aer. sciūstis differen-  
tiam inter has causas, humor biliosus crassus multiplicatus  
erat causa efficiens extrinseca, ut de ratione formali effi-  
cientis est, idest, extra naturam, & essentiam morbi, intrin-  
se-



seca tamen quia corporea; in corpore collectus fuerat: Aer postea ambiens erat causa efficiens extrinseca & quo ad morbum, & quoad corpus, nec in morbi essentia, nec in corpore: supposita igitur præparatione ex parte passi, quæ erat in Philisco, idest, materia, causa efficiente, quæ non est ex principijs constituentibus essentiam morbi, tamen intra corpus, & intra uenas corporis si accessisset, causa occasioq; extrinseca facillime excitasset putredinem in Philisco & consequenter febrem: Accessit & hæc causa omnino extrinseca procatarctica, siue primitiua: ideo uidete quod necessario corripendus erat à morbo, & febre maligna, ista occasio fuit aer ex primis, & præcipuis primitiuis putridus, corruptus, & omnino extra naturalem constitutionem. Audiuiſtis quomodo præcesserat illa tertia constitutio aeris tam pessima in Thaso insula; ostendimus quod in illa Philiscus ægrotauit, qualis autem esset, & quam præter naturam constitutio Hippoc. enarrauit in primo libro hoc Epid. in prima sectione, & nos uobis recensuimus; Audiuiſtis, & potestis uidere apud Hipp. quod omnium fuit pessima inter eas, quas memorauit, durauit per annum, & dimidiũ. primo dixit Hippocr. quod fuit constitutio ueris frigida ab Arcturo per hyemem usque ad æquinoctium uernum per dimidium annum, uel paulo plus, idest, à principio Septembris usque ad 12. uel 13. diem Mensis Martij, Aquilones spirabant, postea usque ad canem Aquilonijs spirantibus non defuerunt frigora, ita ut perpetuo, si aduertatis, fuit tempestas frigida, sed in qualitatibus modo passiuis erat inæqualis,

O iij mo=



# COMMENT. MONTANI

do humida, ut in autumnno, in quo fuerunt plurimæ magnæ, Austrinæ pluuiæ: hyems Aquilonius, calida, siccaq; iterum pluuiæ redierunt modo squalores, modo pluuiæ, cum in autumnno præcessissent pluuiæ multæ austrinæ. ideo in hyeme, ut bene notauit Gale. dicente Hipp. in textu, fuerunt multæ ægri tudines, plurimi ægrotabant, non poterant expectare æstatem, plurimi fiebant paraplectici, paralytici, resoluebantur alij propter plurimam crassam humiditatem, quæ impressa fuerit à pluuioso, & Austrino nebulo so uere, non poterant amplius expectare cum antea etiã fuissent repleta addita humiditate necessario in morbos frigidos hyemales incidebant, nondum tamen fiebant ægri tudines epidemicæ ex putredine à multa, intensaq; frigiditate aeris, multæ aliæ ægri tudines oriebantur, quæ productæ erant ab hac constitutione, ut bene dicit Hipp. adcirco constitutio erat maligna, Fuit epidemica cum iam incepit æstas congregata erant multa excrementa humida, & crassa, post canem æstus maximi uehementissimi, in autumnno aer Austrinus pluuiosus, humidissimus. uidete quomodo ex parte aeris fuit tempestas epidemica, & pestilens in his æstibus homines suffocabantur, humores colliquabantur, & maxima erat occasio aer ad putredinem causandã. His ita præcedentibus necessariũ fuit, ut hi, qui plurimis humoribus, sicut ferè omnes tum ex aere, tum ex ratione mala uictus redundabant à putredine corripenterentur, erat causa extrinseca maxima, si subiecta corpora, et passa ipsa erant disposita de necessitate febre pestilenti corripiebantur, hinc fuerunt ægri tudines epidemicæ, & uagata est pestis

scæ



seuissima, nō poterāt euadere, erat agēs proportionatū, potēs, passū, et subiectum ipsum preparatū: ergo actio debebat inde procedere, quid peius poterat esse ad putredinē producendam? æstus maximi, postea humidus aer austri-  
nus, & pluuiosus. Audiuiſtis quemadmodum tempora hu-  
mida maximam occasionem præbent, ut homines incidant  
in febres putridas, quod per rationem ostendi non tantū  
potesse, uerum etiam ex autoritate: Gal. enim in tertio li-  
bro Epid. clarissime hoc aperiebat: Quando aer humi-  
dus est, & crassus consequenter, cum necessarius sit ciuili-  
bet animanti ad euentandum calorem innatum, ne suffo-  
cetur, attrahitur ad pulmones, & ad cor ipsum per anhe-  
litum, & respirationem, ac totius transpirationem: ob-  
struxit meatus corporis, et spiritus fiunt nebulosi, crassi,  
obscuri. Diximus spiritus generari, & nutriri ex aere,  
ut proprio alimento: ergo qualis aer, talis spiritus, aer  
qui attrahitur crassus, & tenebrosus existit. igitur et spi-  
ritus obtenebrescent, & obscurantur: si spiritus nebulo-  
si, & obscuri sint, omnes operationes fiunt segniores, de-  
bilitantur uirtutes: unde homines in omnibus sunt pi-  
gri, ignaui in motu, in sensu, & in quacunque actione na-  
turali, & uitali, aggregantur multi humores crudi, ex-  
crementitijq; aggregatis humoribus, & factis in toto am-  
bitu corporis obstructionibus calor euentari non potest,  
suffocatur, & mutatur ad igneum cum multis humiditati-  
bus existens causat putredinem, quæ maxime fit à calore  
debili in humido superabundante, ad putredinem postea  
sequuntur ægritudines, & febres, & ægritudines quidē



## COMMENT. MONTANI

malignæ secundum modum putredinis, si intensa & summa in gradu fiat putredo sequitur febris pestilens, et pestis uniuersalis cum ad summum peruenerit. Hæc fuit causa extrinseca putredinis, constitutio aeris pestilentialis, quæ inueniens corpus Philisci præparatum ad recipiendam eius impressionem facile potuit excitare febrem malignam, & pestilentem, dispositus fuerat actione malarum qualitatum præcedentium in aere: Hactenus habetis causas essentielles intrinsecas, & causas efficientes tam intrinsecas corpori, quàm extrinsecas huius ægri tudinis: Videbitis nunc quomodo ex signis deprehendemus ægri tudinem in hoc uiro naturam morbi, & propriam eius naturam, cuius esset temperatura, quod nō memorauit Hip. cuius ætatis, cuius uirtutis, ex firmissimis coniecturis ostendam omnia ista, licet nihil habeamus in textu, ex dictis tamen facile possumus qualia essent, deinde aggrediemur curationē, & ita res erit perfecta, tū ad alia deueniemus non minus utilia. Hic erit noster progressus hoc anno: primo speculabimur aliqua magis uniuersalia descendentes ad minus uniuersalia, ita ut etiam deueniamus ad particularia, in quibus uolo uos exercere.

Videbamus in superiori explanatione, quæ consideranda erant non tantum circa Philiscum propositum ægrotum, sed etiam circa omnes ægros, quos curare debet medicus. Dixi supponenda quædam esse, quæ sunt tanquam habitus quidam in mente uniuersalis, Cum ad curandum morbum uocatus fuerit medicus, antequam accedat



dat ad ægrum debet hoc præsupponere, ut eo animo ægrum curet, ut sanitatem inducat amissam postposita omni humana affectione, deinde cognoscere, & præscire naturam, uel essentiam ægitudinis, quam uult remouere accedens ad suum ægrotum bono habitu animi. Dixi naturam ægitudinis considerandam esse penes quatuor, in quibus consistit, penes essentiam, motum, tempora, et mores ipsius: ostendi quomodo ista quatuor cognoscantur per sua signa consequentia: & dedimus loca, & fontes signorum omnium, à quibus eliciuntur, & sumuntur singula indicia, in quibus est multum à uobis insudandum. Coeperam deinde declarare, qui essent fontes, & loci signorum: Dixi primo duplices esse: Alij sunt intrinseci, alij uero extrinseci, intrinsecos autem intelligo respectu morbi, & morbum respiciunt, extrinsecos uero respectu morbi quidem, non respectu corporis, licet sint in corpore, sunt tamen extra essentiam ipsius morbi, & signa quæ ab his sumuntur communia dicuntur, non propria, quoniam capiuntur à rebus extrinsecis communibus, quæ & cause, & signi habent rationem, ut constitutio aeris, tempus anni, ætas, temperatura, aer, cibus et potus, somnus, & uigilia, accidentia animi, & reliqua huiusmodi. ista extrinseca maxime res non naturales, ut dicunt medici, plurimum faciunt ad cognoscendas ægitudines, et sunt simul cause, & signa. ideo communia nuncupantur: primo quidem sunt cause, quia ex aere, tempore anni, & reliquis extrinsecis solent produci uariæ ægitudines, plurimum faciunt ad procreandos morbos: præterea sunt



## COMMENT. MONTANI

sunt & signa, quia cum uiderim constitutiones aeris, tempora anni, scimus in diuersis diuersa produci secundum eorum naturam, iudicabimus talem potius ægritudinem esse quàm contrariam, Tempora anni, constitutiones aeris, ætates, & temperaturæ morbos producant, ut sunt in suis qualitatibus, quod fit uerum legatis Hip. in toto tertio Aph. ubi de ægritudinibus, quæ originem trahunt ab extrinsecis pertractat; medici scientes hoc experientia, et ratione docti iudicabunt ægritudinem similem esse eorum dispositioni, uariæ & certæ ætates uarios & certos pariunt morbos, uariæq; dispositiones aeris: antequàm medici curationem morborum aggrediantur obseruare prius debent omnia hæc, quæ licet communia sint, poterunt tamen habere probabiles & ueras coniecturas, scientes prius, quam rationem habeant causarum, & quos producant morbos. Sunt signa, & causæ eo modo, quo dictum est, extrinsecæ, licet quandoque possint esse in corpore, sunt extra essentiam morbi, ut aer, cibus & potus, & omnes sex res non naturales, quæ sunt concausæ ægritudinum, ut postea patet discurrendo in particularibus, et signa quia indicant naturam morborum & sunt communia, sicut sunt etiam alia in corpore, quæ extrinseca dicuntur limitantia, & circumstantiæ quædam, ut habitudines corporis, ætates temperaturæ, et cætera huiusmodi: Ab his sumuntur indicia communia, et coniecturæ probabiles, non immediate; sed mediate indicantia: hic est primus fons extrinsecus signorum: Alter fons, et locus signorum est intrinsecus, idest, sumitur à rebus intrinsecis ægri-



ægritudini, et in hoc sunt quinque loci particulares, à qui-  
 bus eliciuntur immediate signa, dico quinque, quia nec plu-  
 res, nec plauciores inueniri possunt. et primo est actio  
 læsa, quæ plurimum facere uidetur ad cognitionem ægri-  
 tudinum, et ita facit, ut sit signum necessarium, quia neces-  
 sario morbum consequitur actio læsa immediate prouen-  
 tu primo, et principaliter à morbo dependet. ergo neces-  
 sario morbum à quo dependet significabit, ubi est actio læ-  
 sa, ibi morbus, ubi morbus, ibi actio læsa: et argumentum  
 necessarium à posteriori concludens causam, ut quot ie-  
 scunque dicamus, hic est actio læsa: ergo hic est morbus  
 qualis actio, talis morbus. à priori etiam tenet argumen-  
 tum, quia conuertuntur, ut causa propria, et effectus pecu-  
 liaris. actio læsa igitur est primus fons signorum, et prin-  
 cipalis, quia necessario consequitur morbum, quem indi-  
 cat, qualiter actio lædatur, et qualem ægritudinem conse-  
 quatur, hoc alibi uidendum est, Nunc mihi satis est osten-  
 disse locos uniuersales: iste est primus fons intrinsecus,  
 qui primo et per se essentiam morbi significat: secundus  
 fons signorum proprius, et intrinsecus sunt exeuntia .i.  
 excrementa mutata, quæ à corpore excernuntur, ut est u-  
 rina, sudores, feces per secessum, sputum, excrementum  
 exiens per tussim, per nares mucus, per aures, et tandem  
 omnia corporis excrementa uel uniuersalia, uel particu-  
 laria: quando uideritis aliqua istorum mutata à propria  
 natura, et à statu naturali iudicabitis morbum esse in cor-  
 pore, à quo immutatur, quale fuerit, talis ægritudo, quæ  
 postea sunt considerata in particularibus. Secundum  
 igitur



## COMMENT. MONTANI

igitur fundamentum sunt exeuntia mutata : Tertio uel tertius fons, uel ramus diuisionis, à quo sumuntur signa, est aliquis dolor in corpore, ubi dolor, ibi ægritudo dicunt isti : Quartus est tumor apparens in aliqua parte corporis, ubi tumor, ibi aliquis morbus necessario: Quintus locus sunt omnia accidentia propria, quæ consequuntur morbum, et sunt ea, quæ necessario consequuntur ægritudinem, ut ubi sunt ista, ibi ægritudo, et ubi ægritudo, ibi accidentia propria, & dabamus hic, si meministis exemplum in proposito satis commodum, et ostendentes uobis, quod intendebamus; si contingat tuſſis, per quã natura uellet expellere nocumentum à pectore, indicium est ægritudinem esse in thorace, & mēbris spiritualibus: quia tuſſis consequitur ad nocumentum earum partium, ut umbra sequitur corpus. ideo est proprium accidens illius ægritudinis, quod ubicunque fuerit, lesionem in pectore significat: ista superius declarauimus, non miremini, si repetamus nunc: quia utilia & necessaria in Arte non semel, sed sæpius sunt repetenda, ut bene dicebat Galenus in secundo de crisi, uellem omnino, ut unusquisque me intelligeret: His præsuppositis ueluti sufficienter declaratis uidimus, quæ essent speculanda circa ægrũ, quando ad ipsum uocati acceditis primo die, & secundo, et tertio, & non modo, quæ uobis apparent debetis contemplari, sed & ægrũ, & assidentes interrogare, et percunctari quæ cōtingerint: ita enim medici ueniunt in cognitionē causarum, quas deinde speculantur, & tandem ad operationem accedunt, medici habent rationem, et ratione utuntur:



tur: uidete semper faciunt syllogismum, atque propterea sunt boni Dialectici, non tantum medici, qui causas & signa considerant, deinde concludunt operationem, ut conclusionem, idest, terminantur ad operationem consideratis causis: & si operatio sit conclusio medici in syllogismo, ut bene etiam notauit Arist. & Auer. in septimo Metaphy. tamen primo causas speculatur, his cognitis sequitur postea operatio, & uadit ad actum operandi, ut ex causis inquisitis uideatur sequi actus operandi, conclusio propria. ergo & uos medici rationales debetis speculari primo signa omnia, & essentiam morbi per proprias causas, prædicere & præferre prognosticum, tandem concludere operationem, idest, accedere ad curationem, ita et remotio morbi optime succedet, & uos regulariter, & secundum Artem procedetis. habuistis, quæ sint specularanda: Quibus sic positis hætenus inuisimus nostrum Philiscum cum Hip. & quæ specularanda sunt considerauimus: Conclufimus ex symptomatibus, quæ contigerunt in Philisco fuisse febrem acutam pestilentem, malignam, continuam: causas considerauimus, & primo uidimus, quod materia fuit biliosa, à qua dependebat ista febris maligna, & erat bilis uitellina crassa, putrescens in uenis, & in corde, & hæc quidem erat duplex, tum per adustionem, tum per admistionem, erat multa bilis cum pituita permista, quæ cum putrefacta esset à calore igneo effecit febrem pestilentem, ista erat febris, & præter uniuersalem ægri tudinem habuit quoque particularem inflammationem in liene, hoc dixit Hip. in textu, ostendimus quod tumor in  
hypo



# COMMENT. MONTANI

hypochondrio sinistro erat inflātio in splene, quæ pen-  
debat ab eadem materia, bile inquam uitellina, & adusta,  
& pituitæ permista, à qua & uniuersalis totius corpo-  
ris ægrotudo causata fuit. Hæc conclusio fuit superius  
explicata, ubi erat modo necessarium discurrere per si-  
gna, ut per discursum ueris coniecturis deprehendamus  
ex his, quæ apparuerunt talem fuisse ægrotudinem, & ma-  
teriam ægrotudinis, hoc nunc faciemus, discurremus, et ui-  
debimus ita fuisse, ut signa demonstrant, deinde breuibus  
prognosticum, quod unusquisque poterat præuidere affe-  
remus, tandem curationem aggrediemur, in qua magis e-  
laborabimus. Quantum attinet ad primum quod fuerit  
febris ostenditur ex proprio symptomate cognito, quod  
statim febrem consequitur, erat calor ad tactum maxime  
sensibilis, acris, & mordax: acutus qui intensiorem calo-  
ris innati significat: unde bene Hip. dixit, in prima sta-  
tim die febris acuta inuasit. quomodo apparuit? per ta-  
ctum, calor erat ad tactum acutus, idest intensus, & acris:  
om̃is apud Græcos præter significationes alias, ut pro  
præcipiti, & ueloci accipitur in eo significato, quo nos  
quoque Latini accipimus acutum, idest, acrem, ideo erat  
calor acutus, idest mordax: primo die apparuit calor a-  
cutus, acris, & mordax, erat signum consequens febrem:  
nam si febris est necessario calor ad tactum intensus, &  
mordax sentitur, si erat calor mordax, fuit febris acuta.  
ecce habemus, quod fuit febris in genere, primo debetis  
considerare, in quacunque ægrotudine, quam estis curatu-  
ri genus ægrotudinis; deinde ad speciem descendere usq;  
ad



ad speciem specialissimam, ita scietis optime essentiam illius. Habuimus quoad genus attinet, quod erat febris per proprium symptoma: consideremus nunc speciem ipsius, & uideamus quanam esset febris: Erat febris. qualis febris? Debetis scire quod febrium quædam sunt simplices, id est, sine affluxu materiæ, meræ, & simplices intemperies qualitatum, ut ephemera & hectica, istæ sunt simplices intemperies sine affluxu, & sine putredine aliquorum humorum, febris hæc erat cum putredine, ut uisum est, et melius declarabitur. ergo nec hectica, nec ephemera, neque in substantia corporis fixa erat, sed in humoribus tantum: Quædam febres sunt, quæ pendent ab aliquo humore, aliqua materia putrescente, & hæc putridæ dicuntur: ista erat aut putrida? aut non putrida? dico quod erat putrida habebat humorẽ putridum, à quo dependebat, &c. Hic proculdubio erat materia, & quidem multa, putrida intra uenas, ut ostendunt symptomata, quæ successerunt, omnia ponebantur à materia, & illa quidem putrida: Erat aliud indicium maxime firmum febris putridæ, si Hippoc. considerasset pulsum, illud fuisset nobis signum certissimum putredinis, posuisset quod in hoc uiro pulsus erat in prima die inæqualis: sed ut superius admonui, Hip. nunquam magni facit pulsum, neque illum considerat in suis ægrotis, si consideraret nemini dubium, quod dixisset fuisse inæqualem, anhelitum tamen semper respicit. ideo ex anhelitu possumus coniectari pulsum apparuisse inæqualem, si pulsus inæqualis in primo die. ergo febris putrida à principio: declaro, pulsus inæqualis, ut dicit Auic. est proprium,

P



# COMMENT. MONTANI

prium, & peculiare signum putridarum febrium, quibus  
 & solis, & omnibus, & semper conuenit in quacunque fe-  
 bre putrida pulsus est inæqualis, quod non est symptoma  
 aliarum: in hectica, & ephemera pulsus æqualis est, licet  
 immutetur uelocitas, frequentia, & magnitudo, ut in e-  
 phemeris fiat magnus pulsus, frequens, uelox: in hectici-  
 paruus, durus, frequens, nunquam tamen mutatur æqua-  
 litas, nisi in putridis. solis ergo putridis proprium est  
 pulsum inæqualem inesse: ubi pulsus inæqualis, ibi febris  
 putrida, hic erat pulsus inæqualis: ergo febris putrida,  
 quod esset pulsus inæqualis, uerum est, quod non habemus  
 ab Hipp. in textu, quia non considerat pulsum, tamen ex  
 consequenti habemus, quod fuit inæqualis, uidistis quemad-  
 modum considerauit anhelitum, & dixit fuisse inæqualem,  
 rarum, & magnum: pulsus proportionatus respirationi,  
 putetis quod dictum fuit ab Hipp. de anhelitu, id dictum  
 quoque esse de pulsu, fuit pulsus inæqualis, & anhelitus  
 inæqualis: & inæqualitas pulsus significat putridam fe-  
 brem. igitur indicium manifestum fuit in principio morbi  
 fuisse febrem putridam: habeatis hoc pro firma, & perpe-  
 tua regula, in febribus quotiescunq; fuerit inæqualis pul-  
 sus, sunt febres putridæ, ad has proprie & semper sequi-  
 tur. Si uellemus nunc egredi hic, & dare causas inæqua-  
 litatis in pulsu, nimis euagaremur, satis sit tetigisse hæc  
 pauca, quantum attinebat ad casum Philisci non oportet  
 omnia dicere in uno casu, dicemus de hoc etiam inferius in  
 alijs casibus, ut in sileno, in eo casu præcipue dicemus de  
 his secundum occasionem, ut omnia habeatis, non in eodem  
 lo=



co, sed in omnibus omnia, fusius dabimus causas, & de hac inæqualitate loquemur, non recte; sed tractando de anhelitu, quoniam de anhelitu tantum dicit Hippoc. in quibuscunque casibus nullibi de pulsu. Itaque febris erat putrida, quia pulsus in principio apparuit inæqualis, quod conijcitur ex anhelitus inæqualitate, qui, ut dicit Hipp. in calce textus semper fuit rarus, & magnus: hoc est primū signum, ex quo potest conijci certissime fuisse febrem putridam: Anhelitus inquam & consequenter pulsus inæqualis: Sudores perpetuò frigidi secundum symptoma uniuersale, & perpetuum. Sudabat frigida, & sudor est symptoma putridarum febrium, per hoc signum secundum perpetuum possumus conijcere statim laborasse febre putrida, habebat febrem ex putredine humorum. idcirco sudauit: pro quo animaduertatis, quod sudor sequitur proprie ad febres putridas: in ephemeris, & in hecticis sudor nullus est ex sententia Gal. & hoc intelligo maxime in principio, ut dicit Gal. quia quandoque in fine, & declinatione ephemeræ apparet sudor quidam mollis, & mitis, & tenuis: sudor uero acris, & magnus, præsertim cum frigidus est non certè prouenit, nisi ex copia, & multitudine humorum putridorum. Ex sudore frigido conijciatis putredinem humorum, à qua febris producitur, solæ putridæ sudores habent in exacerbatione, hæc est sententia Gal. & medicorum. Et ita hætenus habetis ex signis positis in textu, quod erat febris putrida: uolo ut per signa apparentia ueniamus in cognitionem ægritudinis. primo quantum ad genus exactu medici, qui percipiebat ca-



# COMMENT. MONTANI

lorem acutum, mordacemq; cognoscitur quod febris erat, quæ est caloris mutatio ad igneum, & acrimonia cum intensione qualitatis: quantum ad speciem, quod non solum febris, uerum etiam putrida ex anhelitu, ut dicit Hippoc. & pulsuum ex sudore frigido manifestum est: ex his potestis iudicare Philiscum habere febrem putridam, & ista sunt signa uniuersalia, perpetuoq; durantia à primo die usque ad mortem; sunt modo signa, & symptomata, quæ singulis diebus uidebantur: in sequentibus enim diebus apparuit urina nigra, fuerunt multa alia magna symptomata, ex quibus coniectura firmissima erat non modo febrem fuisse, sed putridam, & non tantum putridam, uerum putridam malignam, omnia mala, & lætalia symptomata. in primo die iudicatur febrem adesse & quidem putridam in Philisco ægroto: habetis & genus, & speciem generis. Tertio erat continua, ut dicebamus, in principio omnia deberent esse mitiora, ut inquit Hippocr. in eo Aphorif. circa principia, & fines omnia imbecilliora: cum uero consistunt fortiora, in principio semper incipiunt leuiora symptomata, & morbus mitior: increscunt, & fiunt seuiora usque ad statum: in statu consistunt, & sunt in summo, & medici sperant, uel tristantur: si uident salubrem ægritudinem, & si maiora accidentia sint lætantur: sin lætalem, desperant de salute ægri. in hoc uiro oppositum fuit totum, statim in principio omnia symptomata fuerunt seuiissima, ægritudo pessima, & maligna, malorum morum; sudores exhibant diaphoreticè, delirabat, inquietus manebat, omnia hæc significabant apertissime febrem continuam



nuam. ex quo in principio inceperunt apparere tam mala symptomata, & acuta febris non poterat esse, nisi continua: neque enim fuisset acuta si interpolata, & intermittens, non maligna, ut fuit, non seua & mortis indicia in primis diebus, omnis febris acuta continua est, & perpetuo affligit patientem: si acuta: ergo continua. quod fuerit acuta audiuitis Hippocr. in primo die inuasit febris acuta: uidete quomodo omnia se consequuntur ex symptomatibus malis in principio accidentibus pessima aegritudo, & acuta, & maligna: omnibus morbis peior est acutus: si maligna, ergo continua, id quod continuè afficit corpus est causa interitus, & mortis, ut dicunt etiam uulgares, quasi quod nulla sit febris maligna, quæ non sit continua, si continua necessario putrescebant humores intra uenas. suppositum est fuisse putridam ex putredine humorum: si continua, ergo putredo erat in uenis. scitis ex sententia Gal. & omnes medici in hoc consentiunt, quod febris continua hac differentia distinguatur ab intermittente, quia continua fit ex putredine humorum intra uenas: intermittentes habent materiam putrescentem extra uenas. si continua igitur putrescebat materia in uenis: & aduertatis nunc loquor, & ita uerificatur dictum medicorum de his, quæ à principio incipiant acutæ continuæ, quæ proprie sunt continuæ, non de his, quæ ex intermittentibus efficiuntur continuæ, dictæ continuæ per subingressum, & per subintrationem, de quibus alia ratio est, loquor de uere continuis à principio: in hoc uiro certum est, quod uerè continua fuit febris, in primo die inuasit acuta, & conti-

P iij nua.



# COMMENT. MONTANI

nua . materia itaque & humores putrescebant intra uenas, non extra uenas. Primo igitur die potuistis cognoscere in Philisco non solum febrem, sed eam & putridam fuisse, & continuam, & malignam, & malorum morum: quod sit uerum, uideatis, est signum unum, quod non fallit sudor frigidus, in principio morbi non concocta materia sudauit sudore frigido: ex sudore patet fuisse putredinem humorum. Sed nunc consideramus hoc, quod dicimus: sudauit frigida non potuit esse, nisi maligna febris. Dicit Hippocr. usque ad finem febris sudauit, & sudor incepit frigidus esse in principio febris, & in principio paroxysmi diaphoreticè, non naturaliter, hic sudor non tantum indicabat multitudinem materiæ putrescentis, quam non potens natura regere, & gubernare dimittit exire symptomaticè sine aliqua retentione, & prohibitione, uel impedimento, sed etiam indicabat unum aliud penetralius malignitatem materiæ, & maximam febris malitiam: cuius rei illud est signum, quod non apparet sudor frigidus, nisi in febribus malignis, & pestilentibus: Quia cum sit sudor frigidus non potest exire, nisi à corpore frigido: corpus totum non est frigidum, dum uiuit ergo in eo aliquæ partes frigidae sunt, à quibus exit iste sudor frigidus: neque enim potest frigidus exire à partibus corporis calidis, & hoc est quod ponens in dubio Gal. dicebat in eo Aphorif. quem supra citauimus. in quarta particula Aphor. Frigidi sudores &c. Mirabile uidetur, quod febriente corpore, & maxime efferuescente in febre acuta frigidi sudores exeunt, quomodo possibile est, ut calidissima sint membra,

ex=



excrementum uerò quod exit frigidum? Non debet esse mirum hoc, non est incōueniens, quod & si intrinseca corporum sint maxime inflammata, & calidissima, frigidus tamen appareat sudor, quia sudor cum sit excrementum cutaneum, & partium extrinsecarum potest esse, quod incallescentibus partibus intrinsecis extrinsecæ frigida sint. et ideo ab illis exeat sudor frigidus. Dicit ergo Galen. argumentum concludere, sed non inconuenire in corpore febriente etiam febre acuta partes aliquas, ut extrinsecas refrigerari. à partibus autem frigidis exhibit sudor, non à calidis, id quod contingit tantum in pestilenti febre, maligna, & pessima, ut dicit ibi Gal. in qua extrema corporis frigida sunt ardentibus partibus intrinsecis. Vnde bene in proposito Auic. dixit in prima quarti, in cap. de pestilenti febribus: Et sunt febres pestilenciales, in quibus calor occultatur, interiora calent, exteriora uerò frigent. sudor proprie frigidus erit symptoma consequens febres malignas, & pestilentes, in quibus solum extrema, & partes extrinsecæ frigescunt. Habuistis ergo occasionem ab accidentibus, quæ in principio morbi contigerunt ad iudicandum, & cognoscendum non modo febrem fuisse putridam ex tactu, pulsu, & sudore, sed etiam continuam, quia acuta, malignamq; & pestilentem ex sudore frigido, qui proprie in his febribus apparet, ista speculati estis accedentes ad patientem; ex quibus uenistis incognitionem essentiae morbi, oportet modo, ut exerceamini, & iterum consideretis causas morbi essentielles, & extrinsecas efficientes ita totum recte intelligetis. Dictum est quod sit febris pe

P iij sti=



# COMMENT. MONTANI

stilens, in febre pestilenti sciuitis interiora calere, exteriora frigere per hoc symptoma facile poteritis cognoscere causam propriam pestilentis, Vbi prius uos certiores facio omnes nouos in hoc esse hallucinatos, qui nequiuerunt aliquid de hoc intelligere, & ita confusi sunt omnes, ut nihil penitus cognoscant de essentia, et causis huius febris, referunt nescio quid in uenenosam qualitatem, sed occultam, & secretam quasi uolentes ignorantiam occultare, est euasio & fuga. Si uolumus libere loqui, nullus adhuc sciuit causam pestilentis præter Gale. quem à nebula nos excitauimus, & clarum fecimus, ut non amplius dubium remanere possit in mentibus hominum, dum uelint intelligere. Pestilens ex sententia Gal. in secundo de diff. feb. & in libro secundo de Prognosticatione expulso, & in tertio Epid. non fit nisi ex summa putredine in humoribus cordis existere. Quod ut intelligatis debetis notare, quod febris pestilens est species quædam putridarum: sola differentia discrepat, quoniam in pestilenti est intensissima, & summa putredo, in humoribus cordis: in putridis absolute est quidem putredo, sed remissa, & non in corde: cuius signum est, quod ut plurimum ex putrida simplici sequitur pestilens, nisi recte succurratur, cum in humoribus sit putredo ascendunt uapores fuliginosi putridi ad principium uitæ, ponunt humores ipsius in calefacto esse, et causatur febris putrida: Si ulterius duret putredo, & diutius perseuerent putridi uapores inficiunt etiam humores cordis, et putrefaciunt, putrefactis humoribus cordis fit febris pestilens: ex putrida fit pestilens sæpius hac ratione, si recte



Et nō curetur. ex tertia simplici, aut alia quapiā febre  
 consimili putrida succedit pestilens, cum longe magis inua  
 lescat putredo, ita ut aggrediatur humores cordis, se  
 pius contingit, quando medicus non curauerit secundum  
 rationem, ignorantia medici tantum efficitur: quoties ac  
 cidit? utinam non esset uerum, Negligentes remouere pu  
 tredinem interficiunt ægros, quandoque propter ægrū  
 ex inobedientia, quam præstat medico, aliquando propter  
 aeris constitutionem, & cœli statum pestilentem de sim  
 plici putrida fit pestilens maligna: Exempli gratia: est  
 nunc febris putrida intermittens simplex à putredine hu  
 morum extra uenas, puta bilis, medicus negligit remoue  
 re putredinem, uel quia æger non obediat, uel propter  
 aerem pestilentem, augetur putredo, & inuadit humorē  
 biliosum intra uenas alijs incolumibus remanentibus, ex  
 intermittente fit continua, quod si diutius perduret, et sem  
 per augeatur, reliqui humores inficiuntur à putredine bi  
 lis, ita ut sanguis putrescat, & tota massa humorum per  
 misceatur, & perturbetur: corrupta massa sanguinis  
 putredo est in summo gradu, quo possit esse: ergo pesti  
 lens febris. uidete quomodo successiue mutatur de putri  
 da in pestilentem, quid non differunt genere? in putrida  
 unus humor putrescit, in pestilenti aucta putredine, &  
 causa putredinis omnes humores putrescunt: est & ipsa  
 putrida differens in gradu, & modo putredinis. ideo in  
 pestilentibus urina turbida uidetur, quia perturbatur to  
 ta massa humorum, quæ à prædominio dicitur massa san  
 guinis, non unus tantum humor: perturbatis humori  
 bus,

P v bus,



## COMMENT. MONTANI

bus, turbidum etiam serum humorum necessario, turbidaque esse debet urina. Sed non habetis totam differentiam, & ueram rationem, cur sint frigidae partes extrinsecæ corporis in febribus pestilentibus, & sudores idcirco frigidi exeant: habetis quidem, quod in genere est febris putrida, & quod fiat quando uapores eleuantur à massa tota sanguinis putridi, & corrupti, qui ascendentes ad cor inficiunt humores cordis, ex quorum putredine efficitur pestilens: Sed hoc est nimis confusum, & indistinctum: nec habemus per hoc ultimam, & specialissimam differentiam, per quam ab alijs febribus apertissime distinguatur: habuistis quod ex putredine humorum, ultimus modus & distinctissimus characterismus, uera differentia, uerusq; character est, per quem non est solum putrida, sed & à putrida simplici, & ab alia quacunque separatur, eò quod in putridis tantum humores à calore igneo præter naturam incalescunt, efferuescuntq;, & ebulliunt, ex qua ebullitione putrescunt, putrefactis humoribus ascendunt uapores putridi corrupti ad cor, & miscentur cum humoribus cordis, qui incalescentes inflammantur ex admistione illorum uaporum, & ponuntur, ut recetiores dicunt, in calefacto esse, inde sequitur febris putrida simpliciter, & absolute; si diu incalescant, & inflammantur cum sit putrida simpliciter eleuantur continuè uapores putridi maligni ad cor, & misti cum humoribus cordis nō modo inflammant ipsos, ita ut incalescant, & ponantur in calefacto esse. Sed etiam putrescant, non est amplius simpliciter putrida, sed pestilens maligna: in illa



illa tantum calidi præter modum erant, in hac putrescunt. Bene notetis differentiam, inficiuntur humores cordis, et maxima fit in corde putredo, quod est principium totius corporis ad uitam animalis constitutum: non est mirum postea si sequatur tam mala febris pestilens: hæc est uera forma, & differentia specifica pestilentis in summa, maxima putredo, & in summo gradu in humoribus cordis, in nulla alia febre est ista differentia: sed uni soli, semperque conuenit pestilenti, & posita hac differentia statim sequitur febris pestilens. Stante igitur tam sauo morbo in corde, & summo periculo tanquam in principio caloris, & uitæ, ut dicebamus in superioribus si meministis, calor uult adiuuare, retrahitur ad suum principium, ut illi succurrat, & relinquit alia membra, imò & illa membra consentiunt, quia omnia conspirant inuicem, & maxime in suum unum principium, retracto calore, & in corde collecto necessario incallescunt interiora, exteriora uerò præsertim extrema relicta à calore frigent. unde bene dixerunt medici hac ratione in pestilentibus exteriora frigent, interiora uerò calent: Et si uolumus uerum dicere exteriora frigent duplici de causa, tum propter reuocationem caloris, qui retrahitur ad fontem uitæ, & proprium principium, tum propter diminutionem, quia calor debilitatur, & fit paucus, imbecillis in tanta humorum putredine, ex quibus generatur: si non sunt humores boni, ex quibus generetur, qui fieri potest, ut calor sit multus, & fortis? propter reuocationem itaque, et propter diminutionem, & paucitatem caloris fit, ut in pesti-



## COMMENT. MONTANI

Silentibus exteriora relictā à calore, ut succurrat cordi,  
 & ut uniatur, & corroboretur, frigescent; interiora ca-  
 lida & inflammata sint propter putredinem tam magnā  
 in principio uitae; ista est uera causa. Sed uidco unum,  
 qui obijceret non penetrans principia medicinae, qui dice-  
 ret si sunt putrefacti omnes humores in corde, in quo  
 uniuoce facultates sunt fundatae, quomodo possibile est  
 quod uiuat animal? potest ne stare uita cum maxima hu-  
 morum putredine? non est hoc uerum, corruptis humo-  
 ribus cessat uita: Non potest stare, uerum est hoc, ille se-  
 cundus Gal. uolebat argumentari contra primum eodem  
 argumento, quia uidetur hoc ualde mirum: scitis enim  
 quod fuerunt duo Galeni, arguebat ita: Vita stat in hu-  
 moribus: ergo corruptis humoribus non stabit uita, il-  
 lud arguere est non intelligere, & nolle ad profundum  
 rei peruenire. Nos non dicimus, quod humores putre-  
 scant summa putredine, ita ut omnino putrescant, in pesti-  
 lentibus febribus putrescunt humores cordis in parte,  
 non in toto, incipit putredo in parte humorum, qui sunt  
 in corde: deinde in alia, & alia, ut perpetuo putrescant  
 usque ad interitum animalis, & quoad humores in totum  
 corrupti fuerint, non est ita sentiendum pingui miuerua,  
 quod sit in omnibus, & totis humoribus putredo, quis est  
 tam fatuus, tam rudis homo, qui hoc fateretur? est putre-  
 do, ut enim pomum dicitur putridum, & si pars tantum  
 putrida sit, ita humores in pestilentibus putrescunt in a-  
 liqua parte, cum qua putredine potest bene tollerare ho-  
 mo, & uitam habere: ita oportet ad bonum sensum intel-  
 li-



ligere, pars est putrefacta, alia inflammata, alia bona cum qua uita stare potest, nisi prohibeatur: bene uerum est, quod magis, ac magis occupat humores quoad totos occupauerit: Nam ut Gal. dicit in secundo de prognosticatione pulsuum, cum putredo est in humoribus cordis, si magis perseueret, & inuale scat, fit ut non tantum sit in humoribus, sed ulterius penetret, & substantiam cordis aggre diatur, & tunc dicitur pestilens hectica: pestilens quidem quando adest summa putredo in humoribus cordis, qui putrescunt à calore maxime putredinali; hectica uero quoniam occupauit substantiam cordis solidam, in qua figitur, & firmatur: Atque ideo nec sincera hectica, quando calor solum occupat membra solida sine ulla putredine, nec simpliciter pestilens, in qua humores cordis putrescunt, sed copulatiue pestilens hectica, quæ utrunq; possideat, sit putredo summa in humoribus, & in cordis substantia firmatur: pestilens absolute est, quando humores secundum aliquam partem acquirunt putredinem. Neque dicatis sicut dicit ille noster Veronensis, alioquin desipiens fatuus, qui non intelligens Gal. putauit quod Gal. tam rudis, tam uacors, & pauci intellectus fuerit, ut dixerit cor putrescere, ac si pomum putresceret, ut tota substantia, & humores cordis putredine corripuntur, non dixit hoc, nunquam ita desipuit Gal. sicut iste desipit: si cor putresceret, ut pomum in toto putrescit, non staret uita, sic uerum fuit argumentum per malam intelligentiam: Non ita dicimus nos, qui fundamenta Gal. declaramus. Dicit Gal. putrescit cor, id est, cor tabescit, id quod tabes



## COMMENT. MONTANI

bescit putrescit : contabescencia enim est species quædam  
 putredinis, non uera putredo, ut habetis in quarto Me-  
 teororum, ea quæ exiccantur, & præ siccitate contrahūt  
 tabem putrescere dicuntur improprie, ut ligna sicca ta-  
 bescencia putrescunt .i. corripuntur à tabe, ut bene dicit  
 ibi Arist. licet propria putredo, & uera dicatur quando  
 humidum subito ex corpore extrahatur à calore non na-  
 turali à partibus interioribus ad exteriores, & humidū  
 superabundat calidum, non intelligit hoc modo Gal. pu-  
 trescere cor, ut corrumpatur, Alia improprie putrescūt  
 quia exiccantur, & priuantur humiditate, & tabem con-  
 trahunt, quo modo ligna diximus putrescere, ita intelle-  
 xit Gal. putrescere cor, Habetis id, per quod pestis con-  
 stituitur in esse, de his copiosius non sum dicturus, per ca-  
 pita tantum de his dictum sit nunc : si quidem alias osten-  
 dimus ita esse, & hanc habere sententiam Gal. ex cuius  
 principijs semper loquor, si quid deerit alibi si dabitur lo-  
 cus commodior dicetur, satis sit uobis nunc scire hoc u-  
 num, quod frigescebant partes exteriores propter sum-  
 mam putredinem in corde, propter quam cor est in sum-  
 mo discrimine, calor uolens succurrere suo principio re-  
 trahitur, Secundo quia debilitatur in unum colligitur a-  
 pud uiscera magna, exteriora relinquit, quæ relictæ à ca-  
 lore refrigerantur. Hoc symptoma in alijs febribus non  
 contingit præterquam in pestilentibus. ista omnia cum  
 essent in nostro Philisco merito potuit dicere Hip. et nos  
 cum ipso febrem hanc acutam, continuam, pestilentem es-  
 se : ista est ægritudo huius uiri, & essentia, quam contem-  
 pla-



plati fuimus per sua symptomata, essentiã dico quoad formalem rationem: Forma, & differentia specifica pestilentis est putredo in ultimo gradu, quo esse possit in humoribus cordis non secundum totum, sed secundum partem, ita tamen, ut tota massa sanguinis corrumpatur. ad hunc sensum, ut omnes humores secundum partem habeant in se putredinem. Quoad materiam uero quæ est altera pars essentiæ morbi, Audiuitis quando loquebamur superius de his naturam morbi consistere in essentiã, & alijs tribus: essentiã in ratione formali, & in materiali causa, uel in subiecto si morbus non habeat materiam: materia est multiplex antecedens, & coniuncta, uel materialis dicatis quomodocunque istæ sunt considerandæ. Videte nunquid ea frustra dixerimus superius: De ratione formali huius ægritudinis per quam ab omnibus distinguitur hætenus dictum est, quod sit putredo maxima in humoribus cordis, et febris sit acuta continua, maligna, pestilensq;: Quantum ad materiale dico, quod fuit, sicut dicebamus biliosa, crassa, quæ dicitur uitellina. Bilis uitellina duplex est, ut Auicenna. distinguit, altera per adustionem minoris famæ, altera per admistionem pituitæ, seu maioris famæ: Vtra harum fuit? Dico utranque fuisse & per admistionem pituitæ, & per adustionem à calore præpotenti: singularum habemus indicia: Quod fuerit bilis uitellina, crassa, mista ex bile syncera, & pituita ostendo, primo quod bilis, quia sudauit, secundo quod pituita, quia dormiuit non multum, nec omnino uigilauit: Vos uidistis, nunquam extreme uigilauit, si fuisset bilis  
 sum



# COMMENT. MONTANI

simplex sincera, uigiliae fuissent insignes, & semper uigilasset: quia de sui natura acuta, acris, & mordax est bilis, nec dormisset: sed quoniam cum ea mistus erat humor aliquis pituitosus retundebatur aliquo modo acrimonia ipsius: unde non uellicabat, nec mordicabat cerebrum, & membranas cerebri, sed sua humiditate uigilias remittebat, & mitigabat: ex alijs etiam symptomatibus hoc manifestum est praeterquam ex uigilijs, ut ex urinis, urinae albae, & in ipsis alba continebantur, quae dominium humorum pituitosorum significabant: Ex excrementis per aluum redditis, quae alba, & flatulenta erant, ut habuistis in textu egressit feces, & retrimenta multis flatibus permista, haec indicabant materiam crassam, frigidam, pituitosamque: Flatus enim, ut ex sententia Gal. dicebamus in secundo Prognosticorum fit quotiescunque aer, et spiritus commiscetur alicui materiae crassae, uiscidae, ut ampullae solent fieri in aqua, quae habet aliquam uisciditatem: Vnde pueri experientia ducti solent accipere aquam, cum qua permiscunt saponem, deinde insufflant, & faciunt eleuare uescas, & ampullas: quod si non admiscerent saponem uiscidum, non facerent ampullas, quia non reciperetur flatus in aqua non uiscida. Cum igitur in nostro Philisco dicat Hip. quod fuerint excrementa alui flatuosa: si flatuosa ergo uiscida, & pituitosa, & alba, & frigida. Ex his omnibus certissimum habemus indicium fuisse febrem à materia biliosa uitellina crassa, quae dicitur ab Arabibus uitellina maioris famae ex admistione pituitae cum mera, et sincera bile. Quod modo etiam fuerit altera bilis



lis crassa per adustionem generata à calore præpotenti si  
 gna demonstrabant: scitis si bilis pura aduratur crassescit,  
 & primo fit bilis uitellina, idest, qualis est color uitelli o-  
 uorum, deinde si ulterius aduratur fit crocea, postea eru-  
 ginosa, tandem redditur nigra, si adustio ad ultimum per-  
 ueniat: Hic erant symptomata, quæ nobis significant esse  
 adustam bilem: primo fitis, dicit Hippo. fitibundus erat: si-  
 tis non fit, nisi ab immoderato calore, uel calido humore,  
 & siccitate facta ex adustione humoris, probabile est e-  
 tiam fuisse adustam ab acuto, & summo calore febris, quis  
 non credat tenuem materiam, qualis est bilis non aduri à  
 tanto, & tam acerrimo calore? ex delirijs, & uigilijs,  
 quæ fiunt ex acrimonia humoris biliosi acquisita per adu-  
 stionem. Ab urina: Urina fuit nigra, & nigra non modo  
 in hypostasi, sed & in substantia: non potuit acquirere ni-  
 gredinem, nisi ex adustione humorum & ipsius serosita-  
 tis, ut audistis superius, quando loquebamur de urina ni-  
 gra. Vidistis quemadmodum deueniat per quosdam gra-  
 dus ad nigredinem, ut quanto maior fiat adustio, tanto ni-  
 grior: Et primo ad nigredinem hypostaseos, deinde ad ni-  
 gredinem substantiæ perueniat, & in coloribus etiam per  
 gradus accedat ad nigrum colorem, ut habetis à Gal. in se-  
 cundo de facultatibus naturalibus, primo fit crocea, dein-  
 de æruginea, postremò nigra, prout humores magis adu-  
 runtur, & ut bilis de citrino colore ad nigrum uenit: Vi-  
 distis progressum quo per ulteriorem adustionē nigrior  
 est reddita, ista debetis considerare, & contemplari in hoc  
 egro Philisco: & exemplo illius in omnibus alijs, habetis

Q

na=



## COMMENT. MONTANI

naturam morbi quantum attinet ad illius essentiam, habet  
 et scilicet essentiam totam morbi quoad causas intrinsecas: pri-  
 mo quoad rationem suam formalem, quæ est febris pesti-  
 lens, maligna, acuta, et continua: secundo quoad materiã:  
 Materia est bilis vitellina crassa, et vitellina quidem u-  
 triusque generis et maioris famæ, quæ habet commistam  
 pituitam, et minoris famæ, quæ per adustionem fit. Hacten-  
 us accessimus ad ægrum, atque speculati sumus causas in-  
 trinsecas huius ægitudinis et materiam, et formam per  
 sua signa, et symptomata tum perpetua, tum uariata: ista  
 est ægritudo uniuersalis, quæ totum corpus occupabat:  
 Erat alius morbus particularis in uiscere, et membro par-  
 ticulari, in liene: inflammatio in liene: quod apparet ex si-  
 gno manifesto dixit Hipp. tumor erat in splene rotundus,  
 iste tumor erat inflammatio ab humore calido, hoc maxi-  
 me considerandum est, quod dicit Hip. duo dicit in his uer-  
 bis, primo quod fuit tumor, ergo materia: secundo quod  
 rotundus in figura. Dat uobis exemplum, et documentum,  
 quod non tantum est tumor, sed et qualis figuræ sit con-  
 siderandum esse, oportet semper uidere in tumoribus fi-  
 guram, et formam apostematum, ex figura maxime co-  
 gnoscetis locum affectum, et inflammatum cum sint apo-  
 stemata in abdomine. Si tumor habuerit figuram obliquam  
 est tumor in obliquis musculis ipsius abdominis, si figura  
 tumoris fuerit recta in rectis, si tumor transuersus fuerit  
 in forma, erit in transuersis, qualis figura tumoris, talis fi-  
 guræ est locus, et membrum, in quo consistit. Si rotundus  
 tumor, tunc inflammatio est in aliquo uiscere interio-

re:



re: si in sinistro latere in liene: si in dextro hypochondrio  
 in hepate: si in medio abdominis in uentriculo, qui medius  
 est inter utrumque, idem secundum uarietatem locorum in  
 uarijs membris esse significatur. in hoc uiro tumor erat  
 in sinistro hypochondrio: ergo in liene, ut dicit Hippocr.  
 Erat inflammatio cum tumore rotundo, hic tumor indica-  
 uit non solum locum affectum, sed etiam malitiā materiæ,  
 quæ faciebat inflammationem, & consequenter malitiam  
 ægritudinis, erat tumor rotundus non alia de causa, nisi  
 propter cruditatem materiæ rotundam: diximus superius  
 fieri figuram, quandoque materia est cruda inconco-  
 cta, partes ipsius non sunt adhuc segregatæ; & perseue-  
 rauit à principio morbi usque ad finem, & ad interitum  
 Philisci: erat malignus humor, & pessima materia, ex qua  
 fiebat inconcocta à naturali calore, erat unum ex signis  
 uniuersalibus, & communibus symptomatibus à primo or-  
 tu ægritudinis usque ad finem, dixit in textu Hip. lienē p-  
 petuo rotundum tumorem habuisse in calce casus, ubi con-  
 numerat ea, quæ fuerunt per totum morbum uniuersali-  
 ter: Hic tumor erat à materia, quod fuerit ab eadem ma-  
 teria, à qua & ægritudo totius probabile est hac de causa,  
 cum fuerit abundans bilis adusta à calore præpotenti, &  
 acuto, & lien sit proprium receptaculum bilis adustæ,  
 crassæ, ac terrestri. ergo probabile, & uero satis simile,  
 rationiq; consentaneum, quod cum ibi esset tumor, & in-  
 flammatio, illud apostema fieret ab humore in eo membro  
 redundante maxime in hoc corpore, in quo erat multipli-  
 catus per adustionem maiorem caloris. Morbus igitur ut

Q ij in



# COMMENT. MONTANI

in summa habeatis duplex erat, alter uniuersalis totius corporis, & est febris pestilens maligna, putrida; in summo, continua, & acuta pendens ab humore bilioso, crasso, ac putrefacto, qui duplex est tum per adustionem, tum per admistionem pituitæ, hic est morbus in toto corpore: Est alter morbus particularis inflammatio in uiscere nobili, tumor rotundus in liene ab eadem materia genitus bile inquam uitellina crassa utriusque generis. Expleuimus considerare essentiam morbi, deest ut accedamus ad curationem, quam ordinabimus paulò post: ista considerauimus per signa de essentia huius ægritudinis; Natura morbi, quam proposuimus esse ante omnia considerandam præter essentiam alia tria continebat. De his nunc non sumus longius tractaturi. Quantum ad tempora ista non potestis considerare, nisi per progressum ægritudinis: de his ergo in progressu dicemus: Quoad mores apparent ex essentia febris, quæ est maligna, pessimorum morum, ut uidistis in transcurso, & expositione literæ: Est & motus, qui manifestus est quoad uelocitatem, apparet inquã usque ad tertiam: est acuta ergo uelocissimi motus, ut paret, quia non poterit transire sextam, in tertia iudicare potuistis eius uelocitatem: Non est in his longius immorandum, satis locuti sumus de duobus. Dicam paucis, quid sentiam, postea in suo prognostico accedemus ad curationem, & proponemus hunc ægrum moriturum curandum, & uidebimus quomodo debeatis procedere in curatione aliquius desperati, & morituri, indicationes sumemus, & fortes, à quibus sumantur, indicabimus, & accedemus etiã

ad



ad particularia, ut omnibus satisfaciam: Nam per indicationes dirigimur semper cum recta ratione ad remouendam ægritudinem.

C V M considerauerimus quæcunq; attinebant ad speculationem morbi, uel essentia morbi existentis in Philisco. Reliquum modo fuit, ut uideremus, & accederemus ad prognosticum, deinde ad curationem, atque cognosceremus. Sed quoniam ad inueniendam artem prognostici, et curationis oportet quoque cognoscere subiectum ipsius morbi, in quo morbus existit, subiectum consideratis quoad naturam, & temperaturam corporis dispositionem, et habitum corporis, & ætatē, nisi cognoueritis temperaturam ipsius, non poteritis unq̃ recte morbum remouere, ista omnia sunt in curatione considerata: præterea debetis uidere ea, quæ attinent ad aerem, ut statum aeris, & constitutionem cœli, tempora anni, quoniam aliter curamus ægrum in hyeme, aliter in æstate; regionē in qua habitat, aliter curationē instituimus in regione calida, aliter infrigida, aliter in humida, q̃ in sicca, ut exēpl. gr. aliter in Hispania, & alijs regionibus calidioribus, aliter in Germania, & cæteris frigidioribus locis: sunt enim illa tria potissima, à quibus sumuntur omnes indicationes curandorum morborum. ergo & potissimum in curatione considerata, primo aer ambiens, & continens ægrum, temperatura corporis, sub qua continetur essentia corporis, habitus corporis, ætas, & consuetudo, & reliqua huiusmodi: tertio essentia morbi: ista sunt tria à quibus omnes cu-



# COMMENT. MONTANI

ratiuæ indicationes oriuntur, opus est contemplari unum  
 quodq; ut elicere possimus indicationes curandi morbos,  
 hæc non sunt mea, est pura sententia Gale. in 9. Therap.  
 Quoad aerem primo audiuiſtis qualis eſſet, & cuius tē-  
 peraturæ quantum ad regionem. Vidistis Philiscum ægro-  
 taſſe, ut dixit Hipp. in Thaso insula, una ex cycladibus in  
 ſignis, flatuoſa, in mari ſita, expoſita maxime Auſtrinis  
 flatibus, qualis fuerit ſtatus, & conſtitutio aeris audiui-  
 ſtis ſuperius: diximus ægrotaſſe in tertia conſtitutione,  
 quæ fuit in Thaso, aer quidem erat frigidus, & ſiccus in  
 principio conſtitutionis, Aquilonius, pluuiosusq; ita ut  
 autumnus extra propriam naturam fuit in principio, cir-  
 ca æquinoctium, & ab æquinoctio uſque ad principium  
 hyemis, ad occaſum Virgiliarū pluuiæ paucæ, Auſtrinae,  
 ſpirabāt Auſtrini flatus: A principio hyemis uſque ad æ-  
 quinoctium uernum ſqualores, aeris ſiccitates, magnæ ni-  
 ues, frigora ſumma ſpirantibus Aquilonijs, uer frigidum,  
 paucæ pluuiæ, in æſtate frigora maxima, ita iſta aeris cō-  
 ſtitutio ſemper fuit frigida, quoad qualitates actiuas, intē-  
 perata, quoad paſſiuas uero non ſemper eadem. primo e-  
 rat humida & propter pluuias multas, & propter  
 Auſtrinos flatus: ſecundo ſicca propter ſiccitates aeris,  
 Aquilonios flatus maxime frigidos, & ſiccus, ſemper ta-  
 men frigida modo frigida et humida, modo frigida et ſicca  
 ſecundum uarietatem flatuum, & pluuiarum priuationē,  
 uel abundantiam, neceſſario debebant congregari, & ge-  
 nerari humores diuerſi peſſimi propter inæqualitatem ae-  
 ris, humores inquam proportionati cōſtitutioni aeris, qua-  
 lis



his est aer, tales humores in corpore generantur: Hic fuit status, & constitutio aeris, atque intemperies qualitatum in qua ægrotabat Philiscus: in quo tempore. i. in qua parte anni ægrotauerit nos nō possumus, certo scire, quia de hoc nihil habemus in textu ab Hipp. nihil dixit, num in hyeme, an uero in æstate, si nihil dicit, neq; nos possumus firmiter scire, quod in hyeme, aut in uere, aut in æstate laborauerit, ex coniectura tamen certa, & manifesta possumus id attingere, probabile est magis primo quod ægrotauerit tempore æstiuo, quàm in hyeme, ratio est, quoniam ista ægritudo æstiuæ est, et solet contingere in magnis æstibus, non hyemalis: neque enim nisi rarissime contingit febris pestilens maligna in hyeme. Est & altera certior adhuc coniectura ex his, quæ habita sunt in primis, prælectionib. quando breuiter recensuimus constitutiones illas, dixit Hip. quod in ea constitutione tertia, quæ fuit tam pessima, & præter naturam in hyeme fiebāt παραπληγίαι, paralyses, & aliæ frigida ægritudines: in æstate febres acutæ, & morbi calidi epidemici, & breues, qui citissime terminantur. probabile est igitur ex hac coniectura quod nō ægrotauerit hic uir tempore hyemis, cum laboraret morbo acuto, & febre calida: qualia enim sunt tempora, tales morbi producuntur; in hyeme frigida fiunt ægritudines frigida, ut paraplegiæ, uel paralyses, latine resolutiones, quæ in partem aliquam, uel aliquas partes corporis ex apoplexia decumbunt, istæ solent hyeme contingere, rauedines, grauedines, & huiusmodi: in æstate febres ardentes, putridæ, pestilentes, phrenites, deliria, qui sunt morbi ca-



# COMMENT. MONTANI

lidi. ex ægritudine igitur quam patiebatur conijcimus ægrotasse in æstate, quia non est hyemalis ægritudo, sed calida, imo calidissima æstate contingens. Est tertia coniectura, quam habemus ex motu morbi, in æstate fiunt morbi acuti, uelocissimi motus: in hyeme contra chronici, longi, & tardissimi motus: caliditas aeris ad uelocitatem, frigiditas ad tarditatem ipsius motus conducit, ut est illa sententia Aphoristica nobis firmo testimonio: Hipp. dixit in secundo Aph. 25. Æstiuæ quartanæ magna ex parte breues: Autumnales uerò longæ, & maxime, quæ hyemem attingunt. Gal. in com. dicit quāto longiores ægritudines, tanto ad hyemem magis accedunt: quanto breuiores ad æstatem; ut in hyeme sint omnium longissimæ, in æstate omnium breuissimæ: in autumno, & hyeme longiores, quia in his temporibus generantur humores crassiores, & frigidiores pituita & melancholia: quanto humores crassiores, tanto quartanæ, & alij morbi longiores, cum fiunt humores tenues subtiles morbi breuiter, & cito terminantur: Ægrotatio Philisci quæ breuiter terminata sit, & quæ citò pertransiuerit manifestum est: Vidistis quod mortuus sit in sexta, & quod obmutuit ante mortem. cum igitur fuerit constitutio aeris frigida, & humida, & hyems natura frigida sit, nunquā fieri potuit tanta inflammatio, tanta ebullitio in humoribus, ut fieret febris pestilens acuta, & calidissima: contra operantibus tot causis uultis factum esse febrem istam? in æstibus magnis, & repentinis bene fuit hyeme non contigisset etiā si maxima fuisset passio dispositio. Ex his coniecturis non solum uidetur probabi-



bile, sed necessarium, quod iste uir in æstate laborauerit,  
 non in alio tempore: ægrotauit inquam ægritudine calida  
 acuta, quæ pendebat à materia crassa adusta; pessima erat  
 ægritudo, ut quæ habuit aerem sibi symbolum in eo tempo-  
 re constitutionis pestilentem, efferuescentem. Hæc sint di-  
 cta, quantū ad aerē attinebat, & regionem, constitutionē  
 tempus anni, quæ omnia inuenimus per suas coniecturas  
 cum nihil de his haberemus ab Hippocrat. Debetis er-  
 go & uos exēplo huius quando acceditis ad aliquē ægro-  
 tantem non solum considerare accidentia, & symptomata  
 morbi, & ægritudinis naturam contemplari, sed etiam  
 aerem, & ipsius dispositionem, ut aliquod principale in  
 curatione ægritudinis, imò nihil magis considerandū est  
 in curatione recta cuiuslibet morbi, quàm aeris disposi-  
 tio. Vnde iure optimo Hip. in suo illo libro de locis,  
 aere, & aqua iubet medicum rationalem ad ægrum sanan-  
 dum accedentem præcipue debere contemplari naturam  
 aeris, in qua habitat: regionem, in qua ægrotat: statum  
 cœli, & tempora anni, & tandem omnia, quæ ad aerem  
 uidentur attinere. Hactenus duo principalia, ut præci-  
 pit Gal. perfecimus: Tertium considerandum est tempe-  
 ramentum ægroti nostri, cuiusnam esset temperaturæ.  
 De temperatura Philisci nunquid calida, an frigida, nun-  
 quid humida, an sicca? ab Hip. ipso non habemus, sicuti  
 neque de aere. possumus tamen nos, quemadmodum & in  
 alijs fecimus uti coniecturis: Non deest nobis ex his, quæ  
 scribit Hip. coniecturari, cuius esset temperamenti. Di-  
 co ergo, ac ego conijcio hunc hominem fuisse biliosum ca-



# COMMENT. MONTANI

lidum & siccum in sua temperie naturali: est coniectura firmissima: Dixit Hip. in tertia constitutione, in tempore hyemis fuisse ægitudines frigidas Epidemicas, fiebant paraplegiæ, multi fiebant paralytici: & isti sunt morbi frigidi, & causam habent frigidam, in frigidisq; generantur: Si Philiscus fuisset frigida temperaturæ non euasisset, tamen ipse non potuit corripì ab illa Epidemia, non alia ratione, nisi quia in qualitatibus non conueniebat, non erat sibi proportionata: omnis autem passio recipitur in subiecto proportionato, & bene disposito; & si aer in hyeme aptus esset, & idoneus suis qualitatibus imprimere Philisco Epidemicas ægitudines, tamen quod ille poterat sua efficere frigiditate, temperaturæ Philisci deleuit caliditate, quæ resistebat temperamento aeris ex diametro: passo resistente uim non conferente, ut dicunt isti non sit aliqua impressio ab agente. Si habuisset symbolis mū, habuisset in qualitatibus, & facile ægrotasset. ergo ex hoc ego accipio nō habuisse frigiditatem, uel humiditatem: sed quod fuerit calidus biliosus, ob id potuit euadere illam Epidemicam constitutionem, in qua producebantur ægitudines frigida. effugit, quia contra operabatur: sed quoniam in æstate æstus magni uehementes, & repentini cum æstate conueniebat corpus in temperatura calidum, & siccum biliosum. non est igitur mirum, si cum haberet subiectum bene dispositum, et proportionatum recepit actionem, & impressionem aeris, caliditatemq; ex qua ebulliuerunt humores: ex quorum ebullitione nata putredo, ex putredine febris pestilens:



lens : quam patiens uir iste mortuus est. ægrotudo inua-  
 sit Philiscum , quia in habentibus symbolum facilior est  
 transitus. mortuus igitur in æstate morbo epidemico pro-  
 pter symbolismum in temperatura. Ex hoc certam sumo  
 coniecturam, quod fuit calidæ temperaturæ à prædomi-  
 nio biliosæ , licet non habeamus de hoc aliquid ab Hip.  
 Forsan tacuit, & ita est, quia potest his, qui sunt perspi-  
 cacis ingenij facile inueniri per solam admonitionem acci-  
 dentium, & progressus ægrotudinis . Cuius fuit ætatis ?  
 etiam de ætate cōiecturam habemus , per quam possumus  
 inuenire, in qua esset ætate. Dico quod fuit in ætate pro-  
 uectus, & præter iuuentutem, ut ostendemus, & in casu  
 sequenti De sileno melius declarabimus . Videatis Gal.  
 statim in principio comm. casus sequentis, ex eius senten-  
 tia colligitur coniectura certissima, quod fuerit senex .i.  
 prouectus : Nam dicit Gal. Silenus passus est paria sym-  
 ptomata in principio morbi, atque Philiscus, qui præces-  
 sit : deinde maiora plura, & seuiora, ægrotudo magis a-  
 cerba, tamen perseueravit usque ad undecimam diem, qua  
 mortuus est. Philiscus non potuit pertransire sextam,  
 in cuius meridie defunctus est. quæ causa est ? Respondet,  
 & bene, Gal. quod hoc factum est, quia Silenus erat iuue-  
 nis, habebat calidissimas, & robustissimas omnes uirtu-  
 tes, per quas resistebat ægrotudini : non potuit ita facile  
 deijci, idcirco inquit Gal. Hip. miro artificio in casu Sile-  
 ni meminit de ætate, & dixit. annū circiter xx. uel xxi.  
 agebat : erat in flore adolescentiæ, in qua uires sint robu-  
 stissime, & si passus sit ægrotudinem acutissimam pesti-  
 mam,



## COMMENT. MONTANI

mam, & malignam, tamen robore uirium saltem tempus  
 termini prolongauit, & perseuerauit usque ad xi. Si nō  
 fuisset ita iuuenis, & robustus in septima, & forsā ci-  
 tius esset defunctus. Philiscus minus acuta febre laborās,  
 uel etiam pari non perdurauit, usque ad septimam, mor-  
 tuus est in meridie sextæ, quia erat senior, nō habebat ita  
 ualidas uires, ut, Silenus, non poterat resistere seuis sym-  
 ptomatibus, & morbo maligno. Ex hac coniectura, quā  
 ex textu Hip. elicimus, qui in Sileno ætatis meminit, in  
 Philisco nihil dixit secundum Gal. facile conijcimus hunc  
 uirum fuisse ætatis prouectæ præter iuuentutem, melius  
 iudicabitis de ætate in his, quos curabitis ex præsentibus,  
 qui uobis offerentur: Debetis semper ætatem ægroti  
 considerare, quam facile inuenietis: Si enim per coniectu-  
 ras iudicio utimini ad sciendum ætatem Philisci, quem nun-  
 quam uidistis, & iam inuenistis fuisse præter iuuentutē:  
 Si hoc inquam rationabiliter uidetis in his, qui non ui-  
 uunt, & quos non noueratis ante, quanto magis cogno-  
 scetis in his, qui uiuunt, & quos uidetis, & antea noui-  
 stis. Hactenus uidimus de aeris statu, & quæ circa æ-  
 rem uersantur, de ægritudine, & ipsius essentia, de tem-  
 peratura, & circumstantiis ægritudinis circa suum subie-  
 ctum, per coniecturas inuenimus omnia, Vos melius in  
 his, quos curabitis, de his iudicabitis. His itaque uisis su-  
 perest modo, ut ad prognosticum accedatis, & prædica-  
 tis amicis patientis quid futurum sit: Nam quotiescunque  
 acceditis ad aliquem ægrotum debetis prædicere de salu-  
 te, & morte num moriturus sit? an uero sanitati resti-  
tuen-



tuendus, ut & culpa uacetis, & Artem uestram ostendatis: si prædicetis quod sanabitur, & bonorum morum ægritudo, uel non morietur: an uero maligna, & periculosa cum maximo uitæ discrimine, & quod morietur accidat, quicquid uelit estis liberi à calumnia, & culpa si moreretur: sin liberabitur apud uulgū eritis in magna estimatione, & boni medici, & assistentes de uobis erunt bene persuasi. Quocirca & famam, & pecuniam acquiretis: præterea ægro spem augebitis, & in uobis maxime confidet: Vnde facilius obædiet, & ita sanitati restituetur, qui est principalis Scopus. Itaque oportet uos supponere quod nunc accedatis ad Philiscum, consideretis, quæ diximus consideranda antequam aggrediamini curationem, debetis prognosticari quid futurum sit, de uita Philisci, quantum uobis ex moribus, & symptomatibus ægritudinis potest innotescere, ut putandum est fecisse Hip. & medicos illius temporis. Vidistis in prima statim die sæuissima accidentia, non poteratis iudicare in principio, & primo insultu non esse, nisi morbum periculosum, & malignum cum in principio omnia leuiora, tamen sæuissima fuerunt symptomata, & febris statim acuta inuasit, debebant illi medici male de Philisco prognosticari, non tamen libere mortem pronunciare, sed parum expectare: in sequenti die accessit paroxismus, omnia sæuiebant, & inualescebant accidentia in Philisco adhuc magis periculosam ægritudinem, & letalem debebant iudicare. At quando in tertia tam mala uisa sunt certissime poterant mortem pronunciare assistentibus, Videbatur

om=



# COMMENT. MONTANI

omnino liber à febre in meridie tertiæ, & melius habere, symptomata remissiora, licet ista uideret bonus, & peritus medicus non debebat propterea promittere salutē, & dicere quod melior esset ægritudo, non erat liber, sed uidebatur ignaris, ut dixit Hip. mobiles & imperiti exiissent, & spem amicis fecissent: Ah non erat liber, in fine tertiæ circa crepusculum accessit febris acuta, exacerbatio febris inuasit Philiscum omnia inualuerunt. ideo oportebat ita manere, & expectare quid successisset in quarta, inuasit præter rationem, & consuetudinem exacerbationum, & præter medicorum expectationem, & considerationem: poterant medici certo prædicere morbum ita malignum, & pessimum, ut necessario esset moriturus. Videte quomodo medici sibi contradicunt prius dixissent lato ore, liberabitur, nunc morietur: oportet habere fundamenta, & in sententia permanere. in tertia poteratis certo scire, quod moriturus erat, præter symptomata ualidiora, & sæuiora inuasit præter omnem rationem exacerbatio, quæ durauit per totam quartam, in quarta uisis accidentibus, & paroxismo febris non modo poteratis dicere letalem ægritudinem, & quod debebat necessario mori, sed & cito moriturum, habuit in tertia, & quarta continuæ exacerbationem, erat astantibus certissime prognosticandum, quod morietur, & cito quoque morietur, non poterat diu sustinere tantam perniciē maxime cum non haberet uires ualidas. Diximus superius hanc esse perpetuam medicorum regulam, quæ nunquam fallit. Quotiescunque exacerbatio fuerit in tertia,

&



Et in quarta in acutis ægri tudinibus in sexta, uel in septima crisis expectanda est, citissime fiet iudicatio uel bona, uel mala, id est, uel ad salutem, uel ad mortem : in chronicis longitudo morbi significatur, quod præter experientiam, et rem ipsam ita ostendentem Gal. quoque admonet in commen. huius Aphor. inquit : Fac meminervis ubi quartus perinde, ut tertius grauia habet symptomata, et signa in morbo acuto breui expectandam esse crisin, ut in septimo, non erat aduertendum amplius ad prognosticū : in quarta opus erat prædicere ægri tudinem ita periculosam esse, ut cito moriturus esset, et crisis futura ad mortem. Si prius uidistis, et memoria tenuistis, quæ uidistis mala symptomata : in prima potuistis cognoscere ægri tudinem cum periculo esse, in secunda letalem, in tertie sine necessario mortem expectandam, in quarta non modo moriturum, sed cito moriturum, ut in septima, uel in sexta, non poterat diu tollerare : Hæc dicta sint de prognostico, breuiter pertrāsiuimus ; quia in singulis casibus aliqua de hoc dicemus, prognosticum est firmissimum, et omnes medici periti ita fecissent, in omnibus non ita facile potest erigi : Considerata ægri tudine per sua symptomata, ut ipsam remoueatis præmisso prognostico, ad mortem terminandam ; oportet modo, quod aggrediamini curationem, et uideatis quo modo procederetis in remouendo hoc morbo maligno, et periculoso : Hanc nos hoc loco instituemus, ac si uellemus curare Philiscum per methodum, et rationem, qua usus est Hip. Notetis, et estote attentis quæso, Deducam uos per methodum ueram, et per



## COMMENT. MONTANI

per uiam planam: Videtis moriturum, cognoscitis morbum, licet desperatus sit, oportet aliquid agere, aliquid moliendum est, ne sine aliquo remedio relinquamus patientem: Vnusquisque homo, qui agit secundum rationem non solum in Medicina, sed in quacunque Arte, & scientia, unusquisque inquam, quicquid agat, ratione finis agit: Et finis est ille, qui indicat operationes, omnes actiones fiunt propter finem, & finis est, qui induxit, qui mouet omnes homines ad agendum: cum perspexerint finem ad illum assequendum mouentur, hoc est unum perpetuum et in naturalibus, & in uoluntariis, quæ agunt per electionem: natura enim agit omnia propter finem, cum nihil frustra, nihil temere operetur: Si uera supposuerunt philosophi: Oportet nos agere aliquid in hoc ægro, & sumus medici rationales non moueamur temere, sed à forti ratione: ergo oportet quod habeamus aliquam rem, aliquem finem, qui nos dirigat in hac operatione, in curatione inquam huius morbi, quæ directio à medicis dicitur indicatio, dirigit omnem nostram operationem, & per finem inducit nos ad agendum. Sed hic finis non inducit ad operandum cum directione, neque inducit nos, neque aliquas parit indicationes, ut appellant medici, nisi eius natura cognoscatur. si ergo uultis habere, & sumere ab eo fine indicationes necessarium est, ut cognoscatis ipsius naturam. Nam si aliquid acturi estis, agetisne propter finem? Si finis naturam non cognoueritis, quomodo scietis operari? Clarius: Si operamini propter finem, ut uerum est, quod omne agens, ut dicunt philosophi, agit propter finem



finem, & finis est qui mouet uos ad operandum, non poterit mouere, nisi à uobis cognoscatur, nemo fertur in incognitum: sed finis cognosci non potest, nisi natura finis cognoscatur. igitur oportet cognoscere naturam finis si uultis scire operari, natura finis cognita tunc uere dirigit homines ad actiones naturales. ideo bene dixit Galenus, quod omnes indicationes sumuntur à notione finis: non dixit à fine, sed à notione finis, quoniam indicationes oriuntur à fine cognito: resolutio est quædam actio, & quædam praxis. ideo resolutio, ut aiunt philosophi, et confirmat Gal. in libro de constitutione artis nascitur à finis notione: cognito fine resoluimus ipsum in sua principia, circa quem uersatur resolutio. oportet ergo circa notionem finis uersari, & considerare, atque cognoscere finem non solum concipere; ex eo cognito deinde eliciemus indicationes; insudandum est, ut distinctissima habeatur eius cognitio; distinctio indicationum pendet à distincta notione finis: distinctio autem indicationem facit rectam, & distinctam operationem. neque dico nunc magis de re medica, quàm de alijs artibus, & scientijs: Hoc est unum quod cognoscenda est natura finis distincte, quoad fieri possit. Cognitio finis est cognitio causalis, & fit per cognitionem causarum causarum, nisi cognoueritis causas finis, non cognoscetis finem. Nam ut dicit Arist. in proœmio Physicorum, & nos in enucleationibus præcedentibus in quodam discursu, non dicimus aliquid nos cognoscere, nisi sciuerimus causas illius, & principia usque ad elementa: ergo ignotis causis finis non cognoscetur. Videte quemadmo-

R            dum



## COMMENT. MONTANI

dum necessaria fuit cognitio causarum ad rectam rationem operandi hoc modo: A notione finis sumitur omnis indicatio, ut dicit Gal. notio finis non habetur, nisi per suas causas: ergo cognitio causarum dat nobis rationem operandi, credo quod omnes possint intelligere, unaquæq; res cognoscitur per suas causas, non possumus operari quicquid uolumus operari, nisi cognoscamus finem: melius dicamus: non possumus operari, nisi aliquo dirigente: dirigens est indicatio, quæ sumitur à fine circa quem uersamur, à fine indicationes non possunt sumi, nisi cognoscamus finem: finem non cognoscimus ignota sua natura. ergo naturam finis nosse oportet, natura finis non potest cognosci, nisi omnes illius causæ habeantur, quia quicquid cognoscitur, cognoscitur per cognitionem causarum, quid relinquitur? de primo ad ultimum, quod non poterimus aliquid agere, nisi cognouerimus finem, & causas finis cuius ratione mouemur ad operandum: ergo à causis illius finis sumuntur ueræ indicationes, quæ debent dirigere agentem in ea operatione, non à fine quatenus finis est non penitus consideratus, sed à notione finis, quæ per causas habetur. ergo magis ueris causis per regulam, & illam maximam dialecticorum, & philosophorum: propter quod unumquodque tale est, & illud tale magis est: Verum est quod indicationes sumuntur à fine cognito, & cognoscitur per proprias causas. ergo magis à causis oriuntur, in arte medica, quis est finis ratione cuius medici inducuntur ad operandum? Exempli gratia, uolunt curare, in hac curatione quid concipiunt? & quem finem præsupponunt?



nunt? Nulli dubium est, quod recta ratione operantur, & ab aliquo dirigente diriguntur, & ad operandum inducuntur, hoc dirigens oritur à fine. quis ergo finis medici cum uult accedere ad agendum, & curandum egrotum? Scopus & intentum eius principale est, ut remoueat morbum præsentem: intentio ergo medici à principio statim est, ut remoueat morbum, hic est finis remotio morbi, nihil aliud intendit principale, hoc est suum propositum à quo, ut à fine mouetur. Sufficit ne hoc medico, ut remoueat morbum? oportet ne ipsum aliud habere, q̃ hunc scopum? Non est aliquis tam rudis; non est aliquis tam uercors, & ignarus, etiam si esset bos, qui nesciat morbum remouendum esse à corpore, quando uiderit, quod adest, quia præter naturam afficit corpus humanum: omnes hoc norunt etiam animalia, non habet aliquid præclari, quæ est uetula, quæ hoc nesciret dicere, nihil ualerent medici, si non haberent aliud: sciunt omnes remouendum morbum præsentem: sed quid agendum sit, & quomodo, qua ueracitate procedendum, ut remoueat, hoc non est cuiuscunque scire, nõ est uetule datum, soli arti concessum; in hoc consistit artificium medici, ut sciat procedere methodo, & ratione in remouendo morbo, non omnes huc perueniunt: sed medicis peritis, hic opus est ratione discurrente, non sensibus, qui indicant remouendum morbum, quem sentiunt ad esse. At si debet scire medicus qua methodo, & quo modo remouendus morbus sit, cognoscat oportet essentiam, & discurrat per causas ipsius essentielles: ista ego non sum imaginatus, non sunt uerba, neque meæ chyme-

R ij ræ:



# COMMENT. MONTANI

re: si uultis uidere quod non mentior, & si uelitis habere à Galen. longius, non distinctius, legatis totum tertium librum Methodi: Dicit Galen. in eo libro, quod indicatio, quæ sumitur à morbo quatenus morbus est, ut remoueat, cum sit res præter naturam, est uniuersalis, & communis uulgaribus, non habet aliquid artificij: à natura hoc sciunt etiam idiote, & homines imperiti: Et ut uerbis suis utar, hæc indicatio ita confusa supponitur in principio, est tanquàm carceres, à quibus incipit cursus: carceres inquam locus ille designatus, à quo equi incipiunt currere, & suo dant cursui principium nondum uelociter currunt, sed incipiunt cursum, ut paulatim uelocius curant, & est terminus à quo capiunt principium motus, hic nihil indicatur, nisi quod currunt: sic quoque in proposito Medicus incipit contemplari, & considerare morbum, à morbo uiso quod adsit incipit operari, & inquit remouendum esse cum corpus præter naturam afficiatur: sed hoc est commune omnibus uulgaribus, omnes sine alio discursu uiso morbo concludunt eum remouendū, esse, ac si sit fundamentum, quod nulla indigeat consideratione. uolo ut declaremus id etiam exemplo, & exemplum est à Gal. positum: idcirco libenter hoc ponā: Luxetur per casum os brachij, ut exeat à concavitate humeri, & non possit edere suos motus, nec fungi suis operationibus, unusquisque cognoscit, quod remotū est à proprio loco, & extra suum situm, & omnes, cum uident quod non est in suo situ, dicunt remouendam esse luxationem, et quod reponi debet os in sua concavitate, ut possit motus edere



edere: uocant medicum, non putetis quod uocent, quia ne-  
 sciant quod reponendum sit, quia si nihil aliud desiderare-  
 tur non uocarent medicum, ipsi soli scirent remouere lu-  
 xationem, & reponere, essent medici omnes, uocant medi-  
 cum cum sciant quod reponendum est os in proprio loco,  
 ut reponat quidem, sed recte reponat, & artificiose, quia  
 si esset tantum reponendum non cuperent medicum, sciret  
 hoc facere, uocant medicum, ut recta methodo, & ratione  
 procedat, ut reponat os quod nesciunt ipsi facere. luxa-  
 tio ergo & de articulatio est morbus, à quo oritur sta-  
 tim indicatio communis tanquam fores, & carceres, à qui-  
 bus incipit cursus, omnes sciunt reponendum os cum sit  
 extra situm suum, recta positio, ista est indicatio artificia-  
 lis, hic cognoscitur artificium medici, & hic oportet labo-  
 rare, incipit medicus accedens ad ægrum quid agendum,  
 ut recte reponatur os, discere, & uidet, & inquit, quæ  
 quantitas sit remotionis perspecta essentia morbi, aqua ha-  
 buit quid agendum, & cognitis causis, à quibus sumun-  
 tur artificiales indicationes, uidet quantitatem ossis, & al-  
 terius ossis humeri, in quo est cauernitas, uidet etiam na-  
 turam coniunctionis, & modum quo coniungitur os bra-  
 chij cum esse humeri, & secundum omnes dimensiones ui-  
 det quo pacto coniungatur os ossi, deinde perspicit natu-  
 ram totam de articulationis huius, & distinguit ab alijs  
 speciebus dearticulationis, uidet quam diuersa sit species  
 dearticulationis: hinc incipit uariare naturam, & modum  
 operandi, aliter reponendum est & alio ingenio hoc os,  
 atque ossa in alia dearticulatione, distincta natura rei fa-



# COMMENT. MONTANI

cit distinctos operandi modos, hic cognoscitur ars medici, sic quoque considerat causas huius remotionis à proprio situ, & dearticulationis, considerando causas ipsius inuenit non tantum quid agendum, sed omnes conditiones in operando requisitas: in operando in quam recta ratione, & incipit discere quauia, quo modo reponendum os, & hoc non solum in hoc, sed in omnibus partibus Medicinæ, et in omnibus quæ cum ratione fiunt: uerum est, q̃ loquimur in generali, à causis inuenimus methodum ueram operandi in quacunque humana actione: Nam cum uolumus operari nō solum considerare oportet finem, ut superius dicebamus, sed etiam notionem ipsius finis, notio finis habetur per omnes suas causas cognitis causis optime, & habita tota finis natura distinctissima oriuntur illæ quinque limitationes, & indicationes operandi, & secundum quod distincta est natura illius finis oriuntur istæ indicationes, & directiones magis distinctæ, his distinctis operatio fit distincta, & secundum has debet unusquisque quicquid agit agere: Habita notione finis puta morbi, quæ uolumus curare statim innotescit quid agendū, ut curetur, primo ut cognoscatur morbus, habēda est natura morbi, quæ consistit in illis quatuor essentia, motu, tēpore, & moribus: essentiam morbi oportet principaliter considerare, habita essentia rei & substantia ipsius consequenter habentur accidentia consequentia: Nam & si cognoscamus subiectum per accidentia à posteriori, tamen habita definitione ipsius subiecti, & essentia propria, accidentia, quæ ipsum consequuntur propria & peculiarioria,



ria innotescunt: & hoc modo fit demonstratio, quam uocant propter quid, in qua per diffinitionem accidentis, uel passionis non habetur aliqua cognitio, uel scientia accidentium: Sed per substantiam, & essentiam subiecti habemus, & cognoscimus omnia accidentia posita in demonstratione. Vnde Arist. bene dicebat quod per diffinitionem substantiæ, & per quod quid erat esse substantiæ innotescunt nobis propria accidentia illi substantiæ: medium enim in demonstratione propter quid perfecta est essentia uera subiecti, per quod innotescunt accidentia inherencia, non ut male opinantur illi Dialectici, qui contendunt, & uolunt quod definitio accidentis sit medium, non est uerum, decipiuntur: sed ista omittamus, ne uideamur potius dialecticam, quam medicinam, profiteri. Ego saltem scio uobis hoc unum dicere, quod per essentiam, & substantiam nostri finis habebimus omnia accidentia finem consequentia, & posita essentia morbi consequuntur per se accidentia in natura illius finis inuenta: Hæc hætenus cognoscere oportet finem, & ipsius naturam, cognito fine habemus quid agendum, ut finem assequamur sub ratione, qua cognitum nos mouet, hoc habetur ab essentia finis: sed oportet quoque considerare alia quatuor quantum, quomodo agendum quando, & ubi agendum: quæ ab accidentibus, & à consequentibus eliciuntur, & ita fiunt quinque uniuersales indicationes, quas obseruandas dicebamus anno præterito in quacunque recta operatione. Exempli gratia: Quando uultis agere aliquid cum homine non

R iij agi-



# COMMENT. MONTANI

agitis uel in lucro, uel in alia quapiam negotiatione, nisi cognoscatis hominem. cognoscitis ergo prius illum quoad mores, naturam, essentiam, dignitates, & accidentia omnia, uidetis quod bonorum morum, & bonae naturae, quod diues, & in maximis honoribus constitutus: potest uobis fauere in plurimis rebus quotidie contingentibus, aliter proceditis cum isto, quam cum alio paupere abiecto, & idiota: aliter cum homine seditioso, & in puniendo aliter proceditis cum studioso, si quid peccat; aliter cum uitioso: & tandem in quacunque re agenda omnia ista respicitis, & plurimi facitis: Quod si in ceteris obseruanda sunt quanto magis in medendo, & in tam artificiosa operatione? Medicus optimus, & peritus, ac rationalis est homo prudentissimus, nihil agit sine ratione, non potest agere cum ratione, nisi habuerit istas quatuor directiones, uel quinque si ponamus primam & communem indicationem, causas, quibus mouetur ad operandum, ut bene dicit Galenus qui merito, & iure optimo inscripsit libellum proprium diuinum hoc modo: Quod optimus medicus idem sit, & philosophus: Fecit librum separatum ille diuinus homo uolens omnino Galenus ostendere dignitatem, sapientiam, & prudentiam optimi medici, & ipsum ita inscripsit librum, quem legatis quæso, expresse ostendit illic medicum esse in quacunque scientia exercitatum: Si haberem ego occasionem, & tempus discurrendi in his, declararem uobis luce clarius, quod non potest esse optimus medicus, nisi is sit &

bo=



bonus Grammaticus, nisi & bonus Dialecticus, Ma-  
 thematicus, Moralis, & Metaphysicus, nisi tandem,  
 ut uno uerbo compleam, prudens sit in omnibus, & si fie-  
 ri potest deberet esse optimus uir pius, & diuinus po-  
 tius, quàm humanus, utpote qui imitatur naturam, quæ  
 omnia cognoscit in sua syncera, & pura essentia, Non  
 possumus diutius sermonem prolongare festinantes ad  
 nostrum propositum, si quandoque dabitur occasio, sa-  
 tisfaciemus, interim uideatis librum Gal. quem ex profes-  
 so, & ex proposito ad hoc dedicauit. Quod si hoc est  
 nonne procedere debet per has indicationes, & per hæc  
 quinque dirigentia à fine suo desumpta? Certe si in alijs  
 actionibus obseruantur longe magis, & diligentius in  
 medicando sunt obseruanda. Ad rem ergo nostram ac-  
 cedentes dicimus, si uolumus curare morbum istum debe-  
 mus dirigi per illa quinque quid, quantum, quomodo, quan-  
 do, & ubi: ergo necessarium est, ut prænoscamus finem,  
 & accidentia finis, tunc habebimus quid agendum, & re-  
 liqua, quibus dirigetur curatio, & ea docebamus anno e-  
 lapso in quarta Fen primi Auicen. in qua tunc profite-  
 bamur. in Philisco nostro est febris, quam si uolumus re-  
 mouere, & operari, ut remoueamus indicatio à morbo  
 sumenda est, non potest sumi nisi naturam ipsius cogno-  
 scamus. Est morbus ergo remotio indicatur: unusquis-  
 que scit hoc, quod remouendus est cum adest, & est com-  
 munis, & uulgaris indicatio: Vterius progrediendum  
 est: si debet remoueri oportet uidere causas, & remoue-  
 re tam intrinsecas, quàm extrinsecas ipsius febris: quo-

R v mo



# COMMENT. MONTANI

modo? Extrinsecæ sunt efficientes febrem: intrinsecæ uerò materia, & ratio formalis febris. Videndæ ergo sunt primo causæ extrinsecæ efficientes, quando accedimus ad ægrum, qui æger non est, nondum ægrotat tamen uocamur ad illum: quandoque est solum causa extrinseca procatartica, uel antecedens efficientes causæ, morbus tamen futurus est, nisi prouideatur, & si non ægrotat, nisi præseruetur, incidet in morbum, quandoque uocamur ad ægrum, qui actu habet morbum; sed partim factum, partim qui fit, & dicitur uulgo morbus in fieri, non in facto esse, ita dicunt medici communes etiam, Hic morbus est in fieri, & iste partim dependet à causa efficiente extrinseca, partim non dependet, quatenus fit & est in fieri dependet à causa efficiente, quatenus factus est non habet causam efficientem. Si morbus omnino factus est nõ fit amplius, non dependet à causa efficiente, tunc nulla à medico habetur consideratio de his causis extrinsecis, quæ non adsunt; sed fecerunt morbum: Si efficiant, bene tunc considerantur, ut remoueantur. Causæ ergo, quæ extrinsecæ dicuntur sunt causæ, quæ morbum efficiunt extra morbum existentes: Intrinsecæ uero sunt materia, & forma, quæ ipsius essentiam constituunt: ex materia enim & forma unumquodque compositum componitur. in summa igitur morbus aut factus est, aut fit: uel partim factus est, uel partim nondum fit, sed futurus est: Quando nondum factus est, neque adhuc incepit, tamen medicus uocatur ad hominem: indicationem sumit primo à morbo. quomodo? si nondum est quonam modo indicationem

su-



sumemus ab illo? Dico sumi indicationē à morbo ne fiat, non ut curetur, quia etiam ego scio quod à non ente non sumitur indicatio, ut remoueatur: Sed dico sumi indicationem à morbo ne fiat: hoc autem non est curare, neque indicatio curandi, quod non est, sed est præseruare, & præcauere ab imminente morbo, qui statim futurus est, nisi prouideatur: medicus accedens sumpta hac indicatione præseruabit hominem casurum in morbum, & prouidebit, ne in illum cadat, & hæc pars à Græcis dicitur προφυλακτική, & operari, idest, præcauere προφυλάττειν: Atque hæc est indicatio, quæ sumitur præseruandi à morbo non curandi morbum, & hæc cum sumatur propriè à causa, quæ actu est, & factura est morbum, à qua causa sumitur? semper sumitur à causa, si uere loqui uolumus, ut illa non faciat morbum, non à quacunque, sed à causa extrinseca procatarectica, uel efficiente quomodocunque intelligatis, & quomodocunque loqui uultis: Dico rem esse hanc, quod indicatio præcauendi à morbo sumitur simpliciter à causa efficiente extrinseca ab essentia morbi uel sit procatarectica, uel primitiua, ut dicunt isti, uel antecedens, est præseruatio simplex; quoniam non est, nec incepit adhuc morbus, est solum causa efficiens, quæ efficiet quidem, sed medicus uocatus prouidet, & impedit, ne efficiat, quod erat statim effectura: istud est unum extremum simplex, quando nihil morbi adest, opus est præseruatiuum, & προφυλακτικόν. Est alterum extremum, quando morbus omnino factus est, nec amplius fit, non habet præsentē causam



## COMMENT. MONTANI

sam efficientem, habet tamen intrinsecas causas, quæ actu  
 ipsum constituunt, & ponunt in esse suo, habet inquã cau-  
 sam materialem, uel coniunctam quomodo lubet, habet et  
 formam, uel rationem formalem: Tunc indicatio sumitur  
 à causis intrinsecis essentialibus, & est indicatio quæ à  
 morbo facto sumitur, & à causis, quæ sunt ipsius partes  
 essentielles, quod remouendæ sint, & per earum remotio-  
 nem morbus sit remouendus: hæc est simplex indicatio  
 curatiua, & est operatio ista curatio simpliciter: non su-  
 mitur tamen à morbo in confuso, & ita absolute, ut su-  
 pra dicebamus, sed à morbo distincto, idest, à causis intrin-  
 secis materia & forma: non est confusa, & uniuersalis,  
 sed distincta sumpta ab essentia morbi, quæ constat dua-  
 bus partibus essentialibus materiali & formali. à morbo  
 autem inconfuso nulla sumitur indicatio secundum ratio-  
 nem; sed quod remoueri debet; Quoniam Gal. dicit in  
 tertio Methodi quod etiam uulgarium communis est hæc  
 indicatio, remouendum esse affectum præter naturam:  
 Sed qua arte, quo modo fiat curatio & remotio morbi,  
 tunc est indicatio medici & artificialis non uulgarium,  
 qui cum pronuncient remouendam ægritudinem ulterius  
 nihil sciunt. Et hæc indicatio artificialis medici non com-  
 munis distinguit peritos, & artis conscios ab imperitis,  
 & idiotis, ut declaratur à Gal. in illo tertio libro Thera-  
 peutices, & distinguitur ut ab eodem Gal. dicitur ibi ab  
 illa confusa, quod illa quidem quoad morbum inconfuso  
 sumitur, hæc uero artificialis quoad essentiam morbi, &  
 causas intrinsecas, quæ sunt in essentia ipsius, materiam et  
 for=



formam. Hæc operatio medici remouentis morbum curatio dicitur, indicatio qua dirigitur in operando simplex curatiua est sumpta inquā ab essentia morbi facti, & actu existentis: istæ sunt duæ simplices extremæ indicationes præseruatiua à morbo non ente, curatiua à morbo facto: Composita una & mista ex his oritur indicatio à morbo, qui partim fit, & partim factus est, non est factus, nec abest: sed est in fieri ut dicunt nostri medici, quatenus fit indicat præseruationē, quod remouendæ sint causæ efficientes extrinsecæ, & præseruatiua indicatio est, ut provideat medicus, ne ulterius ægrotudo progrediatur: quatenus factus est indicat remouendum esse & curandum, & hæc est indicatio curatiua, quæ indicat remouendas causas intrinsecas morbi essentielles, actu facientes ipsum. mista igitur est indicatio, & est partim præseruatiua, partim curatiua: operatio est curatio cum præseruatione coniuncta. Et hoc est quod habetur à Gal. in 9. Therap. Quo loco multi ex recentioribus decipiuntur, & studentes uerbis Gal. authoritates colligunt faciunt quæstiones, & dubitationes, intricanturq; & adducunt rationes, & contrarias opiniones, tandem eligunt, ut solent semper facere, deteriore non intelligentes authoritates: Oportet bene perspicere, quæ ibi habet Gal. loquitur de hac mista indicatione, & dicit quod sumitur partim à causis, partim à morbo: quia præseruatio fit à causa efficiente sumpta indicatione, à causis procatarteticis, à quibus morbus afficitur, et dependet, uel nondum incepit: sed efficitur: hæc est præseruatio, & præcau-



# COMMENT. MONTANI

cautio. Remotio uero & curatio fit à morbo indicatio-  
ne sumpta, idest, ab essentia morbi, & à causis in essentia  
existentibus, à quibus morbus dependet & constituitur  
præter hoc quod sunt corporeæ sunt essentielles, & mor-  
bo intrinsecæ, actu faciunt, & constituunt morbum. ideo  
à causis efficientibus & ab essentia morbi sumitur hæc  
mista indicatio, non loquitur de simplici curatione, oportet  
quod bene consideretis, quæ dicit Gal. exemplo illu-  
stremus in febribus dependentibus à putredine humorũ,  
aut ab aliquo humore putrido: Hic est quidam humor  
qui putrescit & actu putridus est, facit febrem, est alia  
pars humoris, quæ non putrescit, sed est parata ad putre-  
scendum, & putrescet: sed detur causa in actu febris, nũc  
non est: Vultis remouere humorem non putridum, præ-  
seruatis, & uocatur opus προφυλακτικον: Vultis e-  
tiam remouere, & euacuare humorem putridum, qui fa-  
cit, & constituit febrem putridam, curatione utimini, ita  
simul ambo facitis, tamen unus morbus est, & sumitis  
indicationes à causa efficiente antecedente, & à causa  
intrinseca, idest, ab essentia febris: miscetisq; præserua-  
tionem cum curatione, non est curatio simplex, nec sim-  
plex præseruatio, potestis tamen utroque modo eam ap-  
pellare, ut res se habet, quia non curamus de nominibus,  
dum modo distinguamus rem ipsam: Appelletis curatio-  
nem præseruatiuam, uel præseruationem curatiuam, non  
fit nobis curæ: si curationem appellabitis respicietis ad  
morbum, qui uere curatur, & remouetur: si præserua-  
tionem, respicietis ad causam efficientem, quatenus est hu-  
mor



mor antecedens, qui est in potentia causa coniuncta, & materialis febris: Et ita intentionem habetis simul et ad materiam, & ad morbum ipsum: Cras autem expedimus curationem.

Summa fuit præcedens, ut omnis actio Medici, & medicatio, & uniuersaliter cuiuscunque, qui secundum rationem agit, ut dirigatur à re indicante, quæ indicat aut quid agendum, aut quantum, aut quando, aut quomodo, aut ubi agendum sit. Postpositis, & relictis omnibus aliis indicationibus inquirebatur indicatio apud medicos omiſſis aliis artibus, & aliis actionibus quibuscunque, quæ aguntur cum ratione: indicatio inquam perquirebatur, quæ quid agendum significat, permittamus nunc, quantum, quomodo, quando, & ubi agendum separemus istam ab aliis, de quibus dicetur in posterum. Dicebamus id, quod indicat quid agendum medico duplex esse morbum, & essentiam morbi: ex quibus duæ oriuntur indicationes: una quidem indicatio uniuersalis, & uulgata non solum medico communis, sed cuicunque etiam idiotæ: Alia est artificialis soli medico propria non uulgaribus communis. Communis & uulgata indicatio est illa, quæ sumitur à morbo uniuerso iã inconfuso, ut quoties aliquis morbo laborat, medicus iudicat sanandum esse, & à morbo liberandum, quis est ille uulgaris, qui nesciat remouendum morbum ab hoc corpore: cum sit res præter naturam, & oë præter naturam expellendū est. Hæc est indicatio quid agendū tollendū esse morbum, quæ nimis uniuersalis,



# COMMENT. MONTANI

lis, & confusa & uulgaribus data: Est alia indicatio artificialis, & rationalis, quæ non nisi medici propria est non uulgarium, & ista non à morbo inconfuso, sed à causis intrinsecis, & ab essentia morbi desumitur, quæ essentia cognoscitur per cognitionem suarum causarum essentialium, uel à notione ipsius finis, idest, morbi, quomodo-  
cunque uultis dicere non multum laboro: Ostendebatur hoc non solum rationibus, sed autoritatibus etiam Gal. si non uultis mihi credere rationibus procedendi, saltem acquiescatis Gal. quem tantopere amatis, ita nullus murmurabit, si non erit contentus ratione, & meis dictis, forsitan credet authoritati Gal. qui in tertio Methodi omnia ista ad plenum declarat, obscurius tamen. Cum igitur omnis indicatio quid agendum, & communis seu uulgata, et artificialis propria medici utraque oriatur à morbo: una à morbo absolute: altera à causis morbi distinctis: à morbo ut remoueatur: à causis morbi, ut morbus methodo, et ratione remoueatur per remotionem causarum. unusquisque, qui uocat medicum, non uocat pro illa uniuersali indicatione, ut curet morbum: sed ut curet artificialiter, & recte curet, quod non potest facere, nisi cognoscat id, quod constituit morbum, nō à morbo, sed ab essentia morbi, idest, à causis, quæ sunt in eius essentia. Dicebamus, et declarare incepamus, quo modo indicatio sumatur à causis essentialibus morbi, & ab extrinsecis: Et quoniam diximus superius quod indicatio sumatur à natura, & essentia morbi, quæ constituitur, & componitur ex materia, & ratione formali, propterea uolo uobis hoc unum  
ad



ad rectam intelligentiam declarare, quod materia & forma non eo modo intelliguntur, ut sint duæ quædam substantiæ, ex quibus componatur morbus, non hoc modo intelligitur compositio morbi apud medicos, sicut apud philosophos, quando materia est præparata præuijs dispositionibus, in quam forma postea introducatur. Medici potissimum considerant causas efficientes, si proprie uolumus loqui, quæ nondum efficiunt, sed efficient, & proxime sunt facturæ, & hæ sunt potius concause, extrinsecæ non intrinsecæ morbo, & si omnino extra corpus sunt, ut aer: dicuntur extrinsecæ *πρόκαταρκτικαὶ* à Græcis, à nostris nouis medicis primitiua, dicatis quomodocunque non curo, ut toties dixi dum attendatis, & intelligatis rem. Si causa efficiens intrinseca sit in corpore existēs dicitur antecedens, ut humor in corpore dicitur antecedens, quia nō est efficiens actu, nondum efficit morbum, quia humor ille in corpore non putruit, nec adhuc putrescit, propterea febrem non efficit, sed bene aptus est, ut proxime putrescat, & actu faciat febrem, quum in potentia potest efficere putrescendo, cum effecerit febrem, uel aliam ægritudinem ab humore putrido pendentem dicitur iam causa efficiens, & si nunc dicatur efficiens, id est quoniam conseruat, & efficit statim causam coniunctam, uel materiale: Declaro propter istos Sophistas, ne uos decipiant in decipulis, ut facillimum esset, quod deciperent: intelligatis bene. Dico quod humor nondum putridus est causa antecedens febris, & efficiens; quia in potentia proxima est, ut actu febrem efficiat, cum inceperit efficere tunc uere efficiens

S

ciens



# COMMENT. MONTANI

ciens esse dicitur: Declaro modo planius, humor cum putrescit, efficit febrem, quoniam febris non fieret non putrescente humore: cum efficit febrem, & iam putruit causa coniuncta & materialis dicitur, quæ immediate actu facit morbum, & est in eius essentia, quia ipsi inhaeret, ut proprie materiae proximæ. Vnde apud uulgares medicos dicitur materialis causa morbi, quando uident, quod est aliquis humor pituitosus, putridus, biliosus, melancholicus, uel aliquis alius humor, & cum inter se loquuntur, dicunt hic causa materialis est pituita, & sic de cæteris: dicitur causa materialis, eo quod ita proxime causa est morbi, ut uideatur esse pars ipsius essentialis, & altera pars illius essentiae: Et hæc causa materialis coniuncta causa dicitur recentioribus, quia essentialis est, & coniuncta cum forma morbi, qua posita ponitur morbus, ut dicunt isti, remota remouetur. Videte ergo quemadmodum sunt eadem subiectiuè istæ duæ causæ, efficiēs inquam, quæ alio nomine antecedens uocatur, & materialis coniuncta, & essentialis morbo: quod sæpe accidit in his rebus; multa uidentur discrepare, cum tamen eadem sint subiectiuè, & realiter: ita hæ causæ non differunt, nisi ratione, subiecto eadē sunt: eadem enim res modo est causa efficiens, modo causa coniuncta, & materialis sub alia & alia ratione, alio ac alio respectu: Vt quando morbus factus est, causa ista materialis efficit morbum, non dicitur amplius efficiens causa, quia non efficit amplius, est causa coniuncta & materialis; nunc est in essentia febris, non efficiens est. Quod si quis pertinaciter insisteret appellare uelit eam causam mater-



terialem efficientem, ut cum sit coniuncta dicat esse efficien-  
tem, concedamus illi, quicquid uelit, ut etiam facit Ga-  
len. suis Sophistis, appellet quocunque modo, dum in re cō-  
ueniamus: Sciat tamen ille, quod improprie efficientem ap-  
pellabit, non quoniam efficiat actu morbum, sed quia effe-  
cit, & fuit actu efficiens: quemadmodum dicimus aedifica-  
torem aliquem esse, & si nunc domum minime aedificet,  
sed quia effecit domum & paulo ante actu fuit aedificator,  
ut ait Arist. 2. Physi. ita causa materialis dicitur efficiens  
improprie, quia effecit: non quod efficiat morbum actu.  
Habetis igitur eandem causam modo materialem, modo  
efficientem esse eandem re, & subiecto, non dico ratione,  
diuersa nomina, & nomenclaturas acquirentem propter  
maledictos Sophistas propter diuersa tempora, & diuer-  
sos effectus, quos producit, ut efficit efficiens, ut effecit ma-  
terialis: Quando partim efficit, & partim effecit: ut  
quando morbus est in fieri, habet partem factam, & par-  
tem quae fit, est simul efficiens quatenus partem efficit, &  
materialis quatenus partem effecit. ista omnia debet distin-  
guere medicus, & recte praescire, accessurus ad curatio-  
nem particularium morborum, & dimittere nomina ad  
placitum hominum propter sophisticas importunitates,  
tenens proprietatem loquendi secundum res: quemadmo-  
dum demonstraui. Et debetis scire, ut tollatis omnem  
aequiuocationem, & confusionem, & quantum potest fie-  
ri caueatis importunos, quod quando dicimus in morbo  
esse materiam, & rationem formalem non intelligimus  
eo modo, quo aliquis iuuenis prima facie intelligeret, quod



# COMMENT. MONTANI

habeat alteram partem substantialem, quæ est materia, ut in potentia, & alteram formam, quæ dat actum: alio enim modo dicitur aliquod compositum in rebus artificialibus, & uniuerſaliter in accidentibus; aliter in naturalibus & in ſubſtantijs: in accidentibus non eſt aliquod uerè compositum, ſicut eſt in ſubſtantijs, & omnino in naturalibus rebus non ita intelligimus, ut quando dicimus hominem componi ex materia, & forma: in naturalibus compositum fit cum forma quedam ſubſtantialis introducitur in materiã, uel ex pluribus ſimul poſitis reſultat una forma, & fit quoddam compositum, uel miſtum ſubſiſtens per ſe, & ex materia & forma unum quoddam ſuppoſitum quod p ſe ſtat, & hoc uere, & per ſe compositum dicitur. in his quæ per accidens componuntur, ut in artificialibus non eo modo res componitur, ut iunctis duabus ſubſtantijs fiat unum ſubſiſtens, ut exempli gratia, dicimus Mercurium, id eſt, ſtatuam Mercurij fieri ex ære, ut materia, & figura Mercurij ut forma, non tamen eſt unum per ſe ſuppoſitum, quod compositum uere ſit ex materia & forma, ut partibus eſſentialibus. Notetis, quoniam dico ueritatem, & eſt mera doctrina peripatetica, non chymicæ: Non dicimus Mercurij ſtatuam componi ex materia, ære, ex forma ſigura Mercurij, ita ut ſit quoddam compositum ſubſiſtens, ut homo: ſed Mercurij figura eſt accidens, eſt figura mera in hoc ſubiecto ære fundata, quia præter hanc figuram illud æs per ſe ſtat, & eſt actu aliud compositum ex uera materia, & forma ſubſtantiali, cui ſuper inducta eſt figura Mercurij accidentalis forma ab artifice ſtatuario: ſi ſigura



gura Mercurij componeret, ut uera forma statuam Mercurij ablata figura non remaneret aliquod aliud subiectum, & suppositum in actu præter statuam: tamen remanet naturale indiuiduum compositum ex uera materia, & uera forma. Statua igitur Mercurij componitur metaphoricè ex ære, & figura, ut ex subiecto, cui inhæret accidens inductum ab artifice. Et ut totam rem resoluamus non est compositum, sed est accidens merum subiecto inhærens, quod adest, & abest præter subiecti æris corruptionem, ablata forma substantiali, nihil remanet in actu subiectum, quod digito demonstrari potest, homo tamen idem in substantia remanet, & si modo albus, modo niger, modo calidus, modo frigidus sit: & æs remanet nunc cum figura Mercurij, nunc sine ista figura. Accipiat is lignum uiride, ex quo fiat claua ab artifice, ut erat claua Herculis, qua Hercules utebatur, ut tradunt Poetæ, claua non est compositum unum, ut sunt naturalia composita, quod constet ex ligno uiridi ut materia, & forma, uel figura clauæ, ut formali ratione: sed est mera figura clauæ accidens inhærens ligno subiecto per se in actu: ablata enim figura clauæ remanet adhuc subiectum hoc in actu, lignum, & quod figura clauæ sit purum accidens non uera forma illud est nobis indicium, quod si claua plantetur, & figatur terræ, ut calor possit in ipsam agere, inde nascetur non claua, quæ non est compositum unum, sed aliud simile, & alia planta, quod est proprium ligni uiridis secundum ipsius speciem, & naturam: si pomum pomum, & sic de alijs huiusmodi, quoniam est uere compositum naturale ex mate-



COMMENT. MONTANI

ria, & forma propria substantiali: claua cum sit accidens huic subiecto inherens non efficit aliam clauam. Ex quo uidetis, quod non est eadem ratio compositionis in naturalibus, & in artificialibus, & uniuersaliter in his, quæ sunt per accidens, idest, quæ constituta sunt ex accidente, & subiecto in actu. Ut simitas nasi non est compositum ex materia, & forma substantiali; sed est concavitas accidentaria naso inherens: nasus non est materia, est subiectum in actu naturale ex materia, & forma constans, cui indutum est hoc accidens, quod est concavitas: postea dicitur nasus simus; concavitas in naso: unde ablata cavitare nasus remanet adhuc nasus in actu, perit tantum accidens. ideo non dicitur amplius nasus simus: Et ita fit compositio, ut accidens in subiecto naturali supposito insit, non ut ex materia uera, & forma substantiali in artificialibus, et omnino accidentalibus rebus: in naturalibus complicatur substantialis forma cum materia, & unum sit ita unitum, ut sublata forma nihil relinquatur in actu. Hæc sunt distinguenda, ne decipiamini, ut multi decipiuntur propter ignorantiam Dialecticæ, licet dicamus in his quæ fiant per accidens, hæc est materia huius, hæc forma, oportet habere methodum diuidendi, & distinguendi rem per accidens à re per se factam, quæ quidem omnia ignorantes, non distinguentes propter imperitiam Logices faciunt maximas quæstiones, tandem non attingunt quod per pauca uerba clarum à nobis redditum est: Ex mala distinctione eorum: quæ per accidens fiunt ab his, quæ per se efficiuntur plurimi, et inuitabiles contingunt errores. in proposito.

mo=



modo dicimus febrem putridā fieri ex putredine inficiēte humores cordis, et dicimus eius rationem formalem esse calorem igneum putredinalem præter naturam accensum in corde: Et ita consueuimus cum medicis dicere febrem putridam habere materialem, ex qua constat, putridum humorem, & formam calorem, ut dicamus febrem putridam constare ex his duobus tanquam ex materia, & forma, humore putrido, & calore præternaturali. At si proprie loqui uolumus, calor non est uera ratio formalis ipsius febris, neque per calorem febris debet diffiniri, ut per propriam formam, quia febris non est calor, nec habet calorem in propria essentia, calor quidem est de patibilibus qualitatibus, Febris uero est bene qualitas, sed in prima specie qualitatis, in qua est habitus, & dispositio. ideo hoc fundamento motus Arist. maximus philosophus dixit inter ægritudinem, & sanitatem non dari medium, quia cum sanitas, & ægritudo sint quidam habitus in habitu & dispositione, id est, in prima specie qualitatis non est motus, propter ea inter ægritudinem, & sanitatem non est motus, si motus non est medius, indiuisibiliter acquiruntur. ergo nulla media dispositio, si uniuersaliter ægritudo est in prima specie qualitatis, febris quoque erit in ea specie: calor est in tertia, in qua sunt passionēs, uel partibiles qualitates. ergo febris non est calor, nec calor in essentia febris ut forma, quicquid competit generi competit speciei: morbus est genus febris: sicq; quicquid competit morbo, id competit febri: sed morbus est dispositio, ut etiam Gale. diffinit ipsum in primo de differentiis morborum, Mor-



## COMMENT. MONTANI

bus est dispositio præter naturam in humano corpore immediate per se primo lædens operationes naturales: si est dispositio, ut Gal. ponit pro genere in diffinitione: ergo in prima specie qualitatis. igitur de primo ad ultimum febris est in prima specie qualitatis, & est dispositio, ut genus proprium: Tamen Veteres Medici, & noui omnes dicunt febrem esse calorem, & diffiniunt ipsam per calorem, ut genus, non quod febris sit calor, sed quia calor est quædã ut ratio formalis, & proxima causa ad quam sequitur ægri- tudo, & dispositio præter naturam: quando calor natu- ralis à naturali mutatur ad igneum, statim, & immediate sequitur dispositio illa ægri tudinalis, quæ est principium actionis læsæ, & ad quam primo & per se sequitur læsio operationum: illa dispositio est uerus morbus & febris. At quoniam ista dispositio latet, & oculta est nobis, calor febrilis igneus proxima causa febris, & proxima suæ ra- tionis formali statim percipitur. idcirco accidit, ut Medici rationem formalem febris dixerint esse calorem, & per calorem diffinierint ipsam, non quod uere sit calor, sed quia uidetur esse ita proxima causa, ut operationes per se primo offendat, & impediatur: sunt modi quidam loquen- di, quando occultæ sunt rationes, & differentiæ rerum: appelletur quomodolibet si res distinguatur, & recte in- telligatur. Febris est dispositio præter naturam lædens primo per se actiones naturales, quæ proxime efficitur à calore, calor est proxima causa febris, dicitur morbus, quia uidentur lædi operationes immediate posito calore præter naturam. Redeundo igitur ad rem caute proce-  
datis,



datis, Dico uniuersaliter non magis de febre, quàm de alijs, quod morbus, & hoc dico propter Sophistas, ut permittatis decipulationes, & earum nugas, quas si legeritis non poteritis extricare uos à suis philaterijs, Dico inquam quod morbus uniuersaliter quando apud medicos dicitur materialis compositus ex materia, & forma, non intelligitur componi, ut homo componitur ex anima, & corpore, ut partibus essentialibus, & substantialibus, ita ut habeat formam, & actum substantialem coniunctum materiae: sed appellatione materiae intelligimus causam, ut humorem, a qua immediate pendeat aegritudo, & cui inhaeret forma huius aegritudinis, quae proprie ab istis, & à philosophis materia in qua appellatur, in qua inest proxime morbus, & à qua immediate dependet, ut in suffusione oculorum dicimus oppilationem esse formalem rationem, materiam uerò dicimus esse illam aquam, quae intercudit inter pupillam, & tunicam corneam oppilantem spatium intermedium, illa non est uera forma, haec non est uera materia, sunt causae, à quibus dependet lesio uisionis, & quia haec est humor aqueus corpulentus dicitur materia morbi, à qua dependet immediate oppilatio illius spatij. eodem modo in febre putrida, quando dicitur, quod humor putridus est sua materia nō intelligatis ueram materiam, ex qua componatur, neque calorem ita esse formam, ut det actum materiae, & faciat unum per se, sed est proxima causa dispositionis, quae uocatur febris, & haec non est forma, sed accidens, & qualitas de prima specie, quae inhaeret huic materiae. Haec dico propter Sophistas, qui quandoque



## COMMENT. MONTANI

retrahunt nos, & retorquent à recta uia, & cogunt à ueritate deflectere hos, qui ignorant Dialecticam: propter ea ne miremini, si quādoque à proposito discedimus, tot nugas proponunt, ut oporteat immorari ad depellendas eorū caullationes, ne decipiant iuuenes nostros: quē a modum & Gal. sēpiissime facit contra sophistas suę ætatis; Dixiq; ista, ut cognoscatis, quid per materiam, & formam morbi intelligamus, maxime uos qui nō estis admodum exercitati in hac arte. His ita determinatis, & distinctis ueniamus nunc ad particularia, postq̃ hactenus fuimus in rebus uniuersalibus, ut omnes habeant suam partem, & possitis etiam exerceri in particularibus, & in curationibus morborum: ponamus exemplum, uideamus omnes causas, & indicationes, quę ab illis sumuntur, ut tandem accedamus ad propositum, & uideamus particularē curationem nostri patientis. Accipiamus tertianam simplicem, & inquiramus causas omnes tertianę: in tertiana est causa formalis & coniuncta, uel materialis, est & causa efficiens, & antecedens. Quę igitur est causa antecedens in tertiana? Est humor cholericus, biliosus, qui in uenis continetur, efficiet quidem, sed non actu efficit; quia humor nondum putruit, est in uentriculo, & in uenis in multa copia paratus, ut proxime putrescat, non tamen putruit: hæc est causa antecedens absolute, humor ille biliosus non putridus, qui cum putrescit, iam est causa efficiens, ista est causa antecedēs, non tamen causa immediata proxima, imo si non putrescet, ut quandoque contingit non erit efficiens causa: Vt in exemplo habemus ab Hip.

¶



& Gal. in septimo Aphor. Vbi loquitur de inguinibus,  
 & de bubonibus, qui fieri solent circa inguina: Dicit Hip-  
 poc. quod si febris putrida sequatur ad bubonem est ma-  
 lum: ibi in commento ait Gal. quod cum in bubone sit hu-  
 mor putridus, si ab illo uapores eleuentur, & per partem  
 post partem successiue deducantur ad cor, & cordis hu-  
 mores inficiant, et ponant in calefacto esse; unde sequatur  
 febris est malum; Signum est malum esse apostema, &  
 abscessum bubonis: sed si ephemera sequatur non est ita ma-  
 lum, est bonum dicit Hippo. non est tam malum apostema.  
 ideo uidetis quod bene potest putrescere humor in absces-  
 su bubonis, tamen non ascendant, nec petant cor, & faciant  
 febrem putridam, calor non successiue perueniat ad cor,  
 & ita calefaciat, ut diffundatur per totum corpus præter  
 naturam: unde sequatur lesio in operationibus naturali-  
 bus, quia si non læderentur operationes, non esset morbus:  
 neque enim, ut bene dicit Gal. quælibet calefactio corpo-  
 ris est febris, ut calefactio facta ex motu, exercitio, labori-  
 bus, & corporis agitatione: uel ex accessione, & appro-  
 ximatione ad rem actu calidam: illa calefactio est uere fe-  
 bris, qua posita læduntur operationes naturales ipsius  
 animalis: febris est dispositio primo & per se lædens a-  
 ctiones secundum naturam. causa igitur antecedens est  
 humor, qui est in uenis, & uentriculo non actu putrescens,  
 sed proxime efficit febrem: Est & quidam humor, qui  
 putrescit, et partim efficit febrem, partim efficit continue  
 putrescendo, & hæc uere, & actu dicitur causa efficiens:  
 efficit partem febris non totam, Est & tertia causa, quæ  
 nihil



## COMMENT. MONTANI

nihil amplius effecit, quiescit, iam effecit febrem. uapores in quā putridi eleuati ab humore putrido, qui petunt cor, & miscentur cum humoribus cordis ponentes ipsos in calefacto esse immediate febrem excitant, & quamdiu fuerint in corde, tam diu perseuerabit febris, effecerunt, non efficiunt, sed conseruant: Et ita habetis tres causas huius febris tertianæ, quæ eadem sunt subiecto: semper est idem humor biliosus, differunt ratione, quatenus una efficiet, cum putrescet non est proxima causa, & hæc antecedens dicitur, quatenus humor idem actu putrescit, partim efficit, partim effecit, dicitur efficiens: tertio quatenus humor in uapores putridos eleuatus ad cor ponit febrem, & effecit, conseruat nunc in esse febrem coniuncta causa est, quæ remota remouetur febris, remotis putridis uaporibus remouetur febris, subiecto idem humor, ratione differt: singulæ harum causarum in corpore humano dant suas proprias indicationes. Quando medicus accesserit ad ægrum putrientem tertianam ista tria considerabit, ut remoueantur, quia remotis his putat febrem remouendam esse. Et quoniam, ut scitis, medicus semper in quacunque sua operatione imitatur naturam, quæ nihil temere facit dico medicus sapientissimus non quicunque imperitus, rationabiliter artē exercēs: in tertianis scitis quid fiat? primo in principio paroxysmi uidebitis, quod natura expellit multā materiam per uomitum, et materiā quidem biliosam, uulgo dicunt Vomuit choleras, & hæc materia cholericæ non est putrida, nec habet odorem putridum, uel saporem, est mera bilis sine putredine, ista est causa, quæ dicitur antecedens



cedens causa febris tertianæ. Medicus doctus, & diligens hoc animaduertens imitatur naturam, quæ est sagax, & prouida agit ex proposito non tenere. Natura inquam indicat, quod debeat medicus euacuare etiam in principio morbi, quoniam & si materia hæc biliosa non sit putrida, tamen proximè putrescet, & faciet febrem, nisi prouideatur, & remoueatur à corpore: Et hæc indicatio sumpta à causa antecedente materiali est præseruatio simpliciter: indicatio autem ista præseruandi sumpta est ex actione naturæ, quæ expellit materiam, & præuidet, ne incurrat febris, præcauet periculum morbi futuri. Medicus uidens operationem naturæ præseruat, & præcauet à morbo, & à febre expellendo multam materiam in principio, quæ nondum putruit, sed est in uentriculo, & proximè putresceret: Hæc est una indicatio medici à causa antecedente. Deinde quid agit natura? Natura quæ recte procedit, & quod offendit uult superare, recte operatur: nam post impetum, & eiectionem cholæræ per uomitum uidebitis in tertianis, quod homines egerunt multam bilem putridam cum foetore, & putrido odore, & hoc est signum à natura factum manifestissimum putredinis in ea materia, ista est materia & causa efficiens, quam expellit natura, ut simul & tollat febrem, & præseruet à febre. Medicus uidet operationem naturæ, statim & ipse uult eam imitari, & quid facit? euacuat materiam putridam actu efficientem, & hæc operatio præseruatio est mista cum curatione, simul curat, & præseruat, ut notabat Gal. in ix. Therap. indicatioque dici potest & præ-



# COMMENT. MONTANI

præseruatiua, uel curatiua: utroque modo inquit Gal.  
nihil refert appelles hoc, uel illo modo: quia ambigit in-  
ter utrunque extremum, & participat de natura utrius-  
que extremi. quod participat de utroque extremo indiffe-  
renter potest appellari nomine alterius extremorum, ut  
utriusque naturam participat. Cum ergo ista indicatio  
media sit, & ambigat inter prophylacticam, & Thera-  
peuticam, utriusque extremi naturam participans potest  
etiam sine ullo discrimine appellari nomine huius, uel il-  
lius extremi, ita ut dicatur prophylactica, uel præseruati-  
ua, aut Therapeutica, idest, curatiua à Latinis, cura sit in  
medio, & mista ex extremis utriusque naturam partici-  
pat, & nomen potest participare: Appelletur quomo-  
dolibet, Res est ista, quòd egeritur materia putrida, que  
actu efficit febrem, & partim putrida est, partim non  
putrida. Natura quoque sagax, ut expellat quod sibi mo-  
lestum est febrem tertianam in fine paroxysmi expellit  
materiam per sudorem. Vnde obseruatum est à Medi-  
cis, & uos quotidie uidebitis in particularibus tertianam  
simplicem terminari per sudorem, hoc perpetuum est in  
tertiana. Non cessat natura & si euacuata sit materia,  
que stat sub forma causæ antecedentis, & causa efficiens,  
quoniam adest causa materialis, & coniuncta non remo-  
uebitur febris, nisi & hæc auferatur, que iam effecit, non  
amplius effecit, donec ista remāserit, perseverabit febris:  
sed cum sudat, & materia ista propinqua tenuis, siue ua-  
pores putridi expelluntur à cute per sudorem, statim tol-  
litur morbus, idest, febris. idcirco dixi tertianam termina-

ri



ri per sudorem, non fit sudor, nisi in fine paroxismi, quia  
semper uerum est quod ablata causa coniuncta morbi au-  
fertur morbus, quæ remanente remanet morbus. Medicus  
uidet hanc actionem naturæ, ideo considerat causam con-  
iunctam, & materialem tertianæ à qua sumitur uera indi-  
catio curandi, non amplius præseruandi, efficit, non effi-  
cit: sola expulsiōe indiget, ut curetur febris, sumpta  
hac indicatione, quæ uere curatiua est, euacuat materiam  
hanc coniunctam. Videte quomodo tria operatur natu-  
ra in paroxismo tertianæ, ut omnino febrem superet.  
Vos qui estis, & uultis esse optimi medici imitatores ip-  
sius naturæ debetis hoc pacto procedere, & per tres in-  
dicationes aggredi curationem febris tertianæ, quod de  
tertiana dictum est, idem intelligatis in alijs morbis, &  
ægritudinibus pendentibus à materia. primo euacuat ma-  
teriam antecedentem in principio paroxismi per uomi-  
tum, & hæc est simplex præseruatio: Secundo efficien-  
tem expellit per secessum egerendo, & hæc est operatio  
mista, quæ potest dici altero duorum modorum uel  $\pi\rho\phi\upsilon\lambda\alpha\kappa\tau\iota\kappa\eta$ , uel  $\delta\iota\rho\alpha\pi\epsilon\upsilon\tau\iota\kappa\eta$ , idest, præseruatiua,  
uel curatiua: Tertio & ultimò per sudorem expellit  
proximam causam, & materiam coniunctam immediatã  
in fine paroxismi, quæ remota à corde terminatur paro-  
xismus, & hæc est simpliciter curatio: ita natura proce-  
dit in remouendo causas tertianæ, ut primo præseruatio-  
ne & præuisione utatur, deinde præuisione simul, et cu-  
ratione: Tertio & ultimo curatione. Vos etiam debetis  
illam imitari, si illa recte procedit, & soluit febrem, Vos  
quo-



# COMMENT. MONTANI

quoque soluetis, & remouebitis non discedatis ab ista  
uia: istud est uerum iter, & fundamentū, à quo sumitur  
quid agendum, & alia limitantia, & quatuor dirigentia  
quantum, quomodo, & qua Arte, quando, & in quo lo-  
co, ubi, quæ omnia postea docebimus singillatim quomo-  
do sumantur, & ita singulis diebus habebitis aliquid noui  
circa ista, nō discedemus ab his non omnia in uno casu do-  
cenda sunt, singula examinabuntur. Nunc uersamur  
circa primum, & uolumus inquirere quid agendum in  
hoc uiro. Redeundum est igitur ad Philiscum, qui ha-  
bet febrem putridam malignam: Causa huius erat humor  
crassus, biliosus, qui intra uenas putrescebat: Vultis cu-  
rare hanc febrem? Scitis indicationes, & uestra dirigen-  
tia ex modo, & processu naturæ in operando, ut paulo  
ante diximus, eo modo & uos procedetis. Permittamus  
nunc prognosticum, quoniam in præcedentibus diebus, et  
primis per signa manifestissima, quæ pessima erant colli-  
gebamus necessario moriturum, & non modo moritu-  
rum, sed cito moriturum, ut audiistis: unusquisque po-  
terat hoc præscire, utinam esset tam facile prognosticari  
in quocunque morbo. præmissa ergo prognosticatione  
assistentibus, ut dicebamus superius, quod moriturus sit,  
ne quid uobis imputetur si quidpiam contigerit, quod æ-  
gritudini sit imponendum, & ut famam acquiratis, præ-  
missa hac prognosticatione accedatis ad curationem mor-  
bi. Est autem morbus febris putrida maligna, non pote-  
stis remouere febrem, nisi remotis causis febris, causæ  
sunt quædam materiales, à quibus dependet, quoniam ut  
di-



dictum est, habet materiam putridam, ista materia sunt tres humores: ergo sunt remouendi. primo sunt uapores putridi eleuati ab humoribus putridis intra uenas, qui pe- tentes cor non modo calefaciunt humores cordis, quibus cum miscentur, sed & quod magis est, quia pestilens, pu- trefaciunt, & putredine summa inficiunt: cum hæc sit ma- teria proxima coniuncta huius febris medicus debet remo- uere uapores putridos, & humores putrefactos in cor- de: non remouebitur febris maligna, nisi hæc causa imme- diata remoueatur. ideo constituetur una indicatio curati- ua, ut remoueatur materialis causa: Non poterit medicus remouere illos uapores, nec humores putridos, nisi prius remoueat humores, qui actu putrescunt in uenis totius corporis, à quibus eleuantur uapores putridi, qui sunt causa proxima, & immediata febris pestilentis. Bene pri- ma indicatio, & summa est, ut remoueam putridos uapo- res & humores cordis: sed nolo, quia Ego non possum re- mouere hos humores, nisi prius remoucantur humores putridi in uenis, à quibus dependent isti uapores. duplex erit indicatio hætenus: una quidem simplex, quæ est ut tol- lantur uapores putridi, & humores corrupti, & ista re- spicit immediatè causam coniunctam, ut remoueatur morbus, qui est febris pestilens, remoueturq; remota hac causa immediata: secunda est mista ex curatione, & præ- seruatione, cum illa prima sit simplex curatio: sed non po- test tolli causa efficiens, non possunt tolli humores corru- pti, à uenisq; educi, nisi euacuem primo: & remoueam hu- morem, qui nondum putruit: illud quod reliquum est de

T      massa



# COMMENT. MONTANI

massa sanguinis minime putrefactum, & est causa ante-  
 cedens simpliciter, & ita indicatio erit ab humore non pu-  
 trido præservingandi simplex: præservingabo nanque, ne putre-  
 do fiat in hoc humore: Euacuabo humorem, qui nondum  
 putruit, ne putrescat, & augeat causam efficientem con-  
 sequenter, & coniunctam. Hac euacuatione duo bona fa-  
 ciam: primo rarius reddetur corpus: secundo præservingabi-  
 tur, ne hic humor putrescat. primo quidem rarefaciendo  
 corpus meatus aperientur, & dilatabuntur, humores &  
 calor naturalis euentabitur, ex euentatione prohibebitur  
 putredo. scitis quemadmodum putredo fiat propter pro-  
 hibitam transpirationem, & ex obstructione meatuum. Si  
 ergo tollatur humor, qui sua qualitate, uel quantitate pro-  
 hibet transpirationem, aperiantur meatus, fit debita tran-  
 spiratio, facta transpiratione, & euentatione putredo pro-  
 hibetur: credo quod intelligatis, si putredo fit propter ob-  
 structionem, ex qua calor euentari non potest, ablata ob-  
 structione non est occasio ad putredinem, remota occasio-  
 ne putredinis fit præservingatio à putredine. ergo euacuan-  
 do humorem nondum putrescentem ista bona fient, non  
 putrescet, nec augebitur causa efficiens febris: putredo  
 quoque prohibebitur. Vnde uidetis quod ea, quæ euen-  
 tantur quoad euentantur non putrescunt: uel difficillime  
 putrescunt. Cum ergo per discursum uidero has tres cau-  
 sas uapores putridos, & humores cordis, secundo humo-  
 res, qui actu putrescunt in uenis totius corporis, tertio hu-  
 mores, qui nondum putrescunt: & si massa sanguinis dica-  
 eur putrescere, non tota putrescit: neque enim staret ui-  
 ta



ta, Ego qui uolo remouere febrem pestilentem, remoue-  
 re etiam intendo has causas, quarū remotio est totius mor-  
 bi curatio: à singula sumpta indicatione primo intendo e-  
 uacuare uapores, & humores putridos in corde: deinde  
 eos qui intra uenas putrescunt, tum etiam eos, qui nondum  
 putrescunt: id quod primum intendo, debet esse ultimum,  
 quia non remouebo uapores, nisi prius remouentur humo-  
 res putridi, à quibus continue eleuantur, isti non possunt  
 tolli non ablati humoribus, qui sunt, ut antecedens causa.  
 ergo incipiam ab his: Et primum quod faciam euacuabo  
 humores non putrescentes. Et sic quod primum fuerat in  
 resolutione, erit ultimum in executione, ascendam ab eua-  
 cuatione causæ antecedentis ad euacuationem causæ efficiē-  
 tis: postremo ad tollendam causam coniunctam, & quod  
 ultimum fuit in consultatione, & resolutione primum erit  
 in operatione: operatio est quedam compositio, ubi desi-  
 nit resolutio, incipit compositio: desinit autem in operatio-  
 ne. ergo incipiendum ab operatione, ubi desinit compositio  
 ibi incipit resolutio: ut duæ sint uiae procedendi oppo-  
 sito modo. per resolutionem, & discursum inuenimus eua-  
 cuandos esse humores, qui non sunt corrupti actu: inci-  
 piendum est ab eorum euacuatione, quomodo faciam?  
 Duo sunt instrumenta, quibus potest hoc fieri: uel possum  
 pharmaco soluente procedere, uel sanguinis missione: his  
 duobus fit uera & per se euacuatio: Vtrum conuenit in  
 Philisco? Debetis repetere memoria, quod dicebamus su-  
 perius, scitis adesse febrem pestilentem, malignam ex pu-  
 tredine maxima, cum putrescat massa sanguinis intra ue-



# COMMENT. MONTANI

nas: Materia, quæ à prædominio peccabat in isto, erat bilis crassa, uitellina: idcirco dicimus fuisse febrem à putredine humoris crassi biliosi, ut audiistis. Sciistis regulam illam Gal. ex quarto de tuenda sanitate, quam debetis semper memoria tenere: Quando uis euacuare fac prius consideres, quinam sint humores in corpore: si fuerint crassi, rebelles, & multum recedentes à natura sanguinis; sicut pituita crassa, putrida, uel bilis uitellina, tunc potius euacuare oportet, quàm mittere sanguinem. exposuimus aliàs quid per euacuationem absolute intelligatur, inanitionem per pharmacum soluens, sed quando fuerint cum sanguine misti, nec multum à natura sanguinis distant neglecto pharmaco debetis mittere sanguinem: Quia bilis uitellina non multum rebellis est, & distans à natura sanguinis, in euacuatione facienda oportet eligere missionem sanguinis ante pharmacum. Eligatis quoque missionem sanguinis in primordijs morbi huius alia ratione, quoniam materia, quæ intra uenas existit, cruda est minime concocta, non separata à natura, non licet pharmaco euacuare crudam, & inconcoctam materiam. Est Achoris, qui hæc testatur: Concocta medicari, atque mouere non cruda, neque in principijs &c, apud Hippoc. Non potuit eligi in hoc casu melius, nec præstantius instrumentum ad euacuandam materiam antecedentem missione sanguinis, præsertim cum dicat Gal. si humores euacuandi sanguini permisti sint, sanguinis missione, & uenæ sectione commode euacuantur: si separati pharmaco soluente. Hæc est operatio præseruatiua, & indicatio præseruandi sumpta à

cau-



causa antecedente: Nam cum remouetur causa antecess, & humores propinqui putrefactioni, dicitur à Gal. præseruatio, maxime cum proprie loquitur, phlebotomia ad præseruandum in hoc casu præmittitur, licet quandoque confundat ista Gal. & modo curationem, modo præseruationem appellet, ita tamē res est, ut dictum est: sicut à causa antecedente præseruatio sumitur, ita curatio à causa coniuncta materiali, & proxima morbi. Quod esset mittendus sanguis causa antecess indicabat, & omnia indicabat: Erat tertio aliud, quod hoc indicabat. Vbi morbus magnus est, indiget phlebotomia, ut inquitur medici: Est febris acuta, magna, & sæuissima symptomata: indicatio sumitur etiam in principio morbi, quando est acutus, & magnus dicebat Hippocr. tria consideranda in phlebotomia præcipue, uirtus nunquid ualida, uel infirma: morbus an magnus, uel paruus: & ætas. Hic habemus febrem, & morbum magnum: Dixit primo die inuasit febris acuta cum enumeratis accidentibus. quid peius? habemus præter magnitudinem morbi præsentem, quod erat etiam futurus magnus, ita intelligebat Hippocr. in morbo magno mittendum esse sanguinem. Dicit Gal. magno, uel futuro magno: hic utrunque erat & magnus, & futurus magnus: Vnde uidistis omnia deterius habuisse, & febrem inualuisse in sequentibus diebus: si intentio est mittendi sanguinem, quando est simpliciter magnus, uel solum futurus magnus, quanto magis erit intentio, quando ambo simul sunt, morbus magnus est, & futurus magnus. Ætas etiam indicabat, id est, non prohibebat missionem sanguinis. Au-

T ij diui-



# COMMENT. MONTANI

diuisti quod erat prouectus in ætate, non puer, & licet  
esset prouectioris ætatis, non propter ea senex circa 70.  
uel 73. annorum in qua ætate non est amplius intentio  
mittendi sanguinem, non erat ita senex, ut ætas prohibe-  
ret missionem sanguinis. Dicunt medici in ætate puerili,  
& senili tantum prohiberi: iste uir erat prouectus, non  
senex, in ætate consistenti, propterea quoad ætatem per-  
tinebat, stabat indicatio mittendi sanguinem: Virtus pro-  
hibebat omnino, licet ætas & morbus conuenirent, quia  
ad phlebotomiam requiritur uirtus fortis, & ualida, ut di-  
cit Hippoc. & cum eo Gal. in Philisco uirtus imbecillis-  
ma, & in extremo ferè debilitatis erat. Ergo licet starent  
duo indicantia, non debebat fieri phlebotomia contra indi-  
cante uirtute; extracto sanguine uirtus deijceretur: signum  
quod haberet uirtutem debilem est sumptum & à causa,  
seu à priori, & à posteriori tanquã ab effectu: A priori  
quidem, quia ubi est pestilens, & maligna febris putre-  
scunt omnes humores: ergo uirtus debilitatur, nec potest  
esse ualida. Valet argumentum, & consequentia apud  
doctrinam Gal. Hic est febris pestilens: ergo non stat uir-  
tus: hoc perpetuum est in pestilentibus. Amplius ualet ar-  
gumentum, ubi pestilens febris, humores putrescunt om-  
nes proportionaliter: ubi putrescunt humores, uirtus nõ  
est ualida, quomodo constabit uirtus ablato fundamento  
uirtutis, uirtus est in calore naturali, & in spiritibus: ubi  
non sunt spiritus, ibi non est uirtus: sed spiritus ex humo-  
ribus bonis, & naturalibus generantur. ergo humoribus  
existentibus præter naturam spiritus non generantur,  
con=



consequenter non constat uirtus. Et ita in doctrina Gal. à priori ualet consecutio, quod non potest stare uirtus in pestilentibus. in Philisco erat febris pestilens: ergo non poterat esse ualida uirtus. A posteriori modo, et à signo, & ab effectu consequente: Non potuit pertransire sextam diem: Silenus tamen perdurauit usque ad x. in xi. defunctus est cum haberet peiorem aegritudinem, & seuiora omnia, uel saltem equalia; Non alia de causa, ut dicit Gal. in commento, nisi quia in Sileno uirtus erat ualida, quæ potuit sustinere aegritudinem, licet magnam usque ad decimam: si fuisset debilis, tantum abest, ut pertransiret decimam, quod mortuus esset etiam in sexta, uel citius. Erat iuuenis, robustus, sanguineus. At Philiscus prouectus, & imbecillioris uirtutis non potuit tollerare diutius. Cū ergo tria in phlebotomia sint perspicenda; duo quidem morbus, & ætas requirebant missionem sanguinis, sed uirtus, quæ principalior scopus est contra indicabat, prohibebatq; phlebotomiam: in his contra operantibus, & contra indicantibus quid faciendum? cui attendendum? certe alterum faciendum est aut mittendum, aut non mittendum: Debetis in hac contrarietate esse diligentes, & debetis habere præceptum Gal. in mentibus uestris, quod ille semper considerabat maxime in tertio, & ix. Therap. oportet considerare dignitatem indicantium, & attendere digniori, quod magis refert pro uita. Virtus non semper indicat, sed quandoque indicat, quandoque non: intelligo quod uirtus semper quidem hoc habet, ut conseruetur, si adest, nunquam uult remoueri: sed hoc supponitur: si uir-

T uij tus



# COMMENT. MONTANI

tus ualida fuerit, medicus attendit soli morbo: Quod si uirtus non fuerit robusta, etiam neglecto quandoque morbo oportet attendere uirtuti, quia, ut dicit Galen. omnium operatrix est natura, infirma uirtute morbus remoueri non potest: Sed nunc est morbus magnus, cui si non attendatur forte interficiet, est & uirtus debilis, oportet uniusque necessariò attendere, quodcunque negligatur malum est, quid agendum? Procedendum est eo modo, quo docet ille idem Gal. in eo 9. Therap. Medicus prudens uisa utraque indicatione & quæ à morbo magno, & quæ à uirtute infirma cautè procedit, & utrique uult partim satisfacere nulli perfecte, partem euacuabit pedetentim, & interim nutriet: iterum euacuabit, & renutriet, & sic deinceps euacuatione morbo satisfaciet, nutritione uirtuti: Et ita utetur contemperantia, quam ipse uocat ἐπιπορώς, re-nutrientia cum euacuatione. in Philisco non erat tempus, quo possemus ita procedere, morbus acutus est, non dat inducias, non oportet immorari. Quare in hoc casu quicquid uultis facere? expediatis in principio præmissa prognosticatione, & protestatione, ne quid uobis imputetur: debetis mittere sanguinem, sed parcè: ita utrique contra indicanti satisfacitis, missione sanguinis, quia morbus magnus: parcè, quia uirtus imbecilla, quæ uirtus consistit in sanguine: si extrahatur non poterit esse ualida: mittetis sanguinem parcè, Et quidem in prima die morbi, uel saltem ante quartam: melius tamen est in prima, robustior est uirtus, quia, ut dicit Auic. in prima quarti in cap. de febribus pestilentibus. Et tu debes phlebotomare ante quartam



tam, quoniam transacta quarta non erit amplius intentio ad mittendum sanguinem. scitis rationem? Virtus non stabit, & quanto magis procedimus, tanto magis debilitatur. ideo dum est fortis, intentio est phlebotomiæ: sed animaduertatis, ut seruetis commune Medicorum præceptum, Antequam phlebotometis, euacuare ea, quæ sunt in intestinis, in uentriculo, & in primis uenis cum aliquo leniente. Videte quomodo deduco uos ad particularia, et ad extremam operationem, et dirigo nos in praxin. Lenietis aluum prius, et hoc primum, quod facietis cum aliquo leniente educente materias, quas nostri recentiores uocant materias communes, crudas, quæ sunt in primis uisceribus, ne phlebotomia trahantur intra uenas, & ad hepar, & fiant obstructions: lenita aluo in prima die statim cum mæna, aut Thamarindis. Sed notate unum, ut caueatis à Cassia, & si sit medicina benedicta, in pestilentibus est pessima, quia humefacit, habet multam humiditatem: hic autem requiritur exiccatio, non humectatio, cum uelimus remouere putredinem, quæ fit propter superabundantem humiditatem: Contraria contrarijs curantur: sicca sunt exhibenda, Dimissa Cassia apud me magis laudatur decoctum Thamarindorum, cuius usus apud me magis dilectus est, quia cum hoc quod leniunt Thamarindi non humectant, sed sunt paulo sicciores: Cum hoc decocto ponatis syrupum rosatum solutiuum, qui maxime diligitur in febribus pestilentibus: Euacuat humores adustos, & confortat cor, & calorem cordis: præterea euacuare habet humores corruptos, et maxime putrefactos: cuius rei signum est illud, quod

T v      quana



## COMMENT. MONTANI

quando exhibetur euacuat humores spumosos, ebullientes, putridos, et maxime foetidos, qui sunt in matella. Lennita dico aluo mittetis sanguinem, in prima non potestis, quæ iam transacta est: in secunda non poterat fieri phlebotomia in hoc uiro, quia fuit exacerbatio febris, ut audistis in acceptione non licet phlebotomare, nec euacuare: ergo in tertia debuit fieri phlebotomia. At hoc non erat faciendum in Philisco, qui proximus erat morti, quicquid egissetis semper moreretur, quicquid moliremini, omne id uanum esset: Nam si non potuit euadere, nec curari in manibus Hip. qui erat unus ex proceribus Medicinæ, quanto magis creditis, quod moreretur in uestris? Bene sciuisse Hip. mittere sanguinem: sed quid iuuisse? actum erat, magis actum esset in manibus uestris: Tamen uidetur oppositum, mortuus est in sexta curante Hip. in manibus nostris non uult mori etiam in xx. diebus.

In curando Philisco inueniebantur indicationes circa curationem ipsam, quid agendum esset, Relictis cæteris omnibus conditionibus limitantibus hanc indicationem uersabamur in tota explanatione tantum circa hanc permitendo quantum, et quomodo agendum, et cæteras limitationes, quæ ad omnes rectas actiones pertinent. Dicebamus quod medicus imitatur naturam, et facit idem in suis operationibus, quod natura facit: quoniam omnis morbus, qui à materia dependet plerunque, imò semper materiam causam coniunctam habet, quæ effecit, non efficit amplius, et est subiectum, cui immediatè inhaeret, et à quo



quo conseruatur: est altera materia actu efficiens morbum, & ita est causa, ut partim efficiat, partim effecerit: Est alia, quæ est antecedens, & hæc non effecit, nec actu efficit; sed apta est, & factura morbum, nisi impediatur, & prohibeatur ipsius actio. prima causa, & proxima febris sunt uapores putridi immediate facientes febrem; si putrida, ponentes humores cordis incalescent esse: si pestilens, ut erat ista putrefaciens etiam humores cordis, à quibus ut à causa materiali dependet, qua posita ponitur febris, & qua remota remouetur: si non remouentur hi uapores putridi, nunquam remouetur febris: & cum primum in corde positi fuerint, sequitur febris. Alia causa est quæ partim effecit, & partim actu efficit, & est putredo, uel humor actu putrescens. Causa antecedens non actu efficiens, effectura tamen febrem, nisi impediatur, est humor, qui nondum putruit, sed est paratus ad putrescendum, ut proxime putrescat, nisi provideatur. Dedimus exemplum in febre tertiana, & has singulas causas patefecimus: ostendimus quomodo remouendæ sint: Dixique procedendum esse eodem modo, & eadem uia in Philisco, & inuenimus ista tria, quæ remouenda sunt. neque uerò potest remoueri causa coniuncta, quæ effecit, et nunc fouet febrem, nisi prius remoueatur causa efficiens, & antecedens, & indicatio ab illa sumpta dicitur simpliciter absolute curatiua, operatio est simplex curatio, cum remouemus causam materialem, uel coniunctam proprie curamus. Dicebamus quoque tollendam esse causam efficientem, quæ partim effecit, partim efficit: cum partim

piæ



# COMMENT. MONTANI

putruerit, partim putrescat ab hac media, & mista materia sumitur media quædam indicatio, quæ dici potest curatio, & præseruatiua operatio, præseruatio, uel curatio, ut etiam testatur Gal. Antecedens tertio remouetur non efficiens, non materialis, sed effectura, nisi impediatur: ideo indicatio, quæ sumitur ab ista causa remouenda præseruatiua est simpliciter, operatio est simplex præseruatio, præseruamusq; ne humor, qui nondum putruit, putrescat, & febrem augeat. Non potest ergo tolli febris tertiana non ablata causa coniuncta, hæc non potest remoueri, nisi remota causa media efficiente, quæ est humor actu putrescens, à quo eleuantur uapores putridi petentes cor, humor putridus intra uenas existens remoueri non potest, nisi prius ablato humore, qui nondum putruit, neque putrescit, sed postea putrescet. ergo de primo ad ultimum non euacuabitur materia coniuncta, neque febris tolletur non ablata causa antecedente, à qua est incipiendum in operatione, & si ultima sit causa in inuentione per resolutionem finis: Et consequenter medicus incipit à præseruatione quadam, ut remoueat hunc humorem nondum putridum, ne putrescat, & ut possit auferre proximam causam febris. bene intelligatis, quando dico, quod non potest tolli causa propria febris non ablati his, intelligo ut Gal. intelligit, qui quandoque dixit quod causæ quædam sunt propriæ causæ morbi, à quarum ablatione aufertur & morbus: quædam sunt, à quibus morbus non dependet, sed ut ipse inquit, sunt causæ sine quibus non, & sunt causæ præsuppositæ, idest, quod propriæ



priæ causæ non tolluntur non ablati his prius : propriæ  
 causæ præsupponunt communes remotas : non possumus  
 remouere causam coniunctam, nec curare morbum, nisi  
 istæ remoucantur. ergo sunt causæ ex quarum ablatione  
 aufertur morbus, idest, sine quibus non remouetur, quia si  
 ne his non tolluntur propriæ causæ. Sed quænam est  
 causa putredinis? Audiatis eam, dicit Arist. in 4. Me-  
 teororum quod putredo fit propter redundantiam humi-  
 di, quando humidum abundat in aliquo subiecto, & calor  
 naturalis misti debilis existit uel propter redundantiam  
 humidi, uel propter debilitatem caloris naturalis, idest,  
 aut ratio formæ, aut ratione subiecti & materiæ, &  
 intelligo nunc quod calor ille sit forma subiecti, in quo est,  
 sicut quandoque etiam Gal. appellat calorem formam mi-  
 sti. Ratio formæ igitur, idest, ratione caloris natiui du-  
 pliciter, aut quoniam calor naturalis ita debilis, & pau-  
 cus, aut extinctus, ut dimittat humidum extrahi ad exte-  
 riora misti à calore præter naturam : Quandoque calor  
 potens, & ualidus est, tanta tamen est humoris copia, ut  
 ab illo suffocetur, & non possit humorem regulare, nec  
 gubernare cum tamen in se ipso ualidus sit : uitium non  
 est ratione formæ, sed caloris, qui se tenet ex parte for-  
 mæ, sed ratione materiæ & subiecti, quod non potest re-  
 gulare. Sicut quandoque dicimus concoctionem uitiatam  
 esse non ratione caloris, qui in seipso fortis est, sed ratio-  
 ne subiecti concoctioni rebellis, ut quando non concoqui-  
 tur os cerasi in uentriculo hominis, & si calor sit uali-  
 dus non concoquitur, quia non est aptum concoctioni, nec

po=



# COMMENT. MONTANI

potest concoqui à calore : Si esset materia apta ad concoctionem, concoqueretur : calor agens est ualidus, oportet ut passum sit proportionatum, non quodlibet agit in quodlibet. Duobus his modis dicimus calorem esse causam putredinis, uno modo quia in se debilis est, alio modo propter humoris redundantiam. in hoc morbo erat facta putredo primo quidem propter humores, & propter plenitudinem, quæ fiebat ex multitudine ipsorum humorum, aggregati fuerant multi humores, & consequenter facta plenitudo, quæ multitudo humorum cum superaret calorem naturalem, qui etiam in se debilis erat & infirmus humores non possunt regulari, nec gubernari à calore non superstitite : unde coguntur putrescere accedente calore non naturali, qui extrahit humiditatem ab interioribus ad exteriora. uitium est in ipso calore, quia debilis : & in subiecto, quia magna copia humorum, humidum pollet supra caliditatem non superstitite calore, repletisq; uenis humorum multitudine dilatari non possunt, constringuntur, & obstruuntur meatus, calor suffocatur, & non euentari possunt arteriæ, in quibus spiritus continentur, coarctantur à uenis, quæ repletæ sunt humoribus. præterea meatus obstruuntur tum ratione multitudinis, tum ratione crassitie. quo fit ut calor non euentatus non possit humores regulari, spiritus non possunt penetrare per totum corpus, non regulati putredini dimittuntur. Aut ergo propter calorem, aut propter redundantiam humorum putrent. Facta euacuatione huius redundantie humorum duo iuuamenta sequentur, ut ex ipsius præsen-



sentia duo nascebantur nocumenta, & impedimenta. primo quidem humor, qui redundat euacuabitur, & melius calor poterit gubernare, & regulare minorem quantitatem, corpusq; reddetur euentabile, & transpirabile, ut calor innatus, & spiritus euentari possint, quibus euentatis putredo prohibetur. Audiuiſtis quod putredo fiebat ex prohibita transpiratione: si dilatabuntur, & aperientur meatus, fiet transpiratio, facta transpiratione non erit putredo. Videte, quomodo non possumus remouere putredinem, quæ est causa febris, nisi remoueatur humor nondum putridus causa sine qua non: ista est uere causa, sine qua non potest tolli putredo, si non tollatur, obstructio tolli non potest, non ablata obstructione putredo non auferetur. ergo de primo ad ultimum non sublata obstructione, quæ sit ab humoribus in corpore existentibus putredinem non auferemus, quæ est causa proxima febris, idcirco medici etiam uulgares cum accedunt ad curandam febrem putridam primo euacuant humorem illum, qui nondum putruit, & dicunt euacuandus est humor, qui se tenet, ut loquamur modo Medicorum, ex parte causæ antecedentis, non nisi experientia ducti, & si careant methodo, Tamen nisi accesserint ad euacuandam materiam antecedentem, quæ non putrescit, neque facit febrem, sed factura, & sine qua tolli non potest febris, non poterunt remouere ea, quæ sunt remouenda pro curatione febris. Ideo statim euacuant materiam antecedentem, quo modo debeat euacuari? non expectetis nunc dicetur suo loco, ut secundum rationem, & methodum procedere sciatis. Atque



## C O M M E N T. M O N T A N I

que hæc hæcenus audiuitis quoad causam antecedentem attinet, à qua sumitur indicatio præseruatiua, & cuius re motio simplex est præseruatio. Quantum ad quantita- tem pertinet hoc tantum habeatis, ut minus quàm opor- tet euacuetis. Vnde bene dicebat Gal. in xi. Therap. quæ legatis omnino, sunt ista Gal. qui Dicit cap. xiiij. uel xv. non memini rectè uerba: Quando fuerit putredo in cor pore, & humor putridus euacuandus, ut remoueatur fe- bris, & tu prius uolueris causam antecedentem euacuare humorem non putridum: Caue ne euacues quantum re- quirat multitudo sanguinis abundantis, sed dimittas repo ni sanguinis aliquid in membris. Quare? Quoniam si tantum euacuares, quantum indicatur à multitudine sub- traheres totum alimentum membris solidis, & uirtus de- bilitaretur, debilitata postea non sufficeret in pugna, nec posset remoueri putredo, & cogerere nutrire. unde aut febris ex nutrimento augetur, aut si non nutrias, uir- tus deijceretur, non sustineret ad tollendam putredinem: neque enim euacuatio humorum per sanguinis missionem remouet putredinem, bene id, quod proxime putresciet, si non euacuaretur, prohibet ne fiat putredo in reliquo humoris; non remouet quod factum est. Vt igitur suffi- ciat natura in remouenda putredine satius est relinquas aliquid sanguinis, quod sit proprium partibus animalis alimentum, quàm exquisitissime euacuare, ne aut copio- sius nutrire cogaris, aut uirtus deijciatur. Et propterea uidete quomodo Galenus semper idem dicat, quod nos con firmamus, quoniam ab eo non discedimus, nec dissentimus,



mus, semper fundamenta Gal. sequimur, quo modo euacuatio sit facienda audietis postea. Facta euacuatione causae antecedentis humoris non putridi in Philisco, deinde ad euacuandam, & ad remouendam materiam putridam accedendum est, à qua sumitur indicatio mista, quae est praeseruatiua, & simul curatiua: Si remoueamus humores putrescentes actu intra uenas praeseruatio est, quia prohibentur uapores fuliginosi putridi ne eleuentur, & ascendant ad cor, & misceantur cum humoribus cordis, quos ponant in calefacto esse, ut in putridis, uel in putrefacto esse, ut in pestilentibus. Et ideo ex hac parte praeseruatiua dicitur, indicatio curatiua ex parte, quae euacuatis id, quod iam putridum est: praeseruamus, & prohibemus, ne febris augeatur, & auferimus quod factum est remouendo putredinem, & putridos humores. Quo modo procedemus? putredo duobus modis facta fuit & propter ipsum calorem naturalem, qui paucus, & infirmus est in pestilentibus; propter obstructionem: obstructio autem fit ex humorum multitudine, & uisciditate, atque crassitie, quae quidem obstructione opplentur meatus, oportet tollere obstructionem: tollemus si fecerimus illum humorem putridum exhalare, & resolui: cumque sit humidus, indigemus exiccatione: si prouenit ab obstructione facta ex humore redundante opus est remouere, remouetur cum his, quae exiccant remouentia putredinem, quaeque cum exiccatione aperiunt meatus cutis, & humorem putridum crassum abstergnunt, uiscidum incidunt: incidunt quidem, quoniam humor sua crassitie facit

V

ob=



# COMMENT. MONTANI

obstructiones implendo poros: Humores autem crassi sunt abstergendi, uiscidi incidendi: ostendimus etiam hoc in illo nostro paruo libello, quem edendum curauimus, ostendimus quomodo in principijs conueniunt absterfua cum incisuiis, ut fere quæ incidunt, abstergant, & cum aperientibus procedendum est, quæ sunt ab illis diuersa: aperitio & incisio sunt diuersarum naturarum, ut ibi quoque ratione probauimus, ita tolletis putredinem abstergentibus exiccantibus, incidentibus, & aperientibus, atque rarefacientibus, quò possit exhalare humor, qui putridus est. Quod & uidetis facere quotidie sequentes uestros medicos, qui ita procedunt, quando uolunt remouere putredinem maximam in pestilentibus febribus ducti experientia, & ratione communi, aqua oritur tota methodus; licet isti non habeant methodum, methodo tamen carentes hoc modo curant, sicut & qui methodum habent, curant eodem modo: sed postea in hoc differunt, quod his utuntur indiscriminatim sine ulla ratione, nec habent principia, ut etiam nesciant quandoque quid agant, Experientia tamen docti accipientes ab his, qui præcesserunt, medicis cum meri sint Empirici aiunt & ipsi conformiter, post lenitionem & post phlebotomiã, atque euacuationem per sanguinis missionem conuenire, & exhibent syruos, & Electuaria quæ incidendi uim habeant, abstergendi, & aperienti. Syrupi quibus utuntur medici in febribus pestilentibus ad has intentiones sunt syrupus de succo acetosæ, siue syrupus acetosus: syrupus de acetositate citri: Et isti sunt communes omnibus istis. Quia his syrupis utuntur curationem pesti-



stilentium putantes posse præstare. De acetositate qui-  
 dem citri uim habet incidendi propter acetositatem, & ex-  
 iccandi: sciuitis enim alias tum ex quinto de simplicibus  
 medicamentis, tum decimo libro, quæ acetosa sunt, incidunt,  
 & quia sicca exiccant. ad hoc igitur propositum maxime  
 faciet, sicut & alia acerba, ut oxyacanthum, Ribes, Syru-  
 pus de Berberis. Quæ omnia & consimilia cum acida  
 sint incidunt, & exiccant. Ex eo autem, quod sunt acida  
 habent uirtutem incidendi & exiccandi. igitur exiccando,  
 & incidendo ad profundum penetrant: Nam quæ exicant,  
 inciduntq; parando sibi uias penetrant usque ad profun-  
 dum: cum penetrarint, ut dicit Gal. aperiunt, et abstergunt.  
 Et quoniam intentio nostra est remouere putredinem,  
 & ad hoc faciendum, ut proposuimus, indigemus abster-  
 guis, incisuis, aperiuntibus, & exiccantibus, quia omnia  
 ista conueniunt tum in acetositate citri, tum in succo ace-  
 tose: idcirco syrupi de acetositate citri, & de succo aceto-  
 se erunt in hoc casu præstantissimi: quibus propterea me-  
 dici quoque uulgò utuntur. Dicet quis hoc loco, non con-  
 ueniunt. Non uideo, quod medici utantur syrupo de ribes,  
 nec syrupo omphacino seu de agresta, de oxyacantho, seu  
 de berberis, nec de uuis immaturis, ut isti dicunt de uua  
 acerba: Non utuntur his, qui incidunt, abstergunt, &  
 exiccant. ergo neque isti conueniunt: cur his & non illis?  
 Non utuntur his syrupis, quia & si conuenirent hac ra-  
 tione, qua habent uim exiccandi, abstergendi, & inciden-  
 di: tamen non conueniunt, quia astringunt: Nos autem  
 cum uelimus remouere putredinem, aperiuntibus obstru-



# COMMENT. MONTANI

Etiones indigemus: si utamur his, quæ incidunt, abstergunt,  
 & astringunt uel plus, uel saltem æqualiter non modo  
 non iuuamus, sed etiam plurimum nocemus: astringenti-  
 bus augentur obstructions, & putredo consequenter,  
 & ipsa febris. ideo his non utuntur medici: illis uerò u-  
 tuntur, quia non astringunt, & sine notabili astrictione  
 incidunt, & omnes intentiones nostras in his febribus per-  
 ficiunt. Ego non possum aliter credere, quod isti homines  
 boni certe non haberent optimum ingenium, & optimam  
 indolem, & uidentur habuisse methodum, uos ut detis: Et  
 fortasse dicam uobis unum, quod illi qui inuenerunt, & in  
 usum conduxerunt hos syrupos habebant aliquam metho-  
 dum. Hac ergo ratione noui nostri ducti, & experientia  
 elegerunt syrupum de succo acetosæ, qui hæc omnia præ-  
 staret, quia in eo nulla est notabilis astrictio, licet acetosus  
 sit abstergat, & incidat, est tamen sine omni astrictione,  
 iuuabit nihil asserens nocumenti. Hinc est acceptum,  
 quoniam uiderunt quid Gal. uelit in quarto de simplici me-  
 dicina in cap. ubi agit de acidis, iubens experiri uim medi-  
 camenti acidi, dicit nos debere experiri acciditatem synce-  
 ram sine ulla astrictione in acetosa: ideo maxime conue-  
 nient: sed si acetosa conuenit, quia omnia præstet cum in ip-  
 sa nulla sit notabilis stypticitas longe magis conueniet suc-  
 cus citri, propterea quod in succo citri est acciditas, &  
 longe subtilior, quàm succus acetosæ simplicis: quanto sub-  
 tilior est succus citri, tanto minus habet de stypticitate: ra-  
 tio est, quia stypticitas fundatur infundamēto crasso terre-  
 striq: Aciditas uero simplex in materia terrea, attenua-  
 ta,



ta, & subtilium partium. quanto igitur simplex habuerit minus de materia crassa terrea, tanto minus habebit de stypticitate: quanto subtilior, tanto acidior sine astringitione, ut bene docebat Gal. in eo cap. & nos in eo nostro paruo libello, succus citri est subtilior, & habet materiam tenuiorem succo acetosæ, & sic minus stypticus. Ea quæ sunt minus styptica & cum hoc habent aciditatem subtiliora & magis penetrantia, conueniunt magis in febribus pestilentibus, quia minus astringunt, & magis penetrant: ex quo facilius possunt operationes suas præstare. ergo consequenter succus citri magis conueniet, quàm succus acetosæ, & in his febribus omnium erit præstantissimum. Accedit ad hunc succum præter partium subtilitatem, & minimam stypticitatem uis alia diuina, nam acetositas citri habet uirtutem Bezoar, ut loquar more Arabum & nostrorum medicorum, qui legerunt Arabas: Bezoar est apud Latinos Antidotos contra uenena, & hæc uis conferre uidetur in pestilentibus, quæ, ut dicunt noui, uidentur fieri à qualitate uenenosa nescientes ulterius, quicquid sit, conuenit quoque uirtus ista Antidotaria, quæ non est in acetosæ. His omnibus rationibus ego dicerem Syrupum de acetositate citri præponendum esse Syrupum de succo acetosæ; Dicet aliquis quomodo est subtilior? quomodo, & unde cognoscis tu quod succus citri subtilioris sit substantiæ, quàm succus acetosæ? ab effectu, effectus est, qui ostendit causam occultam: Et uobis declaro: Accipiat is succum acetosæ in aliquo uase, & succum citri in alio uase fictili ligneo uel stanneo: ponatis in succo acetosæ aliquid duri, ut exē



# COMMENT. MONTANI

pli gratia lapidem friabilem, uel ouum durū, deinde in succo citri ponatis similiter uel lapidem, uel ouum: permittatis q; utrunque ita per aliquod tempus æquale, ut per noctem: extrahatis ambo eadem hora, & tempore, uos uidebitis, quod lapis, uel ouum in succo acetosæ ferè nihil mutatum erit, nec mollicatum: ouum autem quod fuit in succo citri, uel limonis cum esset durum, nunc molle erit, ut possit etiam extendi in suas dimensiones maiores: si fuerit lapis, ita mollietur, ut etiam si tangatur conteratur in partes minutas seu minimas. Hoc mihi uidetur signum maxime probabile, quod succus citri sit subtilior, quia magis penetrat partes profundas, & magis attenuat, hoc testatur experientia: non oportet sensui repugnare: Medici maxime nituntur experientiæ, etiam quod ratione inuenerint semper experientia confirmant, illa est in qua ipsi fundantur, imò dico quod experimentum, & ratio sunt duo instrumenta medicorum, nec unum sine altero potest stare in arte medica: Et ut bene dicebat Galen. in Therapeutica experimentum, & ratio sunt duo crura, quibus sustentatur medicus in ambulando, ratio quidem est ut crus dextrū quod dirigit progressum animalis, ita ratio dirigit medicum in operando: sinistrum sequitur, & animal super eo sustentatur dum alterum mouetur ulterius: ita postq̃ medicus ratione directus est ad operationem, experientia confirmat id, quod ratione inuenit: Quod si animal amittat unum crus uel dextrum, quod dirigit progressus, uel sinistrum quod sequitur, claudicabit: ita si medicus sit sine altero duorum instrumentorum uel ratione, uel experientia



tia claudicabit in operando; nec recte sciet medicari, ut Empirici sunt, & secta Methodica, alij ratione, alij experientia sola nixi. Dogmatici uero scient ambulare, quia habent duo crura. Atque ratione, & experientia probatum est succum citri præstantiorem succo acetosæ, non ita astringit: Ego bene scio, quod multi fuerunt temerarij, & pertinaces, qui nolunt exhiberi syrupum de acetositate citri, nec de acetosa, quia dicunt oportet cauere omnia astringentia in febribus pestilentibus, & in omnibus putridis: in acetosa est stypticitas non sola aciditas. ergo non conuenit: hæc est causa & ratio cur abhorrent syropos illos: Et primus huius erroris autor fuit Curtius: Errat pace tanti uiri dicā: Non credatis istis, decipiunt uos, arguunt ex malo intellectu, si intellexissent uidissent se esse in errore, fundantur in exemplo, quod nos superius attulimus, et falsò citant textum: Accipiuntq; locum illum de oxalide, & falsò arguunt, nec intelligunt textum, & illum habent falsum. Deprehenduntur, & conuincuntur errore manifesto. Dicunt quod Gal. habeat oxalidē solam habere aciditatem, id est, quod sola oxalis acida est inter alia olera, Non hoc uult Gal. habet suam conuersam affirmatiuam, in oxalide est sola aciditas: imò propria uerba Gale. sunt ista: Expertus sum in oxalide syncerum esse saporem acidum sine ulla stypticitate, uel acerbitate sensibili: Faciunt argumentum suum in secunda figura ex duabus affirmatiuis, quod non ualeat, nec concludit cum peccarit in forma, & ponunt hanc propositionem, sola oxalis acida est: non est uerum, textus ista habent conuersam, sola aciditas est



# COMMENT. MONTANI

in oxalide: Neque diceret hoc Gal. quod aliæ herbæ non habeant aciditatem præter oxalidē; quia uidemus, & sensu percipimus in multis alijs esse saporem acidum: Esset amentia dicere unam hanc herbam acidam: intelligendus est Gal. sicut ipse loquitur, inter acida inuenies simplicem aciditatem esse in oxalide sine aliquo sensu acerbitatis: si hoc diceret; dicerem quod non esset Gal. & ipsum relinquerem: sed non dicit, quia semper uerum dicit. & ideo sequor Galen. in omnibus, neque in hoc illi contradico, si aliter ille diceret relinquerem, magis amica ueritas, sed non aliter sentit: Videatis locum, secundum doctrinam Gal. loquor. iure igitur optimo medici nostri utuntur his duobus syrups in febribus pestilentibus, qui omnia requisita præstāt: primo exiccant, abstergunt sine abstrictione, incidunt, & præparant ad expulsionem, incidendo & abstergendo præparant humores expulsionem, cum sint putridi humores præparati expelluntur, & euacuantur: neque aliquod nocumentum inferunt etiam si parum astringentes: Alij non conueniunt, qui styptici sunt, illi non habent notabilem astringentiam. Si uolumus etiam unum maius addere, quoniam sumus in hac cathedra, ut doceamus artem eo modo, quo doceri debet, ut practicam quoque intelligatis: scitis quod paulo ante abstinebamus ab astringentibus, & stypticis in remouenda putredine: astringentia nullo modo debent admitti. Quia intendimus remouere putredinem, putredo fit ob meatus obstructos, oportet illos aperire: si utamur astringentibus, obstructio augetur; astringuntur pori, prohibetur magis euentatio, & putredo.



tredo fit maior in humoribus . ideo à cura tum putrida=  
 rum, tum maxime pestilentium remouere debetis, quæcun=  
 que sunt styptica, & ab eis abstinere, ne putantes remoue=  
 re putredinem augeatis: Verum est, sed non ab omnibus:  
 non debet esse propterea regula, & ius uniuersale cum  
 aliquibus utimur non modo non abijcimus, sed pro præci=  
 puis habemus: uerum est præceptum de his, quæ ita astrin=  
 gentia sunt, ut astringendo prohibeant euentationem.  
 Sunt aliqua tamen quæ cum modica sua stypticitate iuuât  
 ad tollendam putredinem: Videtis quotidie quod unus=  
 quisque medicus in putridis febribus utitur syrupo de Ci=  
 chorio, de Endiuiâ, syrupo Rosato ex infusione; omnes  
 utuntur his Syrupis, & licet in illis sit aliqua stypticitas,  
 fœliciter tamen succedunt, & maxime conferunt ad pu=  
 tredinem remouendam, non potest aliquid offendere mo=  
 dica stypticitas. Quod sint astringentes Syrupi, hoc o=  
 stendunt ingredientia. Gal. & alij qui describunt simpli=  
 cia dicunt cichorium stypticum esse, & Rosam habere  
 partem terream astringentem, ut etiam gustus testatur:  
 Si degustetis Rosam, stringit linguam, tamen dant noui  
 Syrupos ex his confectos in putridis, & postea iubent  
 abstinendum à rebus stypticis astringentibus, uidetur es=  
 se contradictio in Gal. & quod isti sibi contrariantur.  
 Debetis aduertere in hoc, quod stypticitas potest multis  
 modis esse in simplicibus, & compositis, quæ abstergant,  
 incidunt, & exiccant: aut abstergentia, & incidentia ha=  
 bent stypticitatem, quæ superetur ab abstersione, & inci=  
 sione, ita ut magis abstergant, & incidant, quàm astrin=  
 gant,

V V gant,



# COMMENT. MONTANI

gant, sicque pauca est astrictio, & infirma, & tunc non modo non impedit apertionem, & penetrationem, sed magis adiuuat ad penetrandum usque ad profundum, & adiuuat omnes effectus illius medicamenti. Si stypticitas superet, uerum est quod impedit abstersionem, & omnem operationem modicè adiuuat. Distinguendum igitur est ne decipiamini. Hic dicet aliquis, Est imaginatio tua, sunt chymerae, & peccas per fallaciam: Est regula Topica, sicut se habet magis ad magis, ita simpliciter ad simpliciter, & multum ad multum &c. Si in toto genere ualet, et uerum est quod ea, quæ sunt styptica astringunt, & obturant poros claudendo, nunquam poteris mihi persuadere, quòd ea, quæ minus astringunt, non astringant; Verè est simpliciter, omne stypticum astringit ne? ergo id quod minus stypticum est astringit. Bene uerum est, quod astringat, quia etiam minus stypticum: Sicut magis ad magis, ita minus ad minus, simpliciter ad simpliciter, ut dicebamus: Non propterea potes dicere, quod non astringat, minusq; astringat, quàm quod magis, aut simpliciter tale: Est fallacia ex falsa imaginatione. Non negamus quod styptica astringant, & minus styptica astringant, non audiuitis hoc à nobis, Non possumus hoc dicere per regulam Topicam. Dico quod illa modica stypticitas, & astrictio existens in his medicamentis non impedit abstersionem, aut incisionem, sed adiuuat penetrationem, & ad apertionem facit: Fateor quod astringant, astringendo penetrationem iuuant. et probo primo autoritate, deinde ratione: Autoritate, quia scio multos esse, qui



qui nisi uideant omnia in Gal. nolunt audire doctrinam rationalem, ut sunt hi, qui in ratiocinando non sunt exercitati: Hæc est sententia Gal. in tertio de simpl. med. Vbi agit de oleo rosato, & de Rosa. Dicit quod in Rosa est leuis quædam astrictio, & stypticitas, quæ non prohibet penetrationem, sed magis adiuuat, & facit quod Rosa licet sit crassarum partium citò, & facillime penetret, quia astrictio modica comprimit, & comprimendo compellit, ut penetrent ad profundum non occludendo sibi uias: est debilis, non potest astringere uias: Et dabat exemplū, Gal. quod in proposito commodissimum fuit, ut unusquisque uideat ita esse, ut dicimus. Vidistis infarcientes & facientes ista nostra Lucanica: Aperiunt primo intestinū, deinde carne infarciunt, post astringunt, astringentes faciunt id, quod infarctum est penetrare, & ita deinceps infarciunt, astringunt quoad totum impleuerint intestinum: Si manu ita tenuiter non astringerent non posset caro descendere, nec totum repleri intestinū. Vide quem admodum leuis astrictio non modo non occludit sibi uias, uerum etiam compellendo facit penetrare: ita inquit Gal. in quocunque medicamento, ut Rosa, quod penetrat ad profundum cum tamen astringat, & stypticum sit: astrictio facit ipsum magis penetrare: aperit primo, & penetrat, quoniam subtilium est partium, & quod subtile penetrat, cum penetrarit astringit modicè: astringendo compellit id, quod penetravit, & adiuuat ulteriorem penetrationem medicamento, tam abstergentis, quā incidentis. probat hoc de Rosa & accipit sensum, probatq; expe-



# COMMENT. MONTANI

perimento sensato magnus experimentator Gal. inquit  
Auer. tertio colliget, & ubicunque contra ipsum in phy-  
losophia loquitur, quasi laudet ipsum in experientia: iu-  
bet, ut accipiatur oleum commune, quo in cibis uti sole-  
mus, & oleum Rosaceum, ungatur corium utroque o-  
leo in diuersis partibus corij, longè citius penetrabit, &  
humectabit oleum Rosatum, quàm oleum commune, non  
alia de causa, nisi ratione astringtionis, quæ est in Rosa, il-  
la pauca stypticitas adiuuat penetrationem, & facit quod  
oleum compellendo petat interiora corij, tanquam à ma-  
nu impellente petit profundum corij citius, quàm sim-  
plex oleum. ideo syrupi, qui leuiter astringunt, incidunt  
magis, & abstergunt cum penetrare debeant, si facturi  
sint abstersionem, & incisionem: ab astringtione quadam,  
moderataque stypticitate iuuabuntur, & conuenient in  
remouenda putredine: non nocebit modica astringtio, ma-  
xime faciet ad penetrationem, consequenter abstergent,  
& incident magis, isti præter hoc, quod astringtione mode-  
rata iuuant penetrationem medicinarum confortant etiã  
membra naturalia, præter incisionem, & abstersionem,  
quibus putredo remouenda est, addunt tonum, ut inquit  
medici membris naturalibus ad nutritionem destinatis, ui-  
res naturales restaurant, & refocillant: quibus præci-  
puè indigemus stante putredine: Et hoc uobis perpetuũ  
esse debet. Gal. semper præcipit quando sunt applicanda  
relaxantia, & aperientia uentriculo, aut alijs membris  
naturalibus, ut nō applicentur, nisi cum his mista fuerint  
aliqua astringentia, styptica, ne tonus amittatur, & si non  
est



est restauretur. Astringentia vires ualidas reddunt, con-  
 coctionemq; & omnes operationes naturales fortificat:  
 Hoc conuenit in pestilentibus, in quibus vires statim con-  
 cidunt concoctiones destruuntur. Omnibus igitur conue-  
 nient isti syrapi: Sunt modo aliqui syrapi, & aliqua sim-  
 plicia, in quibus astrictio maior est, quàm incisio & ab-  
 stersio, longe magis astringunt, quàm penetrent, abster-  
 gant, aut incidant: ut syrapi de Omphacio, de uua imma-  
 tura acerba, De Berberis, & multi consimiles, qui non  
 conueniunt, nimis astringunt, de his procedit ratio, quod  
 augerent putredinem, non est amplius modica astrictio,  
 quæ iuuat penetrationem, sed astrictio auget obstructio-  
 nem: Neque nos concedimus talia astringentia. Audiui-  
 stis qualia intelligamus, & rationem quare conueniant:  
 Debetis aduertere, ut exerceam magis uos in his particu-  
 laribus, in quibus consistunt actiones, & ut omnia habea-  
 tis, quæ haberi possunt. Queritur utrum amara conue-  
 niant pro hac intentione? Videtur quod conueniant: pri-  
 mo exiccant, exiccando prohibent putredinem, quæ remo-  
 uenda, quippe quæ causa est putrefactionis. Vnde uide-  
 mus multa conseruari per longum tempus à putredine  
 sale, & amaris rebus, ut cadauera, & carnes porcorum,  
 & aliorum animalium absumendo, & exiccando humi-  
 dum superfluum. Et Mesues dicit quod Aloe prohibet  
 putredinem, quia amara est, & conseruat corpora mor-  
 tuorum diutius à putredine immunia. Vnde Ruffus ille  
 magnus uir, & medicus clarissimus de quo Gal. & om-  
 nes Græci confecit pillulas, pastillos quosdam ad pestem  
 pro-



## COMMENT. MONTANI

prohibendam, ex Myrrha constantes, Aloe, & croco, sciens omnia hæc amara prohibere putredinem exiccando. ergo si exiccant, & prohibent putredinem præstabit, quod quærimus in pestilentibus: Exiccant, incidunt, & abstergunt magis, quàm acida, quoniam sunt in materia subtili attenuata à calore præpotenti, imò amara præter incisionem aperientia sunt, & absterfua magis, & euacuant humorem putridum. Videtur itaque quod amara sint maxime conuenientia, & magis, quàm acida eisdem met rationibus: Deberemus dare potius syrupum de Scordio, de Absinthio, De Cichorio simplicem, & reliqua amara, quæ conueniunt in tollenda putredine. Dicimus, quod non damus amara, quoniam habemus calorem acutum: amara calefaciunt, magis acuerent ipsum, & auerent, aucto calore deijceretur omnino uirtus, & periculum esset, ne interimeretur, & exiccationem nimiam timeamus: amara sunt admodum sicca, exiccando ita ignem, ac ingentem facerent calorem, ut moreretur. Siccitas adauit calorem, & est lima ipsius caloris, ut dicunt philosophi, quoniam addita calori acuit, & facit ignire: Hac ratione cauemus ab amaris, ne maius sit nocumentum, quàm iuuamentum incidendo, aperiendo, & abstergendo: sunt nimis calida, & nimis sicca: Quod si quandoque damus amara, refrenamus parum cum refrigerantibus eorum calorem, & siccitatem. Cur syrupus de Scordio in pestilentibus maxime conueniat dicemus in alia intentione, ubi naesti erimus maiorem occasionem. Syrupi sunt isti, quibus uti debemus in febribus pestilentibus, ut prohibeamus putredinem



tredinem, & euacuemus humorem putridum. Si uultis conficere Electuaria poteritis secundum eandem intentionem ex istis medicamentis simplicibus conficere, ex quibus, & Syrupi componuntur, ut idem præstent Electuaria, quod & Syrupi.

Circa igitur rem nostram, si recte intellexistis in hæsterna explicatione nos proposuimus circa febrem pestilentem Philisci, quomodo esset curanda secundum indicationem communem, quæ est quid agendum: & primo quomodo sit remouenda causa antecedens, quæ nondum efficiens est, deinde quomodo causa efficiens mista, quæ partim efficit, partim efficit tollenda esset, & quomodo erat indicatio mista ex præseruatiua & curatiua; ostendimusq; quemadmodum utrunque faciamus, circa has duas indicationes satis diximus. Erat modo tertia illa, & ultima indicatio curatiua, quæ tollit causam coniunctam proximam actu morbum conseruantem in esse, non efficientem: Et ita nos dicebamus materiam coniunctam in pestilentialibus esse humores putridos, & uapores in corde existentes, Et quoniam ista est in essentia febrium reddebamus superius differentiam, qua differunt inter febres putridas, & pestilentes, nisi cognouissetis hanc differentiam non habuissetis essentiam pestilentium, & consequenter errassetis in curatione. Dicebamus formam & characterismum, ultimamque differentiam febris pestilentis esse summam, quæ esse potest, putredinem in humoribus cordis, Hoc caractere & in esse suo constituitur, & ab omni-

ni-



# COMMENT. MONTANI

nibus alijs distinguitur : Nam si humores cordis ponantur incalefacto esse, ut loquamur modo communi, fit putrida simpliciter non pestilentialis : ponuntur autem humores isti incalefacto esse in alijs putridis præter pestilentes, quoniam uapores putridi eleuati ab humoribus actu putrescentibus in corpore siue sint in uenis, siue extra uenas, nihil ad rem refert, eleuati inquam hoc modo ascendunt ad cor, cum humoribus in corde permiscuntur, & per contactum illos faciunt ignescere, non propterea tamen putrescunt, sed ex intenso calore ebulliunt, & igniuntur, ita fit febris putrida à uaporibus putridis, ut causa materiali, qui faciunt per contactum ebullire humores cordis. Vbi modo est putredo maxima, ita ut humores cordis contabescunt, non modo ignescunt, sed suscipiunt contagium & contabescunt : non amplius est putrida simplex, sed putrida cum additamento pestilens propter augmentum ipsius putredinis, & propter summam putredinem, ut dicebamus. Itaque supponitur quod febris pestilens sit de genere putridarum, est tamen differentia, quâ distinguitur, & constituitur in suo esse formali, & quâ contrahitur ad suam speciem, quia in putrida simplici humores ebulliunt, & ponuntur incalefacto esse : in pestilenti uerò est quid aliud maius : nã nõ modo ignescunt, uerum etiam putrescunt, & contabescunt. Quod si ulterius putredo transeat, & perueniat ad substantiam solidam cordis dicitur febris pestilens hectica : Et hæc est doctrina Gal. à quo nunquam recedimus, non est noua imaginatio, Et si præter ipsum nullus ex Antiquis recte distin-

stin-



stinxerit essentiam huius febris. Nec aliquis ex posterioribus hactenus, quem nos uiderimus ex his, qui peruenerunt ad manus nostras, nullus adhuc intellexit sententiā Gal. neque distinctum habuit conceptum de hac febre, præterquàm id, omnes dicunt, quod & uident tanquàm in somnis: nullus distincte rem explanauit, aut acu tetigit, ut patet cuilibet ex suis scriptis. Nos id præstitimus, ut aperte noscatis opinionem, & sententiam Gal. quæ talis est, qualem declarauimus, omnia sunt Gal. aperte, & distincte tradita, quæ ille obscure, & confuse docuit: nisi intellexeritis distinctissimè omnia hæc, non poteritis indicationes distinctas sumere, nec distincte operari. Si uultis recte curare, oportet quod curetis sumpta indicatione à notione finis, qui cum ignoratur & indicatio confusa, & ignota est: bene potestis remouere antecedentem, & efficientem causam, quam cognouistis. At remouere causam coniunctam nunquàm scire poteritis ignota essentia febris, cum omnis indicatio oriatur à notione finis, & omnis nostra operatio inchoet ab ipsa natura rei. Vt igitur tertiam indicationem expleamus, oportet remouere causam coniunctam, & proximam materiam: materiam in qua, non matricem proprio modo, ex qua fit compositum, cum febris ista habeat formalem rationem, & materiam in qua fundatur proxima forma humores putrescentes in corde, materia in qua, uel causa coniuncta dicatis quomodo, docunque, non curo, dum rem intelligatis, & ne erretis propter nomina. Non potestis remouere febrem, idest, formam febris calorem igneum præter naturam, nisi re-



# COMMENT. MONTANI.

moueatis antea humores putridos, qui sunt in corde, & sunt causa coniuncta, in qua essentialiter fundatur calor, nec remouetur, nisi remoueatur subiectum proximum. Et ideo indicatio, quae sumitur ad curandas febres pestilentes non est ita simplex, ut in alijs putridis cum sumatur indicatio à causa proxima, & coniuncta: & cum hae febres habeant hanc ultimam differentiam, à qua tota curatio desumitur, & praecipua indicatio super alias indicationes. Si curaueris putridas alias febres non pestilentes, sufficit ut remoueatis causam antecedentem, & efficientem, in pestilentibus unum additur, remotio causae proximae: curatio uero communis febribus non pestilentibus putridis, cum febris pendeat ab humoribus calefactis in corde ob uapores ascendentes ab humoribus putrefactis, est, ut remoueamus materiam, unde fiunt, & à qua eleuantur uapores putridi, ista est summa curatio: Quod hoc sit uerum uideatis in febribus intermittentibus tam diu durat febris, & paroxysmus, quàm diu durat, & perseverat putredo in humoribus, qui sunt in ambitu corporis extra uenas: quantum diu sunt humores putridi, tam diu ab his eleuantur uapores corrupti, & ascendunt ad cor, ponuntq; humores cordis in calefacto esse: neque cessat febris, nisi cessauerit putredo, & nisi remoti fuerint humores putridi: quia febris dependet à uaporibus immediate calefacientibus humores cordis, non cessat non desistentibus uaporibus: hi uero cessant cum deest materia, à qua continuè foueantur. hinc est quod consumptis humoribus putridis in corpore extrauenatis desinit febris, & intermittit. Si redeant, reiteratur



tur eo tempore, quo redeunt: signum manifestum quod humores cordis non sunt infecti in febribus putridis non per silentibus, sed tantum sunt positi in calefacto esse. Nam si essent infecti, & corrupti remotis uaporibus non remoueretur propterea putrida febris, remaneret causa proxima, à qua conseruaretur: at tamen uidemus remotis uaporibus febrem cessare. ergo nulla est putredo in humoribus cordis, cessant uapores ablatis humoribus putrefactis in corpore, propterea uera curatio putridarum est remotio causæ efficientis, qua remota remouentur uapores: si uapores ablati fuerint febris remouebitur. Sed notate quid dicat Galen. aliquando contingit, ut remotis uaporibus statim cessat febris. At quandoque etiam si fuerint ablati uapores, remanet aliquid impressum, ut caliditas aliqua, ad quam remouendam indigemus aliquo alterante, remanet febris, ratio formalis febris, oportet attendere causæ formali sumpta indicatione ab hac forma, quæ qualitas est, alterandum est ad contrarias qualitates cum refrigerantibus. Quandoque contingit, ut remotis etiam uaporibus sit facta firma impressio in corde, uel dispositio fixa cum remouistis materiam, ut superius audiuitis in hectica contingere post putridam febrem, tunc oportet simul refrigerantibus, & humectantibus uti. Vera ergo curatio putridarum est remotio uaporum, & causæ efficientis: sed siquid interdum remanet, ut contingit tunc sumitur uera indicatio alterandi solum ad contrariam qualitatem, ut refrigerantibus remouendi caliditatem impressam. At in pestilentibus non ita se habet, et si remoueat uapo-



# COMMENT. MONTANI

pores putridos, & causam efficientem non remouetis febrem pestilentem, remanent adhuc humores putrefacti, et corrupti in corde. Et notetis, ac bene sentiat is quando dicimus humores cordis putrescere, non intelligimus omnes putrescere, sed solum partes aliquas, alias non: quia si tecti putrescerent, non uiueret homo, intelligimus putrescere, ut pomum putridum dicitur, quando aliqua pars pomi putrescit non totum pomum, sicut quoque quando dicimus sanguinem putrescere non intelligatis totum prorsus putrescere, sed ita intelligatis, ut secundum partem aliquam putrescat: quia si totus sanguis putresceret non staret uita per minimum temporis, quæ in sanguine fundatur: ex quo certè generantur immediate spiritus, qui sunt instrumentum proximum uitæ: putrido siue putrefacto sanguine spiritus deficiunt, deficientibus spiritibus non uiuit amplius homo: ad bonum sensum ita intelligendum est partem sanguinis putrescere, cum partem sibi retineat natura, ut in illa sustineatur. Quapropter cum non possit remoueri febris pestilens per remotionem uaporum, & causæ efficientis: quia remanent adhuc humores corrupti in corde, à quibus immediate dependet: corruptos dico, non secundum totum, sed secundum partem, oportet remouere humores istos. His duobus igitur peractis, euacuata causa efficiente, & antecedente poteritis accedere ad tollendam causam coniunctam, humores in corde putrescentes. quomodo remouebitis, & quomodo tolletis putredinem à corde, ut febris remoueatur: medicamentisne? Debetis eligere medicamenta, quæ habeant præcipua: primum debent



bent esse exiccantia, quia resistent putredini, remouemus putredinem maxime exiccantibus remouendo humidum, quod est causa putredinis: deinde quæ odorata sint, ut recreent spiritus, & restaurent debilitatos, & diminutos à maxima putredine humorum, ex fætoe læduntur, & diminuuntur; nihil est, quod magis noceat spiritibus ipsa putredine, & fætoe, qui nascitur à putredine. Vnde medici communiter acceperunt, quod dolor, & fætor sunt de maxime prosternentibus uirtutem: et quidem iure optimo, quia, ut dictum est, deficientibus spiritibus, qui à fætoe re diminuuntur, deficit uita: calor & spiritus non differunt subiecto: calor autem uel est animæ substantia, uel instrumentum proximum animæ, ut alias à nobis audistis ex doctrina Gal. Ergo cum spiritus sint instrumentum uirtutis, ut ueritatem dicam, si uirtus debet operari, oportet eam habere idoneum instrumentum, si non fuerit idoneum, non recte operabitur. in pestilentibus deficit instrumentum diminuti sunt spiritus, & illi quidem corrupti. igitur oportet refocillare spiritus, recreati redduntur apti ad expellendam putredinem, & dant modum agendi uirtuti, & ita uirtus deiecta refocillabitur adeo putredine affecta exhibendo odorata. postremò eligimus medicamenta, quæ habeant Bezoar, ut dicunt Arabes, & medici nostri, qui sectantur Arabas, id est, quæ habeant uirtutem insitam à forma specifica, ut resistent putredini, & ueneno, ut ipsi dicunt: à Græcis ὀλεξ φάρμακα ἀντίδοτα. si possumus habere unū simplex, quod omnia præstet, eligimus libenter: sin hoc deest, multa simul cōponimus, ut ex multis cōpo-



## COMMENT. MONTANI

fitis simul omnes intentiones habeamus ex uno simplici u-  
nam, & ex altero alteram. Et est una utilitas compositio-  
nis medicamentorum simplicium, ut habet Gal. in primo  
de medicamentis secundum loca. Itaque habemus quod uo-  
lumus remouere febrem pestilentem remouendo humo-  
res, & putridos uapores, qui sunt in corde: & quod hoc  
perficere possumus per medicamenta habentia hæc tria  
copulata exiccationem, & odorationem seu odorem, &  
etiam Bezoar nō curemus de nominibus, etiamsi sint Ara-  
bica, & Barbara, ut omnes intelligant: quia medici nostri  
maxime illi, qui sunt seniores, quiq; habuerunt doctrinam  
à patribus nostris, magis intelliguntur dicendo Bezoar,  
uel Bezard, q̄ dicere *αλεξφαρμακον*: Vt illos intelliga-  
tis loquendum est suo modo: Loquendumq; est ut multi,  
sentiendum ut pauci. Hactenus mansimus in uniuersali,  
oportet nunc ad particularia magis descendere. ista medi-  
camenta duplicia esse possunt uel calida, uel frigida. Qua-  
lia debemus eligere? Quia uolumus refrigerare eligen-  
da sunt frigida, ut refrigeremus caliditatem febrilem: sed  
quia cordi applicamus, ut ipsi subueniant, non conueniunt  
simpliciter frigida: debetis admiscere aliqua calida: primo  
quia simplicia non ita penetrabunt ad cor maxime intrin-  
secum: secundo quia non est refrigerandum ita, neque sim-  
pliciter frigida applicanda cordi, quod fons est, & prin-  
cipium uitæ, & caloris innati: cuius frigida sunt inimica,  
& uitæ. ergo addenda sunt aliqua calida, quæ hoc nobis  
præstare possint, ut refrigerantia refrangent, & pene-  
trationem adiuuent: medicamenta illa sunt optima, in qui-  
bus



bus omnia ponuntur secundum rationem, ut iuuamentum sine nocumento percipiatur, sunt conuenientissima medicamenta condita ratione, ut si per causas inuestigemus ingredientia, omnia secundum rationem posita inuenimus, nihil temere, & omne commodum: Vnde medici illi antiqui quando componebant medicamenta, ita componebant, ut medicina esset iuuamento, nulli nocumento; & iucundior, quoad eius fieri posset, componentes soporifera miscabant ea, quæ calida sunt cum soporiferis refrigerantibus, ne ex eorum summa frigiditate animal offenderetur, id experiri poteritis in Philonio, si legeritis compositionem ipsius, uidebitis multa in eo calida, licet pro basi frigida habeat; illi boni uiri composuerunt summo artificio hoc medicamentum, id uidebitis in theriaca cum frigidis calida mista: imò apud Gal. hoc est perpetuæ ueritatis, ut semper misceamus aliqua frigidis, quæ calefaciant cum uolumus componere medicamenta, quæ cordi sint applicanda, uel quæ debent penetrare ad interiora: hoc præcipit Gal. propter has duas causas miscenda calida in compositione frigidi medicamenti, ne tantum refrigeret, & ut magis penetret. Quare in proposito eligenda sunt medicamenta nostra frigida, quoniam aliqua sunt frigida, & cum his ad miscere aliqua calida. Demus exemplum: primo occurrit nobis Scordium simplex frequentatum apud omnes medicos curantes has febres, calidum est, & siccum, usitatum in uenenatis: xedoariam uero Græci recentiores xaduram dicere soliti sunt, dixi recentiores quia apud Gal. non fuit nota hæc herba, sed apud posteriores Græcos actuarium



## COMMENT. MONTANI

uoco recentiores, Oribasium, Paulum, Aetium, omnes ap-  
pellant zadoram uocabulo potius barbaro, quàm Græco:  
Nos uerò Latine zadoariam nuncupamus: ista est calida,  
& sicca in secundo, confert maxime cordi, & habet Be-  
zoar contra uenenum, & putredinem à forma specifica.  
Habent græci autores recentiores non antiqui ut Pau-  
lus, Oribasius, Aetius, & alij aliam herbam consimilem,  
quam Arnabo appellarunt, utuntur nominibus Barbaris,  
non Græcis: primo appellarunt zorumbel, Arnabal, Ele-  
bar, postea Arnabo: nam incipiebant conuersari cum bar-  
baris, & declinare ab illa summa maiestate medicine, quæ  
fuerat usque ad Galen. Videte quæ nomina barbaræ: po-  
stremo inuentum est nomen Doronizi, & iam consuevit  
appellari ab omnibus, ut nunc cognoscatur ab Officina  
Doronizi: sciunt quidem isti nomen, sed rem non: ignorât  
enim quid sit isti, qui uersantur circa simplicia, nec agno-  
scunt ueram radicem: Ad nos defertur radix dura dulcis,  
sed Doronizi romana est amara nō dulcis, imò ista, quā  
habemus totum oppositum habet ei, quod inquirimus: nos  
uellemus uti hac radice, ut exiccet, & odorē habeat; quo  
cōfortet spiritus: hæc nostra inutilis radix est humida, fla-  
tuat humores mirū in modū, Venerē incitat, et flatuosus  
spiritus repugnat subtili spiritui, deberet exiccare, hume-  
stat: ergo non modo inutilis est radix, quā nos habemus  
ad id quod inquirimus, quia quærimus ea, quæ habent pro-  
prietatē cū corde, uerū etiam maxime contraria. Eijcia-  
tis igitur à uestris officinis Doronicū, & loco eius eliga-  
tis zadoariam, explebit quod requirimus. Dico igitur  
quod



quod possumus accipere scordium, uel zedoariam. Est quoque Carpesium, quod putant aliqui esse Cubebas, qui sunt in maximo errore, & conuincuntur ignorantia. Nam Gal. aperte in lib. de theriaca ad Pysonem asserit Cubebas esse baccas: Carpesium sunt quædam parua ligna, quæ sunt eiusdem uirtutis, licet diuersa simplicia: et quia Carpesium non habemus possumus uti Cubebis loco Carpesij, sunt ambo subtilis substantiæ, calida exiccantia, & eius uirtutis omnino, qualem quærimus in proposito. Et quandoque ego accipio Cubebas ad eandem intentionem loco carpobalsami, ex quo illo caremus. præterea Ambra, Muscus, & quæ currunt cursu horum, ista omnia conueniunt in his febribus, quia obtinent tria à nobis intenta tum exiccationem, tum odorem, tum uirtutem Antidotariam contra uenena, & contra putredinē: Hæc sunt calida medicamenta conuenientia in pestilentibus, Frigida sunt Sandala, Rosæ, Camphora, Bolus Armenus, Terra lemnia, Coralla Margaritæ, semina citri, & alia consimilia frigida exiccantia, quæ huc etiā spectant odorata, & habet uirtutem Bezard, resistendi ueneno. Sed nec ista, nec illa simpliciter sunt exhibenda, nec admittenda, miscenda sunt simul cum his calida, ut uis utriusque frangatur: illa quidem nimis calefaciunt, ista refrigerant, nec penetrarent, quia sibi uiam occludunt. Sunt tamen aliqua, ut semina citri, semina pæoniæ, quæ conuenirent, & multa alia ferè infinita, quæ omnia hic nō sunt connumeranda potius pro exemplo hæc numerauimus, ut alia possitis inuenire idonea medicamenta: Potestis com



## COMMENT. MONTANI

ponere ea simplicia, quæ frigida & calida sunt ad eam  
 mensuram, & proportionem, ut frigida superent in com-  
 positione. Si intentio nostra ex indicatione est, ut minua-  
 mus & auferamus putredinem, & causam coniunctam,  
 oportet primo ut simplicia exiccantia sint, ut remoueant  
 causam putredinis frigida, ut calori putrefacienti, & for-  
 mæ ipsius febris resistent, Vt modo conducantur frigida  
 ad cor, & possint penetrare aliqua calida mista cum his  
 id præstabunt, confortabunt spiritus, & calorem innatū.  
 Ex his omnibus potestis uobis conficere pulueres, &  
 Electuaria, de quibus exhibebitis quando, sicut diximus,  
 uultis remouere causam antecedentem, qua remota uultis  
 remouere humores putridos, qui sunt in corde, ut causa  
 coniuncta, ablata antecedente efficiente, et coniuncta cau-  
 sa fecistis quicquid faciendum est in cura pestilentis: ista  
 est cura regularis in pestilentibus, nec aliter procedendū  
 est, nisi modo quandoque cogamur ab hac uia deflectere,  
 & opus sit aliam aggredi, quam uocant medici curam  
 coactam ad differentiam regularis. Quandoque sunt sæ-  
 ua symptomata, & ita sæua, ut deiciant uirtutem, & in-  
 terficiant; cogimur statim succurrere symptomatibus, ut  
 illa remoueamus; neglecta cura morbi accedimus ad sym-  
 ptomata coacti, ne curantes febrem interim moriatur æ-  
 ger: hoc non est proprie curare, sed cogi ad tollenda  
 symptomata. unde non malefaciunt medici nostri cum ui-  
 dent tantum lapsum, & uirium imbecillitatem in his febrili-  
 bus exhibent prius, & ante omnem curationem ea, quæ  
 sint corroborantia & confortantia. Quod si uos aggre-  
 die-



diemini coacti, non faciatis nisi cum protestatione; quoniam ut plurimum male succedit, nos autem loquimur nunc de cura regulari, quæ per methodum habitam fit per remotionem causarum. Est & alia curatio diuertendo uapores putridos à corde, ne faciant febrem putrefaciendo humores, qui in illo continentur, & est potius præseruatio à pestilente, quam uera curatio, & est curatio Ruffi magni Oribasij, & Aetij: qui iubent lenire corpus linimento confecto ex nitro, oleo, & aqua, misceantur, & decoquantur deinde liniatur corpus totum. Hoc linimento uapores, qui ad cor ascenderunt diuertuntur, et ad cutem trahuntur, ut potius ægritudo fiat in cute, quam in principio uitæ: maxime cum natura, ut plurimum solet per hanc uiam euacuare, & expellere materiam, & uapores illos. Vnde uidetis apparere sæpiissime maculas illas similes puncturis, & morsuris pulicum, quas uulgo petechias uocant, hæc, ut dixi, est potius præseruatio, de maculis nunc nihil dicam, quæ fere semper apparent. Et quoniam maiorem habebimus occasionem in sequenti casu, in quo maculæ apparuerunt, ut audietis, docebimus quomodo fiant, quid sint maculæ, & quomodo curandæ sint, non amplius in his immorabimur. istæ sunt indicationes à causis, & essentia morbi curandi, quæ indicant quid agendum, nec possunt mutari, quæ sunt perpetuæ ueritatis in quocunque tempore, in quocunque loco, & regione: in quocunque corpore semper hoc faciendum est, ut ad tollendum morbum antea remoueantur causæ, respiciendo essentiam morbi semper hoc tenendum: sed sunt,

quaua



## COMMENT. MONTANI

quantum, quomodo, quando, ubi agendum : quæ cum ab essentia non oriantur uariantur, & faciunt uariari eas, quæ ab essentia sunt, quandoque limitant, & diminuunt; quandoque prohibent. Notate inuenimus quid agendum, non sufficit hoc scire, oportet scire etiam limitantia hanc nostram actionem, & sunt quantum, quomodo, quando, & ubi. Si ista nescietis, non curabitis ægritudinem, & si quid agendum sciatis exquisitissime: ea enim sunt quæ uariant indicationes essentielles, quæ ex se non possunt mutari. Ex quo ægritudo talis est, estq; in Philisco, qualē audiuistis, & quod remouenda ablatiis causis ipsius: uersati sumus circa illas tres causas, & uidimus quid agendum, quibus remouendæ sint singulæ causæ, ut totam habueritis, quantum ad has indicationes attinet curationem; oportet ut habeatis limitationes quomodo hoc faciendū? A' quonam sumemus modum agendi? A' moribus ægritudinis. Nam mores aliqui sunt maligni, & detestandi, Græcè dicuntur, κακοειδεις, prauī, prosternentes uirtutem; aliqui non maligni sunt: alio modo procedimus, quando prosternunt uirtutem, atque aliter quando non sunt maligni, nec deijciunt uirtutem. præterea uidendus est habitus corporis, aliter curamus pinguem, aliter gracilem, non musculorum: tempus aliter in principio, aliter in statu: in tempore anni aliter hyeme, aliter æstate. Debemus etiam considerare ætatem, temperaturam, regionem, exercitium, & cætera huiusmodi: ab his etenim oritur modus operandi, & curandi. Debemus igitur in curatione qualibet primo contemplari morbum, & mores

res



res ipsius morbi. Hic habemus mores κακονθεis prauos,  
 & malignos. Audiuitis in prima statim die fuisse febrē  
 cacoethicam, acutam, & malignam: indigebamus euacua-  
 tione humorum, qui huius erant causa. Et quoniam mo-  
 dus repletionis indicat modum euacuationis uidebatur e-  
 uacuandum esse: audiuitisq; quod materia intra uenas  
 erat putrida, biliosa, crassa cum sanguine mista, ideo in-  
 digebamus missione sanguinis per regulam Gal. sed quo-  
 niam materiae putridae erant, & corruptae, malae, pro-  
 pterea à moribus morbi accipiebamus, ut exhiberemus e-  
 xiccantia, absumentiaq; superfluam humiditatem; odora-  
 tam propter imbecillitatem uirium, & paucitatem spiri-  
 tuum à putredine magna, ut ipsam confortarent deiectā,  
 & debilitatem restaurarent: quaeq; haberent uirtutem  
 propriam resistendi putredini à formali sua ratione. Et  
 ut possemus euacuare per phlebotomiam, praemittendam  
 diximus esse lenitionem alui: dedimus decoctum Thama-  
 rindorum, in quo decocti essent pulueres cordiales simul  
 cum syrupo rosato solutiuo. Ex Thamarindis habere-  
 tis omnia bona, exiccant, refrigerantq;: confortaretur  
 uenterculus, euacuarentur humores putridi, qui sunt in  
 primis uenis, & habent confortare cor: & sic extin-  
 guent calorem febrilem. Ex syrupo rosato solutiuo  
 habebimus ex rosis quod refrigerarent, confortarentq;  
 cor, & corroborarent spiritus; euacuant humores ad-  
 uustos inflammatos, qui effervescent cum euacuantur, eua-  
 cuanturq; intestina fecibus, & omnibus excrementis: e-  
 ducuntur materiae à primis uenis, qua praemissa lenitione  
 pos-



# COMMENT. MONTANI

possumus tutò accedere ad phlebotomiam. Et ita habetis modum, & typum operandi in hac curatione. Quantum modo euacuandum sit, & quoad usque agendum sumitur tum à uirtute, tum à multitudine materiæ euacuandæ: multitudo materiæ indicat multitudinem euacuationis: hic erat multa materia. ergo copiosa debuit esse euacuatio, et multum quidem euacuaremus, si solum respiiceremus materiam, nihil aliud esset inspiciendum; sed uirtus imbecilla non tollerabat multam euacuationem, & limitabat nostram operationem. Quis esset ille, obsecro uos, qui copiosè euacuasset in tanta uirium penuria, et infirmitate? ut qui non potuerit sustinere usque ad septimam defunctus est in sexto. non erat igitur facienda copiosa missio sanguinis, ut uirtus posset tollerare. idcirco oportet ut parum euacuemus: suntq; hic duæ indicationes oppositæ, & omnino contrariæ: altera quidem à uirtute, altera à materia, utrique satisfacimus, ut tamen uirtus superet, atque præualeat, Euacuamus propter materiam, parum propter uirtutem. De tempore quando agendum medici quoque tempora seruant: Temporibus medicina nocet, data tempore prodest, dicebat Poeta. Oportet ut obseruemus tempora. Quando agendum, à quo sumitur hæc indicatio, & limitatio? A coctione, & cruditate materiæ, à signis coctionis, & cruditatis hoc habemus: exempli gratia, hic non est materia concocta: ergo debemus expectare coctionem: cognoscemus factam coctionem ex signis ipsius coctionis, quum primum concocta fuerit, euacuetur. Nam si tentaretur euacuatio cruda,



da, non concocta materia agitaremus materiam, & uirtu-  
tem debilitaremus. Et præter hoc quod nõ haberemus id,  
quod intendimus, peius faceremus, agitaremus materiam,  
& uolenter agitatam præcipitaremus ad aliquam par-  
tem nobilem, & principalem: unde fieret aliqua inflam-  
matio. Sed in hoc casu, quia erat ægritudo acuta, & ma-  
ligna non debemus expectare signa coctionis; statim e-  
uacuanda est? Si non euacuaremus in principio, non da-  
retur amplius intentio ad euacuandum, nisi euacuassetis  
in alio mundo, hoc est aut apud inferos, aut apud campos  
elios, siue superos: nec enim alio in seculo locus datur  
alius: in inferno forsitan potuisset purgari. postea in sex-  
ta mortuus est. Erat ægritudo acuta, non dabat inducias,  
oportebat facere, quod faciendum fuit in principio mor-  
bi: in acutis passionibus eodem etiam die operari oportet.  
Est & alius Aphorismus; in acutis. Si quid uidetur  
mouendum, moue in principio: non poteris postea moue-  
re. Erat igitur necessarium lenire aluum, & per mis-  
sionem sanguinis euacuare: quia expectanda non erat  
concoctio, propterea poteratis materiam mistam cum  
sanguine euacuare per euacuationem illam, quæ non ex-  
pectat coctionem, & quæ euacuat materiam subtiliorem,  
& adhuc mistam cum sanguine: talis est missio sangui-  
nis. Secamus itaque statim uenam non expectata coctio-  
ne, prius tamen lenita aluo, quæ est euacuatio non multũ  
trahens à longinquo, quæ euacuat ea solum, quæ continen-  
tur in primis uenis: quæq; euacuari possunt sine ulla co-  
ctione. ideo medici non debebant in hoc casu expectare  
con-



## COMMENT. MONTANI

concoctionem, idest signa coctionis in urina, quia interim mortuus esset : bene, & commodè sine ullo nocumento poterat fieri nec euacuatio secta uena, lenita aluo : Debetis semper in acutis aggredi euacuationem etiam eodem die. itaque bene intelligatis Hip. & Gal. non ut sonant uerba, sed mentem eorum percipere, repetere scripta, et complicare omnia simul, & recte intelligere non more barbarorum, quoniam Hip. habet principia Artis uera, et secundum principia docet. Hæc de tempore euacuandi, & aggrediendi curationem. De ubi quid dicemus. A quo sumitur hæc indicatio? hæc sumitur, quando particularis fuerit ægritudo à loco affecto, in quo est : Locus affectus est, qui indicat, ubi applicanda sint remedia, quia illā uocamus ægritudinem particularem, quæ est in aliqua parte determinata. ubi ægritudo, ibi remedia applicantur. At si fuerit morbus uniuersalis, ut est febris, quæ totum corpus occupat, tunc non debetis esse ad modum solliciti de loco, ubi agendum : Ex quo totum corpus laborat. in Philisco præter febrem uniuersalem erat inflammatio in liene, locus erat lien inflammatus : & sic lieni debebāt applicari, quæ remouerent inflammationem, & inflammationi resisterent à principio : Quia erat inflammatio in principio adhuc materia fluebat, non erat concocta. oportebat igitur refrigerantibus uti, & illa lieni applicare. Et medici ducti solum experientia in inflammatione à principio procedunt cum his, quæ reprimant, & refrigerent, ne augeatur inflammatio fluente materia : qui dicunt in principio repercussiuus utendum. Consentaneum ergo

ra-



rationi fuisset, ut remota febre, uel saltem præmissa eius curatione, ut reprimeretur inflammatio particularis, ne cresceret, & fieret sæuior ægrotudo: quæ cum esset in liene, debebant remedia lienì applicari refrigerantia, & reprimentia in principio: et ita lien locus inflammatus indicabat ubi agendum. Habetis totam curam perfectam huius febris: de reliquis indicationibus quomodo, quantum, quando, et ubi copiosius etiam dicemus, nunc tantum ipsas proposuimus, nō omnia sunt uidenda in uno casu, ut superius dixi, sitq; terminata curatio propter uos, & propter commodum uestrum, & aliorum omnium: cras de casu si leni tractabitur.

SILENUM qui in Platamonis ædibus prope filios Eualcidis habitabat, ex lassitudinibus, potationibus, & exercitationibus intempestiuis ignis corripuit &c. Iste est, quemadmodum uidetis secundus æger, qui in ea constitutione, quæ fuit tertia in Thaso, ægrotauit in ipsa, quæ admodum Philiscus antecedens. Quo genere ægrotudinis laborauerit, & quæ perpeßus sit symptomata nos semper cum Hippoc. & seorsum per discursum considerabimus. Habetis ergo primo hystoriam quandam, qua narratur casus huius uiri: dicit quod silenus, qui habitabat circa ædes Platamonis incidit in febrem ex comestionibus, & potationibus, atque intempestiuis exercitationibus &c. Circa quod debetis scire, quemadmodum illa est uaria opinio quod Hippoc. non bene, sed uanè, & superflue meminit de loco, in quo erat Silenus, sicut uanum fuit posuisse in Philisco, Videtur quod uanum sit ita meminisse de lo-

Y cis



## COMMENT. MONTANI

eis particularibus in ciuitate, in quibus habitant ægroti,  
 quia nihil ad curationem faciunt. Dico non immerito hoc  
 dixisse, connumerauit locum, in quo erat Silenus, non ut  
 distinguat ægritudinem, quia nihil facit ad curationem, nec  
 ad cognitionem ipsius: sed ut distinguat unum Silenum ab  
 alio, ne confundantur, qui legunt hos casus. Si recte aduer-  
 tatis uos inuenietis Hippoc. in hac eadem tertia sectione  
 primi libri dicere alium quoque Silenum ægrotasse in ter-  
 tia constitutione, qui in sexta mortuus est. Fuerunt & alii  
 Sileni præter hunc, qui in xi periit, hunc ut ab alijs di-  
 stingeret, qui in eadem constitutione anni ægrotarunt,  
 quos etiam ipse curauerat, ne confunderentur, & cum de  
 uno loqueretur, putaremus de alio, propterea per locum,  
 in quo habitabat separauit, & dixit Silenum corripuisse  
 febrem, qui habitabat in ædibus Platamonis apud filios  
 Eualcidis. nunc cognosceremus qui esset Silenus: sed dice-  
 re simpliciter, Silenus ægrotabat febre non potuisset à no-  
 bis distingui. Meminit igitur de loco non propter ægritu-  
 dinem, ubicunque habitasset febre laborasset, sed propter  
 personas, ut distingueret ægrotos, ut cognosceretur quis  
 Silenus fuit, qui hac febre correptus est ab alio Sileno: sed  
 hoc nihil, uel parum facit ad artem, neq; aliter curabimus,  
 quàm si esset alius, sciētes locum, in quo habitabat: sed quia  
 faciebat ad distinguendos locos, & nos etiam id admonui-  
 mus de loco, nō quia multum referat, sed propter quosdā  
 Sophistas, qui putarunt uanum esse aliquid, & super-  
 fluum, ut id quod de loco dictum fuit. quid facit? isti non in-  
 telligunt: antiqui, ut dicit Gal. cognoscebant homines di-  
 stin-



stincte, quando sciebant, quo in loco habitaret: Et Silenus, ut dicit Hippoc. qui febre egrotabat propter quas causas egrotavit? audietis nunc ab Hippoc. deinde discurremus per ea, quæ sunt notanda. Egrotavit à potationibus, comessationibus, exercitijs intempestivis, & immoderatis lassitudinibus: istæ fuerunt causæ febris, & hic est casus propositus, oportet omnia recte considerare, & singula speculari, ut medullam rei intelligamus. primo quantum ad lassitudinem, ex lassitudinibus dixit. oportet ut aliquid dicam de lassitudine, & quodnam sit suum genus, ut eius essentiam percipiamus, genus lassitudinis propinquum est exercitium, habet hoc aliud genus, quod est motus: oportetne, ut dicamus de motu, de exercitijs, deinde de lassitudinibus? maxime: ut uideamus quomodo lassitudines dependeant ab exercitijs, & quam occasionem prebent ægritudinum, ut uideamus quomodo ex lassitudinibus, & exercitijs immoderatis incidit in febrem. Quantum ad exercitium debetis scire, ut notavit Gal. in secundo de tuenda sanitate cap. secundo quod motus labor, & lassitudo hæc sunt tria, quæ à seipsis inuicem distinguuntur: quoniam motus est, ut genus magis uniuersale ad illa duo laborem, & lassitudinem, id est, ad exercitium, ut melius loquar, & lassitudinem; & est tanquam principium, ad quod sequuntur ambo, ut nisi præcedat motus, illa non sequuntur. Motus autem, ut ibi dicit Gal. est agitatio corporis in loco, ita ut corpus moueatur de loco ad locum alium. oportet igitur, ut sit motus localis uel secundum partes, uel secundum totum, si debet à nobis considerari quoquomodo fiat.

Y ij Sed



## COMMENT. MONTANI

Sed exercitium est quidem motus non quilibet motus, sed uehemens motus, ad quem sequitur mutatio anhelitus. Quando mobile ita mouetur uehementer, ut anhelitus in suis differentiis mutetur, & fiat maior, & crebrior, tunc uere fit exercitium: neque est adhuc exercitium, nisi habeat hoc, ut mutetur anhelitus. Vnde male illi medici faciunt, qui consulant exercitium faciendum usque ad sudorem, uel mutationem anhelitus: male in hoc determinant recentiores nostri, quia iste non est terminus exercitij ad omnes, sed tantum ad aliquos homines. Vario enim modo exercitium considerari debet, ut uarij sunt homines, qui exercentur: sed dicimus exercitium esse usque ad mutationem anhelitus formaliter, quia non dicitur exercitium, nisi ratione huius formæ. Nam tunc secundum formam appellatur exercitium, quando motus corporis eò deuenit, ut sit mutatio anhelitus, neque dicitur exercitium prius, quam habeat suam rationem formalem, quæ est, ut mutetur anhelitus. Quod cum ita sit non tamen propterea sequitur, quod in quolibet homine exercitium debeat fieri ad unum hunc terminum simpliciter, idest, ad mutationem anhelitus, hoc dicere est ignorare essentiam, & formam exercitij, & hominibus minime consulere sanitatem. Varij sunt termini, & debent esse exercitij, pro ut uidentur homines exercentes requirere. Nam, ut bene inquit Gal. exercitium est motus factus in corpore propter aliquem finem, idest, propter sanitatem, ut etiam dicit Ari. qui finis refertur ad hominem, qui se exercet: & pro uarietate hominum, ac personarum, qui se exercent, uariatur etiam exer-



exercitium, aliquando ad maiorem mutationem anhelitus debet terminari, prout uariæ personæ, & uaria corpora requirunt. Vnde Gal. diuidebat exercitia in ualida, & debilia: magna, ac parua, intensa, remissa; longa, et breuia, & sic dereliquis, ut potestis uidere in illo de tuenda sanitate. Sed de his non est nunc nostra intentio: satis sit uobis habere hoc pro confesso, quod exercitia uariantur pro uarietate corporum, & non habet semper unum terminum: in quolibet tamen homine si debet esse exercitium necesse est deuenire ad mutationem anhelitus, si debet fieri exercitium. iste est rectus conceptus exercitij, infra quem consistere non licet, sed bene superare. Quopropter habetis quomodo exercitiū differt à motu, ut à suo genere, cui ut species subiicitur, cum exercitium sit motus uehemens usque ad mutationem anhelitus, & etiam sua ratio formalis. & sic quodlibet exercitium motus est, non quilibet motus est exercitium: sed uehemens motus. Labor uero, & si melius diceretur lassitudo, quoniam ita dicunt græci, & textus græcus Hipp. ita habet ἐκ κόπων, non autem ἐκ πόνων, Ex lassitudinibus, non ex laboribus, ut bene interpres transtulit: lassitudo, uel labor est effectus ipsius exercitij, quandoque exercitium non fuerit factum secundum artem, & modum exercendi, uel quoniam non est occasio ad exercendum, uel quia hora intempestiua, nec idonea, nec in tempore fit exercitium, quomodocunque fiat exercitiū semper sequuntur lassitudines, uel propter extensionem horæ, uel inordinationem: in quocunque peccatum fiat, semper fiunt lassitudines, & istæ sunt tot, quot affectus



# COMMENT. MONTANI

potest pati corpus ex inordinato exercitio, & intempestiuo. affectus autem quos pati potest corpus, si simpliciter consideremus eorum formas, sunt quatuor: quod si tantum simplices, illi sunt tres, & ita tres simplices lassitudines: una & est quarta mista. si absolute consideremus earum formas quatuor omnino reperiuntur. Nam quando homo ualde exercitatur, uel intempestiue exercitatur fiunt lassitudines, prætermisimus hic unum necessarium, Est prius uidendum hoc unum, quod dimiseramus, postea redibimus ad lassitudines. præter conceptum, & rationem formalem, et suum genus quod est motus, ante quam eius affectiones dicamus, uideamus in qua hora, & quo tempore fieri debeat exercitium, ut sciamus tempore idoneo exerceri, & qua hora facto exercitio sequatur labor, & lassitudo, ut uideamus utilitates, quæ possunt haberi ex exercitio tempestiuo: quæque affectiones ab exercitio non tempestiuo. Exercitium est motus uehemens corporis. Ex uehementi motu quid sequitur utile? tria sequuntur utilia secundum naturam rei. si considereremus naturam exercitij necessario habentur tres utilitates, sequitur primum ex natura exercitij, quod solida corporis membra indurescant, fiant seipsis duriora, quomodo sequitur hoc? sequitur quoniam motus calefacit, & exiccat: Vnde si quis humor fuerit in membris collectus, in musculis, & partibus solidioribus, ut peccent frigidi, aquei humores propter inertiam, & torporem exercitium corrigit eos & exiccat: ex uehementi motu exercitij consumuntur, qui cum essent in membris laxiora & molliora ipsa reddebant. Quod subtilius est in humoribus,



ribus, resoluitur, & pinguedo absimitur. ex quo sequitur durities membrorum, & compacta fiunt magis exiccata, durities q̄; sequitur necessario ad siccitatem ipsorum. deinde motu excitatur calor, quoniam motus, & lumen adiuuant ad calefaciendum, imò ut dicebat Arist. hæc duo sunt causæ proximæ caloris, non quod motus, & lumen formaliter sint calida, & calefaciant, ut ignis calefacit: sed quoniam effectiue calida sunt, possunt actu calefacere per uirtutem non eodem modo, quo dicimus aliquem calefieri quando applicatur igni, uel quando ponitur in balneo, ista cum actu calida sint: uel quando corpus in radijs solis immoratur calefit, non eo modo calefcit propter motum, sed augetur calor ex agitatione, & ex illo motu per uirtutē, quā habet, ut agitando calefaciat, & augeatur quodam modo à seipso. ergo calor secundo excitatur, & ualidior redditur ex motu. tertio ex motu exercitij spiritus ipsi, qui nihil aliud sunt quā corpus, & subiectum caloris nō intelligendo de qualitate, sed de substantia, quatenus fluunt dicuntur spiritus, quatenus quiescunt, & dant uitam omnibus membris dicuntur calor, qui subiecto sunt idem, ratione formali differunt, ut aliàs abunde disputauimus. si per motum calor augetur, & calor à spiritibus non differat, spiritus quoque agitati mobiliiores redduntur, & fiunt magis apti ad mouendum, & ad fluendum. Et ita ex motu tria acquiruntur: primum utilitas est, quod solidiora membra duriora fiunt, quā prius essent, deinde calor excitatur: tum spiritus cum maiori impetu mouentur in corpore humano, membris duritiem, calori augmentum,



# COMMENT. MONTANI

& intensiorem, spiritibus impetum acquirit exercitium,  
 hæc tria consequuntur. Quid modo acquiritur ex his  
 tribus & quænam sunt horum trium utilitates? primum  
 fuit, quod ex motu, & exercitio acquisuerunt membra  
 solida maiorem soliditatem, & duritiem: ex qua solidita-  
 te, & duritie membrorum duo sequuntur utilia. primum  
 homines, quorum muscoli sunt indurati propter duritiem  
 maxime apti sunt ad exercitia, & ad laborandum, neque  
 ita facile incurrunt lassitudines, quia si habent musculos,  
 & membra duriora difficilius resolvuntur. durum enim  
 resolutioni maxime resistit. ergo magis durant ad ope-  
 randum, & longo tempore possunt persistere in opera-  
 tione, & sunt robusta ad laborandum, & ad mouendum,  
 non ita citò defatigantur, nec tam citò contrahunt lassitu-  
 dinem. deinde ex duritie membrorum homines acquirunt  
 robur, & fortitudinem in laborando, & exercendo. nam  
 robustiora sunt, & fortius exercentur corpora duriora,  
 ut sunt habitus Athletarum, quàm mollia corpora, quæ  
 inepta sunt ad motum, & citò defatigantur. neque uerò  
 sunt ita robusta, neque tam fortia in exercitio ut dura, sed  
 laxa, minimeq; compacta, ac facile resolvuntur. Ex motu  
 igitur, & exercitio duo consequenter habemus per soli-  
 ditatem membrorum, atque duritiem: primum est quod nō  
 defatigamur citò, sicut quando manemus in otio, uos quo-  
 tidie uidebitis homines otio uacantes siue otiosos non diu  
 posse tollerare laborem, pigrosq; & torpidos ad omnem  
 motum, ac citò defatigari. deinde habemus ex motu, quod  
 robustiores, & fortiores sumus ad mouendum, & ad ex-  
 erci-



exercitium. qui degunt in otio debiles: & infirmi sunt, ut se-  
re non possint laborare. Ex secundo quod est augmentū  
& excitatio caloris naturalis, aucto calore quid sequi-  
tur? sequitur, ut cum caliditas æqualiter aucta sit per  
totum corpus, totum etiam æqualiter nutriatur. ex-  
ercitium ergo iuuat nutritionem. Declaro, pri-  
mum attractiones ad singulas corporis partes fiunt  
robustiores, & meliores: caliditas est quæ iuuat at-  
tractionem, imò est illa, quæ omnes conficit operatio-  
nes: quæ attractio est materia ad nutritionem uniuscu-  
iusque membri, & est una ex quatuor actionibus natura-  
libus, quæ fiunt in quocunque uiuente, & si hæc deprave-  
tur, aut diminuatur sit, ut corpus non nutriatur quan-  
tum, nec quomodo oportet, sed diminutè, & imperfectè  
alatur, ac diminuatur diminuto calore. hoc igitur præ-  
stat nobis exercitium, ut totum æqualiter nutriatur quā-  
tum, & quomodo oportet: quia meliores fiunt attractio-  
nes ad singulas corporis partes, quod est longè utilis-  
simum: deinde facta optima attractione alimenti melio-  
res quoque fiunt concoctiones: facta optima concoctio-  
ne cum nihil aliud sit, quam assimilatio alimenti cum ali-  
to sequitur, ut fiat nutritio actualis membrorum, & ita  
membra nutriuntur optime: adhuc facta nutritione se-  
quitur, ut uirtus reddatur fortis, & robusta. Quo fit  
etiam, ut hac ratione robustiora euadant corpora. Nam  
ut rectè dicit Galenus in secundo Therap. Virtus confi-  
stit in sanguine, & membris solidis cum bona fiat attra-  
ctio alimenti, & illius assimilatio, ac optima concoctio de-



# COMMENT. MONTANI

bet etiam esse maxima copia sanguinis, & bene nutrita membra solida, uirtutesq; in singulis corporis partibus debent esse ualidiores: quæ nec nutriuntur, nec humectantur illo humido substantifico tenui, & subtili, & Græci dicunt πλωρὺ, sed humido solidiori, & condensato propter calorem concoquentem, qui concoquendo semper incrassat. unde non ita facile resolvuntur, & magis resistunt extrinsecus, & intrinsecus alterantibus. præterea humores, qui sunt in corpore excrementa à calore attenuantur, concoquuntur, & separantur à bonis succis, et consequenter præparantur ad expulsionem. Quare aucto calore exercitium iuuat omnes actiones naturales attractionem, concoctionem, & nutritionem, & excrementorum expulsionem. quod si ita est maxime facit ad sanitatem, tandiu sanum est animal, quandiu optimè fiunt, in ipso operationes, & excrementis uacuum est. Videte quantam habeamus utilitatem ex secunda principali utilitate. Accedit modo tertium emolumentum, impetus spirituum, quem ii acquisiuerunt ex motu, & calefactione facta ab exercitio, ad impetum maiorem spirituum sequitur, cum habeant humorem attenuatum à calore, & separatum à bono nutrimento, quod aperit poros corporis, & ipsius cutis, & ualide expellit, quod præparatum est ad expulsionem, & reddit corpus transpirabile, ut calor possit euentari, ne accedat putredo. Vnde sequitur sanitas: propterea ex his omnibus ab exercitio corpus sanum redditur. ideo bene dixit Aristoteles, quod exercitium, & causa sanitatis in duplici genere causarum, & finalis,



nalis, & efficientis: Efficiens quidem est, quia effectiue  
 ut uidistis hactenus, causat sanitatem: Finalis quia finis  
 ipsius est sanitas: Exercentur enim propter sanitatem.  
 tstud est exercitium rectum, quod est causa sanitatis, si  
 hoc rectum scimus, poterimus etiam cognoscere obliquū.  
 si est causa sanitatis moderatum: ergo immoderatum est  
 causa morbi. Nam ut etiam dicunt dialectici, non cogno  
 scitur obliquum, nisi prius cognoscatur rectum, q̄ sui iu  
 dex est, & obliqui. Quotiescunque illi, qui exercentur su  
 perarint, & excefferint hanc metam, & eas conditiones,  
 præter naturam est exercitium, & est causa morbi, di  
 spositionis oppositæ sanitati: sequuntur alii effectus cum  
 superabundant. Ex his dictis sequitur quænam sit hora  
 exercitii idonea, & quod exercitium fiat in hora minime  
 idonea. Quando exercitium factum fuerit, cum reple  
 tum est corpus plurimis, & crudis humoribus præter  
 naturam, est & malum exercitium: quia si sint multi, &  
 pessimi humores intra uenas, non habet eas utilitates,  
 quas debet habere, ut est rectum exercitium. Notate,  
 hoc est ex natura exercitij. Natura exercitij, & utilitas  
 ad quam ordinabatur fuit, ut membra solida fierent du  
 riora, & solidiora: sed si fiat exercitium eo tempore quid  
 contingit. Non modo non fiunt membra dura, sed etiam  
 laxiora, & magis mollia, quam prius essent, cum in mē  
 bris sint plurimi humores crudi, & prauī, quia motu  
 exercitij non exiccabuntur, nec fient duriora solida mem  
 bra non exiccata, humores potius colliquantur ab exer  
 citio, & carnes molliores, atque pinguedines, colliquatiq;  
 humo=



# COMMENT. MONTANI

humores diffunduntur, & penetrant solida membra. ex quo magis etiam humectantur, & fiunt laxiora, & molliora, sequitur imbecillitas totius corporis, & lassitudo, & quandoque febris, ut alias declarandum est. Et calor innatus, de quo nunc loquor, debebat ab exercitio augeri, & corroborari non modo non augetur, nec excitatur, ut præstabat inter alia moderatum exercitium, sed magis debilitatur, & obtusus redditur. Nam calor naturalis à motu quidem debuit excitari cum subtilis, & uapores sit ab illo humore multo suffocatur, & retunditur à superflua eius humiditate, & cruditate, uel frigiditate: & ei quidem contingit, quod contingit igni, quando aqua proijcitur super ignem. uel quemadmodum quando igni apponitur glacies, & aqua congelata à calore ipsius dissoluitur, & colliquatur, quæ colliquata ignem extinguit, uel saltem minuit, & obtundit: ita propemodum quando humores prauis, & crudi colliquantur obtundunt, & remittunt calorem naturalem. Præterea spiritus debebant acquirere impetum ex ipso exercitio, & ad motum fieri promptiores, non acquiritur impetus, imo magis refrangitur humor crudus, aqueusq; colliquatur, colliquatus obstruit, & occludit meatus, factis obstructionibus non possunt libere pertransire spiritus eo, quo debebant impetu, sed & magis impediuntur à suo motu, nec tanto impetu mouentur. Vnde sequitur segnities, & captura quædam, ac si non possent impetere, ut sua natura postulat, non possunt excitari, ut debebat fieri, quemadmodum diximus sequi ad exercitium moderatum,

&



Et non possunt liberè transire propter humores colli-  
 quatos. ideo uidetis quæ incommoda sequuntur exercitiū  
 non naturale, et immoderatum non debito tempore fa-  
 ctum, omnia opposita efficit, quæ facit exercitium natu-  
 rale: et hoc apparuit ex natura exercitij. Ex eadem ra-  
 tione sequitur, quod non debet fieri exercitium post ci-  
 bum repleto uentriculo cibarijs: sed debet fieri ante ci-  
 bum, ieiuno stomacho dicūt nostri nouitij, quoniam si fiat  
 exercitium statim repleto uentriculo, nondum coctus  
 fuit cibus, attrahitur chylus imperfectus, et inconcoctus  
 ad ambitum totius propter expansionem caloris, distri-  
 buiturq; per totum: attracta materia ad hepar non con-  
 coquitur perfectè, sed diminute, et ita cruditas multa ag-  
 gregatur, quia sententia Auicennæ, et omnium medico-  
 rum primam concoctionem diminutam sequitur etiam se-  
 cunda diminuta: et cum tollitur prima concoctio, non  
 emendatur secunda. Oportet ergo quiescere post cibū,  
 et quiete concoctio perficiatur, si exerceatur sequitur  
 attractio materiæ crudæ ad hepar, et chyli inconcocti,  
 aggregata cruditate sequeretur, ut membra relaxaren-  
 tur, et molliora fierent: consequenter et imbecilliora,  
 uel in aliquam caderent ægritudinem: calor diminuere-  
 tur, spiritus à motu et fluxu impedirentur genitis per  
 totum obstructionibus, et tandem omnia fierent inconue-  
 nientia, quæ fuerunt in exercitio stantibus crudis humo-  
 ribus, et deprauatis intra corpus humanum. Vnde opti-  
 me Galenus in quarto illo de Tuenda sanitate dicebat, et  
 præcipiebat, ubicunque esset cruditas succi in uentriculo,  
 siue



## COMMENT. MONTANI

siue in uenis totius ambitus, (de utraque loquitur, ut poteritis uidere) nihil faciendum est, non oportet moueri, sed quiescere. Dicit ipse, non mouendum, non cibandum, non fricandum, non inungendum, sed quiescendum, & dormiendum esse. Quando ergo cruditas in corpore fuerit, mementote semper huius memorandi præcepti, nec unquam a mentibus uestris excidat, nihil faciendum esse, sed à cibis abstinendum, & ab omni operatione, & exercitio quiescendum, ut interim calor occupetur circa eius concoctionem, & perfectam digestionem. Qui exercentur disponuntur ad uarias corporis affectiones, & ut dixi, per cruditatem intelligatis secundum Galenum utramque tum eam, quæ in uenis est, tum quæ in uentriculo.

Quo posito bene sequitur non esse bonum, uel naturale exercitium post cibum: id quod non ignorans Hipp. ille diuinus, si unquam alius uir, adnotauit in sexto Epidemiorum, sectione sexta, commento sexto, inquit Hipp. Labor, cibus & potus, somnus, uenus, omnia moderata. Quid breuius obsecro, in quidue melius potuit dicere Hippocrates? id considerans Galenus in secundo de Tuenda sanitate cap. secundo, à principio dicit quod his uerbis Hipp. mira breuitate notauit nobis ordinem omnium istorum, simul & modum seruandum, ut tueamur corporis sanitatem: Dixit in fine Aphorismi. Omnia modicaria, & moderata. per hoc breuiter dedit intelligere modum, debere omnia esse moderata: per sermonem deinde suum, & ordinem orationis assignauit ordinem faciendorum pro tuenda sanitate: Dicit primo. Labor, quia debe-

mus



mus prius, & ante omnia exerceri, & per laborem, inquit Galenus, hoc loco intellexit exercitationem: Cibus deinde post exercitium cibari. Ecce ante cibum esse exercitium, non post cibum. Potus, postea potare, non bibere ante cibum, sed post cibum. Somnus: deinde dormire oportet, ut est consuetudo apud nostros. Postremo Venus: debetis post omnes istas actiones exercere Venerem post exercitium, cibum, potum, & somnum, ut prius dormiatis antequam coeatis. Non autem saturi, ut sues consuevere accedere ad coitum. mala est & fugienda hominum consuetudo, qui post cibum statim coeunt, & accedunt ad suauitatem. ista notauit breuiter Hipp. ordine, & modo facienda ad tuendam sanitatem. Et hoc non tantum Hipp. notauit, sed erat etiam antea sententia Homeri de Nestore loquentis, inquit Homerus, ipsum post somnum lauasse prius ante omnia, deinde sumpsisse cibum, postremo dormisse. Galenus exponit Homerum, & dicit per lotionem Homerum intelligere exercitationem, lauatus est, quasi dicat, exercuit se prius, postea cibasse, & dormisse, ordinem eorum notauit ordine uerborum. Non temere dixit lauatus est, quod exercitium praecedat omnia: ista erat sententia Homeri, ac si fuisset medicus optimus, & peritissimus, dico Homeri, qui sciuit omnia. Et haec dicenda erant de exercitio, & hora exercitii, quae necessaria fuerint, ut nisi ista sciuiissetis, non intellexissetis Hippocratem quando dicit in textu EX INTEMPESTIVIS exercitiis, quia fiebant in hora non debita, & quia maiora, & longiora, quam conueniret.

quo



# COMMENT. MONTANI

quomodo intellexissetis, quæ essent intempestiua exerci-  
tia? & quomodo sciissetis quid uelit Hipp. ? intempe-  
stiua erant, quia multæ erant cruditates in corpore hu-  
ius uiri, in uentriculo, cibus quando post cibum exerce-  
batur, & quia crudi, & deprauati humores abunda-  
bant in uenis. ex modo etiam exercitii: quia modum, &  
tempus excedebat: erant exercitia intempestiua, ergo &  
omnia incommoda, quæ ad ipsa sequuntur, & factus est  
morbis. uidetis quomodo erant intempestiua ex natu-  
ra recti exercitii: ideo coacti sumus de hoc obiter dicere,  
Hæc una erat occasio morbi. Deinde sunt lassitudines.  
EX LASSITVDINIBVS &c. Nunc modo ui-  
dendum est, quod erat uidendum de lassitudine, quidnam  
sit? exercitium uidimus, nunc uideamus quid sit lassitudo,  
ut etiam possimus cōsiderare quemadmodum fieret cau-  
sa huius ægriitudinis. Dico igitur quod lassitudines sunt  
quidam affectus, quædam passionēs humani corporis,  
quæ sequuntur ad exercitia intempestiua: quæ cum ita  
sint, dicimus modo, quod sunt genere quatuor omnes cō-  
plectendo, sicut sunt quatuor affectiones intempestiuo-  
rum exercitiorum. Vt quando aliquis mouetur, & exer-  
cetnr intempestiue, & si unum semper sit exercitium in-  
tempestiuum, & immoderatum: tamen secundum natu-  
ram subiecti, & materiæ, quæ est in exercitata diuersos  
producit effectus, & diuersas lassitudines, ita ut omnes  
quatuor lassitudines fiant ab exercitio immoderato secū-  
dum diuersitatem materiæ redundantis: hoc non est in-  
conueniens. Nam & in naturalibus uerum est, quod ab  
eadem



eademmet causa fieri possunt diuersi effectus propter subiecti diuersitatem, & materiae, in quam agit causa, idem semper facit causa, diuersa apparent ratione materiae: idē radius solaris duo facit opposita ceram colliquat, & mollescit: lutum indurat, & congelat: quia cera aliam habet materiam à luto. si opposita producit eadem causa naturalis, quanto magis diuersa. idem calor numero diuersa facit propter subiecta diuersa, cum tamen ipse eodem modo agat calefaciendo: ita dico in proposito unum, & idem semper est exercitium intempestiuum formaliter, quod si habet eas conditiones, quas numerauimus, & semper idē facit: sed fiunt diuersae passionēs, & diuersae lassitudines propter diuersitatem corporum, in quibus fit exercitium, & secundum quod in ipsis uarij dominantur humores. prima itaq; passio, quae fit in corpore ab exercitio intemperato, quae est? Est quando in corpore alicuius abundat humor crudus, frigidus ut pituita: uel acris calidus, ut est bilis, & exerceatur intempestiue, & immoderate: quid sequitur ex illo exercitio? illud quod dicebamus superius sequi ad exercitium crudis humoribus in corpore existentibus: ex illo motu corporis humores exagitantur, & exagitati colliquantur, & si sint in quantitate mediocres colliquati penetrant musculos, & membra solida: unde fit lassitudo ulcerosa, & dicitur ulcerosa, quia sentitur sensus ulcusculorum, fit quoniam ille humor à calore ipso attenuatur, calor excitatur à motu exercitij, nā attenuatus humor penetrat, & peruenit ad musculos, & ad cutem, & facit sensum ulceris, pungit, & mordicat musculos, & cu

Z tem



## COMMENT. MONTANI

tē siue sit crudus, & frigidus, siue acris & calidus: quoniam frigidum ita mordicat, & pungit; ut calor: Frigidum inimicum neruis, quia mordax est: dicebat Hippoc. Diuersa tamen ratione utrumque pungit. Si humores sint mitiores, & in pauca quantitate tenuiores perueniunt ad cutem, & cutem solum mordicant: sed si grossiores, & aciores fuerint penetrant interius ad carnem musculorum. ideo illi, qui habent redundantiam humorum uel acrium, uel crudorum sentiunt mordicationem carnis, & musculorum, deinde quoque & cutis, ac si acu pungerentur, & haberent ulcuscula parua. Quotiescunque contigerit lassitudo ulcerosa, & sensus huius mordicationis, iudicabitis primum, ac cognoscere poteritis, quod hi sunt intempestiue exercitati stantibus humoribus uel crudis, uel acribus in eorum corporibus: & non modo cognoscetis exercitium fuisse intempestiuum, uerum etiam, qui humores abundant ex modo mordicationis num frigidi, an uero calidi? si fuerit mordacitas cum sensu frigiditatis, frigidi peccant humores, & crudi: si punctio est cum calore, tunc est materia calida, & acris. Et ita uidetis quemadmodum humores quando fuerint mediores in quantitate, & qualitate excedant uel frigiditate, et cruditate, uel caliditate & acrimonia colliquatis, & ad musculos peruenientes faciunt primam speciem lassitudinis ulcerosam, licet ut plurimum fiat à calidioribus humoribus, quàm à frigidis. Vt omnia explanemus, nullaq; remaneat in mentibus uestris dubitatio, & propter affinitatem materiae huius dicamus etiam breuiter, quando fiunt rigores



res, & quando spasmi: magnam etenim habent communicationem in causis hæ affectiones. Debetis distinguere, ne incidat aliqua difficultas in mentibus uestris, & uidere, quàm diuersis modis fiant istæ passionēs. Ab eisdem proueniunt causis lassitudines, rigor, tremor, & spasmus: sed distinguendum est. Nam humores mordicantes, & qui faciunt punctiōem aut sunt pauci, & mediocres in quantitate, & ita faciunt lassitudinem ulcerosam: aut multi sunt, qui in quantitate maiori prueniunt ad musculos, & faciunt punctiōem maiorem. unde faciunt tremorem, uel rigorem; musculi cum percipiant magnam mordicationem humorum insurgunt ad expellendum, quod sibi nocuū est, si pauca est rigor: si maior, concutiantur membra, & titillatio: ex quo efficitur tremor. Et notare quoniam Latini carent uero nomine huius affectionis, & propter paupertatem nominum, & inopiam rem intricatam, & multiplicem causatur error, & confusio maxima. Græci facilius dicunt πῖϋος, habent propriū uocabulum, quo expriment hanc passionem. Nos Latini appellamus rigorem, ut nomina sint affinia, quasi quod Latini detraxerint nomen suum à Græcorum uocabulo: πῖϋος, ac rigor uidetur affinia: sed nos proprie loquendo longe aliud intelligimus per rigorem, habet aliud significatum uerū sibi propriū: dicimus ea esse corpora rigida, quæ propter frigiditatem congelata, indurata uidentur permanere, & immobilia. Græci autem per πῖϋος uolunt operationem oppositam, & dicunt rigorem, quam nos compulsionem, tremorem; sic quoque compulsionem membrorum, & musculorum



COMMENT. MONTANI.

inæqualem. Ego itaque Latine, ubi Græci dicunt *πίρος* dicere potius compulsionem inæqualem, quàm rigorem, ne propter nominum affinitatem putemus res easdem: cum tamen contrariæ sint, cum rigor apud nos sit immobilitas corporis à summa frigiditate indurante, *πίρος* apud Græcos sit concussio inæqualis corporis, ut etiam describit Gal. in libello de tremore &c. Ah, scio quod insurgeret hic aliquis sophista, qui quidem non considerauerit, sed tantum uiderit aliquam auctoritatem in Hippocrat. in quinta particula Aphoris. Aphorismo 17. Dicit ibi Hippoc. Calidum, ubi quis sæpius eo utatur, hæc mala affert carniū effæmationem, neruorum incontinentiam, mentis torporem, profluvia sanguinis, animi defectiones: hæc, ad quæ mors. Frigidum autem conuulsiones, distentiones, liuores, rigores febriles. Ergo uidetur quod in eo Aph. Hippoc. opponat calori id, quod appellat *πίρος*, igitur *πίρος* & rigor adhuc idem erunt magnum frigus in corpore, ut in febribus existit. Quando hoc adduxerunt homines, putant aliquid dixisse, dicunt mille nugæ, faciunt dubitationes, & suas ponunt contradictiones, dicunt. Gale. sibi contradicit hic & ibi, intricant ex malo intellectu rei, errant, & decipiuntur; nesciunt se extricare, et alios etiā confundunt. Ego dico quod forma, & uera ratio ipsius rigoris est concussio inæqualis, quæ non pertinet magis ad calorem, quàm ad frigus, nec magis ad frigus, quàm ad calorem, ab utrisque tamen potest prouenire: neque in hoc est aliqua differentia, semper rigor est, dum est concussio corporis inæqualis, fiatq; uel à calore, uel à frigore nulla



la est differentia: hæc est sua forma, per quam rigor est rigor, concussioq; inæqualis. Rigorem appello propriè qđ Græci πῖρος dicunt uocabulo abutor, non est mihi nunc curæ hoc: Hæc est differentia rigoris, ut sit inæqualis concussio, ac fiat aut à frigore, aut à calore, nihil refert, semper est rigor, dum fiat inæqualis concussio. Hippoc. uero dicit, ut ibi exponit bene Gal. si ad uentriculum, & ad superiora humores moueantur, & calor ascendat sequitur concussio: si frigiditas sequitur ab humoribus frigidis sine concussione dicitur frigus. Quod si fiat ab humoribus acerbis, uel frigidis inæqualis totius corporis concussio, rigor est. Et ideo bene distinguit Gale. febrem quotidianam à tertiana; & rigor, qui fit in utraque, non eodem modo fit: quoniam quando est quotidiana, quæ dependet à pituita sentitur frigus, ac si esset in hyeme: at in tertiana non fit rigor, quomodo fit, quando à pituita generatur, et in quotidiana, uidentur in niue esse, & frigent, ac si essent in niue. At cum in tertiana rigent, interius membra tanq̃ acubus multis pungentibus mordicari sentiunt, semper tamen est rigor & in quotidiana, & in tertiana: & si in hac sit diuersus humor, quàm in illa. potest ergo fieri rigor tum ab humore frigido, tum à calido facta inæquali totius corporis concussione. Quod etiam ibi Hippocr. affirmat, non dicit aliquid contra nostram sententiam: quando in superioribus mouetur humores fit πῖρος: quando in inferioribus fit febris, non dicit calor, sed dicit græcè πύρ: nos interpretamur febrem calidam, ita consuevit appellare Hippocr. febrem, maxime si notabilis sit, non dicit



COMMENT. MONTANI

πυρετός, sed simpliciter πυρ: ignis febris calida: estq;  
Hippoc. peculiaris loquendi consuetudo, ut nunc etiam ui-  
debimus in hoc textu, in quo febrem Sileni ignem appel-  
lat πυρ. Non opposuit πῖρος calori, ac si πῖρος esset sim-  
plex refrigeratio, sed si humor ad superiora moueatur  
uel calidus, uel frigidus facit rigorem ad inferiora ignem,  
uel febrem. Et ideo uidetis, quod non intelligunt isti ho-  
mines, quid uelint docti uiri, errant, faciuntq; dubitatio-  
nes, ac ne ipsi quidem intelligunt rem, & faciunt quam  
græci dicunt μολυσθῆναι, inquisitionem nostri, quæ fit in  
concoctione minime perfecta: sic ipsi non perfecte asse-  
quuntur, sunt pleni humoribus crudis, & inconcoctis, qui  
essent expellendi, uel potius concoquendi. Hactenus habui-  
stis quomodo fiat rigor, & quomodo nomina non habe-  
mus, rigoremq; improprie uocamus affectum oppositum  
nominis significationi, deberemus dicere inæqualem con-  
tusionem totius corporis, non habemus unicum nomen  
proprium. Diximus quot essent lassitudines, ac unam ex-  
posuimus, tres alias consideremus, quas perficiemus cras,  
& declarabimus textum, ut omnia sint explicata, ac pa-  
teant omnibus.

N V N C autem cum esset necessarium, ut cognoscetis  
species omnes lassitudinis, si recte esset intelligendus ipse  
Hip. in textu, & in curatione Sileni, ob id in hesternæ no-  
stræ expositione post exercitia declarauimus, quid esset  
lassitudo, diximusq; lassitudinē esse quandā affectionē cor-  
poris consequentem exercitationes immoderatas, et intē-  
pestiuas: deinde uidimus quot essent numero, & secundum

na=



naturam rei inuenimus esse quatuor: quod nunc ostendemus, licet una sit impropria. inceperamus singulas declarare, primum cum aliquis plurimum laborauerit, & intempestiue, quando plurimos habuerit humores crudos frigidos pituitosos, uel biliosos, acres, & erodentes, dicebamus quod ex intempestiuo exercitio semper idem fit, cum una tantum sit causa, calorem excitari, corpus incallescere, & spiritus agitari, & acquirere impetum ex ipso motu. Vbi uero est humor crudus, uel acris in corpore exercitato fit agitatio, & liquefactio illius humoris: agitati humores, & à calore attenuati perueniunt ad cutem, & ad musculos: non exhalant, quia non sunt ita attenuati, nec ita subtiles, ut diffilari possint, in musculis, & carne permanent, & moti per membra faciunt sensationem tristem, sensationem ulceris, pungunt, & mordicant tanquam si in ipsis essent quaedam ulcuscula dispersa: ex quo fit lassitudo, quæ inde dicitur ulcerosa, non sunt in tanta copia, ut motus possit excitari, sed tantum sentitur acrimonia, & mordacitas illius humoris. Qui si fuerit in maiori abundantia non modo facit sensum tristem, uerum & motum: & ita fit non amplius lassitudo; sed concussio inæqualis, sed ut prius dicebamus, quem Græci propriè dicunt πῖνους, Latini improprie nescio quo modo rigorem appellāt propter nominum affinitatem, proprium nomen non habentes. sed si fuerit humor adhuc crassior, qui non possit expelli ad cutem perueniunt materie ad musculos, & ad principia musculorum, replent, & faciunt frigus in capitibus musculorum: sicut contingit in principio febrium:



# COMMENT. MONTANI

unde fit spasmus, & est spasmus, qui fit à repletionem, quoniam est alius quoque spasmus ab inanitione: musculi sentientes frigiditatem, et principia sua repleta, quæ sunt nervi contrahuntur ad capita; contrahuntur ad principium proprium, fitq; conuulsio partium, in quibus sunt, contorquentur, & conuellantur contracta ad sua principia, & est maior affectio, quàm rigor, aut lassitudo. Oportuit igitur hæcenus propter affinitatem materiæ distinxisse generationem horum affectuum, ut admoneremus, quod ista tria symptomata sunt consequenter subsequencia, lassitudo ulcerosa, prius, spasmus: fiuntq; ab eisdem causis, & humoribus: differunt secundum magis, & minus: lassitudo quidem fit propter humorem attenuatum, qui ad cutem penetrat, & facit punctiorem, & mordicationem carnis, non autem concussionem, uel motum, facitq; sensum tristem, sed non incitat musculos ad expulsionem, ut moueantur: si uero & maior, & acrior fuerit humor in musculis permanet, & excitat ad expulsionem, ita fit prius & concussio inæqualis: si adhuc magis humor inhereat musculis, & capitibus musculorum fit spasmus, semper à paucis ad maiorem affectionem procedendo, ut rigor sit proximus lassitudini, deinde spasmus si rigor augeatur. Volui ista dicere, quia faciunt ad distinctam tractationem lassitudinis, ut sciatis illam distinguere à reliquis passionibus. De lassitudine solum dicemus: propterea quod uisa est prima lassitudinis species, quæ fit per humorem uel acutum, uel frigidum, uel calidum, qui ad cutem perueniunt, et pungunt, et mordicant, ac si essent ulcuscula parua: neque est aliqua differ-

ren-



rentia num forent calidi, an frigidi? ita fit ratione frigiditatis, ut caliditatis: quia utraque pungant, & hæc est prima species lassitudinis ulcerosa, quæ ita dicitur propter causam dictam. Alia est species lassitudinis, quæ dicitur extensiuæ, uel tensiuæ: quando muscoli extenduntur post immoderatum exercitium, ut cum aliquis intempestiue exercetur quoad muscoli extensi fuerint. extenduntur autem, cum acquirunt maiores dimensiones, quas habent per fibras. Musculi nanque habent fibras diuersas, ut scitis ex anathome, duas secundum longitudinem, duas secundum latitudinem, & has aut per obliquum, aut per transuersum tendentes. Cum extenduntur muscoli, extenduntur fibræ ipsorum musculorum, & incaluerunt extenduntur, & dilatantur, cum sint extensæ propter humores, qui ad musculos peruenerunt, si moueat homo non possunt extendi, aut flecti, & ita non possunt redire ad suum situm, cum interiaceant materiæ. ideo si moueatur dolet, eo quod extensi non possint motum adiuuare. homines non audent moueri: si moueantur, dolent, non possunt contrahere musculos, nisi summo dolore, non possunt redire ad suum situm naturalem: sicq; si motum tentent dilacerantur. Et ideo dicitur lassitudo tensiuæ, quia membra ita tensa remanent. Causa quare hoc est, quoniam, ut dicit Galenus, fibræ tensæ remanēt post motum, & exercitium intemperatum, & hoc quia humores crassi perueniunt ad musculos, & replent spacia fibræ interiacentia, ut non possint postea contractu sine dolore maximo membrorum: et hæc passio est species

Z v tetani,



## C O M M E N T. M O N T A N I

tetani, non dicam uere tetanus, sed est ueluti proœmium Tetani, & iam significat proximè futurum Tetanum, si causa augeatur, non quod sit species uera tetani, ita ut tetanus de ipso prædicetur, sed principium quoddam mediatum ipsius, si scæuora fiant accidentia, & causa potentior fit uerus tetanus: tenduntur musculi, ita ut non modo cum dolore, uerum nullo pacto moueri possint, humores crassi, ac frigidi coagulantur, & simul aggregantur in membris, quæ maxime replent: ex repletione ita tensi manent homines, ut flecti minime possint, augeturq; lassitudo, & tensio fibrarum. unde sequatur uigor ipsius lassitudinis, & spasmus, & ita causa lassitudinis est eadē cum tetano, differt tamen quia in tetano est potētior causa, quam in simplici lassitudine: & hæc species secunda lassitudinis, quæ est longe deterior prima: ratio est, quoniam tensio fibrarum, & musculorum longè peior existit, quam quando cutis tantum extenditur, & humor solum est in superficie. in hac secunda humores crassi continentur in musculis, & membris sensilibus, et sic deterius habent homines, quam in ulcerosa, non possunt moueri, & propinqui sunt spasmō, qui est maior affectus. Tertia lassitudo fit quando quis redūdat plurimis, & quidem bonis humoribus sanguineis, ut etiam notauit Galenus, qui ait hanc lassitudinis speciem peculiarem esse corpori sanguine pleno, quod Græci πλεθώραρον à πλεθώρα repletio bonorum humorum. in plethoræ igitur dispositione homines tantum non afficiuntur hac specie lassitudinis, si corpus plethoricum exerceatur immoderate,



te, & intempestiue, incalescit, agitantur humores, qui ad musculos & penetrant, & carnem musculorum. Neque credatis, quod sit materia ita mordax, ita maligna, ut in prima illa specie ulcerosa: neque ut in secunda est maior in quantitate, maior tamen in quantitate, partes corporis ita repletæ intumescunt, incalescunt, rubescunt, & inflammantur, quæ omnia sunt symptomata ueræ inflammationis. idcirco uidentur omnia membra laborare inflammatione, uel apostemate, propterea illam recentiores appellarunt apostemosam; id quod nos Latini apostema dicimus secundum nouos, & Barbaros appellantes propriè inflammationem diceremus inflammata membra, uel apostemata. Ex quo apostemosa diceretur lassitudo φλεγμονοδὴς, nos inflammatiuam, ut ita dicam, appellabimus, quoniam membra tumescunt, & uidentur inflammata, ac si per totum corpus esset unum apostema calidum. Hæc est peior species, quam aliæ duæ sint: deterius est enim cum materia occupat musculos in tanta copia, & calida, ut facere uideantur apostema calidum: non possunt euitare, quin incidant in febres, ita ut quandoque sequatur febris acuta. Vnde bene dicebat Galenus in quarto de tuenda sanitate, si recte memini, capite undecimo. Quod illi, qui patiuntur lassitudinem φλεγμονοδὴς, non modo non possunt per aliquot dies expectare, quin incidant in febres acutas, sed neque possunt expectare per aliquot horas, quin etiam inflammentur. ideo non tantum incidunt in febres, sed etiam in acutas febres, quod etiam exposuit, quia humores calidi inflammati



# COMMENT. MONTANI

mati sunt, & sunt agitati extra proprium locum. humores autem cum exierunt locum proprium putrescunt, ex putredine fit febris, & quidem febris acuta, non mera febris. Quare uidetis tertiam hanc esse lassitudinem, quae fit quotiescunque humores plurimi exeunt uenas propter intempestiuum exercitium, faciuntq; affectionem similem inflammationi. Et habetis hactenus tres lassitudines: una est, quam modo declarauimus, altera in qua post exercitium humores penetrant carnem, & musculos, qui ita repleti tensi remanent, quae tensiua dicitur, uel humores sunt attenuati ita, ut perueniant usque ad cutem, non modo ad musculos: & cum sint mordaces pungant partes cutaneas, & faciunt sensum ulceris. ex quo etiam ulcerosa dicta est. Secundum ergo quod sunt humores in corpore abundantes, qui à motu, & exercitio agitantur, & faciunt tres affectiones, ita tres fiunt lassitudines, quae sunt simplices, & propriae lassitudines. Est modo alia impropria, quae est quarta in ordine, quoniam fit quartus affectus in corpore ex immoderato exercitio, & tot sunt lassitudines, quot ex ipso succedunt affectus, ut dicebamus à principio: ista quarta lassitudo est non proportionata ad materiam, ut inquit Galenus non propter aliquem humorem abundantem: sed quando deest etiam magis materia, quam oportet, ut in exiccatis, & macris corporibus, & macilentis: sunt aliqua corpora gracilia inanita humoribus, quae si exerceantur exiccantur: ex motu resolvente humiditates exiccati musculi tenduntur, & ita fit tensio musculorum, non ex repletione,

ne,



ne, sed ex nimia euacuatione, & exiccatione, ut non possint moueri, & rigidi maneant: quia adeo sunt extenuati, & exiccati, ut contabescant. Hæc est lassitudo omnium pessima, quæ fit ob priuationem materiæ, & humorum defectum, ita ut nisi arte succurratur, incidat in tabem: proxima est ipsi tabi. Ne ergo ad tabem deueniant occurrendum est, cum sit tensio dura, completa, relaxatio ei contraria est. ergo calidis, & humidis, quæ deperdunt tensionem subueniendum est: calida, & humida relaxantia, quæ Græcè dicuntur αῤῥώδυνæ in hac dura tensione applicanda sunt, quia emolliunt, & remittunt id, quod intensum est, quia contraria contrarijs curantur, ut aiunt medici. relaxabitis igitur, ut non incidat in tabem. Hæc lassitudinis species est illa, quæ correspondet speciei tertie improprie ipsius spasmi: quemadmodum enim una species spasmi impropria est, quæ fit sine materia, ita una species lassitudinis, quæ à nostris dicitur non proportionata ad materiam propter exiccationem. Nam ut dicit Hipp. in Aphorismis duæ sunt propriæ species spasmi, altera à repletionem facta, altera ex inanitione. Est modo quædam tertia species impropria, non proportionatus spasmus ad materiam fit ab aliqua qualitate, non à materia; non tamen propterea ab inanitione fieri dicendum est, sed à sola qualitate mordicante, acris: uel à frigore contrahuntur muscoli, & nerui ad suum principium, & fit spasmus improprius, ut sæpe contingit in singultu, quando aliquis comedit piper, synapi, uel alia huiusmodi acris mordicantia: efficitur singultus sine materia, qui est species



# COMMENT. MONTANI

cies spasmi: quemadmodum dicit Galenus saepe sibiipso  
 tizisse ex gustu piperis, & aliorum acrium. Quia cum  
 primum piper, & acria medicamenta degustantur, con-  
 tangunt os uentriculi neruosum, & maxime sensibile,  
 mordicantur nerui, mordicati retrahuntur ad suum prin-  
 cipium, natura insurgit ad expulsionem illius acrimoniae  
 & ita causatur singultus, & spasmus non propter re-  
 pletionem, nec propter inanitionem, sed propter merā,  
 & solitariam qualitatem mordicantem. ideo à nostris di-  
 catur spasmus non proportionatus ad materiam: quia  
 non est ab inanitione, tamen non fit à materia. Et hæc  
 est quarta species lassitudinis impropria, ut tertia species  
 spasmi, quæ fit à siccitate corporis, & priuatione mate-  
 riæ humide, quæ in omnibus correspondet spasmo im-  
 proprio. ideo & ipsa dicitur non proportionata ad ma-  
 teriam. Ista hætenus dicta de lassitudinibus, ut haberetis  
 quid uelit Hipp. cum dicit, ex lassitudinibus incidisse in fe-  
 brem. His ita uisis, ut habeamus quid Hipp. per lassitudi-  
 nes, & exercitia intelligat intempestiua, nunc uideamus  
 quæ sequuntur, & primo de potationibus. P O T A-  
 T I O N I B V S. Declaremus primo quid sint potatio-  
 nes: deinde exponemus, quomodo sint in causa ægritudi-  
 nis, ut in textu dicit Hipp. per potationes non intelligit  
 ipse moderatas potiones, quoniam moderatus potus con-  
 fert, attenuat humores, & consumit, & resoluit per ha-  
 litum, & humectat exiccata membra, & omnia bona fa-  
 cit, ut recte dicit Hipp. in sexto Epid. sectione sexta, ca-  
 pite sexto. Labor, cibus, & potus, somnus, uenus, omnia

mo=



moderata, ostendens, & docens tueri sanitatem praesentem. Potus ergo moderatus iuuat, & facit ad tutelam sanitatis mediocriter sumptus. Porro per priuationes intelligit immoderatos potus. dicamus de his, qui sunt potus intempestiui, & praeter naturam immoderati. Quapropter debetis scire, quod potus immoderatus dupliciter esse potest, aut propter intensiorem & uigorem uini potentis, aut propter quantitatem & extensionem potus uini, quando multum uini bibitur, aut propter utrumque simul & potentiam, & quantitatem uini. Probabile est in Sileno utrumque fuisse, & quod bibit potens uinum, & multum, sicque nimis potauerit. primo quod biberit uinum potens probabile est, & satis uerisimile, imò ferme necessarium. fuit in Thaso insula una ex Cycladibus, in quibus fiunt uina potentissima, & fortissima, ut nunc quoque ad nos ex illis deferantur, maxime tamen in Thaso, in qua insula fiunt laudabilissima. ideo & uinum Thasium inter uina ab Historicis, & poetis laudata, non in secundis reponitur: atque apud Galenum quoque uinum Thasium reperietis esse inter potentissima uina. Quod cum ita sit, probabile nihil esse uidetur, quod Silenus iuuenis potauerit uinum potentissimum. Neque credatis, quod modice biberit, bibit potens, & multum in quantitate, quomodo si parum bibisset, incidisset in febrem? quia potens uinum moderate sumptum calefacit corpus, spiritus auget, & uirtutem corroborat, excrementa purgat, & ipsorum expulsionem adiuuat. Si plus, quam quam par sit bibatur inflamat spiritus, calorem auget



## COMMENT. MONTANI

& intendit, ita ut generentur multi humores biliosi, calidi, adusti, & melancholici: quando multum de uino potenti assumitur, ita tamen, ut calor adhuc superet ipsum uinum, & reducat ad propriam substantiam, ex intensione caloris inflammantur, & aduruntur humores. Si præter modum bibatur, ita ut non amplius à calore superetur, suffocat calorem, in frigidat, & omnia facit opposita. unde etiam Gal. dixit de illo puero pictoris, quod semper bibebat uinum potens, cum incidisset in febrem acutam super potato uino potenti in maxima copia ita inflammatum est ipsius corpus, ut mortuus sit. Semper proculdubio uinum calefacit, dummodo in certa quadam quantitate sumatur, quod si superet calorem innatum, suffocat, refrigerat, generat morbos frigidissimos, & pessimos, quibus moriuntur: & hoc est, quia uinum non est actu calidum, ut calefaciat applicatum corpori, est in potentia calidum respectu corporis, à quo debet reduci ad actum, & est sicut ligna se habent respectu ignis, ligna generat ignem, & sunt calida. Quando generant ignem? generant quando ab igne superantur, & in eius naturam, & propriam uertuntur substantiam, nisi inflammentur, & ab igne comburantur, non sunt calida: dicuntur calida, quia igni applicata, & inflammata incalescunt, & maiorem facient ignem: ita uinum non est actu in re calidum, ut applicatum calefaciat, sed potentia calidum, & respectu corporis assumentis: quia assumptum in corpore humano aptum est, ut inflammetur, & cum inflammatum fuerit, & ad actum reductum calefacit, & inflammat

mat



mat corpus, nisi prius inflammetur non calefacit. calor enim augetur, & intenditur etiam in infinitum, quanto magis uertit ad sui naturam, atque substantiam alienam materiam: ita etiam uinum inflammabile potest augere ipsum in infinitum, si calori assimiletur per actionem ipsius. sed quando exhibetur confertur uinum, ita ut à calore superari non possit: cū is non possit agere, nec cōuertere ipsum in propriam naturam quid contingit? tunc quidem fit id, quod in igne cum igni multa ligna superponantur, ita ut à multis lignis suffocetur, & omnino extinguatur: licet enim ignis augeatur à lignis, quando eorum substantia augeat, et multiplicet ignem per mutationem in substantiam, & naturam ignis, tamen hoc fit quando ligna proportionem habent cum igne, ut possint ab ipso superari; alioquin si fuerint igni disproportionata oppositū faciēt; & non modo non augebunt, sed etiam superabunt, et suffocabunt. debent itaque proportionari: quia à proportionem maioris inæqualitatis prouenit actio, ut medici, & philosophi dicunt: à proportionem minoris inæqualitatis non prouenit actio, quando agens debilius fuerit passio: oportet semper agens posse supra passum, ut agendo superet uim ipsius passi. Vinum ergo in quantitate debet proportionari corpori assumenti, si debeat calorem augere. unde si plus, quàm par sit uini potetur, ut disproportionatam sit calori innato, non modo non calefacit, sed refrigerat. cnius signum est, ut dicit Hippocr. quod illi, qui plurimum bibunt, & potatores multi uini incidere solent in multas, & seuiſſimas ægritudines frigidas: laborantq; Epilepsia,

Aa

po=



# COMMENT. MONTANI

podagra, tetanis, paralyfis, spasms, apoplexia, & ceteris morbis, qui fiunt à frigiditate: quia, ut dictum est, licet uinum calidum sit ad actum reductum, tamen in multa quantitate sumptum non potest à calore superari, extinguitur calor, & corpus refrigeratur. præterea quod refrigeretur hinc habetis, quod isti bibitores plurimum dormiunt non alia de causa, nisi quoniam uinum refrigerat cerebrum, & principium omnium sensuum: hoc est quod dicit Hip. somnus est refrigeratio primi sensorij siue modo sit cerebri, siue cor. Et uos experimini quotidie, quanto plus bibitis, tanto magis proni estis in somnum, & multum dormitis: propterea si uinum plus, quam oportet potetur, & præcipue potentissimum in frigidat corpus, & suffocat calorem innatum, quoniam non potest à calore superari, non uictum non intendit, sed extinguit ipsum. Quare sicut illi, qui bibunt uinum in debita quantitate, & qualitate augent calorem innatum, si habuerit cum corpore proportionem, ut non excedat, neque deficiat, nutrit, & facit ad tuendam sanitatem, & sic mediocris potus sanitatem efficit, & conseruat: ita potest esse improporcionatum corpori quantitate, aut qualitate ratione ætatis, aut temperaturæ, aut regionis, aut reliquorum consimilium, uinum potentissimum iuueni potenti est non proportionatum, & illud offendit, seni tamen proportionatum, quem propterea adiuuat. Sileno uinum erat improporcionatum ratione ætatis, & respectu regionis, & corporis ægrotantis tum propter quantitatem, tum propter qualitatem, cum esset in regione calida, ætatis iuuenilis, circa ætatem



20. annorum, robustissimi corporis, & optimæ tēperaturæ calidæ, in uiro hoc inflammata sunt omnia ex potatione immoderata uini potentis, generati multi humores biliosi, calor innatus debilitatus. et ideo multiplicati sunt humores crassi crudi, & frigidi, & pituitosi multiplicata potatione uini, qua iam calor suffocabatur, & corpus refrigerabatur. Vnde uidebitis postea, ut notauit quoque Gal. in commento huius aphor. uidebitis inquam quod in hac ægritudine fuerunt duæ causæ materiales permixtæ, duo humores diuersi, humor crassior & frigidior, deinde humor calidus, biliosus, inflammatus; hos duos humores aggregauerat Silenus: & ita uidetis quomodo habebat ista tria, in quibus maxime deliquit. primo potabat plus, quā oporteret, & par esset corpori iuuenili bene temperato, & peccabat in quantitate potus: quia nimium bibebat; tum in qualitate, quoniam fortissimum erat, & calidissimum uinum: non seruabat secundo tempus in exercitio, sed intempestiue exercitabatur: non seruabat modum in quantitate, quia immoderate exercebatur, & præter modum, dum se eo modo intempestiue exercuisset, incidit tertio in lassitudines; quia, ut dixi sunt affectiones immediatè sequentes ipsum exercitium. Lassitudo est quoddam prænuntium, et proœmium morborū: spontaneæ lassitudines morbū prænunciant, ut dicit Hip. aggregabat ergo materiā non modo per potationes, uerum etiā per exercitia intempestiua accumulabat humores adustos, & biliosos aggregatos agitabat, & preparabatur corpus ad morbum ex his occasionibus, quas ipse dicit. Vnde post potationes, & exer-

Aa ij citia



## COMMENT. MONTANI

citia intempestiue, uideatis quid contigerit; incidit in lassitudines, quæ sunt proœntum, et dispositio ad morbum, uel affectus præcedens statim morbum. Ex his ergo duabus causis incidit in lassitudines; lassitudo modo est affectio sequens illas, & præcedens morbum. Ex his omnibus tribus (inquit Hippoc.) Silenus correptus est febre, ex potationibus, immoderatis exercitijs, & lassitudinibus: non æqualiter tamen, nec eodem modo omnes fuerunt causæ huius ægritudinis. Ex primis quidem duobus exercitijs, & potationibus correptus est tanquam causis effectiuis: ex lassitudinibus uerò, non ut effectiuis causis; sed ut a medio colore fit extremus: quia lassitudo est quædam media affectio ad morbum procedens, ab hac fit transitus ad ægritudinem, non est ægritudo. nam ut ex medio quopiam colore fit niger, sic ex lassitudinibus affectus est febre: sicut quoque dicimus iter factum esse Vicentiam Patauium: quia Patauium medium est, quando uenimus Venetijs, primo uenimus Patauium, deinde Vicentiam tendimus, & dicimus nos Patauium uenisse; ut etiam medium colorem dicimus causam extremi, quia ex uno extremo albo fit processus à fusco puta colore ad nigrum, non ut causa efficiens: ita morbus iste factus est à potationibus, & exercitijs ut efficientibus causis; ex lassitudinibus, ut ex medio. licet ergo copulatiue omnia enumerauerit, tamen ita intelligatis, quia copulatiua non copulat hoc loco modum causandi, sed tantum numerum causarum præcedentium quæcunque sint. primo potauit multum, potatio auxit materiam biliosam adiectam, deinde frigidam, deinde exercitium im-  
mo-



moderatum agitauit humores, & propter motum uehementem dedit maiorem occasionem augendi causam materialem: deinde lassitudo accessit non causa morbi, sed potius initium, uel nuntius morbi, & uia in morbum: copulatiua ordinem istorum consequentium copulauit. Quaeritur modo hic iterum unum antequam ulterius accedamus, ne quid remaneat obscuri, an ipsae potationes, et exercitia intempestiua generauerint materiam, ex qua facta est postea febris, ita ut ante non esset materia, quam potationes, & exercitia generarint? an dederint occasionem solum, ut contingit in his extrinsecis causis, quae occasionem praebent materiae praeexistenti, ut faciat morbum, non quod de nouo generent materiam, sicut quandoque contingit deambulare per solem, & uehementer sub radijs exercitari, & potest haec ambulatio, uel exercitium excitare febrem aliquam malignam: sed ut effectiua causa, & ut occasio, non quod generet materiam febris, quia non potuisset febris excitari, nisi fuissent in corpore humores mali aggregati, quibus praeparatum erat corpus ad febrem: agitati modo, & moti ab exercitatione, & deambulatione fecerunt febrem, habuerunt quoddam initium a motu, & inflammatione ex motu. Vnde dico quod causae externae dederunt solum occasionem humoribus, ut excitarent morbum: non autem quod fecerint morbum eo modo, ut generarint materiam ipsius, quia si non adfuissent, exercitatio non excitasset febrem, excitauit quia agitauit, & inflammauit humores praeeistentes. Debemus ne dicere hoc ita fuisse in Sileno? An



# COMMENT. MONTANI

uerò quod potationes, & exercitia intempestiua non modo dederint occasionem morbo, sed & humores generauerint, & materiam febris auxerint? Nam uidetur esse probabile, & ratio manifesta persuadet, quod auxerint materialem causam febris: quoniam quando aliquis plurimum potat, generantur in illo plurimi humores mali, biliosi, & adusti: si plus adhuc potauerit, & uino magis se repleuerit calor innatus suffocatur, & frigidi humores generantur pituitosi, & crudi. ergo potatio immodica non solum dat occasionem ad producendum morbum, uerum etiam multiplicat materiam ipsius morbi, cum utrunque possit esse, ut potatio & sit occasio febris, & multiplicet materiam ipsius febris. in hoc Sileno uidetur probabile, quod dedit occasionem ad febrem excitandam, quoniam & antè potationes immodicas fuerunt humores in corpore, & illud signum est, quoniam post exercitationem intempestiuam, & potationes prima statim die apparuit morbus, & symptomata saeuissima: quod quidem indicauit humores multos præextitisse in corpore Sileni, qui non fuissent generati ab una immodica potatione, nisi dicamus, quod in hoc uiro fuit longa potatio propter quam etiam humores fuerint generati: ex quibus facta est febris, & ita materialem dederit causam. Galenus in commento tenet, quod solum dedit occasionem feбри, non autem fuerit in causa, ut materia augeretur, uel hoc, uel illud non est multum curandum, quia etiam parum faciet ad curationem morbi, siue dicatis dedisse occasionem, siue ambo & materiam, & occasionem. Satis est



est aduertisse Galenum ita uelle: quia si non esset corpus dispositum ad ægritudinem manifestæ causæ, quæ dicuntur procatarticæ diariam tantum febrem producerent: sed iam humores erant mali in corpore generati, quod patet ex signis malis, & ex principio morbi: quia dictum est, quod præcessit lassitudo, quam secuta deinde est febris, & plures sint lassitudinis species, quot audiuitis. Quæritur modò quænam species lassitudinis præcesserit, & de qua lassitudine intelligat Hippocr. quod ex lassitudinibus facta fuit febris. Num ulcerosa fuerit? Videtur quod fuit ulcerosa, & hoc credendum est fuisse, quoniam, ut Galenus dicit in fine commenti, ubicunque aliquis uehementer, & intempestiuè exercetur post potationes multos humores acres generat biliosos, & si qui fuerint in corpore colliquat, & ad membra sensibilia deducit, ut faciat lassitudinem, quã dicimus ulcerosam: sed uir iste abudabat his humoribus biliosis. ergo probabile, & consonum rationi esse uidetur præcessisse ulcerosam lassitudinem. ex quo ut est fundamentum Galeni potauit, & intempestiuè se exercuit: ad ista multiplicati sunt humores acres, pungentes, & ita facta ulcerosa lassitudo. Ex alia quoque coniectura probabile est fuisse tensuam lassitudinem. Ex quo signo & indicio habes hoc? Habeo ex hac coniectura uerissimili, quod primo statim die, ut dicit Hippoc. erat tensum collum, quod nihil aliud est, quàm lassitudo tensua: ex alio habetur, quod affuerit etiam *φλεγμονώδης* inflammatiua. Hoc apparet ex eo, quia primo die pulsabant hypochondria, & omnino inflamma



# COMMENT. MONTANI

ta ergo erant tres simul lassitudines: Et ego credo, quod istae omnes fuerint in Sileno complicatae, ut uidetur quoque assentire Galenus: & hoc pessimum est, quando omnes sunt simul coniunctae lassitudines ulcerosa, tensiva, & inflammatoria. Quod autem fuerint omnes haec tres in Sileno copulae, sequitur ex his, quae habentur in textu consequentia necessaria. Non sunt chymerae. primo quod fuerit lassitudo inflammatoria seu apostemosa, ut dicunt isti, ex eo possumus colligere, quod ait Hippoc. in primo die lumborum inflammatio fuit. Caput simul ex lumbis laborare. Addit deinde & capitis grauitate tenebatur, collumque contendebatur. Signum manifestum est incidisse in lassitudinem tensiuam, postea sequitur. Primo die aluus biliosa, mera, spumosa &c. Habuit prima die aluum fluentem, biliosam, idest, ea quae excernebantur erat sola, & merabilis. Audiuitis quod lassitudo ulcerosa fit, quando humores acres, biliosi que redundant, & pungunt musculos, ad quos perueniunt, ut faciant sensum quorundam ulcusculorum in cute. igitur causa essent in Sileno humores multi biliosi, quod patet ex egestionibus, dico quod ex intempestiuis excitationibus necessarium fuit lassitudinem quoque ulcerosam congenerari: et ita ex symptomatibus enumeratis ab Hippocrat. habetis haecenus, quae omnes simplices, & propriae lassitudines in Sileno fuerunt coniunctae, quantum ex textu ipso assecuti sumus, non fingendo secundum nostram imaginationem: & poteritis modo intelligere Hip. quid uelit, quando inquit. Ex lassitudinibus



bus incidit in febrem: per lassitudines intellexit omnes species lassitudinis, non unam tantum. resumendo igitur dicimus, quod potauit Silenus immoderate, & intempestiue se exercuit: ex quibus factæ sunt passionēs, & lassitudines omnes complicatæ, quemadmodum ostendimus; quoniam habuit diuersos humores malos, acres, biliosos, & crudos, frigidos, crassos, pituitosos, sanguinem multum, & copiosum: erat homo temperatus, iuuentis: exercitationes intempestiue, & immodicæ causarunt, ut statim febre corriperetur. ideo non est mirum si in uarias incidit lassitudines, & affectiones ex eadem causa exercitatus est intempestiue, ex acris humoribus ulcerosa facta fuit lassitudo, ex crassis, & frigidis tensura. unde & dolor capitis grauatiuus erat, quia pendebat à materia crassa frigida; à sanguine inflammatoria: inflammatio lumborum erat à sanguine calido; ex quo proprie fiunt inflammationes. Cum potauerit, et immoderate fuerit exercitatus, ex his incidit in uarias lassitudines, & reundabant plurimi, ac diuersi humores præter naturam in corpore, postremò quoniā cōmoratus est Silenus in ea constitutione aeris pestilenti, non potuit euadere à pessima ægritudine. ideo mirū nō est, si incidit in malignā febrem, qualē uidebimus fuisse, & eam quidem pestilentē.

Audiuistis paulò antè ex quibus occasionibus Silenus inciderit in ægritudines, modo audietis, quæ fuerit ægritudo ita tamen, ut prius, & antequam audiat quænam fuerit essentia huius ægritudinis, dicam symptomata.

Aa v pri-



# COMMENT. MONTANI

primum quæ contigerunt circa hunc ægrum, tam ea in-  
quam symptomata, quæ in toto progressu, & in toto tem-  
pore morbi uniuersali perseverarunt, quàm ea, quæ sin-  
gulis diebus apparuerunt, ut ex his in cognitionem essen-  
tiæ ipsius ægritudinis deueniamus, ut consueuimus, & ut  
debent medici rationales procedere, Dicit Silenum, qui in  
Platanionis ædibus prope filios Eualcidis habitabat, ex  
lassitudinibus, potationibus, & exercitationibus intempe-  
stiuus ignem corripuisse. Hip. autem sensus talis est, quod  
Silenus, qui habitabat prope filios Eualcidis ex laboribus,  
compotationibus, & intempestiuus exercitationibus inci-  
dit in febrem acutam. Est hystoria, & casus in his propo-  
nitur sine ratione, tantum inquit Silenum febrisse, hoc  
est dictum quoddam uniuersale, & sensus est, quod ex his  
causis ægrotauit, nihil aliud: cum hoc dixerit uniuersa-  
le, debebat postea enarrare omnia symptomata particu-  
laria, quæ singulis diebus uariata contigerunt à primo  
die usque ad ultimum, in quo mortuus est. Vbi debetis ad-  
uertere, quod quando Hip. dicit ex lassitudinibus, & labo-  
ribus, & potationibus, exercitijsq; immoderatis Silenus  
incidit in ignem. primo dicit ex potationibus, & exerci-  
tijs tanquam causis factam febrem, post enarrat sympto-  
ma, quod præcessit morbum, & post ipsum incepit febris,  
cum dicit. Ex lassitudinibus, id est, cum ex his duabus cau-  
sis incidisset in lassitudines; ex hoc symptomate transiit  
ad febrem malignam. Vbi debetis obseruare pro inter-  
pretatione horum uerborum, quod Hip. dixit. **IGNIS  
CORRIPUIT.** non dixit febris: habet hoc pro  
con-



consuetudine Hip. ut quando uult dicere febrem aliquam, maxime notabilem, acutam, & magnam, non dicit  $\pi\upsilon\pi\epsilon\tau\omicron\sigma$ , idest, febris, sed  $\pi\upsilon\rho$ , idest, ignis: uidetur enim habere maiorem uehementiam. Quia igitur in Sileno erat febris mala, uehemens, & notabilis, acuta propterea dixit ignis, non febris. Corripuit ergo Silenum ex illis causis febris acuta. Cum proposuerit casum incipit modo enumerare symptomata, & principium febris: quoniam non statim corripuit febris, si praeceperunt lassitudines, praeceperunt etiam aliqua symptomata. Enumerat particularia accidentia, quae fuerunt antequam inciperet febris, ex quibus sensum transiuit ad ignem, & inquit. COEPIIT SIMVL ex lumbis laborare, & capitis grauitate tenebatur, collumq; contendebatur &c. Primo habuit haec symptomata, ut antequam in ignem incidisset, coeperit laborare, & dolere in lumbis: ante febrem dolebant lumbi, & partes circa lumbos: habuit et grauitatem capitis, & dolorem grauium capitis, & tensionem ipsius colli: haec tria accidentia sunt, quae praecesserunt febrem, & febris principium. Videmus postea quoniam symptomata secuta fuerint, & contigerint singulis diebus, omnia quae enumerabit, secuta sunt principium morbi. Ista uero tria symptomata praecesserunt, quae facta fuerunt ex lassitudinibus, idest, cum pateretur lassitudines, necessario his laborabat accidentibus, et quod lassitudo fuerit horum causa audiat. primum dicit quod laborabat dolore lumborum: dolor lumborum quid aliud est, quam lassitudo inflammatiua? Huius signum est

ui=



# COMMENT. MONTANI

uidens est, quod addit Hip. ex dolore lumborum secutum est aliud, habuit diaphragmatis inflammationem: et ratio est, quia in habentibus symbolum facilior est inuicem transitus, ut de calido in calidum, cum habuerit inflammatiuam lassitudinem in lumbis, facile potuit transire ad ueram inflammationem illarum partiū; puta diaphragmatis: nihil aliud enim est inflammatio, quā magna lassitudo inflammatiua: & lassitudo inflammatiua, Græcè φλεγμονώδης, nil aliud est, quā principium ueræ inflammationis, ut cum fuerit in corpore lassitudo ista inflammatiua, nisi citò, & optimè succurratur transit in ueram inflammationem, ut dicit Gal. Cum itaque in lumbis esset dolor, & inflammatiua lassitudo non est mirum, si facta fuerit postea inflammatio diaphragmatis proximi. Sed cur in lumbis potius facta fuerit lassitudo, quā in alijs partibus? puto fuisse propter copiam sanguinis calidi ibi existentis, qui facile potuit extrā uenari post exercitia immoderata, quoniam in lumbis, & circa illam partem est uena magna, in qua sanguis multus continetur, & ibi est hepar, quod est principium, & officina omnium humorum naturalium præcipue sanguinis. ideo in hepate multa copia sanguinis habetur. Est & proximus lien, quod est receptaculum excrementorum, & in quo abundant humores, propter hæc omnia non est mirum maximè quod locus debilis esse debebat: non est mirum inquam, si post exercitia immodica facta sit lassitudo inflammatiua in lumbis, & postea etiam uera inflammatio diaphragmatis. Habuit unum aliud symptoma, nempe

ten=



tensionem colli, & grauitatem capitis, quod est propriū  
 symptoma lassitudinis tensiue, quæ fit, ut inquit Gal. quan-  
 do membra intensa sunt, ut non possint recte moueri, col-  
 lum ita contenditur, ut flecti non possit, nisi cum dolore,  
 & ita in collo erat tensiua lassitudo propter humores  
 crassos ad musculos decumbentes: cuius signum etiam  
 est, quod habebat grauitatem capitis cum tensione colli,  
 quæ fit propter humores crassos, frigidos, & pituitosos,  
 & hoc est etiam in commen. Gal. grauitatem à crassa  
 materia causari, & tensionem non nisi à crasso, & copio-  
 so frigido humore, non à calido bilioso. Cum ergo labora-  
 ret lassitudine tensiua in collo, abundabat crassis, et frigi-  
 dis humoribus: ex lassitudine habemus signum quod e-  
 rat materia, & humor commistus, frigidus, crassus, pitui-  
 tosus, & alius acrior, biliosus calidus: ex quo habuit con-  
 iunctas, & simul copulatas omnes lassitudines, quæ ab  
 his efficiuntur humoribus: ista ex laboribus, & pota-  
 tionibus euenerunt. proposuit primo quod fuit febris ue-  
 hemens, & magna, quæ accessit propter exercitia intem-  
 pestiua, & computationes: ex lassitudinibus proposuit  
 hoc per compendium, ut uobis ordinet textum, quo pro-  
 posito, inquit, modo erat grauitas capitis: quæ signa erāt  
 harum lassitudinum, quemadmodum dicebamus, tensio col-  
 li, & apostema circa hypochondria, ubi dolor erat, hæc  
 omnia contigerunt postea, ut accidentia consequentia ad  
 lassitudines, non ad febrem: quibus sic positis accedet mo-  
 do ad symptomata particularia febris. in textu habitum  
 est Silenū laborasse circa lumbos, ut habeatis omnia, fa-  
 ciam



# COMMENT. MONTANI

ciant uos animaduertere. iste qui transtulit Hip. in latinum dicit: Cœpit laborare in lūbis: ualde obscure transtulit, qđ interpretabor, ut intelligatur mens ipsius Hipp. quoniam laborare est nimis uniuersale: propterea oportebat ipsum uertere, Cœpit dolere circa lumbos: dicere quod laboraret in hypochondriis est obscurum, & remotum, non intelligitur omnino id, quod uult Hip. per hæc uerba. Quod rationabiliter uertendum sit dolere, non laborare, ostendo, quia & si in textu græco habeat Hipp.  $\pi\omicron\nu\epsilon\acute{\iota}\nu$ , quod est apud nos laborare: unde  $\pi\acute{o}\nu\omicron\varsigma$ , labor; tamen accipitur  $\pi\omicron\nu\epsilon\acute{\iota}\nu$  pro dolere, &  $\pi\acute{o}\nu\omicron\varsigma$  pro dolore, imo hæc est Hip. consuetudo perpetua, ut serè semper cum uult dicere dolet, dicit laborat; hoc sæpiissime habetis, & in secunda particula Aph. Aph. 46. ubi inquit  $\delta\upsilon\omicron\upsilon\pi\acute{o}\nu\omega\nu\ \acute{\alpha}\mu\alpha\ \delta\epsilon\iota\gamma\nu\omicron\mu\epsilon\nu\acute{\omega}\nu$ . &c. Hoc est:  $\delta\upsilon\omicron\upsilon\pi\acute{o}\nu\omega\nu$ . Duobus laboribus, idest, Duobus doloribus ponit  $\pi\omicron\nu\omicron\nu$  pro dolore, & si laborem significet,  $\acute{\alpha}\mu\alpha\ \delta\epsilon\iota\gamma\nu\omicron\mu\epsilon\nu\acute{\omega}\nu$ : simul incumbentibus eidem membro, uel loco. Iste est uerus sensus Hip. quem non ignorauit Leoniceus uir doctissimus, & peritissimus ita interpretatur Aphor. Duobus doloribus simul eundem locum infestantibus uehementior alterum obscurat. Videtis consuetudinem sermonis ipsius Hip. Oportebat ergo etiam hoc loco interpretem uetere,  $\pi\omicron\nu\epsilon\acute{\iota}\nu$ : Cœpit laborare dolebat, uel cœpit dolere, non laborabat: uos ita apta uestrum codicem. Erat dolor inflammatiuus, quia in illis partibus, & regionibus habebat lassitudinem inflammatiuam; deinde etiam inflammationem, quæ fit ab humore

ca=



calido. ideo dolebat circa lumbos: inflammatio fit de-  
 fluentibus humoribus ad membra inflammata, quemadmo-  
 dum declarat optime Gal. tum in libello de inaequali intem-  
 perie, tum in eo, qui est de tumoribus præter naturam:  
 ubi ita dicit. Quando sanguis, uel humores exeunt maio-  
 res uenas, & transmittuntur à maioribus ad minores,  
 deinde successiue ad minores, & à minoribus ad mini-  
 mas capillares, usque quo deueniant ad membra ipsa, &  
 occupent spatia intermedia, & poros, qui interiacent  
 membris, repleant, & ita partes illas extendant, extensæ  
 doleant, et id propter inductã intemperiem præter natu-  
 ram. hoc modo contigit in hoc casu defluente sanguine ad  
 diaphragmatis partes extendebat, & intemperiem indu-  
 cebat: extensa parte inflammanda soluebat continuum, et  
 ita soluebat continuũ, q̃ sequutus est dolor statim à deflu-  
 xu humoris tum propter intemperiem, tum propter so-  
 lutionem continui: quia utraque causa doloris est, ut ali-  
 bi ostendimus, & in posterum ostendemus, quando ma-  
 iorem nacti erimus occasionem. propter qualitatem ita-  
 que humoris, & extensionem dolor præcessit inflamma-  
 tionem, quæ proxime dolori inflammatiui successit: non  
 immerito coepit dolere ante, quam inflammatio confirma-  
 retur circa lumbos. Circa lumbos, bene intelligatis:  
 debetis intelligere sic, quod dolor inflammatiuius, & las-  
 situdo erat circa partem superiorem lumborum, non cir-  
 ca lumbos, ut in aliis, sed circa partem superiorem, ubi est  
 diaphragma, circa furculam stomachi: cuius signum est,  
 quod habuit etiam inflammationem uerã in diaphragma-  
 te,



# COMMENT. MONTANI

te, ut audietis postea : nunc incipiebat fluere materia. **er**go ubi inflammatio futura, ibi debuit esse dolor præcedens inflammationem, inflammatio in diaphragmate. ergo **&** dolor : sed diaphragma est supra lumbos. ergo circa superiorem partem dolebat, ita intelligatis, sicut **&** græcus codex habet. Vnde interpret Latinus elegantie potius studens, q̄ rei uoluit uertere alio modo, dicitq; circa præcordia, uel circa lumbos : utrunque dicit in hoc textu, non oportet grammaticam docere, **&** decipere scholasticos. duo igitur cōmisit in his uerbis primo dixit laborare : nos, ut textus græcus dicit, dolere : circa lumbos, circa diaphragma, præcordia aliud est, oportet attendere sensui Hippoc. non elegantie : coepit dolere circa diaphragma, uel circa partem superiorem lumborum. Haftenus de his quæ præcesserunt ægritudinem, **&** de ægritudine. inuasit Silenum febris acuta ex lassitudinibus, **&** computationibus, et exercitijs intempestiuis : prius tamen coepit lumbis laborare, dolere circa diaphragma, in quo postea facta est inflammatio, grauitate capitis, **&** colli tensione tenebatur propter omnes lassitudines complicatas, quas simul patiebatur, præfuerunt omnia ista symptomata, postea, secuta est febris acuta cum symptomatibus, quæ quomodo secuta sint eā, audietis. **PRIMO DIE** postq̄ accessit febris acuta. **ALVVS BILIOSA** mera, spumosa, affatim multa reddidit **&c.** Notetis quod singula uerba à nobis diligenter sunt perpendenda propter interpretem, **&** propter ipsum Hippoc. Dicit quod eges-

sit



fit biliosa, primo die excernebat bilem meram, copiosam, & spumofam: signum est quod abundabat humor, & erat maxima copia materiæ. Regula enim est Gal. & medicorum, quod quodocunque excernuntur humores meri, & copiosi per egestionem alui, uel quampiam aliam excretionem, ut urinam, uel sudorem in principio morbi nulla præcedente concoctione, in corpore est multa copia materiæ, & ualet argumentum, uel consequentia: eo primo die materia excernitur cruda, non cocta. ergo multitudo humoris est in eo corpore, quam natura non potest regulare, ut exoneretur à tanto onere, inconcoctam & crudam cogitur expellere symptomaticè, non regulariter. Cum igitur fuerit excretatum copiosa materia in primo die cruda sine ulla coctione ostendit, quod redunabant multi humores, erat biliosa, syncera, non permista. Circa hoc notetis, ut sciatis quid hoc referat, & cur addiderit in textu syncera, pro quo legatis Galenum in septima particula Aph. Aph. 23. a deiectione syncera difficultas intestinorum, dicit Hippoc. quod Gal. in commento declarans quid per deiectionem synceram intelligat, dicit Hippoc. nominare deiectionem synceram, quando syncerus humor impermixtus serosæ, uel aquosæ humiditati per secessum excernitur, siue sit bilis, siue alius humor, ut melancholia. ideo à bile syncera deiecta difficultas intestinorum sequitur, & est deiectio præter naturam: quoniam secundum Galenum bilis syncera non permista serositati propriæ erodit, exedit, & mordicat, non est naturalis. nõ est ergo mirum si in tali egestionem intestinum aliquod ex

B b

eda=



# COMMENT. MONTANI

edatur, & corrodat. Quod de bile, idem de ceteris humoribus intelligatis. Nam ut dicit Gal. in secundo de facultatibus natur. Bilis tunc est naturalis, quoniam est permixta suo ichori, & serositati aquosæ, cum duæ sint partes bilis naturalis serum, uel ut Græci ἰχρὺς, & substantia propria solida humoris, quoties serum, & partem tenuiorem amiserit præter naturam fiet. Nam ex permixtione ichoris redditur bona in substantia, & colore fit, ut Græci feliciter dicunt ὀχρὸς, ὀχρὸς color inest bili naturali: Nos possumus satis recte dicere, pallida: habens colorem paleæ hordeaceæ, uel citrina, quia habeat colorem citri, lutheum in albo, uel album in lutheo; lutheum clarum lucidum, ualde apertum, minime obscurum, ut alias docebamus in prima sen primi Auic. annis præcedentibus, capite de humoribus. Debetis quæ audire omnino illum librum, habetis uirum doctum, qui legit ipsum. Bilis ergo naturalis permixta est suæ serositati; ex qua commixtione fit color ὀχρὸς pallidus, ab istis citrinus dictus, lutheus clarus: si separetur à serositate non habet amplius naturalem colorem: ex quo fit pallida per commixtionem ipsius cum bile, quæ de se in substantia sine ichore crocea est, naturalis colorem habet ad croceam tendentem, sed non croceum propter aquosum serum, lucidum, album. ideo diximus describentes, esse colorem album in lutheo. si contingat igitur quod per calorem separetur, & absumatur ichor remanet substantia bilis crocea: si aduratur, & magis absumatur humiditas subtilis tanto magis amittit luciditatem, & fit æruginea, & tandem fit nigra; quanto magis aduritur, tanto magis

gis



gis acquirit nigredinem. Et bilis mitis, ac benigna est, quando habet serositatem, acris, mordax, & non naturalis fit, quando syncera, & impermixta, non praesente ichore, qui acrimoniam retundit. Humores ergo, ut de bile, ita de alijs dicendum est, omnes secundum doctrinam Galeni. synceri tunc esse dicantur, quando fuerint separati à suis ichoribus, impermixti, & mera substantia ipsorum seiuncta subtili humiditate: Foelicius dicunt Græci ἀκρὸς quasi merus, & seiunctus, simplex, sine alia parte humidiori, & aquosiori: Latini non bene dicunt synceros humores impermixtos, quoniam syncerum illud proprie dicimus, quod sine uitio, sine dolo, & fraude existit; ut homo syncerus est & dicimus uirum esse syncerum, qui uitio caret, & quacunque fraude, non fraudulentus, sine macula. sed bilis quando est impermixta, pura sine ichore mala est, acris, præter naturam, & uitio plena; imò quanto magis syncera est, ut dicunt Latini, discreta & impermixta, tanto uitiosior, & fraudem maiorem, atque malitiam, & acrimoniam continet. ergo non debet dici syncera: quia nō exprimitur proprie, quod uolunt Græci, quando dicunt εἰλικρινὴν, uel ἀκρίτον: non. non: εἰλικρινὴς dici potest syncerus, sed ἀκρίτος non est syncerus, est impermixtus, separatus, ut inquit Hippoc. in textu, & in eo Aph. 7. particula. Melius ergo dicamus, quod Græci dicunt εἰλικρινὴς, Latini syncerum uocant; Hip. uerò dicit non εἰλικρινὴν, sed ἀκρίτον, sine mistione, non contemperatum, cum deriuetur à uerbo κερᾶνμι, uel κερᾶνω, quod est misceo, à quo etiam κρῶσις deriuatur, ut dicunt philosophi, idest, mi-



# COMMENT. MONTANI

stio,contemperantia,uel mistura, ἀκρίτος est impermi-  
stus.optime igitur Hippoc.græce dixit alius biliosa de-  
iciebat, ἀκρίτα,impermistā quo modo,et Leonicenū uir  
doctissimus in eo Aph.interpretatus est, potuissimus, &  
nos inuenire satis idoneum uocabulum, sed quia isti ita uer-  
terunt, syncera nunc dimittamus, de uocabulis nobis non  
sit cura multa, dum de re conueniat: & intelligatis quid  
intelligat Hippoc. siue dicatis hoc, siue illud. Quare con-  
cludamus quod illi sunt synceri humores, qui non habent  
serositates suas, & sunt sine ichoribus impermistis, non  
compositi, sicut docebamus in prima primi: ubi uidebamus  
omnes humores habere proprium ichorem, & suam sero-  
sitate cum substantia mistam: humores inquam si debent  
esse naturales, & quod non sunt naturales, quando non  
habent serum, neque potest inueniri humor naturalis abs-  
que ichore. sicut quatuor sunt humores: ita sunt quatuor i-  
chores, & unusquisque proprium habet, imò ostende-  
mus hac ratione melancholiam, quæ est fex sanguinis sub-  
tilissimam esse; quia habet ichorem mistum, ratione cuius  
redditur tenuis, & subtilis. unde facile pertransit per ua-  
sa etiam paruula ad quod notandum esse uidetur, osten-  
dimus ita esse ex natura rei per autoritates Galen. et p  
multa signa: quanto subtilior, tanto magis naturalis, et ma-  
iorē habet copiam ichoris, & syncera, crassa, terrestri-  
præter naturam existit, & magis præter naturam, quo  
syncerior, imo dicam uobis unum uniuersale, quod habe-  
tis ab Hip. in secundo Prognosticorum, Apho. 45. 48.  
46. 44. & 38. Non modo melancholia, uerum etiam cæ-  
teri



teri humores non naturales, & peiores sunt, quo synceriores, & minus permisti sunt ichoribus præter sanguinem, qui est proprium totius corporis alimentum. ideo ibi loquens Hip. cum Gal. de screatione, & uomitione dicit peiorem esse screationem humoris syncerioris, quicumque sit uel bilis, uel pituita, uel melancholia, & periculosa magis, quàm screationis humoris permisti: quia peiores, & magis præter naturam sunt humores quando impermisti sunt, quàm quando permisti, humores dico, qui sunt ut excrementa sanguinis, non principale alimentum corporis. Solus sanguis, quo animal nutritur, eò melior est, quò minus permistus: peior autem est, & præter naturam quanto magis permistus est cæteris humoribus, & propriæ serositati, quia syncerus melius nutrit, q̃ permistus. alii uero humores permisti, si quam habent malitiã ex permistione obtunditur. ista dicebat omnia Gal. exponens Hip. quæ erant aduertenda, & uobis asserenda, ut habita ueritate non incideretis in laqueos, & ut cauere-  
tis uanas contradictiones recentiorum: ibi etiam habebitis quod dixi, impermistum humorem syncerum dici sine sero. Vnde ex his quæcunque obijcientur euitabit is: et primo, quoniam uidetur oppositum dicere Hip. huius in superiori casu in Philisco, quem exposuimus, quando dixit quinto parum sanguinis, idque merum stillauit: *ἀκρίτωρ* inquit ipse sicut, & hic, & secundo Prognost. quomodo uerum est, quod dixisti, sanguinem impermistum bonum esse, tamen exposuisti ibi, quod pessimum fuit signum, & semper malum est, quandocunque excernitur sanguis syn



# COMMENT. MONTANI

cerus, qui significat adustionem, & magnum esse calorē, uidetur esse contradictio in Hip. Non est contradictio, quia magni uiri sciunt, quo modo loquuntur, sed est æqui uocatio, quæ nascitur ex malo hominum intellectu, aliter de sanguine intelligit hic, atque ibi. Nam Gal. in secundo Prognost. et Hip. cum dixerunt quod sanguis solus quanto impermistior fuerit, tanto meliorem eum esse: intellexerunt per sanguinem massam sanguineam, quæ continet quatuor humores naturales, & ex illis consurgit, quæ habet pituitam naturalem, bilem pallidam, & nigrā unā cum sanguine, qui est primus inter omnes humores. massa porro hæc sanguinis habet proportionem quatuor humorum, qui ita miscentur, ut sanguis à prædominio denominetur, nec actu possunt inuicem separari, sed semper sunt complicati; & ubi unus, ibi alij copulari sunt: potentiaq; distinguuntur, ut elementa in mistis, quemadmodum declarat Hip. in lib. de natura humana, & postea Aristoteles confirmauit; licet aliqui aliter sentiant. cum Arist. dicimus, quod necessariò copulantur omnes humores, nunquam sanguis merus sine aliorum permistione reperitur, qui si separaretur, non staret uita animalis, non posset uiuere: de hoc sanguine dicit Hip. quod impermistus bonus est, permistus uerò peior. quomodo est permistus, & impermistus? Eo modo, quo diximus in prima primi cum Auic. ex doctrina Hip. & Gal. Vbi distinguebamus humores, & dicebamus alios esse naturales, et hos quidem quatuor humores constituentes massam sanguineam pro nutritione, & sustentatione animalis, & qui ita



ita miscentur, quemadmodum dictum est: Alij uerò sunt humores præter naturam, qui non generantur ad animalis utilitatem, sed quia aut materia est improporcionata, aut calor uel excedens, uel deficiens; aut ex permistione, ut & Auic. dicit. His stantibus bene modo uerū est, quod dicebatur, solus sanguis, idest, massa sanguinea humorū naturalium impermistis humoribus non naturalibus melior est, quàm si permistus sit, aut cum bile uitellina, aut bile atra, uel pituita salsa: quoniam quanto magis est his permistus, tanto magis adulteratur, & peior redditur, quia sunt naturæ rebelles: isti uero contrarium patiuntur. Nam humores præternaturales synceriores sunt deteriores, quàm cum excernuntur permisti. ideo Hip. de his intelligens dixit screationem, & uomitionem utilissimam esse, quæ permista est; periculosam, quæ impermistis, & syncera existit. Sanguis syncerus, impermistus humoribus præternaturalibus bonus, cum his permistus malitiam acquirit, & fit præternaturalis: quia quo purior, eo magis nutrimentum affert animali. At sanguis naturalis nullo modo potest à naturalibus humoribus separari, nunc accipio sanguinem non pro toto aggregato, & tota massa, sed ut est humor quartus contradistinctus cæteris tribus pituita, bile, & melancholia: hoc modo sanguis impermistus naturalibus humoribus in uiuente reperiri non potest, alioqui statim periret: sunt necessarij ad nutriendum, quemadmodum ostendimus alibi. Si separatur euadit præter naturam, & ita si sanguis syncerus excernatur malum: Hoc modo exponit & intelligit Ga



# COMMENT. MONTANI

lenus, quod dixit Hip. Merum styllauit. quod est nigrum  
terrestre impermistum suis naturalibus humoribus, &  
priuatum ab ichore proprio. ergo malum; debetis scire,  
quod sanguis naturalis bonus cum est permistus ceteris  
tribus ruber, floridus est, & calidus, mediocris in substan-  
tia, & modo substantiae, clarusque: quia habet multos in  
se spiritus, ut etiam dicit Gal. Si fiat impermistus, & ab  
aliis separetur fit praeter naturam, & separatur a spiri-  
tibus, qui ipsum reddebant clarum, & floridum: secerni-  
tur ab ichore, & ita fit crassus corpulentus, & niger.  
idcirco non est mirandum id, quod alias dicebamus, quod  
sanguis syncerus, quartus humor in seipso acceptus, ut  
est sine spiritibus, & ichore, ac ceteris humoribus cras-  
sus est, frigidus, & siccus, terrestris, corpulentus, niger,  
obscurus, & ego loquor de propria sanguinis substan-  
tia secundum Aristotelem, in secundo de partibus anima-  
lium: credo. cap. secundo, non est meum figmentum. Cum  
ichor adiungitur, & spiritus in ipso continentur floridus  
redditur, ruberque, & mediocris est in omnibus, in tempe-  
ratura calidus & humidus, quia spiritus sunt calidi, & de  
hoc dicunt medici, quod sanguis naturalis est calidus, &  
humidus; sine ichore, & spiritu terrestris est, inimicus na-  
turae, & est merum uenenum corpori humano: & haec  
est sententia, & doctrina tum Gal. tum Arist. à quibus  
non recedimus. Concludendum igitur est, quod cum san-  
guis dupliciter accipitur uno modo intellexit Galen. in  
hoc casu, alio modo in Prognosticis: hic uult sanguinem  
merum excretum priuatum spiritu, et ichore, separatūque  
à na-



à naturalibus humoribus malum semper esse, & maximā significare adustionem. in secundo Prognost. dixit sanguinem depuratum ab humoribus non naturalibus bonū esse, malum cum permistus est, quia & ipse redditur præter naturam. ideo nulla est contradictio, est æquivocatio terminorum propter malum intellectum hominum, qui faciunt contradictiones & paralogizant, & intricant uos: magni uiri non ita facile sibi contradicunt, oportet intelligere decipiuntur propter paralogismos, & ignorantiam logicæ nescientes distinguere: & quod est multiplex unum facientes, sicut & sæpius faciunt. Hippocr. nunquā sibi contradicit, & si multi propter ignorantiam existiment contradicere. intelligatis itaque ex his, quomodo bilis syncera impermixta sine ichore temperante pessima est, calida, sicca, acris, mordax, & maxime inflammata, & à calore præpotenti adusta, à quo absumptus est ichor, & humiditas ipsius bilis, permixta mitior, & benignior est. Hic uir habuit primo die aluum biliosam meram, egeßit puram bilem, quæ adusta erat, & præter naturam; quæ quidem periculosa egestio erat, & pessime habuit Silenus: signum erat præpotentis caloris, & maximæ adustionis: quandoquidem esset absumptus ichor, à quo retundebatur uis acrimoniæ. Fuit pessima egestio: & primo propter hanc primam conditionem, quia erat bilis syncera, & mera præter naturam; habebat & aliam conditionem, spumosaq; erat bilis syncera: spuma est signum agitationis, & mutationis, de qua deinceps tractandum est.



## COMMENT. MONTANI

Inceperamus superius prosequi de symptomatibus, quæ singulis diebus contingebant in Sileno: uidistis quod primo die incepit laborare febre, & quidem acuta, quoniam cum dicimus, quod silenum ignis corripuit, dicimus quod laborauit febre acuta, quæ est ægritudo proposita, cum hoc sit quoddam confusum. ideo Hippocr. incepit distinguere symptomata particularia, quæ singulo die apparuerunt circa ipsum, ut ex his possemus cognoscere essentiam ægritudinis; dico symptomata singularia, quia proponet postea alia firma, & uniuersalia. Dixit quod primo die exhibant excretiones biliosæ meræ, spumosæ, assætum multæ. Vbi erat à nobis prænotandum, quod fueram oblitus, quia dixit, biliosæ, non autem bilis mera, nolebat nos circa id decipi, ne putaremus, quod fuisset bilis illa ruffa pura, & simplex, sed utraque, uoluit ambas complecti, ne intelligeretur, quod esset una bilis. feces erant biliosæ meræ, idest, utraque bilis præter naturam permixta, synœcra tamen sine ichore, & alijs humoribus. Vnde egestionēs biliosæ denominabantur, quia bilis utraque exhibat diuersa ab altera, dissimulantur tum in substantia, tum in colore: si dixisset bilis, potuissemus existimare unam tantum fuisse bilem: at dicere biliosa de hac, & de illa intelligimus. postea per hoc quod dixit, mera, significauit impermixtam esse ab alijs humoribus, & à suo ichore, & per hoc consequenter innuit, & diffiniuit malitiam materiæ morbi. significabat primo cum essent egestionēs biliosæ, quod erant plures humores uno: & sic maligni, & mala materia, quanto plures sunt humores, tanto peiores in mor=



morbis tam acutis, quam chronicis: si sint plures humores  
 excedentes non maligni, tamen longitudinem morbi effi-  
 ciunt, & quidem longiorem, quàm quando unus, uel pau-  
 ciores exceſſerint, uultis hoc uidere? audiat, quanto plu-  
 res humores non naturales peccauerint, eo magis homo  
 receſſit à proprio temperamento, ut qui ſit in tanta di-  
 ſcrasia, & diſtemperantia, ut multos & diuerſos generet  
 non naturales humores: ſed curatio eſt reductio ad tem-  
 peramentum: quo ergo magis receſſit à temperamento,  
 tanto longiori tempore poterit ad ipſum reſtitui. præte-  
 rea & alia ratione faciunt longiorem ægri tudinem, quia  
 ſi ſit unus, uel pauci humores citò concoquantur: ſi ſint plu-  
 res indigent longiori tempore ad hoc, ut concoquantur,  
 qui niſi concoquantur, morbus curari non poteſt; at ſi plu-  
 res & diuerſi ſint humores non naturales, natura magis  
 laborat, indiget longiori temporis ſpatio, & ita longitudo  
 morbi ſaltem ſignificatur: ſi modo non ſolum ſunt plures,  
 uerùm etiam deprauati, maligni, aduſti, & multum à natu-  
 rali ſtatu recedentes non tantum longitudinem morbi ef-  
 ficiunt, & materiam deprauant, ſed & peſſimas generāt  
 febres malignas, acutas, deteſtandas, & letales; ita ut ſem-  
 per multitudo humorum non naturalium peſſima ſit, quæ-  
 modocunque ſint humores; uel non maligni, & ita longi-  
 tudinem: uel maligni & acutiem morborum producant.  
 Hic ergo homo in primo die per aluum egeſſit recremen-  
 ta bilioſa, ſyncera, non ſimplicem, & meram bilem, ſed u-  
 tranque, & ſynceram, impermiſtam, malignam. Vbi de-  
 betis ſcire, quid intelligatur per ſyncerum humorem: Bilis  
 enim



## COMMENT. MONTANI

enim syncera dicitur ex Hippocr. & Galen. dogmatibus quando priuatur suo ichore naturali, & serosa humiditate, a qua mitior redditur, atq; benignior. bilis autem maxime naturalis est, quando mista est cum suo sero, sicut & quilibet alius humor naturalis, ut bene declarat Gal. in secundo de facul. nat. cum priuantur humores sua serositate acriores efficiuntur: ergo & bilis, quando ab ichore separata fuerit, & impermixta acerrima, mordax, & erodens redditur, quia priuatur humiditate acrimoniam re-tundente. in Sileno primo statim die egestio biliosa fuit, duæ species ipsius bilis meræ, & synceræ impermixtæ suo ichori. ergo maligna materia, & ualde rebellis ipsi natu-ræ: hæc est interpretatio Gal. non mea, & hoc probatum est tum ratione, tum authoritate, quod syncera materia biliosa ita est, ut iam audiuitis; & ideo maligna tum quia multa, tum quia maligna, adusta, & syncera, nihil deerat ad malitiam, quin efficeretur ægritudo acuta pessima.

PRIMO DIE aluus biliosa mera. Hoc iam declaratum est hætenus, sed præter hoc, quod erat biliosa syncera impermixta, adusta, maligna, & uaria multa, accedebat unum aliud ad malitiam perfectam egestionis, quod fuit spumosa, hoc quoque erat pessimum signum. SPUMOSA. Et ut intelligatis recte omnes quid significet, & portendat egestio, quando spumosa apparet non modo in hoc casu, sed in qualibet acuta ægitudine, in quibus maxime solet apparere, ut quotidie experientes possumus testari, et quam detestanda sit spuma, quando uidetur tum in egestionibus, tum in urinis, oportet hic pertractare de causis spu-



spumæ, quæ apparet in egestionibus, & urinis, & uni-  
 uersaliter in quacunque re naturalis; quod facere non po-  
 terimus, ut causas eius intelligamus, nisi & naturã prius  
 spumæ cognoscatis. Declaremus ergo quæ sit essentia, &  
 natura spumæ. audiat: spumæ ratio formalis est ipsa per-  
 mistio aquæ cum aere, uel melius, aeris cum aqua: quoties  
 nanque aer permiscetur cum aqua, tunc uere fit spuma, &  
 hæc est spumæ ratio formalis, qua spuma inesse constitui-  
 tur, & spuma denominatur; & ubicunque est, ibi est spu-  
 ma: hæc est una causa. Causa efficiens est uiolenta agita-  
 tio utriusque simul aeris, & aquæ. Dicitur notanter ui-  
 olenta agitatio utriusque simul, ad differentiam permistio-  
 nis naturalis: quia cum naturaliter non uiolenter aer &  
 aqua ueniunt ad misionem, ut aer naturaliter misceatur  
 aquæ, ut unum agat in aliud, tunc non sequitur forma spu-  
 mæ, nec spuma conficitur, sed aliud quippiam. Ex permi-  
 stione naturali horum elementorum sequitur forma olei,  
 & efficitur oleum: quid enim aliud est oleum, quàm aer  
 cum aqua commistus. unde à prædominio aereum est: ex  
 qua permistione spuma oriri non potest: quia spuma est  
 quoddam mistum præter naturam. ideo ut excluderetur  
 ab actione, & misione naturali diximus, quod causa effi-  
 ciens spumæ est mistio, uel potius agitatio uiolenta ipsius  
 aeris cum aqua: non naturalis, quia fit ui. Causa ergo effi-  
 ciens est hæc unico nomine expressa: quæ cum talis sit, ui-  
 olenta agitatio aeris cum aqua, inde sequetur modo unum,  
 quot erunt efficientes agitationis, tot erunt etiam spumæ:  
 quoniam ex his primo fit agitatio, ad hanc succedit spu-  
 ma



# COMMENT. MONTANI

ma. Agitatio fieri potest uel propter aliquid mouens, & agitans: uel propter calorem, quando calor ingreditur materiam, commiscet aerem cum aqua: & in hac commistione fit conquassatio, & agitatio propter calorem dilatantem: & ita calor efficit spumam, licet & calor primaria causa non sit ipsius, nunquam efficit spumam, nisi primo agitetur materia; ex qua agitatione miscetur aer cum aqua, & fit spuma, & hac permistione utriusque uiolenta. Ex quo uideretur, quod tandem una esset causa efficiens ueræ spumæ motus, uel agitatio uiolenta: quod si calor causet spumam immediate facit, non immediate: quia primo agit. Et forsitan una est causa. Quapropter agitatio ista uiolenta, ad quam immediate sequitur spuma uel fit immediate ab aliquo uiolenter agitante aquam cum aere baculo, quando quis mouet aquam cum baculo, uel huiusmodi alijs instrumentis fit spuma, sicut uidemus in fluctibus maris fieri quotidie, quando uenti ualidi insurgunt, ac agitant mare: ex qua agitatione partes aeris cum aqua permiscuntur, & fit spuma propter uentum uiolenter agitantem, & mouentem mare. idcirco quando flant uenti, apparet multa spuma in mari: quotiescunque ergo permiscuntur partes aeris cum aqueis uidemus quod fiat spuma: permiscuntur ex motu primo, ut uidistis, deinde agitatio utriusque simul fit à calore, & à calore: unde fieri spuma, ut apparet in lebetibus, quando lebetes saliant, fit spuma nullo mouente, solum calore agitante aquam: quoniam caloris proprium est rarefacere. calor ergo rarefacit aquam, & in aerem uertit, ambosque simul commiscendo uertit in spumam:



mam: in proposito quoque idem dicebat Alexander primo de quaestionibus naturalibus cap. vi. in ea quaestione, quando aqua incalescit, rarefit, & tendit ad naturam aeris: ideo aqua calida est aer in potentia, dico aer substantialiter, & uia in aerem: quia medium inter aquam puram, & aerem, sicut & aqua frigida crassa à frigore congelata est uia in terram; glacies est terra in potentia, & sapit naturam terrae: quia media inter aquam, & terram: nec est uera aqua, nec adhuc terra. cum igitur aqua bulliat, & incalescat in lebeo propter calorem ipsius ignis, agitatur & permiscetur, & fit spuma in superficie aquae: ergo uideretur quod calor sit causa spumae. Nam aqua calida rarefacta est primo à calore, calidi est rarefacere, creuit in dimensiones, non potest dilatari, & fundi, cum non possit se explicare, si sit maxime rarefacta concutitur, & simul agitatur: ex agitatione nascitur spuma. Et ita istae duae sunt causae spumae efficientes, & si una tantum primaria, & immediata esse uideatur agitatio utriusque elementi, tamen quia & calor facit uiolentam agitationem, & ad hanc sequitur spuma, propterea uidetur, quod calor agitando faciat spumam, & ut causa concurrat ad generationem spumae. Duplex est causa agitationis, & spumae: una quidem est motus, & agitatio: altera uero calor, & spiritus subintrans aquam, rarefaciensque, & simul commiscens agitando aquam cum aere, non quod proprie sit causa spumae, sed quia agit: ex agitatione fit spuma. motus uero si ne aliquo efficit spumam, ut quando baculus, uel aliquid aliud mouet aquam: istae sunt causae efficientes. Materialis est



# COMMENT. MONTANI

est dicta, sunt illa duo, aqua & aer. Habetis itaque hactenus causas omnes formalem, efficientes duas, materiales duas: Causam finalem non inquirimus, quoniam multoties audiistis à me, quod in his, quæ sunt præter naturam, & præter intentum naturæ non inuenitur aliquis finis: spuma est effectus non intentus à natura, ut dicebamus: finis inuenitur in his, quæ perfecta sunt, & bona, quia ratione boni natura mouetur ad agendum: in spuma nulla est perfectio, ratione cuius particulariter intendatur, sed est solum quædam forma inducta consequenter ad actionem earum causarum, quæ dictæ fuerunt, cum non habeat perfectionem, caret fine, & hoc est uniuersale in rebus non naturalibus. Cum considerauerimus iam spumam quid sit, et omnes eius causas, propriamq; naturam, & hoc non sufficiat, uideamus nunc ea, quæ consequuntur spumam ex principijs ipsius: quia ad rectam cuiuslibet rei cognitionem requiritur, ut natura, & consequentia naturam cognoscantur. Vidimus autem, quod spuma est permixtio aeris cum aqua propter agitationem uiolentam utriusque simul factum uel à mouente, uel à calore: hæc est essentia tota, & integra spumæ. Audiatis modo consequentia: spuma primo habet ampullas, quæ consequuntur causas spumæ: ampullæ contingunt ipsi, ut accidentia, quæ uariantur, prout causæ diuersæ fiunt. Vel enim spuma ita est, ut in ea sint ampullæ raræ, & amplæ: uel spissæ, & paruæ: uidendum est cur hæc, cur illæ fiant; à quibus causis utræq; fiant: ex uaria habitudine earundem causarum efficiuntur uariæ. Et hoc est pulcherrimum cognitu, & utilissimum:



mum: quia cum uiderimus ampullas in egestionibus, & in  
 urinis, nos qui sumus medici rationales, & omnium cau-  
 sas perquirimus, sciemus iudicare, & cognoscere quid si-  
 gnificent pro earum uarietate, & considerabimus quid iu-  
 dicij nobis afferunt, quando sunt magnæ, & raræ ampul-  
 læ, ut sæpe contingit & in urinis, & in excrementis: uel  
 quando parue, & spissæ: prout uarias habent causas, ita  
 uarium iudicium dabunt nobis. istæ ampullæ sunt quidam  
 affectus, quædamq; passionēs naturales consequentes es-  
 sentiam, & causas spumæ: fiunt quidem raræ, & magnæ,  
 amplæ, quando quod agit magnum est, & ualidum, sed nō  
 diu perdurat, breui tempore agit. Vnde uidemus quando  
 ualde excitamus aliquod uiscidum, & tenax, fiunt in spu-  
 ma ampullæ magnæ, & raræ: sed ubi diu agens in actio-  
 ne perseverat, & longo tempore perseverat, tunc fiunt  
 spissæ, frequentes, & parue: non amplæ: et hoc secundum  
 rationem fit, quando est agens magnum, & actio non diu  
 perdurat cum parum agat flatus peruenit ad paucas par-  
 tes aquæ, non potest tam citò ad omnes accedere. ideo pau-  
 cæ excitantur ampullæ, & raræ, plurimum spatium est  
 intermedium, & distant à seipsis: quia ibi fiunt, ubi flatus  
 tantum continetur agitatus, qui agitans aquam eleuatur,  
 ut ascendat, & faciat ampullas, quoniam uerè agens si  
 magnum est ualde agit, & multum flatum in paucas  
 partes impellit, fiunt ampullæ magnæ, & cum sint ma-  
 gnæ non possunt esse multæ, nec possent contineri, flatus  
 multus cum impetu uenit ad unam partem, ibi facit ma-  
 gnā ampullam; ita uenit in aliam, & facit aliam, non

Cc

pos=



# COMMENT. MONTANI

possunt esse plures. Et ita ex agitatione magna breui fiūt  
 ampullæ: magnæ quidem, sed raræ, quia ubi magnæ sunt  
 non possunt esse plures: et contrà si sunt plures, non sunt  
 magnæ, quia si sunt plures spiritus dissipatur, & deuenit  
 ad omnes partes aquæ sine impetu, & leuiter, qui non pōt  
 eleuare in magnam molem ampullas: cuius rei etiam signū  
 est, quod si agitetur magis aqua ex longiori agitatione nō  
 possunt perdurare magnæ, dissipātur & diuiduntur, fiūt  
 paruæ, crescunt in multitudine, quia flatus ex agitatione  
 accedit ad multas partes aquæ, & ita magnæ raræ fiunt,  
 paruæ, frequentes: si breuis sit agitatio, & magna fiūt ma  
 gnæ raræ: & uidemus quod quando pueri fistula cum fla  
 tu agitant aquam uiscidam, statim excitātur ampullæ ma  
 gnæ, & raræ: sed si aliquis baculo misceat ipsam, frangit  
 ipsas, non possunt esse magnæ, fiunt paruæ, multæ, & tan  
 dem dissipat flatum, qui cum exiuit nihil est. Ex quo ha  
 betis quod cum uideritis ampullas, quæ sint paruæ, & spif  
 sæ, dicetis, sunt factæ ex longa agitatione, & paruo agen  
 te: quando id, quod agitatur paruum est, & diu agitatur, diui  
 dit spiritum in omnes partes aquæ, & excitat plurimas  
 ampullas paruas, non fiūt à quacunque agitatione breui:  
 sed si magnæ, & raræ fuerint, fuit facta magna agitatio  
 in breui tempore: ex diuersitate ampullarum in spuma ha  
 bebitis uarietatem dispositionis ipsius agentis: hoc est pri  
 mum symptoma accidens, quod contingit circa spumam.  
 secundum accidens est, quod quandoque spuma pertinaci  
 ter adhæret, quandoque facile, citoq; dissoluitur, non mul  
 tum adhæret, & hoc faciet distinctam cognitionem conse  
 quen



quentiam spumam. cur ergo modo facile dissoluitur, modo pertinaciter adhæret, cū semper fiat ab eisdem causis, & eandem habeat naturam? non potest accidere nisi causæ diuersæ sint, aut saltem diuersam habentes rationem: non est alia causa huius symptomatis, quàm uaria dispositio materiæ: quandoque aqua crassa est, & uiscida, subtilis spiritus, uel spiritus crassus, aqua tenuis non uiscida: uel utrunque simul crassum, & uiscidum est: si alterum istorum fuerit crassum, uiscidumq; & tenax quod cum alio permisceatur, tunc fiunt ampullæ pertinaces, & spuma pertinaciter adhæret, difficile dissoluitur: si utrunque: tanto magis quando aqua miscetur cum aere crasso, fit spuma tenax: si utrunque crassum sit, misceatur, & agitetur spiritus, aer crassus cum aqua tenaci pertinacius simul inheret, & annexa sunt, ut difficillimè possint separari: neque aer potest facile disflare, ita ut quando alterum eorum crassum est, ista est pertinacissima spuma. inde est, quod spirante Austro, & nebuloso aere existente in mari fiunt spumæ crassæ, uiscidæq; & pertinaces, quæ non possunt dissolui, tam bene commistæ sunt: quoniam Austro est uentus obscurus, crassus. Itaque homines spirante Austro fiunt grauiiores solito seipsis, hebetanturq; ad omnes operationes. Austri auditum hebetantes, caliginosi, caput grauantes, pigri &c. dicit Hippocr. & hoc dicebat Galen. de Austro quod obtenebrat, & incrassat aerem, qui postea alterat humana corpora secundum eius dispositionem, quemadmodum superius audiuitis. Nebulæ etiā crassæ faciunt aerem, quam ob rem tempore nebuloso,

Cc ij so,



# COMMENT. MONTANI

so, tenebrosoq; & Austro spirante (quia spiritus & aer crassus est, fiunt in mari spumæ, quæ maxime adherent, aer crassus diutius in aqua retinetur, cum qua commiscetur, uix possunt dissolui, longoq; tempore durant. Spirantibus uero Aquilonibus, & Borealibus flatibus tempore sereno, aere claro lymphido spuma parum perseverat, citò & facile dissoluitur, eò quod aer tenuis est, non tenax uel crassus, facile disflantur, & separatur ab aqua. Vos quoque uidetis circa ora equorum, circa frena, quãdo diutius agitantur incursu ueloci spumam, quæ diu durat, aquæ pars circa os cum aere commiscetur crassa, uiscida, & facit spumam pertinacem. Spumantia frena dicebat etiam Poeta: & ratio est, quoniam calor & spiritus agitat us propter labrum agitat us ex uelocitate cursus mouet, & uiolenter agitat saliuam in ore existentem, & expellit ad os materiam crassam, & uiscidam: flatus & spiritus cum ea uiscida materia aquea permiscetur: unde fiunt spumæ circa os, & circa frenum pertinaces, inhaerentq; ita, ut non facile dissolui possint. Vos uidetis quàm multũ maneant antè, quàm dissoluantur. infinita fere sunt alia exempla, permancamus in his, & satis uobis sit habere rem ita esse. pertinacia ergo spumæ fit propter uisciditatem materiæ, ex qua fit spuma, uel alterius, idest, uel aeris, uel aquæ, uel utriusque simul non solum aeris, sed & aquæ. Hactenus habetis causas horum duorum symptomatum consequentium, cur quandoque magnæ ampullæ, amplæ, & raræ appareant in spuma: quandoque paruæ, & spissæ: deinde cur quædam spuma diu durat, & diffici-



facilius dissoluitur, quædam facilius, & parum, leuiterq; adhereat: deinde uidendum aliud est accidens: quædam spuma albicat, quædam nigricat. cur ex te quæro spuma alba est, uel nigra? Albedinis causa in spuma nihil aliud est, quam puritas aquæ, & aeris: propterea spumæ albæ non plurimum durant, facile dissoluuntur, eius rationem scietis assignare ex his, quæ dicta sunt, diu durant, quando materia est impura, crassa, uiscidaq; si sit pura, tenuis non continetur, nec uehementer uitium non potest diu sustinere, ut ita uiolenter copuletur: ideo separatur. Nos igitur uidemus quotiescunque aer, & aqua pura commiscetur, fit spuma alba, quod non est meum, id dicebat Aristoteles in secundo de generatione animalium. cap. secundo, si memini recte, quando alba & pura permiscetur, ex commistione ipsorum non fit nisi album, quod dicebat Aristotel. illius non solum hanc causam reddidit Galenus in secundo Prognos. text. sed etiã facilius, ac melius in 4.3. Aph. part. secundæ in quo dicit Hipp. Stragulati, ac dissoluti nondum mortui non referuntur, quibus spuma circa os fuerit: sed etiam Arist. ut dixi in secundo de generatione animalium cap. secundo, quod ubi corpora alba, & pura commiscetur, & permiscetur simul, necessario fit albedo in misto ex illis, quanto magis pura fuerint, lumen penetrat tantò melius per omnes partes misti, & ita fit lucidum: si sint impura, lumen pertransire non potest, nec ad profundum penetrare, nec insuperficie est, fit opacum: Differentia tamen est, quia corpora pura aut sunt tenuia, aut crassa:



# COMMENT. MONTANI

si sint tenuia lumen non impeditur in transitu, penetrat  
 ad omnes partes misti, & facit corpus esse lucidum, trans-  
 parens, non coloris alicuius; quia cum sit receptio lumi-  
 nis in terminata superficie corporis, non potest genera-  
 ri si penitus receptatur: si uero sint crassa, quanto cras-  
 siora, tanto magis lumen remanet in superficie, nec po-  
 test penetrare ad profundum, & fit alicuius coloris.  
 ideo aqua quo magis incrassatur, eò magis acquirit colo-  
 rem, & si multum luminis recipiatur in superficie fit al-  
 bedo; aer etiam purus cum tenuis est ex receptione lu-  
 minis nullum habet colorem; lucidus quidem est, acolor  
 tamen, & priuatus colore, cum est crassus acquirit di-  
 uersos colores ex uaria receptione luminis in superfi-  
 cie. Aer igitur & aqua quando crassescunt, ut à frigore  
 acquirunt uarios colores, & si pura sint, multumq; in  
 superficie recipiant luminis albescunt ut nix; de qua dein-  
 cept erit dicendum: si parum & sint impura, alios colo-  
 res habent, & quādoque ita incrassatur aer, & diuersi-  
 color fit, opacus, ut uideantur esse animalia, & corpora  
 mota, quæ postea à uulgaribus dicuntur demones, hoc  
 est quia aer incrassatur. Et ut in sepulchris apparet, &  
 hoc maxime circa cimeteria mortuorum aer incrassatus  
 propter crassos uapores putridos eleuatos à cadaueri-  
 bus, quod fit ex mistione ipsorum, & in crassitie opacus,  
 & coloratus diuersis modis: uidentur postea muliercu-  
 lis animæ mortuorum, quæ ex inferno illuc delatæ sint.  
 Monachi confirmant id ipsum mordicus, & dicunt oportet  
 dicere sacra D. Gregorij, sed hoc faciunt, ut lu-  
 cren=



crentur, & ut bulliat eorum culina, qua destructa male cum ipsis actum erit: neque enim alia de causa, neque quicquam apparet, nisi phantasma siue stultitia stultis. Ita quoque glacies aqua congelata albefit, cum prius aqua non esset alba, quoniam crassior est aqua, & aqua quanto magis habet de crassitie, tanto magis est densa, & terminata, lux non potest penetrare ad profundum: excipitur tantum in superficie, & fit albedo ex ratione coloris, est enim albedo, imò omnis color receptio luminis circa superficiem corporis terminati lucidi: luciditas est penetratio luminis per totum corpus lucidum. Cum hoc ita sit, habeaturq; in condensatione depuratorum corporum, quando fit condensatio aeris cum aqua permixti, lumenq; receptum non penetrat per totum mistum, ut per eius substantiam extendatur, sed in superficie remanet tantum, tum fit albedo. & quanto miscibilia puriora extiterint, tanto clarior fiet albedo, & mistum albius. Quando autem impura sunt, quæ miscentur, lumen non potest penetrare ad profundum: ex quo lumen tantum recipiatur in diaphanis, & diaphani sit quædam perfectio, nec multum in superficie recipitur, fit opacum, & opacitate nigredo. ideo quanto impuriora mista, tanto nigriora reddentur, & magis opaca: & sicut uario modo recipitur plus, uel minus, fiunt colori medij uarij in corpore, quoniam ex opaco, & nigro, ac ex lucido & albo medij conascuntur secundum uariam extremorum proportionem, prout magis unum superat alterum: hoc debetis didicisse a philosopho, non à medico nunc expe-



# COMMENT. MONTANI

stare: in hoc tamen & medici cōsentiūt. Verū igitur est  
 quod quotiescunque uidemus spumam diuersorum colo-  
 rum, iudicare debemus corpora, ex quibus mista est in  
 colore diuersa esse: si alba, indicium habemus, quod pura  
 corpora permiscetur, in quorum superficie multum lu-  
 minis recipitur: uel uidemus spumam habere alium quem-  
 piam colorem, & hoc est quia materia ita colorata est,  
 uel ubi flatus coloratus, & aer ita permiscetur: uel ubi  
 aqua, uel utrunque simul, cuius fuerint coloris ista, quæ  
 miscentur, illius dico etiam spumam esse. & à posteriori,  
 cuius coloris spumam uiderimus, eius etiam iudicabimus  
 esse corpora, quæ miscentur, & ex quibus spuma consur-  
 git, ut cum bilis habeat colorem citrinum spuma, quæ  
 ex ipsa cum spiritu commista fit, citrina est: sic si mate-  
 ria fuerit nigra, nigra fuerit spuma, ut à melancholia:  
 si rubra, rubra, ut à sanguine: si alba, fit alba, ut à pitui-  
 ta. Nam si aer, uel spiritus, & aqua, uel materia aquea  
 pura fuerint alba, spuma alba est: si alterius coloris, si-  
 cut miscibilia sunt colorata, ita spuma coloratur. Hinc  
 est quod nix, quæ est candidissima spuma, ut etiam dicit  
 Aristoteles cum sit ex aere, & aqua purissima, albißima  
 est cum primo cadit: & possumus dicere, spuma est al-  
 ba: ergo & corpora, ex quibus generatur pura sunt, &  
 alba: quod nix fiat ex aqua purissima apparet, & signum  
 illud est, quod non fit nix tempore procelloso, sicut quā-  
 do fiunt pluuiæ, nec quando fiunt fulmina, fulgura, &  
 tonitrua, quia aqua tunc pura non est, & cum non est pu-  
 ra non fit nix. Et hoc dicit Galenus sexto Epidem. credo  
 quod



quod fit sectione quarta. Vbi inquit quod nix est aqua pluuialis subtilissima, & purissima concreta, & cum aere, ac spiritu commista, & addit, quod tum fiunt niues, quando non sunt tonitrua, neque procellæ sunt pluuiarum, sed Aquilo paulum spirat, uentus subtilis, purus uapores eleuatos attenuat, & depurat, rariores facit, et aer purus, non perturbatus, nec admodum nebulosus, aut caliginem, cum aqua pura eleuata in uapores commiscetur. & ideo fit in niue maxima albedo, & ualde intensa ut candidissima sit: & uidemus quod quando nix est in terra albißima est: ita ut uisum disgreget: loquimur quando nix de alto cadit, & quando uera nix est, non de illa, quæ multum permansit in terra, & est etiam hoc aliud signum, cum in terra diu perseuerat, fit nigra, & opaca: semper amittit albedinem, quoniam spiritus purus exhalat, & ipsam derelinquit, resoluitur, & aqua pura permiscetur, semperq; uapores à terra impuri eleuantur, & multa sunt, quæ continuè impuram efficiunt eā: certè hoc est indicium, quod fuerat commista ex aere, & aqua purissima. Dicet aliquis hæccine est contradictio in tuis dictis? Aduertas, quia paulò supra dicebas, quod quando aer purus, & aqua pura permiscentur, spuma non pertinaciter hæret, non plurimum durat: uidemus tamen in niue oppositum, nix habet candorem, candoris causa non est alia, quam puritas aeris, & aquæ in niue, quæ est spuma permiscetur aer & aqua pura, tamè diu perdurat, pertinaciter hæret, & quandoq; durat per multos dies, & per menses. quomodo ergo stabat ista in simul? Aduertatis quod nix detinetur alia in terra non



## COMMENT. MONTANI

propter subiectum, & substantiam propriam, uel etiam propter spumam, quatenus talis est, sed propter congelationem factam à frigore. & ideo non durat spuma ista, nisi quando est maximum gelu, nix est spuma congelata, & propter gelu diu detinetur, quantum ad eius naturā facile dissolueretur propter causam, quam diximus: nec est contra nos, quod per aliud fiat pertinax, inhæreatq; diu solo, nec per se, nec quatenus nix, & spuma perseuerabit, sed diu durat quatenus congelata: unde nix à calore statim dissoluitur, ut si fiat nix Austris flantibus uentis calidis, etiam si esset maxima copia niuis, non diu durat, dissoluitur quandoque in spatio etiam duarum horarum: nondum cecidit (ut ita dicam) quod dissoluitur, uideamus sæpe fieri in hyeme, quod cognoscentes isti, qui habitant in Marchia hac Flaminia, nunc dicta Romandiola cum uident ningere flante Austro, sciunt quod statim dissoluetur nix, non multum adhærebit, quia in niue est aer subtilis, & aqua tenuis commista, non uiscida, non tenax, parum resistit dissoluenti, quantum de se est nix parum adhæret, sed congelatio facta à frigore est illa, quæ retinet diu simul niuem & aquam, nisi esset gelu, citò dissolueretur; non durat propter pertinaciam, neque ratione subiecti spumæ, sed ex frigore congelante, non autem ut in aliis spumis, quæ sunt pertinaces, ita res se habet, ut in spuma maris. Nam spuma maris pertinaciter adhæret, nec facile dissoluitur propter uisciditatem, & crassitiem materiæ: in niue non est uisciditas, aut crassities: & ita uerum est, quod dixeramus de causis pertinaciæ, nec hoc falsum est, nec il

li



li contrarium: quia non est ratione eiusdem causæ, sed alia ratione. Quantum attinet ad materiam de spuma, tantum ea quæ sunt necessaria, hoc anno haud institui uniuersaliter dicere, nisi quæ ad medicinam spectare uidentur. breuis igitur ero & in hac materia, & in alijs physicis, quia hoc anno non est meum institutum philosophari: si quandoque philosophabor parum, tamen breui sermone ad rem nostram attinentia pertingam. Restat modo unicum dubium. Dicunt Aristoteles, & Galenus, quod ex aqua, & aere commistis fit crassius, quod ex ipsis consurgit, quam aqua, & aer: hoc uidetur nunquam posse esse, ex corporibus tenuibus fieri crassius, & maxime propter niuem acquiri crassitudinem, nunquam probatur hoc, sed simpliciter dictum, estque dubium: oporteret prius probare, uideturque oppositum esse debere. Nam dicit Arist. de semine, semen componi ex duabus substantiis elementaribus aquea, & aerea, & crassius reddi à spiritu, qui in ipso continetur: cuius rei dat signum, quando priuatur spiritu, amittit crassitiem: ex quo spiritus est causa crassitiei. Vnde uidemus quando semen eijcitur adhuc calidum permistum cum spiritu congelatum, & crassum est, consistit in substantia: si diu eiectum maneat in terra, fit tenuius, & fluit, non consistit, refrigeratur, & colliquatur, ex colliquatione & liquidius, & subtilius efficitur. Dicit quod semen est crassum propter spiritum nec reddit causam, dat tantum signum, quod semen refrigeratum, & spiritibus priuatum colliquatur, & fit tenue: hoc non est reddere causam maxime in re dubia, et quæ



## COMMENT. MONTANI

quæ opposito modo esse uideatur: & ita uidetur dicere unum impossibile propter rem tenuem fieri semen crassius, neque stat simul fieri ex re tenui, & crassius esse. Verum aduertatis, ut defendamus Galenum, eundem accipimus in testimonio, qui dicit semen à spiritu crassius effici propter optimam complicationem aeris, & aquæ: quãdo spiritus continetur in semine, suspensam tenet aquam, & retinet secum, ut non possit diffluere ad proprium locum, sicq; aer ab aqua continetur, ut ab ipsa reparari nõ possit, nec ire ad suum locum disflando, & ascendendo: utrunque simul optime miscetur, & utrunque retinet alterum, non possunt disiungi, & tendere ad suum locum. ideo ex hac complicatione tumet semen, & crassius redditur, spuma etiam crassior, quam aqua pura, ob idq; cum erit spuma quodam in loco, ubi quiescat illud spumoso, partes commistæ disiunguntur, & à seipsis separantur spiritus, inquam ab aqua, & quod crassum est uidetis recedere ad fundum, diffundiq; ut tendat ad locum aquæ; cum recesserit aqua, aer ascendit, & redit ad naturalem situm: separata redeunt ad naturalem statum, & tenuiora fiunt tum aer, qui exhalat, quam aqua, quæ remanet: sed ubi simul fuerint in eodem loco contenta, & complicata fiunt crassiora, & fit crassities quando utrunque nõ patitur diuisionem. Aliud non possumus dicere, quàm quod est hæc causa crassitie tum in semine, tum in spuma uniuersaliter. Aliud dubium est, quod si ponatis in loco calido humido, bullianteq; aliquod siccum consurgunt ampullæ: Si accipiat plumbaginem, quam etiam noceant

mo=



molybdenam, puluerizetur, & aduratur secundum consuetudinem adurendi: (est autem plumbago ex auro, & argento) adusta ponatur ad ignem in oleo feruenti, quando oleum ebullit, facit ampullas in oleo consurgere, cum tamen plumbago adusta, & sicca sit. Vnde est hoc? oportet scire causam: est quidem hoc utile scire, quomodo componantur medicamenta, ut sciamus conficere medicinas, ne decipiamur. Debetis scire, quod cum ponitis rem adustam ut plumbaginem tritam, & adustā, uel aliqua alia siccata, & adusta in aqua, uel in oleo prope ignē, statim efferuescunt oleo bulliente, & spiritus efferuescēs eleuatus, & generatus propter rem adustam impositam querit exitum, ut erumpat: nihil est aliud quam exhalatio calida, & sicca ex materia adusta imposita in humida efferuescente, ut calce imposita in aqua bulliente exhalatio, uel spiritus querens exitum, si inueniat, unde erumpat, facit strepitum: quandoque faciunt strepitum exeundo, & uidentur eleuare aquam, & maiorem reddere attollentes, & facientes ampullas: cuius rei signum est, quod posteaquam isti uapores exierunt, fit crassior aqua: si est oleum, etiam fit crassius remanente illa parte adusta: quam rem uidentes illi, qui faciunt atramentum sutorium, quo scribimus literas, cum primum decoxerunt omnia, quæ necessaria sunt ad compositionem atramenti, faciunt tincturam: atque gallas, & reliqua accipiūt ostrea, comburunt, & puluerizata ponunt in illo decocto in fine ebullitionis, & hoc facit ad retinendum literas, & scripturam ne fluat, & literæ fiant æquales. Cum autem de

CO=



# COMMENT. MONTANI

coctum prope ignem ebulliens imponant'ue pulueres horum ostreorum, statim ampullæ eleuantur, & multæ bullæ: qui pulueres adusti, sicciq; in humido positi dilatantur, & attollunt decoctum ita, ut exeat uas, cum superent superficiem uasis, tantum attollitur, si tunc accipitur atramentum, & scribatur, dilatatur litera, fluit, non permanet, quia nimis tenue est: sed postquam efferbuerit, & bulla defierit, remanet decoctum crassius, quoniam exhalauit subtile factis ampullis, ex calido facta fuit exhalatio uaporum, & subtilium partium, & quæ remanent, crassiores sunt, si bene commiscentur. ideo si scribatis non fluit amplius: hoc est quia relinquitur in atramento pars adusta pulueris sicca: subtilis, fluida, exhalauit contenta in ampullis. Habetis ergo causas omnium ampullarum, & spumæ. Tot sunt causæ spumæ, & accidentium in spuma, quot audiuiistis, paulò post ostendemus in Sileno, quid portenderint spumæ in egestionibus apparentes, & propter quas causas fuerint factæ, et uidebimus nunquid immerito de hac dixerit Hipp.

Reliquum est, ut accedamus ad eum explicandum, qui dicit, quod illæ egestionibus erant biliosæ, synceræ, & spumosæ: spuma habet suas causas, & principia materiam quidem aerem, & aquam commistam, quæ si syncera fuerint, etiam spuma syncera erit: diximus duas esse causas efficientes, quamuis una uideatur ad aliam posse reduci, tamen satius est sensato artifici, ut inquit Gal. duas affirmare non prætereundo sensum: uel sit propter calorem  
fer=



feruentem facientem ebullitionem in subiecto, uel ex motu ualido, & plurima agitatione permiscente, ex quibus spuma generatur: utrunque agitando uolenter permiscet partes aereas cum aqueis; & hæc permistio est sua ratio formalis, per quam spuma inesse constituitur. Cum ergo Silenus egresserit spumosas feces, signum est quod in ipsa alterum duorum erat, uel utrunque, aut calefactio maxima, & effruescentia caloris, aut motus, uehemensque agitatio materiæ: ex quo spuma fit ex his duobus. Quod calor in Sileno fuerit, qui potuerit spumam generare uidistis, quod habuit febrem acutam, πυρ, ignem, idest, ardentissimam febrem, & calidissimam, in qua humores effruescebant, & ebulliebant; iste feruor maximus fuit causa spumæ in egestionibus: & credo omnino, quod hæc fuerit una causa: propter feruorem humanum febris quoque inuasit: ex quo humores ebulliebant in hoc uiro ex maxima caliditate, & ebulliendo putrescebant. constat igitur calorem fuisse manifestam causam spumæ: erat & alia causa coniuncta præter humanum feruorem, & caliditatem: nempe aderat agitatio uehemens ipsorum, mirum in modum humores agitabantur, & localiter mouebantur: ex motu locali & agitatione spuma facta est: erat agitatio humorum, quia fiebat apostema, inflammatio in parte sinistra, in diaphragmate propter præcipitationem materiæ ad locum. diximus humores expelli à magnis uenis ad minores, ut docet Galenus à minoribus ad alias paulò minores: deinde ad minimas successiue, quoad resederint in spacijs uacuis membrorum extra uenas, & tumorem



morem faciant. Ex quo in Sileno fuit inflammatio agitati sunt humores ex illa expulsionē uiolenta, & ex motu locali spuma generata est: ergo duæ causæ potuerunt ad spumam in hoc uiro concurrere: sed & tertia causa alia ab his duabus uidetur esse, quam possumus dicere fuisse in hoc ægro ex his, quæ habentur ab Hipp. Dico quod spuma fit sine calore, & sine motu, ea causa, quam memorat Galenus in septima particula Aphor. Aph. primo. Quandoque fit spuma in egestionibus, non quia ferueant humores in corpore, non quia agitentur, & localiter moueantur, sed quoniam cum egestionibus, quæ de se spumosa non sunt admiscetur humor, qui spumofus est, & spumofus spumosas reddit egestionē: ut exempli gratia, quando fit fluxus alicuius humoris à capite ad uentriculum, & à uentriculo postmodum ad intestina, qui fluxus catarrhofus dicitur more nostrorum recentiorum quando alius fluit propter abundantiam materiæ à capite descendente in egestionibus est spuma, cum tamen à calore non fiat, quandoque isti sunt sine febre, nec insignē habent calorē: nec ex motu: fit spuma, quia peruenas humores non agitantur, sed ex permistione materiæ spumosa pituitosa descendente à capite. Verum si recte perspiciamus, uidebimus quod catarrhus, qui descendit spumofus est, quia in descensu mouetur localiter: ex motu spumam acquirit, & ita redimus ad idem, quod spuma fiat à motu uehementi. Et ideo non oportet addere tertiam causam spumæ præter duas ueras causas, & præcipuas motum, & calorem: cum hæc spuma etiam à motu, & agitatione mate=



materiae generetur: bene possumus dicere, quod egestiones in fluxu catarrhoso sunt spumosa non propter calorem ebullientem, non ex motu & agitatione, sed propter admistionem catarrhi spumosi descendens à capite, non propterea spuma habet tertiam causam, quia in rei ueritate fiat à motu, uidetur esse tertia causa in egestionibus spumosis: potuit etiam hoc esse in Sileno, maxime ex quo audimus in eo fuisse grauitatem capitis ante principium febris, quae grauitas capitis, ut dicit Gal. in commento circa dimidium eius indicabat contineri maximam copiam humorum non quidem calidorum, & biliosorum, sed frigidorum, crassorum, & pituitosorum à prædominio: hæc materia crassa, uiscida potuit descendere à capite ad intestina, & in motu spumam acquirere, & ita in hoc uiro tres causae efficientes spumae concurrerunt calor feruentissimus, agitatio humorum, & admistio materiae spumosa fluentis à capite. Idcirco bene Hippoc. addidit spumosa. Quantum uero attinet ad alia, utrum essent egestiones spumosa coloris albi? an potius alterius coloris? Probabile satis est fuisse citrinos: ex quo audimus recrementa esse biliosa. Diximusque quod spuma quantū de se alba est, cum generetur ex aere, & aqua alba: tamen obscuratur quandoque ex permistione partium terrearum obscurarum, & opacarum: quandoque admiscetur multitudo materiae rebellis naturae, quae non est alba. Quamobrem uidetis, quod spuma in colore uariatur, colorem habet à materia commista; cuiuscunque sit coloris, eius est etiam spuma: ut quando est spuma alba, et in eā incidat pul

D d uis,



# COMMENT. MONTANI

uis, aut sumus, & reliqua huiusmodi obscuratur: ita spuma in corpore obscuratur, quando materiae commistae non sunt merae, albæ, sed commistae rebelles. Quod autem ad magnitudinem, & multitudinem, atque tenacitatem ampullarum attinet, scitis materiam aliquantulum uiscosam fuisse commistam: propter uiscositatem igitur materiae, rebellionem, & adustionem potuit fieri, ut forent ampullae magnæ, & raræ: maxime cum agens ualidissimum esset, & agitans, & inflammans, & adurens: tenaces quia pertinaciter adheret materia uiscida, non facile dissoluitur: omnes istae sunt coniecturae rationabiles, non certae demonstrationes, de quibus nihil dicit Hippocr. ex his tamen, quæ sunt in textu colligi rationabiliter poterunt. Cum igitur egestionibus istae spumosa habuerint omnes causas efficientes ualidas, & materiam non deficientem non immerito fuerunt multae AFFATIM MULTA. Vbi debetis aduertere, quod iste interpret Latinus deceptus est, & mentem Hippocrates non intellexit, inquit ipse in textu. Egestionibus affatim multae, ac si unum esset per illud aduerbium auctum: Hippocr. tamen in Græco codice ita habet egestionibus, κατὰ χορὴν πολλὰ &c. Vbi sunt duo adiectiua nomina, non unum solum, ut male interpretatur iste uir, qui ponit primo aduerbium uehementiæ, post addit unum tantum adiectiuum, ita ut unum adiectiuum uertat in aduerbium κατὰ χορὴν affatim, πολλὰ multa: sunt duo adiectiua, κατὰ χορὴν πολλὰ, distincta in significatione, non pro uno posita, sed ut diuersa habeamus. Et idcirco sequentes se-

riem



riem uerborum Hippoc. dicemus ita: egestiones alui me=  
 re, biliosæ, spumosæ, κατὰ χορίαν, ad satietatem πολλά,  
 multæ; ecce sicut illa erant distincta adiectiua; ita hæc duo  
 diuersa sunt, ad satietatem multæ, usque ad satietatem.  
 Erant quidem primo multæ in quantitate, κατὰ χορίαν ue=  
 rò, uel quoad colorem attinet, uel quoad substantiam, uel  
 quoad spumam, uel quoad synceritatem, ut tamen est in=  
 telligere quoad materiam, & substantiam excremento=  
 rum: spumam & synceritatem quoad colorem, quoniam  
 superius de colore diximus subticuisse, quod ex his posset  
 intelligi, quando dixit fuisse feces biliosas: ergo citrinas.  
 de colore uidimus; biliosæ meræ, spumosæ: Videamus quo  
 ad quantitatem & gradum fuerunt ad satietatem: ille ho=  
 mo dicit, affatim multæ, posuit hoc, ut aduerbium κατὰ=  
 χορίαν affatim unà cum illo adiectiuo πολλά. Vnde ma=  
 le interpretatus est non intelligens, quid uoluerit per  
 hoc Hippoc. erant spumosæ κατὰ χορίαν πολλά. Debe=  
 tis scire quod hic est mos peculiaris, propriusq; sermo  
 Hippocr. quando uult dicere colorem putabilis ualde in=  
 tensum, & perfectum dicit, exempli gratia, ὀχρὸς color  
 κατὰ χορίαν: quasi dicat colorem palearem intesum, quoad fie=  
 ri potest in summo, & in ultimo gradu. Si uero uult di=  
 cere de spuma, quod multa sit in quantitate, & in maxima  
 copia, uel de recrementis, addit semper hoc adiectiuum  
 nomen κατὰ χορίαν, est hoc proprium uocabulum Hip=  
 pocr. quando intendit exprimere aliquid esse in summo,  
 & tale, uel tale usque ad satietatem, ut dicunt Latini: pro=  
 pterea cum ad alia adiecerit seorsum adiectiuum, intelli=



# COMMENT. MONTANI

gēdū est, quod egestionēs erant quidem tales, & in summo gradu, non mediocriter, usque ad satietatem: quoniam habebant egestionēs multum de spuma, erant plenae spuma ita, ut saturae esse uiderentur, nihil magis poterant esse, & hoc est ut plurimum in malignis morbis: in his. n. egestionēs ita excernuntur, ut cum sunt in uase receptae, uideatur uas esse plenum spuma, superat feces, quae subsident, & si paucae sint, propter spumam tamen uidentur esse multae: & quandoque tanta est spuma, ut cum dissoluatur, non remaneant feces usque ad tertiam partem: & hoc est quod dicimus spumosas usque ad satietatem. Fiunt tales egestionēs praecipue in febribus malignis, cōtinuis, & in quibus est maxima ebullitio humorum, & ubi uidentur, signum est quod citò terminabitur aegritudo uel ad mortem, uel ad salutem: estq; maximus motus in corpore. & ideo saepe uidentur in acutis morbis, qui citò mouentur, & perueniunt ad suum terminum: in hoc uiro indicabant plurimum esse calorem, & fortissimum, & feruentissimum, qui faceret ebullitionem, & magnum esse motum, & propterea feces spumosae erant, ut in acutis febribus apparent. Erant igitur egestionēs biliosae, merae, spumosae: deinde sicut prius addit in graeco textu ad ista omnia: κατὰ χορὴν, id est, usque ad satietatem, habebant omnia ista in summo: quia haec erat natura ipsarum, ut essent biliosae, ut diximus, merae, & sine suo ichore omnino, spumosae uehementes, ut uideretur ferè tota spuma: deinde addit seiunctim, πολλὰ, multae in quantitate: Ex his omnibus indicium erat multitudinis materiae existens

tis



tis in corpore Sileni, & omnia adiunxit non sine ratione: primo quia dixit biliosas, quod biliosæ essent indicat species humoris peccantis: sinceritas malitiam ostendit ipsius materiae, ut auditum est: spumosa per hoc etiam significavit malitiam materiae: deinde hæc omnia erant talia usque ad satietatem, in summo talia, per hoc auxit malitiæ materiae, & causarum efficientium huius ægri tudinis: etiam ita uidetis quomodo primo statim die poteratis iudicare de malitia, uel bonitate morbi, quod esset malus, quod faciet pro prognostico: secutaq; sunt alia symptomata.

VRINA NIGRA, in qua nigra subsiderent, conueniebat cum egestionibus; aliud, quod urina erat nigra, & quia dixit biliosa, non solum fuit quemadmodum aduerte bamus, bilis rufa, uel flaua, sed etiam bilis nigra, utraque commista erat: qua ratione dicebamus dixisse, biliosa, non bilem. Et quia aquæ, uel urinae nigrae fuerunt? non fuit nigredo in egestionibus? quoniam erant adusti humores in uenis, & melancholicus humor superabundabat: sed in uentriculo est bilis flaua, non est talis humor adustus niger, quinimò flaua bilis ex instituto naturæ sagacissimæ, & prouidæ in rebus generandis erumpit à chyste fellis, & per porum felleum, ut dicunt isti, transmittitur ad intestina, ut sua acrimonia stimulet, & incitet egestionem secum, alioquin non fieret debita excretio, atra uerò, & nigra bilis non transmittitur ad intestina, neque per aluum deijcitur, ut possit colorare feces, quo pacto colorat bilis flaua, sicq; feces naturales tendunt ad remissam flauitiem, si egeritur est detestandum, & signum læ-

D d iij tale



# COMMENT. MONTANI

tale, continetur tantum intra uenas: propterea si redun-  
dauit, cum urina sit colamentum sanguinis, ut doceba-  
mus alias eum colorem, quem habet humor peccans adipi-  
scetur. Quare cum in Sileno esset copia multa humoris  
melancholici intra uenas, non est mirum, si urina nigra  
fuit: egestiones uero non nigrae: qua de re primo die erat  
urina nigra? non erat nigra, ut in substantia propria es-  
set nigra, sed cum materia melancholica redundaret, mi-  
scebatur cum urina, & ita tingeat urinam ad nigrum.  
nigra igitur urina in hypostasi tantum per admistionem  
humoris nigri, erat sedimentum nigrum, sicut ostendimus  
etiam proposuisse Hippoc. in Philisco: primum dixit cum  
adiunctione urinam nigrā in hypostasi: deinde uel melius  
secunda uice dixit. Urina nigra sine additione non am-  
plius dixit in hypostasi, quia non erat urina nigra per ad-  
mistionem hypostaseos nigrae, sed iam substantia urinae,  
& corpus ipsum totum erat nigrum: erat adusta etiam  
aquositas urinalis, ita & in Sileno urina fuit nigra, in  
primo die tamen apparuit nigra cum hypostasi nigra  
propter melancholiam: & ita habetis quare, & quomo-  
do urina esset nigra. SITIBUNDVS ERAT, lin-  
gua arida, nocte nihil dormiuit. ista erant apparētia sym-  
ptomata, uidetis magnitudinem, & malitiam ægitudinis:  
primo sitis, & lingua arida, nihil dormiuit, noctem habuit  
insomnem: quæ cum ita essent, si fuisset æger debilis, mor-  
tuus esset in quarta non modo in septima: quia habebat  
tam mortalia, & maligna accidentia in primo die, in se-  
cundo, ut uidebitis in tertio: & semper aucta sunt, sicq;  
ex



ex symptomatibus debebat mori necessario in quarta. sed quomodo euasit, & durauit? erat iuuenis, ab ætate fuit adiutus, & durauit usque ad xi. erat iuuenis. 20. annorum: atque uires habebat robustas ratione ætatis, quibus sustinebat tanta symptomata. Et primo die dicit linguam aridã, audiuiſtis superius cum agebamus de Philisco, quid lingua significat, & habet indicare affectiones uentriculi, pulmonis, thoracis, & tandem, ut breuiter dicam, omnium partium spiritualium, ostendit quidem primo affectus uentriculi: quoniam, ut uidebitis in corporibus incidendis, cutis, quæ est in ore contegens linguam, & totum os interius obducens continuatur, & eadem est in substantia cum cute, quæ contegit partem concavam uentriculi: idcirco lingua compatitur affectioni uentriculi propter maximam affinitatem, & propter situm: inter quæ est foramen rectum, oesophagus, facillime possunt uapores qui cunque eleuari à uentriculo, & transmitti, uel ascendere ad os, & ad linguam: atque secundum eorum naturam inficere linguam, quemadmodum contingit in imperfecta concoctione. Cum igitur fuerit inflammatio in uentriculo, & febris, tunc eleuantur multi uapores fuliginosi, & ascendentes ad os secundum eorum naturam inficiunt os, & reddunt linguam nigram: si quidem fuerit feruor sine aliqua materia, & calor uehementissimus ascendens ad linguam exasperat solum ipsam, & siccam aridam reddit: si uero fuerint etiam humores, euaporant à uentriculo, & secundum naturam humorum, à quibus eleuantur uapores fiunt effectus & lingua his infecta demonstra-

Dd iiij tur:



# COMMENT. MONTANI

tur, hoc est quod dicebat Hippoc. quod declarat Gal. in il-  
la quinta sectione. vi. Epid. in eo Aphorif. lingua lotium  
significat &c. Gal. in commento inquit, quod si fuerit so-  
la intemperies exasperat tantum linguam: si qualitas, &  
intemperies fuerit cum humore redundante exasperat,  
& colorat: Hippoc. dixit tantum, quod est exasperata,  
exiccata, & calefacta, de colore ipse omisit dicere, debe-  
bat tantum aliquid dicere, quia aderat materia; & lingua  
colorata præter naturam. credo uos non latere, & hoc  
etiam nos admonuisse, quod consuetudo Hippocr. est, ut  
nunquam addat ea, quæ ad alia consequuntur, & quæ ex  
precedentibus intelligi possunt: semper enim delectatus  
est breuitate. Cum superius dixisset, quod bilis domina-  
tur in Sileno, propter ea alius fuit biliosa: ad hoc conse-  
quebatur, ut à uaporibus biliosis coloraretur, & tinge-  
retur colore bilis. ex eo igitur nobilia ingenia, subtilesq;  
intellectus, cum quibus semper loquitur Hippocr. habere  
potuerunt cuius coloris esset lingua. Accedit modo ad co-  
lorem exasperatio, ideo dixit, lingua exasperata: ut daret  
intelligere, quod aderat maximus feruor, & per hoc sci-  
retis etiam, quod de colore dicendum erat: ambo tamen di-  
xit: in egestionibus bilis copiosa esse ostendebatur: ergo  
humores: lingua indicabat maximum calorem, & feruen-  
tissimum, quo quidem habito tales adesse humores mon-  
strante sic necessariò lingua repletur uaporibus, & acci-  
pit colorem humorum redundantium. utrunq; igitur ha-  
bitum est, & quem habuerit colorem, & quam superfi-  
ciem: & quod ita sit, & materia ascenderit per hoc indi-  
cat



cat quod dicit sitibundus erat, sit sitis ab eisdem uaporibus fuliginosis, ut in alijs audiistis. NOCTE NIHIL dormiuit &c. Neque intelligatis hic, quod fuerit omnino expers somni, ut in superiori casu uidimus, non est probabile hunc uirum nihil dormiisse: quoniam dicitur in textu: grauitate capitis tenebatur. Dicebat Gal. ferè in fine commenti, quod iste dolor grauatiuus factus est ab humoribus crassis, frigidis, à quibus grauabatur. Cum ergo ex textu habemus, quod caput greuedinem patiebatur, & repletum erat humoribus crassis, impossibile est, quin aliquantulum dormierit, non erant perpetuæ uigiliæ, & continuæ. Sed debetis scire hic quod est sententia, & principium Hippoc. & Gal. ista enim sunt omnia principia sua: quod quando caput repletur humoribus crassis, frigidisq; homines inclinantur ad somnum: si ulterius augeantur, & magis crescat plenitudo primo fiunt comatosi, hoc est, soporati: deinde & si febris fuerit etiam lethargici: si biliosi humores abundauerint fiunt uigiliæ, & sunt homines expertes somni: si magis perseuerant, delirant, & phrenitici coguntur euadere ex apostemate cerebri bilioso, quoniam phrenitis est apostema cerebri. Vel ergo dominatur humor crassus frigidus in capite, & homines efficiuntur *καταδεις*, soporiferi, uel soporati, comatosi: secundo lethargici cum apostemate frigido in cerebro existente: sed si bilis redundauerit fiunt uigiles: deinde si adhuc perseuerat, delirant, & fiunt phrenitici. Vnde bene Hippoc. & cum eo aduertebat Galen. in primo Prorrheticorum, qui sunt uigiles, & in

Dd v prin=



# COMMENT. MONTANI

principio expertes somni fiunt, quoniam portendunt materiam in capite calidam maxime cum febre, periculum est, ne ex calore materiae incendant in apostema calidum cerebri, & ita moriantur: iste uir, ut uidimus, ex quo in principio teste Gal. grauitate capitis tenebatur, & indicabat multam materiam crassam, uiscosam, frigidam in capite, subsecutus est modo effectus. Nam circa quintam ut uidebimus, soporatus est, & comatosus factus. si ergo subsecutus est effectus materiae frigidae, quae in rei ueritate dominabatur in capite, quomodo nihil dormiuit, quo modo uigilaui, etiam si intelligas, non dormiisse, id est, parum dormiisse? Debetis modo scire, quod ubi materia fuerit simplex simplicem & unum producit effectum: si composita compositum, minime simplicem: si sit pituita multa simplex, fit simplex inclinatio ad somnum: si bilis mera, & simplex uigiliae producuntur: si pituita sit mixta bili, & bilis sit complicata pituitae concomitatur duplex effectus mistus ex uigilijs, & somno: somnus quidem fit à pituita: uigiliae uero à bile. in hoc uiro materia mista fuit ex utraque, ex bile inquam, & pituita: quod fuerit primo biliosa apparuerunt signa consequentia ex egestionibus, quae fuerunt biliosae, ut audiuiſtis, & quidem ex utraque bile: deinde ex siti, lingua arida, sicca, & ex eo quod non dormiuit: quod fuerit pituita habetur ex grauitate capitis, & ab effectu, qui consecutus est ex comate: utraque mista erat materia & biliosa, & pituitosa: ex quo & effectus nati sunt misti, & duplices: & pro hoc uideatis quae dicit Hippoc. in primo Prorrhethicorum sententia pri-



prima, quam recte considerat, & ad longum ipse Galen. in commento dicit Hippoc. in textu. Qui comatosi inter initia fiunt cum capitis, lumborum, hypochondrij, colliq; dolore uigilantes, phrenitici ne existant &c. Quando aliqui in principio fiunt comatodes ex inclinatione ad somnum: & postea enumerat signa indicantia materiam pituitosam abundare Hippoc. & quando comati sint permixtae uigiliae sunt ne phrenitici? an aliquid aliud patiuntur? Dicitq; utrum, qui uigilias permixtas habent cum somno phrenitici sint nec ne? Et notate quod sub dubitatione dicit; utrum? quia quando fiunt tantum uigiles in febribus manifestum est solum fore signa, quod fient phrenitici: cum tantum comatosi et dormiunt, uel inclinantur ad somnum fient lethargici: de hoc minime gentium dubitatur ab aliquo, sed quando non solum dormiunt, uerum et uigilant, utrunque simul patiuntur somnum, et uigilias, iure optimo de his potuit dubitare Hippocr. nunquid dicendi sint phrenitici, an uero lethargici, hoc dubium est. Dicas quodcunque duorum uolueris habebis instantiam, quia inquit Hippoc. si dicas eos esse lethargicos? nequaquam: lethargici dormiunt tantum, isti uigilant una cum somno: sin dicas esse phreniticos: contra, isti dormiunt, phrenitici non dormiunt, continuè uigilant: neutrum ergo potest saluari. itaq; iure, ac merito quaeritur utrū illi, qui habent uigilias multas cum somno phrenitici dicantur? Galen. in commento illius sententiae dicit, quod cum Hippoc. dubium hoc mouet, optima ratione mouet, et est dubium rationale: quia quandoque uos inuenietis homines, quos cre-



## COMMENT. MONTANI

credit is dormire, qui manent oculis clausis prostrati, non dormiunt: sed tamen ita sunt, ut omnino inepti reddantur ad actiones, quæ fieri solent in uigilia cum impotentia uigilandi, non aperiunt oculos, non tamen possunt dormire: est potius impotentia dormiendi, quàm quod uigilent, et hæc dicitur ab Arabibus Subet Sara. Dicit enim Auic. et alij Arabes, quod tunc est subet sara, quando homines non possunt dormire, nequeunt tamen uigilare, aut oculos aperire: habentq; duas causas permixtas et causam uigiliae, et causam somni, bilem, et pituitam. itaque bene dicit Galen. quod isti possunt incidere in utranque dispositionem aut in phrenitidem, aut in lethargum. Et bene, inquit ipse, dubitat Hippoc. nunquid fieri debeat lethargicus, an uero phreneticus? quia si dices illum esse lethargicum: ego negabo, et dicam esse phreneticum: si phreneticum affirmes: ego contra lethargicum asseuerabo: cum utraque causæ, et affectiones phrenitis inquã, et lethargus sint commixtæ. utrũ ergo phrenetici nec ne. Determinat Gal. quod debemus expectare: quoniam cum hi duo humores ita sint permixti, unus alium superabit, et dominabitur, et faciet affectum simplicem uel phrenitidem, uel lethargum. Quocirca si pituitosus humor expellatur à natura, & remaneat bilis simplex sola, efficiuntur phrenetici absolutè, & uigilias habebunt continuas sine somno: si uerò oppositum fiet oppositum, si humor pituitosus relinquatur, & resoluator bilis, diffleturq; fient simpliciter lethargici, & tantum dormient, non uigilabunt, nec poterunt excitari à somno, qui adeò profundè dormiunt:



miunt. Et utrunque uidebitis fieri indiscriminatim in a-  
ctu practico. Quotidie enim uidebitis ambo contingere  
eo modo, quo prædixi uobis, quod quandoque in febrim  
bus uidentur in principio dormire, postea subsequuntur  
uigiliæ, & uolunt è lecto surgere, fiunt phrenetici, & in-  
flammati moriuntur. Contrariū aliquādo accidit, ut in fe-  
bre fiant soporiferi in principio, dormiunt leniter tamen,  
ut facile expergiscantur, uocatiq; statim aperiunt oculos,  
& excitantur à somno: quæ passio ab Arabibus di-  
citur simpliciter subet, & nisi medici prouideant, & ip-  
si succurrant, de sopore transeunt in maiorem, & pro-  
fundiolem somnum: fiunt lethargici, & cum apostema-  
te frigido ipsius cerebri moriuntur. Hæc uidebitis indiffe-  
renter contingere in febre acuta, & maxime in pestilen-  
tibus, cum in principio uideantur soporati, postea fiunt  
uel phrenetici, uel lethargici prout unus, uel alter hu-  
mor relinquatur, & prout alter expellitur. itaque cum  
in his febribus uideritis somnum ita uigiliis permistum,  
quemadmodum dicebamus, ut sit impotentia dormiendi,  
& hoc apparebit in prima die, debetis expectare quar-  
tam: quandoque licet sit multa pituita, ratione cuius pro-  
uocatur somnus, tamen propter bilem cōmistam in prin-  
cipio febris fiunt uigiliæ: quia bilis calida & acris facile  
& citò effervesceat, & sicut citò effervesceat, ita citò resol-  
uitur: propterea bile resoluta puta usque ad quartam, pi-  
tuitaq; sola remanente fiunt soporati, & comatosi: hoc mo-  
do contigit in Sileno in prima die uigilauit, non dormi-  
uit. sed uidebitis postea quam soporatus est transacta  
quar-



## COMMENT. MONTANI

quarta & mente constitit: erant omnia secundum rationem, quoniam quando uigilauit in principio, delirauit, mente non constitit: cum autem soporatus est post quartam constabat mente, & amplius non delirabat: ratio est quia in primo die habuit bilem cum pituita, quæ cum sit materia feruida, inflammata calefaciebat, et faciebat effervescere cerebrum, non permittebat in eodem proposito hominem permanere. erat ergo bilis causa delirij, quæ etiam cum tenuis sit in substantia, facile dissoluta est, & remansit sola pituita: bilis euaporat, non erat causa delirij, cum pituita sit frigida firmat, & stabilitatis causa est. ideo mente firmatus est, & hac de causa modo uigilauit, modo soporatus est, modo delirauit, modo mente constitit in hac ægitudine. Nocte nihil dormiuit. Prima ergo nocte non dormiuit. Quauis haberet humorem crassum, pituitosum, frigidum, humidum, qui post quartam debebat facere soporem, & reddere Silenum soporiferum, tamen uapores calidi, feruidi, fuliginosi à bile ascende-  
 debat ad caput, & retundebant frigiditatem, atque humiditatem pituitæ, & faciebant uigilias: deinde & delirium: hoc modo nihil dormiuit in nocte. Sed hic notandum est unum, quod & si in Sileno abundaret bilis simul cum pituita, ut uidimus: tamen erat etiam plenitudo uenarum in capite, erant uenæ capitis repletæ sanguine: quod magis etiam nobis patuisset, si præsentem fuisset: quia uenæ tumidæ debebant esse in capite, & hoc non iniuria. Ex quo audiuiſtis, quod ille plurimum potabat uinum, ex quo sanguis generatur. Quare hoc dicis? dico secundum



dum rationem, ut intelligatis, & si delirium fuit à bile, tamen & sanguis affuit: uultis hoc uidere? paulopost audietis in tertia die erat risus, & cantus, & multa uerba, erat delirium cum risu in principio ægritudinis. Delirium cum risu malum. Est hoc principium, & doctrina Hipp. & Gal. quod delirium cum cantu, & risu fit propter sanguinem, qui adurit à calore, & efferuescit, sicut cum furor fit à bile flaua: & ita uenæ capitis repletæ erant materia sanguinea, quæ fecit delirium cum cantu, & risu: hæc sunt symptomata, quæ fuerunt in primo die. ALTERO DIE febris acuta. Ista modo sunt quæ contigerunt altero die, id est, secundo die. Et primo dicit febrem acutā, ut ostendat quod aucta est. Vbi notandum est, quod in prima die aliter locutus est, dixit πυρ corripuit Silenum, ignis, id est, febris ingens, & uehemēs: nunc modo in secundo die aliter inquit, Altero die febris ACUTA: in primo die non dixisset, quod fuerit acuta, erat tamen uerum, quod erat acuta in primo die: uos audieritis, quam sæua habuerit symptomata. ideo dixit, πυρ, febris uehemens, ardens, reseruauit postea in secundo dicere, quod fuerit acuta, quia exacerbata, & exasperata. idcirco dixit, in altero die febris acuta per relationem ad superiorem diem, id est ad primum non absolute, quia frustra hoc adderet, cum & in primo fuerit acuta, sed acuta, id est, aucta, & maior facta per comparisonem. RETRIMENTA: id est excrementa: utuntur isti interpretes nostri nominibus insuetis & uocabulis, quæ non sunt usitata apud medicos. Vnde dicebat ille



# COMMENT. MONTANI

le meus præceptor in philosophia Petrus Mantuanus, dictus Pomponatius, quod quando legebat Themistium illum traductum ab Hermolao Barbaro oportebat semper habere in manu Calepinum, & dum rei attendendū, oportet studere Grammaticæ. Medici nostri non intelligent dicere retrimenta, ut iste traduxit studens latinitati. Satis ergo sit uobis retrimenta intelligi excrementa alui, quæ deijciuntur post confectionem cibi in uentriculo. PLURA: Comparatiuum est non sine ratione additum, primo dixerat multa: nunc secundo die plura, aucta fuit quantitas excrementorum. TENUIORA, Non erant ita crassa, sicut in prima, sed tamen spumosa. SPUMOSA. Erant quidem tenuiora in secundo, quia magis bilis mouebatur, & magis agitabatur, hoc est semper uerum, & perpetuum, quando tumores agitantur, humor, qui tenuior est alijs, magis etiam aptus est ad motum, & ad agitationem, sicut & in elementis, quod tenuius est, prius mouetur. Itaque aer est primum quod agitur, post aqua, quæ succedit in tenuitate, & facilitate patienti. Aer enim est aptior & facilius ad patiendum, & ad agendum magis dispositus; quia calidus, magis actiuus est, quam aqua frigida, quia tenuior in substantia, est etiam magis affectus, atque dispositus ad patiendum, ad recipiendum quamcunque agentis impressionem. ita bilis inter omnes humores ad patiendum est aptior, & ad agendum parata magis: ad patiendum quidem, patibilis est bilis propter materiam, & substantiam, modumque substantiæ, quia tenuior est cæteris humoribus: ad agendum uero

ro



rō propter caliditatem calida est, & acris acuta, ut facili-  
 lime agat, & quia actio præcedit passionem, bilis in pri-  
 mo die actionem magis ostendit, in secundo uerò apta  
 fuit magis ad patiendum, ad expulsionemq; quia tenuior,  
 & iam diximus humorem tenuiorem esse patibiliorem.  
 quod sit uerum, patet, quia in quarto die non apparuerūt  
 signa tenuis humoris, sed signa melancholiæ, bilis adustæ,  
 & pituitæ, non amplius aderat bilis tenuis, magis parata  
 ad expulsionem, sicut erat in secundo: sed adusta crassefa-  
 cta, in secundo tenuior bilis, quam ob rem tenuiora exi-  
 bant excrementa, & plura: quoniam facilius expelleban-  
 tur, & spumosa æqualiter: & ita omnia erant aucta quo  
 ad excrementa pertinet in illo die. **VRINA** nigra:  
 feruor auctus etiam erat in secundo & plurimum de bile  
 adusta, & melancholia: ex quo audiuimus, quod in secun-  
 do acutior fuit febris, quàm in primo. idcirco etiam aquo-  
 sitas urinalis fuit adusta, & factum est ob feruentissimū  
 colorem adurentem, ut urinae nigræ essent in substantia:  
 & hac de causa Hippoc. hoc loco absolutè dixit, urina ni-  
 gra, non cum hipostasi, aut in qua nigra subsiderent, sicut  
 in primo dixerat, urina nigra in substantia propria non  
 ex admistione rei nigræ, & hic est secundus gradus uri-  
 nae. Videtis maiorem adustionem humorum. **NOX** gra-  
 uis. Dicit nox grauis: aliter dixit in primo. Nocte nihil  
 dormiuit: scitis rationem diuersitatis in loquendo? Ratio  
 est, quoniam in prima & si expers fuerit somni, nox ta-  
 men non fuit molesta: in eaq; nocte non habuit molestias,  
 nec delirauit, nec se iactauit, & si expers esset illius boni

E e som-



## COMMENT. MONTANI

somni. in secunda nocte omnia erant aucta, idq; propter non solum non dormiuit, sed etiam molestias perpeffus est, & nox fuit molesta, grauis. ALIQVANTV= LV M delirauit fuit grauis, quia se iactauit & delirauit, incepit esse phrenitis, & delirium, paraphrenitis: quomodo cunque dicamus non sit lis, intelligatis tamen quod non erat adhuc cum apostemate cerebri, & potius erat paraphrenitis, quàm uera phrenitis, & non erat uerum apostema, & si materia calida biliosa, acutaq; ascenderet ad caput: ista sunt symptomata quæ fuerunt in secundo.

TERTIO cuncta ingrauescebant. In tertio omnia quæ fuerunt in secundo tam sæua debebant esse remota, sed oppositum euenit, omnia symptomata sæua grauiora redita sunt, molestiora, & exacerbata sunt cuncta symptomata. PRAECORDIORVM contentio sub mollis, utrinque promissa ad umbilicum. Diaphragmatis, uel septi transuersi, nō præcordiorum debebat uertere, quia diuersa sunt: in Sileno erat inflammatio in diaphragmate. Et ut bene intelligatis debetis scire diaphragma esse musculum magnum, siue membranam, utrumque, quod diuidit partes naturales, quæ nutritioni deseruiunt, a spiritualibus uitæ deseruientibus, & medium inter membra naturalia, & spiritualia, et est proximum instrumentum anhelitus, facitq; ad formandam, & edendam uocem per tracheiam arteriam, in quo est sedes propria animæ secū dum antiquos: credebant ipsi, quòd anima sederet, ut in suo domicilio in diaphragmate nixi signo euidentissimo, quod maximam facit fidem, quandocunque in diaphragmate cōtin=



tingit affectio, in anima quoque fit affectio, & omnes affectus, qui in ipso efficiuntur, in anima quoque contingunt. Quocirca factum est, ut appellauerint diaphragma *φρεν* Latine mentem, & affectum, qui in ipso fit, *φρενιτις* *Δα.* Gal. uerò & medici posteriores ueritatem magis comprehendentes, & rei intellectum adæquantes dixerunt urinam esse in cerebro, ut proprio instrumento, nec lædi animam, nisi læsum sit cerebrum, sensata rationi concordantes: quia si affectio in mente contingat ad læsionem ipsius cerebri, hoc est per consensum, quem habet præcipuum cum cerebro, est septum transuersum pars neruo sac: ac nerui oriuntur à cerebro, ideo læso diaphragmate, & neruis, qui sunt in ipso, offensis principium quoque cerebrum offenditur: quo læso afficitur anima, sicut & læso uentriculo maxime neruoso dicimus per consensum fieri affectus in cerebro, ut uertigines, epilepsias, cerebrum consentit per neruos uentriculo, ut in anatome uideri potest, imò est membrum maxime sensibile, & neruosum consequenter propter distributionem neruorum ad os superius, ut sensu comprehenditur. Non ualet autem afficitur anima affecto uentriculo: ergo anima est in uentriculo, quia læditur per consensum. A pari dicamus de diaphragmate non ualere, ut læso diaphragmate ledatur anima: ergo anima sedet in diaphragmate, quia per consensum hoc accidit propter neruos, qui à cerebro ad ipsum distribuuntur. Errabant antiqui, & decipiebantur paralogismo ad pauca respicientes, facileque enunciabant, & tantam uim habebat, ut dixi hoc signum apud ipsos antiquos, ut ap-

Ee ij pel=



# COMMENT. MONTANI

pellarent septum transuersum φρεves, quod mens esset in diaphragmate. Hoc stante oportet ita uertere in diaphragmate, in Hypochondrio dextro apparuit inflammatio, & hoc modo explicauit in commento, & notauit Galen. erat primo dolor circa hypochondria, ut superius audiuiſtis, & inflammatio fixa tensiua, & inflammatiua lassitudo, quae praecesserunt inflammationem: sed quomodo intelligitur, & quomodo cognouit Hippoc. inflammationem praecise esse in diaphragmate? optime dicit Galen. & ostendit artificiosum, & diuinum ingenium Hippoc. qui etiam posuit indicium per quod cognouit inflammationem esse in diaphragmate, contendebantur hypochondria non tumescebant, sed tumor erat interius, non uidebatur erat quaedam contentio, & tensio sine tumore cum febre, ita ut non posset bene respirare. Erat tensio & contentio sine tumore, quod fit quando septum transuersum inflammatur iste uir traduxit, **SUBMOLLIS**, male transtulit, non debuit ita uertere, quia confusum est: & aliquis posset intelligere, quod esset contentio quidem cum tumore, sed tumor esset sub mollis ad tactum, non durus: noluit hoc dicere Hippoc. aliter intellexit, & iste decipit uos cum uocabulis obscuris, & equiuocis. Dicit Hippoc. in graeco codice aliud est, quam submollis, & Gal. in commento bene, & proprie exposuit dicens esse **ὑπὸ νεφῶν**, idest, subuacuum, & ut contentio hypochondrij subuacua, non propterea erat tumor, ideo hoc est quod dicit Hippocrates **ὑπὸ νεφῶν** subuacuum, non autem submolle: aeger percipiebat quidem intrinsecus inflammationem, & tensio-

nem



nem habebat ad tactum subuacuam sine tumore; non autem submollem. Hæc enim est, ut inquit Gal. differentia, quando inflammantur diaphragma, uel hypochondrium: si uiscus inflammetur, ut septum transversum percipitur quidē interius inflammatio, & tumor, sed non apparet tumor exterius, contenduntur tamen hypochondria. Si uero inflammatio est in hypochondrio non percipitur tactu tumor; est quæ subuacuum, quod apparet non submolle, quia non adest tumor. Melius dicamus quando est inflammatio in hypochondrio tumor apparet, quando in diaphragmate non est tumor, sed hypochondrium subuacuum est non submolle, quia non est tumor, hoc modo inquit Gal. cognoscitur, & discernitur inflammatio diaphragmatis ab inflammatione hypochondrij. Cum in Sileno esset contentio subuacua sine tumore signum est, quod inflammatio erat in diaphragmate; non autem in hypochondrijs: et hæc quidem subuacuitas, & contentio protendebatur usque ad umbilicum ab utroque latere, non aspiciebatur tumor aliquis, sed subuacua tensio, quoniam cum esset inflammatum diaphragma, trahebat utranque partem, & ita remanebant contentæ: erat tamen inflammatio licet non apparebat aspectu tumor: sed subuacuum, & si tumor non adesset, propterea non tollitur, quin esset inflammatio: ita est quando inflammatur septum, uel uiscus internum: & ita intelligitis naturam apostematis, quale fuerit in hoc uiro, & omnia symptomata, quæ contigerunt in tertio, habebitis quæ modo de quarto die.

E c iij Al-



## COMMENT. MONTANI

ALVUS TENVIS subnigra. Quæ ut continue-  
mus cum præcedentibus, sicuti continuanda sunt, dicimus,  
quod cum fuerit inflammatio, uel apostema in diaphrag-  
mate & hoc cognitum sit per sua signa, nunc modo pro-  
sequitur Hippoc. reliqua, quæ in tertio contigerunt, &  
dicit de deiectionibus, quæ uariæ fuerunt à primis dicens,  
quod aluus lenis, tenuis, & subnigra fuit. Hic quoque er-  
rauit interpretes, maledixitq; aluus tenuis subnigra, Græ-  
cus textus bene habet. Excrementa lenia: non aluus lenis  
diuersa sunt, uult latinitati studere, & decipitur in rebus  
non intelligit certe Hippoc. nec medicinam habuit. Gale.  
hoc interpretatur, & inquit fieri tantum aluum lenem  
in colliquatiuis febribus, quando colliquatur pinguedo,  
abdomenq; extenuatur, & cum tota colliquatur, musculi,  
& tandem totum abdomen fit tenuissimum, quod non est  
uerum de excrementis tenuibus, quia non solum possunt  
esse tenuia in acutis, uerum & in chronicis longis, quan-  
do uidebitis uentrem, uel aluum totam extenuari, dicatis  
ægritudinem uel mortalem, uel saltem malam, & curatu  
difficilem iuxta sententiam Hippocr. in secundo Aphor.  
4. ubi dicit in quouis morbo non solum acuto sed & chro-  
nico uenter tenuis nihil boni significat. si debet esse sa-  
luber morbus oportet, quod sit aluus minimè tenuis, &  
quod sub cute habeat carnem musculorum, non extenua-  
tum sit omnino abdomen, quia uel non restituitur, uel dif-  
ficile restauratur. ideoirco quando interpretes dicit, aluus  
tenuis, non benè traduxit, quia aliquis medicus putabit,  
quod dicat fuisse aluum tenuem, & colliquatam, & exic-

ca=



catam; quod contingere in morbis, ut dixi, colliquatiuis, de quibus Hippoc. hic non intellexit. Aliud autem uult, nō oportebat uti tanta elegantia uerborum, & decipere homines: abstinendum erat à metastasi uocabulorum maxime in rebus tam differentibus: oportebat uti nominibus proprijs, & uniuocis quemadmodum dicit Auerroes, & Arist. non æqui uocis, præcipue in rebus maximi momenti. Hippoc. dicit quod egestiones, excrementa q; erant tenuia. Est ergo falsum, quod aluus fuerit extenuata: erāt feces tenues adustæ, eo quod in primo crassæ fuerunt: nunc uerò tenues. Debetis scire, q, lenitas, & tenuitas excrementorum potest effici a duabus causis, ut recte exposnebat. Gal. in secundo de crisi cap. xi. & secundo Prognosticorum cap. tertio, & quarto. Dicebat utrobique Gal. quod feces redduntur tenues aut uentris uitio, aut circumstantium membrorum, ut quando obstructions multæ sunt in uentriculo, & materia copiosa collecta uel in hepate, uel in liene, & multa sunt congregata excrementa, repleta non possunt attrahere, nec fungi suis officijs. quo fit ut cum redundant excrementis, & alimentum non possit distribui, cum uenæ etiam inter mediæ sint redditæ debiliores nec possint attrahere simul cum fecibus alimentum excernatur, & chylus ita confectus exeat, & fit chyliaca passio, fluxusq; stomachicus, ut dicunt nostri recentiores, & fluxus spleneticus, uel fluxus hepaticus, quando ista membra sunt affecta, uel lien, uel stomachus seu uenterculus, uel aliquod aliud circumstantis membrum.

Quandoque dicit Galen. fiunt tenues, non quod passus sit

Ee iiij alim



# COMMENT. MONTANI

aliquid uenterculus, neque aliquod aliud membrum, quod ad alimentum distribuendum attineat ex his, quæ in uentre continentur. Sed quando à cerebro defluit catarrhus, aut ab aliquo alio membro, ut à thorace excernuntur excrementa ad intestina, & ista cum fecibus mista reddunt egestionem tenuem, & fluit aluus, fit fluxus, qui catarrhus dicitur à nouis & diarrhæa: qui quidem est fluxus, quando humores multi defluunt à toto ambitu corporis, & deueniunt ad intestina, uel ab aliquo magno uiscere transmittuntur: unde fit fluida aluus nihil affectis intestinis: istæ sunt duæ causæ, quas recitauit Gal. Est modo alia causa, quæ habetur in tertio epididymii & in primo de crisi licet tacite, ut tantum modo innuatur, non declaretur, & est detestabilior omnibus causis, & fluxus omnibus deterior: quando uiscera non afficiuntur, nec sunt obstructa, nihil transmittunt, neque intestina affliguntur, neque uenæ debilitatæ, nullum membrum patitur, ratione cuius fieri possit iste defluxus, sed illæ intestinis colliguntur pinguedo, alimentum membrorum proximum, & caro musculorum, humores, uel humiditates; colligata decurrunt ad intestina, & fit fluxus, qui à Galen. fluxus colligatiuus, quia caro & humiditates colligantur, & iste fluxus sequitur ad febres pestilentes, malignas, imò est ab illis inseparabilis, ut dicit Gal. tertio Epididymii, qui ait nunquam fieri febres pestilentes, quæ non habeant annexum fluxum colligatiuum, qui est pessimus, & lætalis: & ita uidetis hæcenus tres causas, propter quas excrementa enuia redduntur, & fit tenuis fluxus, uel propter aliumquem



quem effectum, & debilitatem uentris, quæ ad nutritionem pertinent, ut non possint retinere, uel distribuetur alimentum, & ita dimittunt excerni una cum fecibus, uel ob defluxum, quando transmittuntur aliqua excrementa tenuia ad intestina à cerebro, aut à toto corporis ambitu; uel tertio propter colliquationem carnis, membrorum, & humiditatum: ista sunt, quæ singula possunt facere fluxum tenuem, & egestionem tenues. quænam causa fuit huius egestionis tenuis in Sileno? Audiuiſtis in primo die feces redditas esse crassas, & diximus causam cur crassæ essent propter priuationem ichoris naturalis, à quo crassæ tenues redduntur, imò & humores sunt tenues ratione suorum ichorum: in principio humores peccantes, & qui effluebant, erant meri, synceri, crassiq; propter priuationem, & consumptionem ichoris. forte igitur ichor additus est, & iterum feces redierunt tenues: sed hoc non fuit, propterea quòd si ita fuisset, bonum esset, nò malum, ut putat Hippoc. malum esse; atq; humores ad naturalem statum rediissent, & quod propter hoc non fuerit Hippoc. statim se declarans ostendit, quando dicit. **SUBNIGRA.** erant tenues, & nigrae egestionem: nigredo autem in urinis, & egestionibus, ut dicit Gal. in loco supra citato primo de crisi cap. xi. & in secundo Prognostic. in multisq; alijs locis, ut in eo Aphor. exitiosior si nigra &c. declarans Gal. dicit quod fit in egestionibus propter adustionem maximam, & cum permiscetur atrabilis multa cum fecibus. non ergo tenuia erant in Sileno excrementa, quia ichor rediisset, additus iterum esset, imò nunc ma-

E c v gis



# ... COMMENT. MONTANI

gis erant priuata ichore, non propterea erant tenuia, e-  
rant nigra præter tenuitatem, propter magnam adustio-  
nem in humoribus, & in ipsis fecibus: debebantq; potius  
esse crassa. quanto enim magis aduruntur, tanto magis  
crassa fiunt, & corpulenta: quantum ad hanc causam atti-  
net, deberent esse crassa non tenuia. Vnde igitur reddita  
sunt tenuiora? propter illam tertiam causam propter col-  
liquationem carnis, & humidi etiam substantifici, quæ est  
peßima causa omnium, & deterrima: & signum fuit, q  
moriturus esset. Videte quomodo semper ad mortem ma-  
gis, ac magis tendebat. in primo die erant crassa, biliosa,  
mera, aquosaq; nunc uero tenuia non propter additio-  
nem ichoris, & serositatis; sed tenuia, & nigra, quia col-  
liquabantur carnes, & humiditates: ratione quarum te-  
nuia efficiebantur nigra, deinde quia adusta à calore præ-  
potenti, quod ita sit uidebitis, quando dicemus, quæ feces  
secutæ sint in quinto, & in sexto die: ubi uidebimus mani-  
festam colliquationem. in tertio itaque die incipiebant col-  
liquari carnes, & humidum alimentale, ideo efficiebantur  
feces tenues. quæ de se crassæ erant. nigre erant: hoc por-  
tendebat magnam adustionem, erat quidẽ magna, ob idq;  
poterat etiam carnes colliquare, & faciebat nigras: in  
primo erant meræ biliosæ, sed non nigre: nunc modo ni-  
gre: in principio erat quidem adustio, qua absumptus  
fuerat ichor, & factæ meræ, non tamen tanta, quanta nũc  
est, in eo gradu existit; ut iam factæ sint nigre non mo-  
do meræ. per hoc ergo indicat auctam adustionem, quod  
aperte in his exterioribus perspicitur antè, quàm nigre-  
scant



scant adusta: primo humiditas absimitur, quæ in illis re-  
 peritur, quo modo autem caro colliquetur, declarat Gal.  
 de carne apta ad esum dicens: si quis accipiat carnem, et po-  
 nat super craticulam ad ignem, uidetis quomodo collique-  
 tur, & defluat humor super carbones, & super ignem,  
 ut quandoque ignis extinguatur tanta copia humoris di-  
 stillante, & defluente: ita propemodum, inquit, contingit  
 in nomine, quando habet calorem feruentissimum, ut in  
 febribus ardentissimis, & colliquatiuis incipiunt aduri  
 humores, & pinguedo, carnes, humidum radicale colli-  
 quatur, & homo extenuatur: defluit humor colliquatus,  
 ac si esset caro tosta super craticula. hac similitudine osten-  
 dit, quomodo fit colliquatio, & fluxus maxime in febris-  
 bus. Tenues feces, erat pessimum signum, indicabat mor-  
 bum ad peius procedere: propterea quia quando morbus  
 tendit ad concoctionem, & maturationem, ut soluatur,  
 & uincatur à natura feces efficiuntur crassiores: quan-  
 do uero ad cruditatem, & non maturatur, non tendit ad  
 solutionem tenuiores, quod medici quoque uulgares noue-  
 runt, cum uident tenuiores egestionem, dicunt ad peius  
 procedit. Vnde dicit Hippoc. corpulenta reddatur deie-  
 ctio morbo eunte in iudicationem, oportet, crisis ad bo-  
 num tendit: quando corpulenta fit egestio, ita facit in suis  
 ægrotis, quando uult ostendere, quod morbus in deterius  
 abiret, enumerat hoc symptoma dicens alui deiectiones te-  
 nues: si uero ad melius, excrementa corpulenta, & cras-  
 sa fuerunt. Videatis illam sententiam in secundo Progn.  
 xvi. & in multis locis alijs, & xx. etiam Aphor. si aquo-  
 as



# COMMENT. MONTANI

sa admodum &c. Vbi Gal. dicit quod tenuitas, & aquo-  
 fitas deiectionum est signum cruditatis: crassities uero cō-  
 coctionis; & huius rationē habetis, quoniam quaecunque  
 concoquuntur, incrassantur, concoctioq; procedit ingros-  
 sando, ut habetis ab Arist. & Peripateticis posterioribus  
 in quarto metheororum: quanto enim tenuius aliquid est,  
 tanto crudius est. Cum igitur excrementa essent tunuia,  
 ut dicit, & tenuia usque ad satietatem signum erat, quod  
 natura nihil faciebat, nihil operabatur: propterea quan-  
 do dicit: tenuia subnigra, tollit omnem ambiguitatem, &  
 difficultatem: quod bona essent, nullum bonum habebant,  
 & indicabant non esse motum criticum, sed malum: non  
 quia essent humores misti cum suo sero, non poterat hoc  
 esse, quia erat adustio magna: ideo nigra tenuia, non sim-  
 pliciter tenuia. **VRINA** turbida nigra. istud quoque  
 erat pessimum, & detestabile signum: & dicit turbida, ni-  
 gra, non absolute nigra: si fuisset solum turbida potuis-  
 set forsitan esse bona, non ita mala saltem; sed non modo  
 fuit turbida, uerum & nigra, non nigra tantum; ut in  
 secundo dixerat, sed nigra, & turbida. fit autē urina tur-  
 bida ab aliqua causa turbante, fuit nigra, & turbida: quia  
 omnia symptomata augebantur. turbida autem fit, ut pri-  
 mo de crisi. c. 12. propter turbationem in sanguine fa-  
 ctam, & inflammationem, agitationemq; spirituum; quan-  
 do est feruor magnus in corpore. sanguis inflammatur,  
 tunc spiritus agitantur, & miscentur cum parte aquea,  
 fit quod dicebamus de spuma; ex motu & agitatione per-  
 miscentur flatus cum aqua, fitq; spuma in sanguine, &  
 tur =



turbidus sanguis. quandoque itaque urina turbida significat ebullitionem, & magnam in sanguine perturbationem, quia qualis est sanguis, talis redditur urina, cum sit ipsius sanguinis colamentum: sicq; perturbata per signum indicat perturbationem in sanguine: alio modo fieri potest urina turbida propter admistionem rei sordide, & turbide: sicut quoque uidemus aquam fieri turbidam cum pura sit propter lutum admistum. ita in sanguine contingit, quando ei admiscetur humor melancholicus niger, sanguis quoque niger efficitur, & turbidus: urina etiam colamentum ipsius admisto humore melancholico, & si lucida sit, & tenuis clara; fit turbida, nigra, crassa, & impura. potest igitur urina turbida fieri propter duas causas uel propter inflammationem, & ebullitionem sanguinis, quando spiritus agitati commiscetur, & fit crassior urina, ut dicebamus ex secundo de partibus animalium, cap. secundo, ubi dicit Arist. de semine, declarabamus superius, quod quando spiritus commisti sunt cum semine fit semen crassius, quam priuatum spiritibus: uel fit rubida urina, perturbata ex admistione rei crasse turbide. sed notate modo, quod Gal. hanc causam primam, quando fit turbida urina propter inflammationem, & ebullitionem in sanguine in tres diuidit, & dicit quod tripliciter fieri potest nigra ex hac causa: uel turbida fit ita, ut statim mingitur turbida, & crassa, & statim etiam residet turbiditas, clarescit & tenuior redditur, cum refrigeratur: uel mingitur crassa turbida, & semper permanet turbida, non clarescit, nec attenuatur: aut fit primo urina quidem



# COMMENT. MONTANI

dem lucida, clara, tenuis, & postea fit crassa, & turbulenta cum refrigeratur. Dicit Gal. quod illa pessima est omnium istarum, quae mingitur tenuis, & non permanet tenuis, sed perturbatur, crasse fit: quae uero crassa redditur, & permanet crassa, semper similis est, medio modo se habet, & media est in bonitate, atque malitia: illa autem meliorem, quae cum mingatur crassa, postea clarescit, & residet. reddit causam, rationemque Gal. in primo de crisi ca. allegato. 1. 2. praesupponit, quod in urina turbiditas efficitur propter pugnam naturae, quando urina est turbida, signum est quod natura pugnat cum morbo: & quia cum pugnat, aut nondum pugnat postea pugnabit statim, aut pugnat continue, aut pugnavit, et iam cepit desistere, aut nihil pugnat, neque pugnatura est: ita uariantur urinae turbidae, ut pugna uirtutis uariatur. Quando urina turbida mingitur, deinde clarescit, signum est uictoriae, quod natura superauit morbum, & materiam coxit; nondum tamen perfecit, adhuc aliquid pugnat, cum redditur crassa, & semper similis remanet, signum est, quod natura pugnat strenue cum morbo, multum materiae concoxit, & uictoriam aliquam habuit, remanet tamen multum adhuc concoquendum, ob idque remanet turbida. At si urina appareat tenuis, & extra conturbatur, crasse fit, indicat naturam nondum pugnare, ideo tenuis mingitur, incipit tamen agere aliquid, & iamiam pugnabit cum morbo, propterea crasse fit: hoc interest quando primo clara est, deinde conturbatur, nam non pugnat, pugnabit tamen; si turbida fit, & clarificetur pugnavit, & uicit, parum



rum adest materiae, quam concoquat: hæc melior, illa pessima omnium est; quia longiori tempore ad solutionem, morbi, & robustiori uirtute ad concoctionem materiae opus erit: in hac parum deest, quod agat. Quantum uero secunda distat ab hac bonitate, tantum malitia longinqua est ab illa. cum urina redditur tenuis, clara, lucida in morbis est pessima, si omnino sit incocta, & omnes uincit, quia signum est extremæ cruditatis, nullius concoctionis: natura nec agit, nec actum est. ideo ubi primo tenuis apparuerit, quemadmodum dicebamus, malum est, ut audietis, & significat uel quod morbus letalis est, uel longus: melior est crassa, ut uidebitis statim. Ergo ubi urina redditur tenuis, & lucida indicat naturam adhuc nihil agere, & materiam nondum passam esse aliquid: idcirco mala in quouis morbo, si acutus fuerit, quod male terminabitur: si chronicus, quod longus erit. Videtis causam omninim, & quomodo non discedo à doctrina Gal. in Sileno urina turbida, & permanebat turbida, erat quidem signum pugnae cum morbo, & concoctionis materiae; sed non poterat ad exitum peruenire, erat dubium de exitu pugnae, misera illa natura faciebat quidem, quod poterat, sed semper auertebatur, & trahebatur à mala, acriq; materia, ne quid operaretur, quæ non desistebat, uolebat omnino superesse. & ideo sanguis turbabatur, & urina turbida reddebatur; erat pugna naturæ, quæ tamen necessario deberet cadere. Turbidæ nigræ: nigræ quidem, quoniam natura aggressa fuerat pugnam; et indicium nobis est, quod aliquid faciebat: sed magnitudo morbi auertebat, & calor



# COMMENT. MONTANI

lor inflammans humores assabat, adurebat, non poterat  
 natura superare humores, neque concoquere: aggressa  
 quidem fuit pugnam ita tamen, ut non posset ad exitum  
 ducere: propterea in tertio urinæ fuerunt turbidæ, ni-  
 græ copulatiuè. Nam si fuissent disunctiuè prolata, &  
 intellecta, ut tantum fuerint nigrae, uel tantum turbidæ  
 non esset multum malum indicium, multi euadunt, & na-  
 tura potest superare materiau. At quando turbida, &  
 nigra simul copulatiuè extremū malum significat: sum-  
 mumq; malum portendebat, cum hoc uellet indicare: no-  
 tanterq; fuerunt ab Hippoc. ista duo posita copulatiue,  
 non sine maxima causa. Nam ut aliàs dixi, iste uir fuit tã  
 tæ sublimitatis ingenij, ut non posset ponere aliquod uer-  
 bum, quod aliquid magni non significaret, omnia aduer-  
 tenda sunt, quæ ille dicit: propterea & hic clarè uoluit in-  
 telligere summam malitiam, dixit duo ista simul, turbida  
 nigra, quia pugna ad malum erat terminanda, quod non  
 declarasset alterum ipsorum, erant cupulanda. N O-  
 CTEM in somnem duxit: in nocte fuit insomnis, sicut in  
 prima nihil dormiuit, & hic repetit eadem etiam uerba  
 quæ dixit in prima, dixit ibi nihil dormiuit, idest, ferè ni-  
 hil dormiuit, ita hic fuit insomnis, idest, ferè fuit insom-  
 nis, sed quid successit? Additum est aliud præter hoc, qđ  
 si non fuisset additum, nihil ualuisset, & frustra repeti-  
 tum esset idem. M V L T A uerba, risus, cantus modera-  
 ri sibi non potuit. Non dormiuit: præterea multa loque-  
 batur canebat, ridebat, & delirabat: Nec mirum quod de-  
 lirabat, quia habebat eandem inflammationem auctam in  
 sum=



summo, & plurimam bilem, quæ agitabatur, unde fiebant  
 urinae turbidae, non solum erat propter bilem, & sangui-  
 nem, sed & propter pugnam naturæ cum morbo & ma-  
 teria, humoribus redundantibus, quibus, ut dixi, agitatæ  
 plurimi ascendebant uapores ad caput calidi, acres qui cō-  
 tangentes membranas cerebri efficiebant delirium, & fie-  
 bat paraphrenitis furor similis phrenitidi ueræ, non erat  
 phrenitis apostema cerebri ab humoribus crassis tenui-  
 bus, sed tantum uapores contangebant membranas cere-  
 bri. delirabat ergo ob uapores eleuatos, quia humores  
 modo huc, modo illuc agitabantur: scitisq; impetum om-  
 nium actionum animalium fieri à cerebro, quia si impetus  
 est naturalis, fit secundum iudicium, & electionem: quo-  
 niam spiritus nostri mouentur per electionem, & tunc  
 discunt homines, discurrunt, & uarias motiones animales  
 operantur, memorantur, & imaginantur, & ratione u-  
 tuntur: sed quando agitantur propter feruorem, & pro-  
 pter multos uapores ascendentes tunc agitatio in spiri-  
 tibus non amplius secundum naturam, sed motus inuolun-  
 tarius, sine iudicio, & sine scopo aberrat à ratione, &  
 operatur sine consilio, nec loquitur in proposito. Erat in  
 hoc ægro agitatio spirituum non ordinata, & naturalis,  
 sed præter naturam propter maximam ebullitionem, &  
 ex uaporibus ad cerebrum ascendentibus, ideo secutum  
 est delirium, non constabat in actionibus animalibus. Et  
 quoniam cum delirio erat cantus, & risus, ob id habemus  
 quod uapores à sanguine erant eleuati, qui faciebant ip-  
 sum delirare. Et quare? quia risus, & cantus fit propter

Ff san=



# COMMENT. MONTANI

sanguinis inflammationem, & ebullitionem, quod autem fuerit sanguis, habuistis quemadmodum agitabatur ex turbiditate urinæ: quando quidem erat temperatura sanguineæ calidæ & humidæ, ut dicemus & ostendemus multo distinctius inferius: & quoniam erat iuuenis, in ætate adolescentiæ, in qua sanguis dominatur, & multum generatur in proportionem omnium ætatum, ideo uapores sanguinei, & calidi humidi ascendebant ad caput, & faciebant delirare Silenum cum cantu, & risu. non erat delirium maniacum, aut furiosum, sed placidum, & cum alacritate, & benignitate; quæ propria est sanguinis effectus, ut furor ipsius bilis: idq; bene Gal. dicit, & post eum Auicenna, quod quando sanguis aduritur, & assatur in cerebro facit morbum, quem melancholiam appellant: tunc fit melancholia cum cantu, & risu, quieta non furibunda, ut quando aduritur bilis: imò dicam uobis unum, hanc esse, ut proprietatem in sanguine, quemadmodum aliæ in alijs humoribus, in bile ut faciat furere: in melancholia, ut reddat ptinaces; in sanguine uerò ut benignos, alacresq; reddat homines. Vnde qui sanguineo sunt temperamento, sunt benigni, mites, misericordes, & pii: cum risu, & gaudio, & tandem sunt boni uiri, libenter loquuntur. Ex his quæ ab Hippoc. non iniuria sunt addita, dicimus delirium à sanguine dependisse. Quapropter in tertio delirans multum loquebatur, ridebat, canebat, non poterat seipsum moderari, neque ratione uti. Quoniam in quarto die nihil noui notatu dignum euenit, nihil dicemus scientes eisdem symptomatibus transfusse quartum diem



diem, quæ perpeſſus fuerat in tertio. QVARTO die eadem erant: nihil innouatum ponit. QVINTO deiectiones meræ, bilioſæ, læues, perquàm pingues. Videte quomodo continue magis currebat ad mortem. Notate quod ad idem reuertimur: egeſtiones alui craſſæ, & meræ bilioſæ erant, quod etiam dixit in primo, in ſecundo tenuiores, in tertio & quarto etiam tenuiores: quoniam eadem erant in utroque die, quæ in tertio ea quoque in quarto: in quinto redditæ ſunt meræ, bilioſæ, craſſæ multæ, nō erant amplius tenues. Vnde hoc? Notate doctrinam, ingenium, & mirabile Hipp, artificium in contextu, & mēte recolatis proceſſum totius. in prima die quoniam non colliquabantur humores, & carnes feces erant craſſæ, aduſtæ: quoniam cum priuantur humores ſuo ichore proprio craſſæ fiunt, erant ſine ſero meræ, & bilioſæ. At in tertio, & quarto, & prius in ſecundo inceperunt colliquari carnes, & humiditates corporis. idcirco redditæ ſunt tenues, non addito ichore, ſed ex colliquatione carniū, cum poſtea tenderet ad conſumptionem propter maximam inflammationem, conſumpta humiditate feces remanſerunt in ſua ſubſtantia meræ craſſæ ſine humido colliquationis carniū, & humidi alimentalis. primū priuatæ proprio ichore, ut audiuiſtis, fuit primus gradus ex aduſtione; iterum redierunt craſſæ in quinto, tanta erat inflammatio, & feruor, ut totam abſumeret humiditatemq; ſed cum craſſæ apparuiſſent non ualeret modo arguere, quod ceſſauerit colliquatio, ſicut ualebat quando factæ ſunt tenues, quod incepiffet, imò magis colliquaban

Ec ij tur



## COMMENT. MONTANI

tur carnes relictæ. At quia deficiebat humor tenuis alimē-  
 talis, & carnes iam erant absumptæ, non apparebat ali-  
 qua notabilis colliquatio, non propterea non erat colli-  
 quatio, sed magis intendebatur, & humidum substantifi-  
 cum destruere, cum carnes deessent, incepit feruor ascen-  
 dere, ac penetrare ad humidum radicale: atque ad substan-  
 tiam membrorum. solida profectò iam tabescebāt, & coxi-  
 cabantur: ita procedit colliquatio, quam rem uidete apud  
 Gal. in secundo Prognost. xxi. et xxii. ubi Hippoc. ait, si  
 exigua, glutinosa, candida, subcrocea, leuissq; sit, mala est:  
 deinde. Exitiosior uerò est si nigra, aut liuida, aut opi-  
 ma, aut fetida est. Gal. in commento dicit, quod sit opima  
 ex consumptione pinguedinis, et colliquatione corporis.  
 Cum essent crassæ feces in hoc uiro meræ sine ichore, bi-  
 liosæ, erant etiam per pingues, ut declarabit. **P E R =**  
**Q V A M** pingues. Notate quod semper augere conten-  
 dit malitiam, si fuissent tenues, pingues, non fuisset tam ma-  
 lum: quia humores tantum colliquarentur. At quoniam  
 crassæ meræ fuerunt, deinde pingues pessimam indicabāt  
 colliquationem, et quod iam accessisset ad substantiam mē-  
 brorum solidorum consumpta carne, et humiditatibus.  
**L A E V E S.** Dicit Gal. in eo 21. commento secundi Pro-  
 gnost. quod leue omne, quod exit à corpore sit leue pro-  
 pter alteram duarum causarum, & ita feces læues: uel  
 quando fit optima concoctio in humano corpore, & tunc  
 fiunt feces læues, id est, æquales, quia superficiem habent  
 æqualem, planumq;: hoc enim proprie læue est, sicut  
 suum oppositum est inæquale, asperum, & scabrosum;  
 quod



quod partes superficiei habet inæquales. Dicit ergo hanc esse primam causam, quod aliquid excernatur æquale, & læue in suis partibus propter optimā concoctionem, quæ fit in membris naturalibus, in quibus alimenta conficiuntur, & secernuntur ab excrementis. Cum fit optima concoctio, à calore naturali omnes partes concocti superantur æqualiter, ut in fine concoctionis nulla relinquatur, quæ naturæ actionem, & alterationem effugerit, æqualiter concoctæ in superficie æquantur, ut una non super e= minet alteri: cum inquam fit hæc optima concoctio feces excernuntur æquales, non asperæ, partes ipsarum planæ sunt, & hæc æqualitas subiecti, vel breuitas optima est, & optimæ feces redduntur: quia res meliores sunt, quæ secundum naturam dicuntur quanto magis æquantur. Fit læuitas propter aliam causam, ob pessimam concoctionē caloris innati: quando fit extrema colliquatio, & consumptio pinguedinis humiditatis, & partium corporis, tunc fiunt excrementa æqualia: sicut quando fit optima concoctio, ita assantur, & ita colliquantur membra, ut nulla pars materiæ sit, quæ non sit assata, adusta, & malè affe= cta, læuia efficiuntur & plana: hæ sunt duæ causæ læuitatis in excrementis, quas quotidie uidemus, ita ut æqualitas aut optimum indicium erit, & concoctionis aut pessimū, & rebellionis materiæ: sicut illud, quod naturale est, melius est quo planius, & læuius existit: sic quod præter naturam peius, & deterius. quamuis dicat hoc Gale. tamen potest esse & alia quædam tertia causa, quam uidetur quoque Gal. attigisse in eodem commento, quando in feci=



COMMENT. MONTANI

bus est uisciditas, & lentor: quia membra colliquantur  
ab igneo calore, & ita uiscositas summam indicat colli-  
quationem. Vbi puto fortasse Hippoc. per læuia intellexisse  
uiscida, quia erant crassa, & uiscida. uisciditas autē  
duplex est, & dupliciter potest causari uel quia aliquod  
uiscidum commiscetur, & quando fercula, & esculenta,  
quæ assumuntur talia sunt, ut excrementa quoque reddāt  
uiscosa, quod non est pessimum: uel propter colliquatio-  
nem membrorum solidorum, & tunc exigua sunt: quan-  
doque tamen copiosa, ut maximam habeant uiscositatem,  
& per totam substantiam ipsorum. excrementa in hoc  
casu non propter admistionem uiscidi crassi, sed propter  
colliquationem magnam membrorum, & est pessimum.  
scitis enim quod uiscidum fit ex optima commistione par-  
tium aeris cum aqua pingui, ex qua commistione, & uisci-  
ditate sequitur leuitas, ut in oleo contingit, quod cum ui-  
scidum sit, est etiam læue, æquales habet partes in superfi-  
cie: tanta est commistio ambarum partium, & mutua cō-  
nexio, ut minima particula non sit unius, quæ non contan-  
gat, & sit mista cum minima alterius; nulla alteri super-  
eminet, cum oleum tale sit, sicuti admisceatur facit ipsum  
etiam læue. quomodo facta sunt uel uiscida, uel læuia? Di-  
xit Galen. quod leuitas fit uel propter bonam concoctio-  
nem æqualem in omnibus partibus, uel propter extremā  
colliquationem, & rebellionem concoctionis. Hic non fue-  
runt talia excrementa propter optimam coctionem æqua-  
liter in tota substantia: quia ea, quæ exhibant, erant humo-  
res adusti, nigri, crassi: non autem feces, quæ seiunguntur  
ab



ab alimento in concoctione, quæ sit in uentriculo: propterea talia erant propter alteram causam propter colliquationem extremam, non carniū: quoniam non aderat caro, & iam colliquata fuerat: sed propter colliquationem humidi radicalis, & substantiæ membrorum solidorum. pingues. quoniam pinguedo, quæ adhæret membranis, colliquabatur. Egestionēs ergo ut uidetis, indicabant summam corporis colliquationem, & est pessimum symptoma, ut etiam Gal. inquit secundo Progn. simul cum Hippoc. in his testibus, quos superius habuistis. Exitiale indicium est cum feces liuidæ, crassæ, læues, ac opimæ apparent. Has omnes conditiones habebat Silenus in quinto die, meræ, biliosæ, læues, atque ualde pingues, quod exitio sum symptoma fuerat.

**VRINA TENVIS** liquida, pauca, mente constitit. considerat singula quæque Hippoc. & diligenter percurrit per omnia symptomata in Sileno, contemplatur accidentia circa corpus, actiones læsas, atque exeuntia mutata, quæ omnia sunt fontes signorum indicantium nobis naturam cuiusque morbi, & affectionis. Excrementa considerauimus, & primo quidem, quæ per aluum redduntur. Nunc modo considerat Hippoc. urinam, & exeuntia à uesica. Dicit autem quod in quinto adhuc die apparuit urina tenuis, liquida, & pauca in quantitate. Notate quod hoc dixit, quia fuit urina dissimilis à prioribus, quæ fuerunt ante in Sileno: in primo die erat nigra cum hypostasi nigra: in secundo nigra in substantia, non modo in hy-



# COMMENT. MONTANI

postasi: in tertio urina turbida, nigra: Nunc modo quod fuit magis prope mortem, ad quam accelerabat, dixit urinam apparuisse paucam, tenuem, puram, & mente constitisse. MENTE constitit. Cum prius delirasset, nunc utebatur ratione, & discursu. Si fuisset aliquis ex uulgaribus, & imperitus medicus spem accepisset, & dixisset Silenum conualiturū, & melius habuisse in quinto cum uideret mente constare, non delirare, ut faciebat in tertio, & urinas esse pulchriores. At mente constare ad oblationes bonum dixit Hippoc. in Aphor. propterea debetis diligenter animadvertere, ne decipiamini. Declaramus quemadmodum ista symptomata fuerūt peiora, quā ante, & quod deterius cum his habuit Silenus, ut solent speculari medici dogmatici, qui non ita temere aliquid sperassent. inquit igitur urina tenuis, liquida, pauca, mente constitit. Aduertatis quod isti qui traducunt egræco in latinum sunt causa multorum errorum in medicina, quoniam non attendunt sensum autorum, nec assequuntur, quæ non sine ratione dicunt magni uiri, & confundunt omnia, dum habere uelint eloquentiam linguae, & decorum in uerbis. Notetis Hippoc. non dicit urinam tenuem liquidam, sed transparentem, græcè διαφανή, & latine perspicuam, ut ita totus pateat textus. Urina tenuis perspicua seu pauca transparentes rara: non dicit liquidam; quoniam aliud est hoc uocabulum liquidum. Credo certe quod interpretes isti debebat esse magis exercitatus in Grammaticis, & in docendis pueris in scholis, quā in arte medica, maxime in poesi, quando postea uolebat transferre  
poet



poeticè uertebat non more medicorum, qui non loquuntur poeticè. Nam consueuerunt Poetæ appellare aerem liquidum. i. purum, clarum, tenuem, limpidum, & transparentem non crassum, aut nebulosum. Et ideo pædagogici dicunt in Poetis liquidum expositiue purum, clarum, quia fluidus esse uidetur: ita interpretes putabat se esse in Poetis, & posse loqui metaphoricè, ut illi consueuerunt, non sunt admittendæ metaphoræ, quoad fieri potest, ut etiam dicit Gal. & philosophi omnes in artibus realibus, ne metaphoris uocabulorum res confundantur in mentibus hominum. Voluitq; dicere transparentem, & uertit liquidum, Græcus tamen codex habet διαφανὴν, transparentem urinam, & clara pura. Erat ergo urina tenuis, & transparentis cum prius in quarto esset nigra, & turbida impura: nunc uero in v. totum oppositum existit: urina sicuti tunc erat crassa, nunc tenuis est, ibi nigra turbulenta, nunc transparentis clara, & pura. iure itaque optimo transparentis uertatur, non liquida, ne decipiamini. PAVCA ita prius multa esset in tertio, & quarto, & in primo nunc pauca fuit. Et circa hoc debetis scire, quod reduplicauit uerba, dixitque, urina tenuis, transparentis, non pro eodem, non quod nugetur, quia Hipp. nunquam nugatus fuit in suis libris, imò ita breuitatem amauit, ut quandoque sit nimis breuis, & breuitas in ipso efficiat obscuritatem, dixit cum magna causa, quoniam per hoc, quod dixit (tenuis) non potuissimus intelligere, quod esset clara; necessarium fuit addere (transparentis) non omnia, quæ tenuia

Ff v sunt,



COMMENT. MONTANI

sunt etiam transparentia, & pura: cum dicimus hoc est tenue non sequitur esse transparent: bene dixit (tenuis transparent): multa sunt tenuia, quæ non transparent, ut acetum præcipue nigrum, quod tenuis est substantiæ, tamen non est diaphanes, neque transparent, decoctum piperis, synapis, & Euphorbij est tenuissimæ substantiæ; cuius rei signum est illud, quod facile penetrat ad profundum, sed non transparent: aliud est enim tenue, aliud transparent; tenue illud quidem est, quod facile, & citò penetrat usque ad profundum propter partium tenuitatem: transparent autem est quod recipit lumen ad profundum, & per totam sui substantiam, ut crystallus, & adamas, quæ sunt crassa & transparentia. Vnde habemus quod non semper sunt simul, neque sunt idem tenue, & transparent: multa sunt tenuia, quæ non transparent, neque possunt recipere lumen ad profundum; & multa sunt contrà crassa in substantia, ut adamas, quæ transparentia sunt. Cum igitur ista se iungantur, & possint seorsum inueniri non sequitur, hoc est tenue: ergo transparent: iureque optimo Hipp. non frustra uerba duplicauit, & proposuit urinam esse tenuem, & transparentem, cum uellet dicere, quod urina erat cruda dixit tenuem, deinde cum uellet ostendere, quod illa tenuitas non erat cum turbiditate, sed pura, clara, & lucida addidit transparentem. Dixit autem transparentem, quia quandoque sunt urinae tenues, quæ non transparent: aliquando enim urinae sunt lutheæ, tamen sunt tenues, nec transparent, sicut illæ urinae, et aquæ al-  
bæ



bæ perspicuæ, & candidissimæ, quæ sunt pessimæ om-  
 nium urinarum, ut dixerunt optimè Gal. & Hippoc. in  
 secundo Prog. textu xxx. et xxxi. xxxij. et multis alijs:  
 atque Gal. in primo de crisi Cap. xij. circa dimidium, uri-  
 na tenuis, alba colore, & candida, sicut est aqua, indicat  
 summam humorum cruditatem, summamque uirium de-  
 bilitatem, quæ concoctionem perficere non potest. ideo  
 urinae albæ tenues, aquosæ, cum fuerint in acutis proxi-  
 me morietur, uel male terminabitur: significant aboli-  
 tionem ferè ipsius facultatis concoctricis. Si uero in lon-  
 go, et diutino morbo longam ægritudinem futuram por-  
 tendunt, & difficilem curatu, ac solutione: et huius ra-  
 tio est ista, quando sunt morbi materiales. Loquimur  
 enim de his ægritudinibus, quæ pendent a materia, non  
 de hectica, uel alia quauis sine materia intemperie, sed de  
 febribus, & morbis materialibus, ut de febribus loqui-  
 mur putridis, quæ oriuntur propter aliquem humorem  
 in corpore putrescentem, habentq; radices in humoribus  
 putridis. Dico ergo in his morbis materialibus, quando  
 urina apparet tenuis, sicut est aqua, & alba, qualem de-  
 scribit Gal. tunc signum est naturam nihil agere, non  
 concoquere, nec morbum aggredi, si aliquid moliretur  
 faceret aliquam humorum, & materiæ permistionem;  
 ex qua quidem permistione, & agitatione urina redde-  
 retur crassior propter concoctionem ipsius humoris.  
 At quando humores, & morbi materia subsidet non com-  
 miscetur, quoniam natura aggrauata a materia non pu-  
 gnat cum morbo, naturam non aggreditur, otiosaq; ma-  
 net,



# COMMENT. MONTANI

net, & perpetitur, urinae redduntur tenues, & transparentes clarae, & istae summam malitiam habent, & cruditatem commonstrant; debilitatemq; uirtutis alteratricis, & concoctricis. Vnde urinae summe citrinae, uel albae cum tenuitate, ut aqua uideantur, significant cruditatem materiae: in primo quidem gradu albae, in secundo proximae citrinae, & quae parum de bile additum habent; & hoc aduertite, quia multum adiuuabit uos ad prenoscendum euentum aegritudinis, & ad prognosticandum: semper malae sunt, & malum afferunt indicium: Si in chronica, & longa apparuerint poteritis dicere astantibus, & aegrotantibus, quod morbus futurus est longus, & difficile curabitur; periculum est ne possit sustinere uirtus, quoad morbus soluatur, dum diutius siue longius incoctus permanserit. in acutis uero in quibus omnia sunt saeva, & pessima dicetis omnino moriturum aegrotum: quia scitis de natura, & essentia acutorum esse, ut cito perueniant ad suum terminum; tantaq; & tam saeva in eis fiunt symptomata, eaq; mala, ut non possint prolongari: materiaq; aggrauat naturam, quae natura maxime afflictata non potest diu sustinere; aliquando, & cito properat, ut deponat, nec diu perdurare potest. ergo uel oportet breui aegrum mori, uel ad malum terminari, uel ad salutem: alterum duorum est necessarium, quia natura ita stare non potest, non potest uiuere, neque sanari redditis his urinis, quia natura nihil agit; ex quo nihil agit, necessario decumbet, & morbus superabit. ergo morietur, nec euadet: & ita  
experientia



experientia compertum est neminem saluari in acutis ;  
 imò dicam unum quod præter rationem , & discursum  
 habet experimentum, quando uidebitis in acutis appare=  
 re urinam tenuem , transparentem , aqueamq; dicatis ,  
 & ita probabitis non euadere, nec posse pertransire se=  
 ptimam : natura deiecta , nihilq; operante necessarium  
 est illos mori . In hoc ægroto urina tenuis fuit , aquea ,  
 transparens , albidaq; : cum prius esset nigra , turbida ,  
 & crassa indicabat naturam pugnare , aggressamq; con=  
 coctionem materiae , licet postea succumbebat , cum te=  
 nuis reddita esset urina, nunc nihil agit, succumbit, quan=  
 do pugnat : licet succumbat ipsa natura , tamen dum pu=  
 gnat semper relinquit aliquam spem , agit aliquid contra  
 morbum : si non pugnat , nihil molitur , morbus sæuit ,  
 et natura cedit hosti, totam nobis adimit spem de salute ,  
 & tunc promuntiabimus , quod certò morietur , ita in  
 proposito dicendum est . Vidistis quod primo fuit uri=  
 na nigra , turbida , crassa , signum quod natura ageret  
 non succumberet , sed adhuc esset in pugna , ut explosio  
 morbo superstes remaneret . in quinto die urina reddita  
 est tenuis, transparensq; : quoniam natura succubuit, non  
 poterat amplius pugnare , iam cesserat pugnae , in con=  
 coctione nihil faciebat , itaque urina remansit in ultima  
 cruditate . Nam urina fit alba deficiente eo , quod cum  
 aquositate permistum facit ipsam coloratam , ut quando  
 liquor solus remanet sine aliquo humore , a quo colare=  
 tur , tunc coloratur quando permiscetur liquori humor  
 coloratus , ut bilis , uel melancholia , uel ipsa frigiditas ,  
 quæ



## COMMENT. MONTANI

quæ facit in urina liuiditatem: quando ista defierint, urina remanebit aquea, alba, & cruda. in Sileno erat magna inflammatio præfente febre acuta, non potuit reddi nigra, uel liuida a frigiditate. præterea nihil mistum habebat, a quo coloraretur, natura non pugnabat, non agitabat humores, urina ita aquosa fuit nulla facta permistione humoris propter imbecillem uirtutem non bilis, non alterius; eratque omnino sine quacunque actione uirtutis naturalis. apparuit itaque urina sola tenuis, alba, signumque summæ cruditatis erat, natura non poterat pugnare, defecit a pugna, & decubuit morbo superstitite. præter cruditatem addit uitium in quantitate Hippoc. dicens. PAVCA signum non modo quod uirtus nihil pugnabat, sed & expulsiua erat debilitata, non expellebat, quantum oportebat, & uitium fuit, summaque imbecilitas in uirtutibus principalibus concoctiua, et expulsiua: quia principalia membra patiebantur. Quocirca uirtus non concoquebat, nec expellebat urinalē aquositatem: exibatque urina tenuis, cruda, alba, aquea, transparentis ac pessima: uirtutes defecerant, & longe peior, quam antea; quando erat nigra, quando turbida, & crassa: quia saltem indicabat uirtutem pugnare, licet pugna esset cum detrimento naturæ, dum pugnabat non succumbebat, quæ nunc omnino defecit. MENTE constitit. Hoc quoque erat malum signum, & quod deterius habebat prudentibus uiris testantibus, ac iudicantibus; non quibuscunque, medici imperiti aliquid sperassent, qui non discurrunt, sed cum uident aliquid mites fere statim pronuntiant,



pronuntiant, & letantur. Viri prudentes si hoc uident  
 symptoma discursu, & ratione utentur, & causas sym=  
 ptomatis perquirent, comparabunt res inuicem, & om=  
 nia alia considerabunt, & uisis alijs uident nunquid illud  
 fieri possit a natura, & sciunt distinguere per se factum  
 ne sit, an per accidens: & ita consulte, & præconside=  
 rate, postea recte, & rationabiliter loquuntur: pro=  
 pterea Aristoteles in primo de generatione, & corru=  
 ptione de imprudentibus, & indoctis dicit, qui ad pauca  
 respicientes facile enuntiant, non discurrunt, nec omnia  
 considerant, quicquid contigerit dicunt. Docti uiri con=  
 templantur, & comparant res inuicem, inueniunt re=  
 rum causas, & cum fundamentis ueritatis loquuntur.  
 ideo parum contingit ipsis errare. Exquo mente consti=  
 tit, non delirauit, ut antea hoc per se uideretur bonum  
 signum, melius est non delirare, quam delirare: sed ui=  
 debamus urinam, quæ fuit cruda tenuis, & pauca, ut au=  
 diuistis, & omnia alia symptomata non debebamus spem  
 statim assumere: alia consideranda sunt: quia & si hoc  
 tantum bonum uideatur, multa alia sunt mala, & despe=  
 rantia nobis salutem. Exemplo illius debemus esse cir=  
 cumspecti maxime in hac arte. Recitat fabulam de homi=  
 ne, qui capiebat turdos. Erat homo quidam, qui turdos  
 aucupabatur, & plorabat fingens se non posse capere  
 turdos; uenitq; alius homo uidens ipsum plorare credi=  
 dit nullos cepisse. Turdus locutus est hominem purum  
 circumspectum, quicquid uiderit credidisse, dixitq; non  
 uides? Fingit homo; non oculos plorantes, sed manus  
 inspicias



# COMMENT. MONTANI

inspicias prementes: propterea quod manibus ille depri-  
mebat caput turdorum, & multos ceperat, oculis sin-  
gebat se non cepisse: obiurgauit turdus hominem de im-  
prudencia, & inconsideratione. Sic quoque in propo-  
sito intelligatis: licet hoc signum aliquam spem posset af-  
ferre, melius est mente constare, quam delirare; tamen  
oportebat omnia uidere, ut urinam crudam, tenuem,  
& alia symptomata: ac uidissemus quid hoc fuit. Dixit  
mente constitit: quia prius non constitit. Vidistis  
quemadmodum delirauit in primis diebus, ubi dixit, deli-  
rauit, fuit delirium, non phrenitis, non erat apostema:  
si fuisset apostema in cerebro multo leuiora contigissent  
symptomata, quam contigerint: erat delirium, & pa-  
raphrenitis, non uera phrenitis, quae est cum apostema-  
te: delirium uero est inclinatio ad phrenitidem propter  
uapores ascendentes ad caput. Vnde proxima causa de-  
lirii sunt uapores calidi, acresq; ad cerebrum peruenien-  
tes. Sicut ab his efficitur, ut proxima causa, ita ablatis  
aufertur: quia cessante proxima causa, ut uulgatum est,  
cessat effectus. Cum uapores calidi ascendebant ad ca-  
put, agitabant spiritus, & motus, actionesque animales  
corrumpebant, atque delirium faciebant. Cum cessassent  
uapores ascendere ad caput, cessauit delirium: cessarunt  
autem uapores, quia natura non pugnabat amplius cum  
morbo: ex quo non pugnabat, nulla in humoribus erat  
agitatio, si humores non agitabantur, imò spiritus non  
agitabantur: quia uapores non poterant ascendere: ascen-  
dunt si agitatio fiat. in quinto desierat pugna, ideo fuit  
urina



urina tenuis, & cruda: & hac quoque ratione mente constitit, cessauit delirium, quoniam uapores non ascende-  
bāt ad cerebrum, qui sunt immediata illius causa. sed non pro-  
pterea id fuit bonum, potius malum, & signum imbecil-  
litas uirium, quæ iam deiectæ fuerant, ut nullam pror-  
sus haberent actionem. Habemus in quinto prostratam  
uirtutem, uideatis modo alia signa, & symptomata succe-  
dentia erant semper sæuiora. SEXTO CAPUT  
PARVUM sudauit &c. in sexto omnia exitialia contige-  
runt, magis accedebat ad pessimum terminum, debebat ci-  
tò mori, si non fuisset ita fortis, & uirium tam ualidarum  
ratione ætatis non modo in septimq mortuus esset, sed in  
sexto: ex quo audietis tanta contigisse, quemadmodum di-  
cit Gal. in commento in sexto primum caput parum suda-  
uit. Vbi uolo uos admonere unum à uobis semper obser-  
uandum. Quando acceditis ad uestrum ægrum, qui labo-  
ret febre acuta, sit apud uos hoc perpetuum, si uideritis  
sudare circa caput, non circa omnes partes corporis scia-  
tis, & dicatis, quod maxime laborat, & angitur in corde,  
afficitur cor summa affectione. Quoniam cum in corde sit  
proxima sedes ipsius caloris, affectus cordis erit causa  
proxima, cur sudet caput, & hoc ostendo primo ex prin-  
cipijs, & rei naturæ; deinde autoritate: per principia e-  
go semper docui, nunquàm uolui autoritates multipli-  
care, ut multi consueuere, nunquàm mihi placuerunt, nec  
potest adhuc placere modus docendi per autoritates, o-  
portet prius uos scire unumquodque per principia: pro-  
pterea quòd tunc uerè scimus, quādo causas rei habemus:

G g

infi=



## COMMENT. MONTANI

infinitas per uos auctoritates inuenire poteritis, principia non omnes cognoscetis. Vnum est, quod hoc uerum est, quando sudat caput non omnes partes, sed solum caput, tunc præcipue laborat, & patitur cor principium, et fons caloris. scitis quod in corde generantur spiritus, & calor innatus, qui demandatur ad omnes corporis partes, ut det actum uitæ, & membra operarentur secundum proprias naturas, ad cerebrum desertur maxima copia spirituum membrum inter cætera nobilissimum propter maximas, plurimas, & dignas operationes, quas habet cerebrum facere, & quæ in ipso fiunt, & ab ipso proficiuntur propter uirtutes interiores, & exteriores dependentes à cerebro, ut principio: primo quidem propter motum à cerebro transmittitur motiua uirtus per uniuersum corpus mediantibus neruis suis instrumentis propter sensus tam interiores, quàm exteriores, qui omnes à cerebro proficiuntur, ut uisum, auditum, & reliquos exteriores: cerebrum est illud, quod imaginatur, memoratur, ratiocinatur, & discurrit, & reliquas omnes facit operationes, quæ fiunt mediantibus spiritibus: propterea multa copia spirituum debebat transmitti ad cerebrum, ut cōmode officia sua posset efficere. Quocirca uidebitis in Anatome multitudinem arteriarum circa cerebrum implicatam, & per totum se diffundentem, quia cerebrum indigebat multis spiritibus, qui per arterias, ut propria instrumenta transmittuntur per totum corpus, ubi multi spiritus necessarij fuerūt natura, sagax, & prouida multa uasa, & receptacula fabricauit. Cum itaque spiritus trāsmit-



mittantur ad caput, est maxima consensio per arterias, et uenas inter cerebrum, & cor, quod est principium uitæ: alterum uerò animæ & ut Græci dicunt *συμπάθεια*; cum unum patitur, alterum quoque patitur, si cor, cerebrum facile patitur: contra si cerebrum, cor. Cum patitur cor, spiritus, qui ad cerebrum mittuntur, sunt crudi incocti, ducunt in consensum cerebrum, & ita ambo compatiuntur, agitantur in cerebro male affecto per cōsensum, quia cor laborat, non est facta bona concoctio spirituum. ex quo modo afficitur etiam cerebrum, non possunt corrigi, nec attenuari, ut idonei fiant ad animales operationes obeundas, remanent tamquàm uapores, quidam crassi, & magis corpulenti. Vnde diaphoreticè postea exeuntes faciunt sudorem circa caput, apparet sudor circa cutem capitis, hoc euenit, ut uidetis, quoniam anxietas magna est in corde: id ita uidemus esse experientia, quotidie etiam in nobis ipsis possumus hoc deprehendere, quando propter pudorem, uel aliquem alium affectum homo angitur circa cor, apparet sudor circa caput, non propter aliud, nisi propter angustiam ipsius. præterea quando uenter patitur ob humorem acrem, malignum inter quem, & cor scitis esse magnum consensum, ut sensu potestis percipere, cor angitur, & uidetur affectus esse ipsius. Quapropter antiqui illi medici affectum oris uentriculi, quasi esset cordis, eo quod angere sentiretur, appellarunt *καρδιακή*, ut testatur Gal. nostri medici dicunt cardiacam passionem, *καρδιακή* quod est cor, quia fit quando est anxietas circa cor, & uidetur esse affectus cordis, cum patia-



## COMMENT. MONTANI

tur os uentriculi, per consensum communicetur cordi, & fit propter humores acres, qui faciunt anxietatem, fit etiam tunc sudor circa caput. Haftenus cum rationes, & causas huius symptomatis audieritis, nunc audiatís auctoritates, quæ cum rationibus magis persuadebunt. Gal. in secundo Prognosticorum: si sudor circa spatulas, ceruicē, uel collum, & circa caput solum, uel circa frontem apparuerit pessimus est, uel sit calidus, uel frigidus: peior tamē qui frigidus existit: nam si calidus fuerit dicās periculum esse de syncopa, futuram proxime indicat syncopen: sed si fuerit frigidus, dicās non amplius futuram esse, sed adesse cernas syncopen, ita ut sententia Gal. in summa est, quod calidus portendat syncopen, frigidus indicet presentem. Vt hoc intelligamus syncopa quid est? est passio cordis, deliquium quoddam animæ, cum cor syncopizat. quid est syncopizare? syncopizare est interciderē, quando nō fit ille motus constrictionis, & dilatationis, intercipitur motus: unde periculum est, ne homo moriatur, cum cessarit, & intermiserit systole, atque diastole: syncopa de medio tollit, dicebat ille, cor nō potest dilatari, hinc est, quod illi, qui habent quandam anxietatem, & sentiunt angustiam circa cor. Et bene Gal. dicit, si frigidus indicat presentem syncopam: si calidus, non presentem, sed cito fore portendit. Cum hoc ita se habeat, Silenus circa caput sudauit, sed parum: bene dixit parum Hippocr. non frustra hoc dictum est. Ex quo omnia ipsum destituisent, ut audiuiſtis calor, & uirtus iam defecisset, & succubisset, sudauit, parum tamen, non multum: quia nihil agebat natu-

ra.



ra. Quoniam Hippoc. hoc habet, ut nunquam possit dicere aliquid, quod intelligi queat ex suis uerbis, qui breuitatis fuit amator, omittit semper ea, quæ uel necessario ad dicta consequuntur, uel ex opposito intelliguntur, hic omisit, quod consequeretur sua uerba, ne multiplicaret sermonem sine artificio. Non dixit nunquid calidus, uel frigidus fuerit sudor circa caput Sileni, quoniam unusquisque medicus potuisset per se habere ex his, quæ dicit in textu, quod fuerit frigidus, non calidus, maxime cum uiderit id, quod addidit statim, extrema frigebant, cum ex dictis, & sequentibus posset haberi, noluit addere qualitatem sudoris, relinquit speculandum, & inquirendum ingenio uestro: hæc est causa cur prætermisit dicere, quod esset frigidus. Ex quo dixerat Hippoc. quod paucus fuit, quia calor defecerat: si paucus, ergo frigidus: si paucus & frigidus circa caput, ex hoc quod dixit Gal. habemus esse in synco-  
pa, signum est sudor frigidus in fronte, & paucus, erat in angustia mortis, natura comprimebatur: quod autem fuerit sudor frigidus, sequitur ex hoc, quod dicit. **EXTREMITATES** algebant in respectu, non absolute dictum est, non quacunque frigiditate algebant. **LIVESCEBANT.** Audiuiſtis in superioribus, quod nigredo & liuiditas extremorum indicat extremam esse frigiditatem in illo corpore, ut testatur nobis Gal. Nam dicebamus quod liuor, & nigredo extremorum fit aut propter calorem adurentem, qui crassefacit sanguinem, adurit, & resoluit florem, & partem tenuiorem, ac humidiorē sanguinis, remanet crassa terrestris, & nigra adusta, cum postea san-

G g iij guis



# COMMENT. MONTANI

guis deuenit ad cutem extremorum, facit eiusdem esse coloris, qualis ipse est, qui colorat cutem, & remanet nigredo, uel liuor quidam in extremitatibus. A magnis quoque frigoribus fiunt liuidæ partes non eo modo, quo à calore adurente: sed quia extrahitur pars florida, & humidior sanguinis à magno frigore; sicut calor resoluit humidum & facit exhalare, ita frigus exprimit idem humidum, exprimendo extrahit & spiritus, & humiditatem; quo fit ad ambo eundem sequi effectum: uaria tamen actione hoc condensante, & comprimente: illo rarefaciente & exhalante: ista non sunt mea, est doctrina antiqua. Ari. in quarto meteororum, à quo nō discedo: ab his duabus causis fieri potest nigredo, & liuiditas extremitatum: in hoc uiro non erat iam calor adurens, & ita præpotens, ut posset liuiditatem efficere, erat alior, & frigus exprimens: quia scitis, quod calor defecit, est in extremo, ideo algebant nō qualicunq; sed maxima frigiditate: secutus est liuor in extremitatibus, hoc est quod copulatiu dixit. Extremitates algebant, liuescebant, ut liuor terminaret algorem, & frigiditatem, quæ non poterat propterea esse, nisi maxima. Ne habeatis aliquam difficultatem in mentibus uestris necessario oportet nos remouere contrarietatem, & quandam contradictionem, quæ est inter dicta nostra, & sententiam Gal. & dicta Hippoc. in illo primo prognost. Dicit enim ibi: si digiti, ac pedes omnino nigrescunt, minus pestiferi sunt, quàm si liuescant, cum antea dixisset: si ungues, ac digiti liuescunt, periculum est ne mors continuo sequatur: addit statim: si digiti, ac pedes &c. Hoc est contra-

tra-



trarium nostris dictis, quoniam diximus liuorem esse uiam ad nigredinem, & fieri à causa imbecilliori, quàm fiat nigredo. unde quando aliquod corpus liuescit, minus malum est, quàm quando nigrescit: quando liuescunt membra, diximus, quod adhuc remanet aliquis calor, non sunt priuata omnino calore. At quando nigrescunt, ablatum habent calorem, & iam mortua sunt, ut apparet in cadaueribus. summa ergo frigiditas efficit nigredinem, minor liuiditatem: totum oppositum dicit in eo aphor. Hippocr. si pedes sunt liuidi magis pestiferi, quàm si nigri, oportet, ut tollamus hanc contradictionem, quæ nulla est. Remouet dubium Galen. in commento dicens, quod bene scripsit Hippocrat. & determinauit dictum suum, non ignorauit, quod quandoque liuiditas peior est, quàm nigredo: quandoque minus mala, oportet totam dictionem considerare, & quæ adijciat: sed alia signa considerata sunt; si enim facile ferre malum appareat, & aliquod aliud salubre fuerit signum, morbum uerti significat ad abscessum, ita ut æger sit conualiturus: corporis uero nigredo casura. Dicit modo Gal. quod nigredo propter duo fieri potest, aut quia humor niger, defluit ad extremitates, & decumbit ad membra, ut humor melancholicus: uel propter consumptionem factam uel à calido, uel à frigido floris ipsius sanguinis: si primo modo, nigredo est melior, quàm liuor: quoniam nigredo significat humorem, uel materiã deuenientem ad extrema calidum, uel frigidum: at liuiditas indicat extinctionem caloris naturalis, quod peius est, quàm humorem decumbere, & facere abscessum. Quan-



# COMMENT. MONTANI

do uero nigredo fit propter calorem, uel frigus absumēs partem humidiorē relicta crassiori aut resoluendo, aut exprimendo, non autem propter humorem defluentem, ita ut fit propter extinctionem caloris absumpto flore sanguinis, tunc peior est, atque longe deterior nigredo, quā liuor, & mortem indicat esse futuram. Quod ita sit, & hoc cognouerit Hippoc. uideatis, quid dicat Galen. inquiens uerba Hippoc. hoc nobis clarē demonstrare. si fiat nigredo cum humor defluit ad extremitates, & propter decubitum materiæ, quod cognoscetur, si æger melius habuerit, & aliquod aliud salutare signum affuerit melius est, & minus malum, quā cum liuescunt mēbra propter extinctionem caloris innati, aut propter eandē nigredinem. Est itaque hæc solutio Gale. non sophistica, sed ex natura rei: uidetis quemadmodum in Sileno liuescebant extrema propter frigiditatem, & caloris extinctionem, pessimum symptoma, iam iam moriturus erat. **M V L T V M** sese iactauit. Debetis scire, quod iactare se est moueri ad uarios locos non posse quiescere, & uertere se de uno latere in aliud latus, de prono in supinum, modo ad pedes non habere quietem: causam reddebat Gal. in primo Prognost. 17. ubi ait Hippoc. in textu: si manus, collum, & crura dispergat inæqualiter, malum est: significat enim inquietationem: in commento Gal. inquit. inquietationem, et iactationem ægri fieri uel propter affectum existentem in uentriculo, propter quod uitium molestatur os stomachi, ut propter humorem acrem corrodentem, & mordicantem, ut alibi declarat Gal. uel propter summam, & extre-



tremam uirium imbecillitatem. Cum hoc ita fit, quando acceditis ad uestrum patientem, uidebitis illum se se iactare inquietum esse, non stare loco; debetis interrogare, & petere, nunquid sentiat aliquid mali circa uentriculum, uel circa cor. dicatis, melius intelligent, non possunt percipere, nec discernere queunt nunquid hoc, uel illud afficiatur, imò neque hoc distinguere potuerunt medici, quemadmodum dicebamus, qui putarunt eundem esse affectum, eodemq; nomine appellarunt: si dicat quod angatur circa cor, & maxime afficitur, tunc dicatis inquietationē fieri propter uitium uentriculi: sed si nihil dicat, uel respōdeat nihil percipere mali, tangatis pulsum, si uideatis, & percipiat pulsum tardum, paruum, & frequentem, quæ sunt propriæ notæ, & differentie imbecillitatis uirium, dicatis uirtutem esse debilitatam, & ita imbecillum esse, ut aggrauetur pondere corporis. Et ideo quando quis ita imbecillis est, iactat se per lectum, non quiescit, mouetur semper, quærit locum, in quo quiescat defessus, cum est in uno latere, non potest ibi quiescere, ad huc grauatur, mouetur ad alium, in illo non permanet, nec in aliquo alio, semper quærit, nunquā inuenit quietem, quia semper portat secum eandem imbecillitatem uirium: & ita iactare se huc illuc, nihil aliud est, quā ferre secum imbecillitatem, uel causam inquietudinis, & molestæ grauitatis. In Sileno inquietudo significabat summam uirium debilitatem, quod extinctus fuerat calor, erat in anxietate ob syncopā præsentem, extrema liuescebant, & algebant ob frigiditatem, paucitatem caloris, & reuocationem ipsius ad cor. AL



# COMMENT. MONTANI

VVS NIHIL excreuit. VRINAE restiterunt. propter eandem imbecillitatem uirtutis, nihil mixit, erat tam pauca uis uirtutis expulsuæ, ut non posset expellere excrementa, cum uult dicere, quod nihil mixit, inquit: urinae restrictæ sunt. Vbi notate, quando urina restringitur in acutis febribus, signum est mortis, & quod iam imminet propè mors, id quod sæpius experientia obseruauit: & memini me in quodam collegio fuisse pro quodam ægroto (erat Vincentius Contarenus Venetus) qui in corde affligebatur, & uersabatur in magna anxietate, dum medici loquerentur, & perquirerent quonam morbo laborabat, dicerentq; mediocriter laborare, ego præsciebam, & prognosticatus eram moriturum esse, interim uenit ad nos mulier quædam, dixitq; nobis urinam fuisse restrictam, non posse amplius mingere. ego hoc audito confirmatus sum in mea sententia, & instabam, dicebamq; medicis me nihil posthac facturum, quoniam certissime moriturus esset in mane sequenti: & ita fuit, mortuus est in nocte citius circa horam decimam. Nihil potest esse peius in acutis morbis, quàm ut urina supprimatur; significat extremam esse imbecillitatem. Silenus primo habuit multa excrementa alui, & multam urinam, nunc repente restricta sunt omnia, aluius nihil egeßit, & urina suppressa est, erat summa imbecillitas uirtutis, extremè laborabat: unde non poterat mingere. FEBRIS acuta. Febris non remittebat cum his, magis exacerbata fuit, & si excrementa descississent, tamen acuta febris inuasit. sed uideo, quod aliquis obijcere posset, quomodo erat febris acuta, cum haberet tan-



tantum frigus in corpore, ut iam ferè defecisset calor, al-  
 gebant extrema, dicit Hippoc. erant priuata calore, quo-  
 modo ergo potuit incendi febris, & quidem acuta? No-  
 tate quod omnes febres sunt commensuratæ penes calo-  
 rem igneum, et naturalem: quoniam nihil aliud est febris,  
 quàm calor naturalis mutatus ad igneum formaliter, hæc  
 est ipsius ratio formalis. cum itaque in hoc ægro esset in-  
 flammatio in corde, calor in toto ambitu paucus ad cor to-  
 tus retrahebatur. & ideo extremitates algebant priuatæ  
 calore in corde, erat collectus, & maxima inflammati-  
 o, quæ percipiebatur circa os ex ariditate linguæ, per anhe-  
 litum, & per uapores fuliginosos, interiora multum in-  
 flammabatur: poterat bene esse, quod partes internæ cor-  
 di propinquæ essent inflammatae, & calefactæ, tamen fri-  
 gus perciperemus in alijs membris, frigeant extrema, po-  
 test esse febris, quia non necessario requiritur, ut si sit fe-  
 bris, omnia incallescere, interiora inflammata, frigent ex-  
 trema, & exteriora. Cum ergo dicimus, febris est calor  
 igneus, uel naturalis mutatus ad igneum accensus in cor-  
 de expansus ab eo per uniuersum corpus, non est neces-  
 sarium, ut inflammatiō sit in omnibus partibus corporis,  
 satis est, quod accendatur in corde, potest bene etiam tran-  
 sire ad cæteras partes, nisi aliquid occurrat impedi-  
 mento, hoc possibile est, non tamen semper necessarium, quod  
 etiam uidens Auicenna planius explicauit in prima sen-  
 quarti cap. primo in definitione febris. ubi dicit quod ex-  
 pansio illa, quæ ponitur in definitione febris, non dicit nisi  
 aptitudinem, non actum, ita ut hoc pacto intelligenda sit,



## COMMENT. MONTANI

inquit Auic. definitio febris est calor igneus accensus in corde expansus per uniuersum corpus &c. idest, aptus est, cum est accensus in corde, ut deinde expandatur in totum corpus, nisi aliquid impediat, non quod actu debeat extendi, & quod actu extendatur, habet aptitudinem: quandoque impedimentum est aliquod, propter quod minime expandi potest, ut in febribus leipyrijs, in quibus interiora calent, exteriora frigent, non est in his expansus calor igneus in uniuersum corpus, si exteriora frigida sunt, ut etiam est in pestilentibus, in quibus extrema frigent, est tamen summa in interioribus inflammatio. Quapropter expansio, non est nisi aptitudo expansionis caloris febrilis per totum corpus non actualis expansio: & ita possunt bene extrema frigere, cum calor in corde inflammatus sit, erat febris acuta, non est absurdum.

SEPTIMO OBMVTVIT, extremæ partes etc. Audiuitis quid in sexta contigisset in Sileno, cessauerunt actiones illæ duæ naturalis, & animalis propter cessationem uirtutum interiorum, & sensitiuarum, quod cessasset uitalis, non docet, tamen & ipsa debebat esse diminuta, & debilitata, cum sit principalis, & fundamentum, à quo dependent aliæ, propterea non statim deiecta fuit, si defecisset, non potuisset uiuere, & non solum duraret usque ad xi. uerum mortuus esset in sexto, non dixit in sexto aliquid de uitali, quia in ipso non erat motus naturæ certus, sed in septimo die critico, in quo crisis certa fit: crises enim uel mutationes siue bonæ, siue malæ sunt certæ, quæ fiunt



fuit in his diebus criticis 4. 7. 11. 14. quæ in reliquis die-  
 bus incertæ iuxta sententiam Hippoc. si bonæ terminan-  
 tur ad salutem, si malæ ad mortem, uel ad difficultatem :  
 diximus in alijs diebus superioribus non criticis defecisse  
 uirtutes, nunc in septima critica multa mala, & pessima  
 congerunt: omnes facultates apparuerunt ablatae, & nul-  
 læ in hoc homine, ferè mortuus est, & medici, qui eum ui-  
 debant, debebant forsità putare, quod esset mortuus, nescio  
 quid magis poterat accedere, remansit tanquàm cadauer,  
 & credite hoc mihi, quod mortuus esset, nisi inuentus re-  
 stitisset. septimo obmutuit, remansit sine uoce deficiente  
 uirtute uitali. Textus græcus habet ἀφ' οὐνοῦ γέγονε hoc  
 est, fuit sine uoce : unde ἀφ' οὐραῖα obmutescencia, quæ, ut de-  
 claratur à Galen. in primo Prorrhethicorum, commento  
 23. ἀφ' οὐραῖα cum singultu pessimæ, & 24. quæ cum ex-  
 olutione fiunt ἀφ' οὐραῖα ualde malæ &c. sed potius bene  
 aduertatis unum, quod quando dicimus, obmutuit, debetis  
 recte, & ad bonum sensum intelligere : nolumus dicere,  
 quod fuit sine sermone, non loquebatur, ut dicuntur muti,  
 quia non possunt sermonem exprimere, sed intelligimus  
 magis uniuersaliter, quod fuit sine uoce, nullam emittebat  
 uocem, quia quandoque contingit, ut aliquis nō loquatur,  
 tamen emittat uocem, obstrepat uocem, ullulet, & con-  
 queratur, propterea melius fuit uertere ἀφ' οὐνοῦ, idest,  
 fuit sine uoce, non dicere obmutuit, cum & de sermone in-  
 telligatur. Quandoque Hippoc. dicit ἀλογος γέγονε,  
 quando uult dicere, quod fuit sine uerbis sine oratione: cō-  
 munius enim est ἀφ' οὐνοῦ, q̄ ἀλογος: sicut φόνι, q̄ λόγος,  
 οἷον



# COMMENT. MONTANI

omnis λόγος est φώνη, non contra, est aliqua uox, quæ nō est oratio, ut uox brutorum, ita de his compositis dicendum omnis ἄλογος est ἄφωνος, non omnis, qui est ἄφωνος, est ἄλογος: sunt quæ amittunt uocem, cum sermonem non edant, bene ablata uoce aufertur sermo, potest sermonem quis non habere uoce remanente. aliud est ergo ἄφωνος, idest, sine uoce, & maius, quàm ἄλογος sine sermone: iste obmutuit, quia non modo amisit sermonem, uerum etiam uocem. ἄφωνος autem quemadmodum dicit Gal. in eo 23. commento primi Prorrhethi. circa principium, & ferè in fine 24. commentis fit propter duas causas uel propter uitium existens in cerebro, & principis facultatis animalis, quæ continetur in cerebro principio omnium neruorum, & à quo procedit uirtus motiua: uel propter lesionem instrumentorum uoci deseruiētium, neruorum, quia sciuitis alibi, quod uox fit per motum musculorum in pectore, respirationi quoque deseruiētium. Itaque ad formandam uocem requiritur motus uoluntarius, qui quidem testante Gal. fit per musculos, & neruos, quotiescunque læduntur, amittitur uox; uel quandoque, quoniam offenduntur alia facientia ad edendam uocem, ut resonantia, quæ ad sonum conferunt, & hoc modo possunt amittere uocem tympana læsis his organis, quæ sonum efficiunt. Vel igitur uitium est in principio facultatis motricis in cerebro, uel in instrumentis uoci deseruiētibus motū efficientibus, uel ad sonum concurrentibus: si uitium fuerit in cerebro, id potest esse dupliciter uel quoniam uirtus animalis in cerebro est diminuta, & ita diminuta, ut

NON



non possit exercere suas operationes, nec motum edere: uel & si stet uirtus, non sit diminuta, aut ablata, aufertur uox uitio in cerebro existente propter crassitiem, & frigiditatem spirituum, uel immobilitatem. Nam in cerebro, & in quibusq; alijs membris, quemadmodum toties adinonuit uos Gal. in libris de causis symptomatum caliditas corrumpit operationes, frigiditas diminuit immodica, & intensa aufert. Amissio uocis ratione cerebri est uel propter frigiditatem magnam in cerebro, & spiritibus ipsius, uel propter uirtutem animalem offensam, & dissolutam: ita ut sunt duæ causæ α' φον. Et hæc est summa diuisio, uel uitio cerebri principij neruorum, & facultatis animalis, uel affectis instrumentis ipsius uocis: si propter affectum cerebri, aut propter facultatem diminutam, uel ablatam & omnino debilitatam, aut propter aliquid accedens ad cerebrum, ut malam intemperiem qualitatum, quæ est uel cum affluxu, uel sine affluxu, idest, uel cum materia, uel sine materia. Silenus obmutuit, amiserat uocem: quod nam ergo fuit horum uitiorum, quo amisit uocem? Non potest esse ob uitium instrumentorum, quid si tantum instrumenta uocis fuissent offensa, reliquæ actiones remanissent immunes, & illæsæ, non essent mutatæ, sed quia affectus erat in cerebro, amiserat omnes operationes animales non solum uocem: fuit factus comatosus, & perdidit omnes actiones, nihil imaginabatur, non erat cogitatio. ergo uitium fuit commune in cerebro, ex quo affectæ sunt actiones ipsius: dicit quod comatodis euasit, & obmutuit, non nisi propter materiam crassam in cerebro contentam

frigi-



## COMMENT. MONTANI

frigidam; materia calida biliosa euaporauerat, permansit  
 materia frigida crassa, quæ ita constituta in cerebro effe-  
 cit dispositionem comatosam, subet, ut dicunt isti, & incli-  
 nationem ad somnum dicunt recentiores: hoc enim est pro-  
 priè coma, quod quidem fit propter materiam multam  
 crassam in cerebro, ut audietis: propterea etiam uocem ami-  
 misit, uel quoniam erat facultas principalis, idest, animalis  
 motiua debilitata, ut iam mouere non posset: propter cau-  
 sam quoq; cerebri, cerebrum patiebatur, & hoc dupliciter  
 tum propter intemperiem frigidam in cerebro impres-  
 sam, tum propter humores frigidos crassos congregatos  
 in cerebro, ut etiam testatur in commento Gal. Ergo ha-  
 betis, quod obmutuit, amisit uocem, & causas cur obmu-  
 tuerit, quæ maximæ sunt, & symptoma determinatū: reli-  
 quum nihil erat, nisi ut moreretur. Videtis quàm parum  
 abest, quin sit mortuus nunc, quia principium omnium a-  
 ctionum, & facultatum non operabatur amplius aliquid,  
 destitutum erat. **EXTREMAE** partes amplius redie-  
 runt ad calorem. Refrigeratæ sunt partes extremæ, ut  
 non possent incalescere: in sexto frigescabant, & liuesce-  
 bant, in septimo modò permanserunt frigida, non redi-  
 bant ad calorem, sicut in sexto, fuit ferè mortuus, labora-  
 uit in extremo uitæ, & permansit tanquàm cadauer: ex  
 quo non incalescebat amplius, ita frigidus remanebat, ut  
 mortuus. **NIHIL** minxit, si quasi mortuus est, quomo-  
 do poterat mingere, ista omnia sunt posita, ut uideretis q̃  
 proximus fuerit morti. Audiat is quid successerit. **OCTA-  
 V O** frigidus toto corpore sudor &c. Notate admiran-  
 dum



dum motum naturæ: in septimo quasi mortuus iacuit, ut audiuiſtis ex ſymptomatibus, quæ illi contigerunt: at modo in octauo remiſerunt omnia, & uidetur iterum reuiuſcere, reſurrexit. Namq; ſudauit per totum corpus, emiſſæ ſunt puſtule ad cutem, multam minxit urinam, quæ omnia ſtatim attuliſſent ſpem ignauis, & minime circumſpectis medicis, qui cum uidiſſent redire talia ſymptomata pauca conſiderantes credidiſſent primo aſpectu, quod natura aliquid feciſſet, & quod materiam ſuperaiſſet, dixiſſentq; ſe habere ſpem ſalutis futuræ. periti medici qui cum ratione procedunt, non mouentur, niſi ualidiſſimis rationibus, nihil ſperaiſſent, omnia ſpreuiſſent, imò magis pertinuſſent, tantum ab eſt, ut ſpem de ſalute caperent: licet etiam ualidus, & potens conatus naturæ, tamen nihil boni in ſe habuit. Nam cum iſte eſſet ſanguineus in tēperatura, iuuenis 20. annorum, fortis, & ualidus, eſſetq; prima die critica moriturus, & inſtaret mors: uirtus collecta eſt in unum, & cum uideret ſe iam eſſe deiectam, me taphoricè loquor, bene ſcio quod natura non cognoscit, nec intelligit, nec uidet, incognite agit, liceat mihi nunc uſti metaphora, ut melius intelligatis meum conceptum, cū inquam uirtus uideret ſerè mortuum, nihil deeſt, niſi ut exhalet anima; deſpexit, & quærebat, ut iuuaret ſe omnino: quid fecit? ultimum edidit conatum, quem poterat, quaſi excitata, ne moreretur uidens ſe continue mori, hoc uidemus. manifeſtè quotidie in morituris omnibus; quando quis proxime moriturus eſt, multa agit, comedit cum antea nollet comedere, uellet ſe iuuare ſentiens continue de-



# COMMENT. MONTANI

ficere uirtutem, facit ultimum, quem potest, conatum: deinde moritur, ut contingit lichnio in lucerna, quando est paucum oleum, paulatim remittitur lumen, & igniculus, postea facit magnum conatum, & reddit maiusculum lumen, statimque extinguitur: ita fit in his, qui morituri sunt. Quod fuerit ultimus conatus uirtutis laborantis, uideatis, quoniam non agebat hoc regulariter operans, motus iste fuit in octauo, cum debuisset esse in septimo, quia malus, & symptomaticus factus est à natura in octauo, motus autem in diebus paribus non fiunt regulariter, neque nobis aliquam afferunt spem, sed semper mali sunt, quia natura in diebus paribus nihil facit ordinarie, nihil mouet secundum ordinem naturæ, si qui fiunt fœlices motus, illi omnes fiunt in imparibus: hoc alias longius demonstrauimus, & demonstrat quoque Gal. rationem afferens ex motu Lunæ, qui fit in cœlo, sed omittamus hoc, dicemus aliquando, si dabitur occasio. Erat itaque conatus naturæ in octauo ultimus malus, & symptomaticus, qui debuit esse in septimo, si fuisset in septimo, mansisset aliqua spes de salute, sed omnia deteriora fuerunt in die octauo: nam et si apparebat motus, tamen signa non erant bona, erant omnia signa certiora mortis, sudauit per totum sudore frigido, & cum sudore maculæ. P A P V L A E C V M sudore. Vna cum sudore in toto apparente emanarunt pustule ἐξερθίματα; maculæ, si modo istorum uolumus loqui. Notate motum hunc in materiæ, & exitam pustularum non fuisse motum naturæ, quoniam natura quando mouet, & expellit superfluitates, primò separat,

ut



habetis à Gal. in prima Aph. particula, in eo Aphor. concocta medicari &c. secundo concoquit, ultimò expellit, quod superfluum, & excrementosum existit. concocta uerò esse excrementa, & separata esse cognoscimus, quando apparuerint signa concoctionis. Materie istæ, quæ in Sileno uisæ sunt exiisse, non erant concoctæ, quia non apparuerunt signa aliqua concoctionis, nondum separata, quia natura, quod separat ante concoctionem separat, & cum separauit bonum à malo, utile ab inutiles, statim concoxit, ante concoctionem, quæ nulla fuit, neque etiam separatio uisa est. Quare motus, & expulsio huius materie à natura non est factus: primo natura separat, & concoquit, deinde quod inutile est, reijcit, & expellit. Quod autem natura nondum separasset istas materias, manifestum est ex hoc, quod dicit sudorem emanasse una cum pustulis. Papulæ cum sudore. Sudor, & exanthemata sunt disparia, non eandem habent, neque similem materiam: sudor est materia tenuis, serosa, & subtilis: unde facile potest per totum corpus diffundi, & per quoscunque meatus etiam minimos, quales sunt cutis emanare: materia, quæ erat contenta in pustulis, exanthematibus erat solida crassa, non aquea, uel tenuis, ut sudor, & erant cum rubedine, duræ, permanentes ex materia crassa. Quapropter expellebat natura simul materiam crassam, & tenuem, non nisi, quia nondum separauerat utranque à seipsa, inæqualiter mouebit expellendo crassam, & tenuem commistam. At natura æqualiter, & ordinate procedit, & operatur in quacunque actione naturali. inæqualitas er-



## COMMENT. MONTANI

go motus per contrarium, & operatio inordinata signū  
 est, quod materia non concoquitur, ne separata est, est ad  
 huc commista, æquale per contrarium significat concoctā  
 esse materiam, non tamen semper. Dicebamus aliās æqua  
 le in excrementis posse esse, & significare aut summum  
 bonum, aut summum malum: sicut id, quod secundum na  
 turam est, quanto magis æquale fuerit, tanto melius exi  
 stit, ita ut malum est, & præter naturam eo deterius, quo  
 æqualius. hæc non est mea doctrina, sed antiqua. Scitis  
 quid dicant Hippoc. & Galen. de hypostasi in urina, quid  
 debeat habere, si naturalis & bona sit, dicunt debere esse  
 albam, leuem, & æqualem, ita factam esse coctionem in  
 quiunt indicari. Scitis quid de egestionibus bonis, quod &  
 ipsæ debent esse æquales. quid de sputo in secundo, de ra  
 tione uictus in morbis acutis, quod inter alia debet esse æ  
 quale sputum bonum, & naturale, semper illud æquale  
 adijcitur in omnibus naturalibus excrementis: in pure  
 quoque idem contingere uidetis; si concoctum, & bonum  
 sit, æquale esse oportet, quemadmodum dicunt medici pus  
 album, læue, æquale, & tandem omnia excrementa, quan  
 do æqualia fuerint, tum concoctionem esse factam à natu  
 ra significant: & hæc conditio optima est, quando conco  
 ctio est perfecta. in Sileno inæqualis exiuit materia, su  
 dor tenuis, & pustulæ, quarum materia crassa. ideo Hip  
 poc. ut ostenderet non fuisse motum bonum naturæ, non  
 omisit ostendere inæqualitatem materiæ. Notetis quid di  
 cat: in octauo cum sudore simul emisit pustulas copulati  
 uè, & coniunctiue, non disiunctiue dixit, ut denotaret,  
 quod



quod materia erat mala, non cocta, & expulsio non secundum ordinem naturæ. fuerunt igitur cum sudore pustulæ, malum indicium, cum essent etiam aliàs signa pessima, quæ indicarent cruditatem materiæ, artificiosè tamen denotauit his uerbis, quod in octauo fuit inæqualitas materiæ expulsæ ad exteriora manifestata. Sed bene examinemus hunc punctum prius, deinde ad alia singula deueniemus. Notate, uolo examinare textum. Audiuiſtis, quod octauo sudor frigidus per totum emanauit: diximus superius sudorem frigidum pessimum esse duplici ratione, & uiam per uiam causæ, tum per uiam signi: per uiam quidē causæ, quoniam refrigeratæ sunt partes exteriores cutem pertingentes, quia sudor frigidus ex loco frigido emanat, & exit. Nam, ut dicit Galen. sudor frigidus non potest à corpore humano, nisi partes à quibus excernitur, sint frigide, tales possunt esse partes cutaneæ. Dicit Aristot. quod frigidus sudor pessimus est, quia calorem significat debilitatum, & ferè extinctum, & causa mala est, idest, mala & pessima materia, ut accidit in febribus pestilentialibus, ita per uiam causæ malus est: per uiam signi, ex eo quod exteriores partes cutaneæ sunt frigide, pessima est illa ægritudo, & deterrima, in qua exteriora frigent, interiora calent, ut pestilentialis. PAPVLAE cū sudore. Notate. Non immorabor multum in expositione huius, admo-nebo bene uos, quod Hippoc. dixit hic, græce ἑξωθεν ὁρμηται. Quod enim dicunt isti, qui latine loquuntur in Auicenna pustulas esse quædam apostemata parua pituitosa, debebat interpres potius nomen græcum relinquere,

H h iij quàm



# COMMENT. MONTANI

quàm dare occasionem errandi, debebat dicere exanthemata cum sudore, quoniam ἐξανθήματα est commune, & generale uocabulum apud græcos pro omni efflorescentia, & pro eo, quod extra cutem apparet, ita dicamus, indigebunt etiam ipsi nomine proprio, modo translato, metaphorice loquuntur, sicut oportet nos loqui, licet sint tam copiosi lingua, & uocabulis, non potuerunt tamen rectum inuenire uocabulum, efflorescentiæ apud nos communi uocabulo appellabuntur, quæcunque efflorescunt circa cutem, quæcunque sint illa apostemata. At pustulae sunt quidem exanthemata, quæ fiunt ex putrida pituita, præter quas sunt multa alia exanthemata, ἐξανθήματα est tanquàm genus, quod de omnibus illis prædicatur. Notabitur sæpius, & obseruare poteritis apud Hippocrat. & Gal. Epidemijs, qui ἐξανθήματα uniuersaliter omnia cutanea appellarunt, non designatam aliquam speciem determinantes. Ex quo colligatis fædissimum errorem Manardi, qui parum intellexit, uel nihil in his græcis autoribus, licet esset doctus in lingua, ita ut potius uideatur fuisse medicus uocabulorum, & nominum in medicina, non rerum; fuit ἰατρολόγος. Dixit Manardus ἐξανθήματα proprie esse, quas nos uariolas, & Arabes cum nouis morbillos appellant. Et ita ipse, dum loquitur de exanthematibus, facit sermonem de uariolis, idemq; putat Græcos intelligere: manifestissimum erratum, quod facileprehenditur in hoc textu: tangatis locum, non oportet somnare. Hippoc. dicit græce ἐξανθήματα cum sudore erant exanthemata in Sileno, tamen non erant uariolæ, uel

mor=



morbilli, sed pessimæ efflorescentiæ circa cutem, non est dubitandum in hoc, clarissime dixit Hippocr. quod erant exanthemata, & quoniam erat nomen generale ad omnes efflorescentias, ut intelligeremus, de quibus exanthematibus loqueretur, distinxit Hippocr. Non solum apparuerunt exanthemata, sed et cuius materiæ essent, declarauit, et cuius naturæ erant. Declarat seipsum exemplo, & per alia accidentia: primo dicit figuram, & colorem. RUBENTES, rotundæ, paruæ, uerissimiles permanebant, nec abscessum efficiebant dicuntur cuius figuræ, deinde dat exemplum, & inquit quod papulæ erant rotundæ, exanthemata figuræ rotundæ malignæ, non magna, sed parua: quia uos scitis, quod exanthematum, quædam sunt magna, quædam parua, ita bubo est exanthema magnum circa cutem efflorescens, licet non sit pustula, uel uariola. male igitur & interpres, qui traducit (papulæ, male & Manardus, qui idem existimauit esse ἐξανθήματα, & uariolâ. Exanthemata ista erant rubentia, rotunda & maligna parua non magna, & quasi uariolæ. VARIIS similes: iste interpretatur uarum id, quod apud Græcos dicitur ἰορ, uel ἰορθος: ἰορθες apud Græcos sunt quædam eminentiæ duræ paruæ, quæ maxime circa frontem, & totam faciem contingunt, intelligent me Itali uulgaris lingua, quid sint, præcipue tamen notum erit apud Lombardos, qui solent appellare uulgo (cosi) fiunt in his iuuenibus, qui lanuginem emittunt præcipue, & in his, qui sunt temperatura sanguinei, & parum indulgent Veneri, multiq; ad me uenerunt aliquando, & ueniunt, qui consulunt me de his

Hb iiij ex=



# COMMENT. MONTANI

exanthematibus, quia deturpant faciem, parum tamen offendunt, fiunt sepiissime in iuuenibus, & adolescentibus, & prouectis etate rarissime. *ἰορδός* ergo est quedam pustula, & exanthema, quod est nomen generale, meliusq; propterea dicemus esse exanthema contingens precipue in iuuenibus circa faciem, solida, dura, in acutum tendens. Varus apud Latinos aliud est, quam *ἰορδός*, est apostema, & efflorescentia, quam uariolam, & morbillum dicimus, enascitur cum febre acuta, & pestilenti. Quando dixit similes uaris, bene intelligatis, quid uelit significare cum accidentia posuisset, notauit modo, quod erant tanq̃ *ἰορδοί* græce, non uari, non erant tamen *ἰορδοί*, si similes *ἰορδοίς*, ut significaret substantiam solidam, & duram ad modum eorum *ἰορδῶν*, qui dicuntur (cofi) fiunt ex pituita commista cum sanguine ad cutem perueniens, & attollēs in tumorem, ut sint efflorescentiæ, sed paruæ, cum natura non esset ualida ad expellendum multam materiam. Erāt rotunda, quoniam erat materia equalis mista pituitosa, et sanguinea humida non concocta in aliqua parte, penitus destituta ope, & actione naturæ, humiditas nullam faciebat asperitatem, propterea residens in exanthematibus faciebat figuram rotundam, quod esset sanguinea multa materia, audiuiſtis, & pituitosa: unde quoniam communē habent qualitatem, ita tamen rotunda erat figura exanthematum, ut in oblongum acumen protenderetur, sicut sunt (cofi) propter causam dictam, quia ex sanguinea calida, & pituitosa frigida commista est, primo singulare

PER  
MA



MANEBANT, nec abscessum efficiebant. Notate quod isti interpretes non intelligunt, quid intelligat per id, quod dixit permanebant, interpretes intellexit, quod cum essent rotundæ, & duræ solidæ, malignæ non faciebant abscessum, non faciebant tumorem, uel apostema: si hoc intelligeret Hippoc. falsum esset: ex quo erant exanthemata, necessario in tumorem eleuabantur: sed si modo etiam intelligebat, quod essent permanentes, non faciebant abscessum, non tendebant ad exituram, & suppurationem, materia non suppurabatur. Esset hoc uanum, si intelligeret eo modo Hippocr. quomodo debuit fieri suppuratio in tam paucospatio, erat cito moriturus, & iam mors imminebat, non est dignum Hippoc. Neque hoc dicit Hippoc. absit, optime considerat, deinde profert. Dicit Hippo. permanebant, non abscedebant, non oportet uertere, non faciebant abscessum, deciperemur, putaremus, quod non tendebant ad suppurationem, id quod unusquisque etiam fatuus sciret dicere. Vult dicere postquam exierunt, permanebant in cute fixæ, non abscondebant se, erant intra cutem, & sic hoc intelligatis, permanebant: quemadmodum quandoque uultis curare, quas uulgo petechias dicunt, quando exeunt, & efflorescunt, sed non permanent, statim cum exierint retrocedunt, et retrahuntur intra cutem, non potestis curare. Videtis quotidie in febribus pestilentibus euenire, exeunt, & apparent, non permanent petechiæ, uel puncturæ pulicum, apostemata paruula, & cutaneæ eminentiæ, abeunt, & abscondunt se materia ad interiora retrocedente. Vnde iste uir totum contrarium uertit. Non faciebant



# COMMENT. MONTANI

abscessum, & si permanebant, noluit hoc uanum: permanebant, & non abscondebant se, non retrocedebant.

Dixit autem recte, permanebant, & non retrocedebant, ad differentiam illorum exanthematum, efflorationumq; quæ exeunt, & statim abeunt, non permanent, retrahuntur. Non dicatis, ergo quomodo dicit interpret: non abscondebant, uel abscessum non efficiebant: quoniam hoc proprie dicitur apud græcos ἀποστήματα: non dicit ἀποστήματα, ut ad suppurationem, uel ad abscessum, ut dicit iste, uerterentur: sed dicit, quod non retrocedebant, fixæ hærebant cuti, abscessus ἀποστήμα est suppuratio; longe differt à sensu Hippoc. quia quædam exanthemata sunt, quæ retrocedunt, quædam non dixit, permanebant, non retrocedebant ad differentiam eorum, quæ retrocedunt. Audiuiſtis naturam harum pustularum, quæ quidem exeuntes indicabant naturam expellere materiam ad exteriora, & ipsius conatum ostendebant: ex quo pustulæ materiæ repletæ apparuerunt, uolebat omnino se adiuuare. Et debetis notare, quod hoc contingit in pestilentibus maxime nostra ætate: alio uero tempore nunquàm in debitis, quod in febribus pestilentibus fuerint, non sicut pustulæ solidæ duræ, sed tanquàm puncturæ pulicum sine tumore, nunquàm reperietis fuisse apud antiquos: si percurreritis, & diligenter considerabitis omnes constitutiones epidemicas conscriptas ab Hippoc. bene inuenietis, quod quandoque exierunt pustulæ solidæ duræ: sed istas nunquàm uidebitis, estq; nouum symptoma ad nos delatum, perpetuo in febribus pestilentibus ferè, præcipue in constitutionibus



bus epidemicis uidentur non eminere, sunt sine omni eminentia nostra ætate, & signa in cute tantum, ac si pulices pupugissent cutem, & ut sunt cicatrices, quæ remanent post latas pustulas, uulgò uariolas dictas sine tumore, ideo à nobis inde nomen acquisiuerunt; dicuntur puncturæ pulicum, uel cimicum, uel culicum. Ergo uidendæ sunt causæ huius noui symptomatis, istorum signorum, cum nunquàm uisæ fuerint apud antiquos, apud ipsos aliter apparuerint. Actius (qui nihil est, quoniam ab alijs scriptus, est recitator, accepitq; à Ruffo antiquissimo medico, qui fuit ante Gal.) dicit quod in pestilētibus apparebāt papulæ, & pustulæ, quædā duræ solidæ, nec uidentur ut puncturæ pulicum, quod est ualde memorabile apud nostra tempora, multa etiā eueniebant ætate priorum, quæ ante non fuerant. Vndenam euenit? Debetis scire, quod ægritudines epidemicæ habent causam uniuersalem, sicut sunt communes, ita fiunt ab uniuersali causa propriæ, et particulares à particulari, quemadmodum scribit Galen. primo epid. in principio, causa uniuersalis maxime est aer. Ab aere ergo fiunt epidemicæ, quem appellabat Hippoc. diuinum, ut interpretatur Gale. primo Prognost. in principio libri, ubi facit longam commentationem in fine ferè optime secundum propriam sententiam exponit Hippoc. qui dixerat in textu. (Et siquid in morbis diuinum habetur, illius quoque ediscere prouidentiam oportet) Galen. dicit, diuinum intellexit naturam, & conditionem ambientis nos aeris, qui est causa multarum ægritudinum, ut scribit Hippoc. tum in epidemijs, tum in aphorismis.

Ex



## COMMENT. MONTANI

Ex mutatione & alteratione ipsius aeris fiunt uaria, & admiranda: aer mutatur, & alteratur secundum uarios influxus coelestes, corpora coelestia semper imprimunt aliquas qualitates in ipsum aerem inferiorem, continue mouetur, & mutat locum, facit uarias impressiones. sicut ergo uariae partes ipsorum respiciunt aerem, uariaturq; motus syderum, uariatur aer non semper eadem pars coeli eodem modo ad nos conuersa est, neque semper eodem modo influit, nec imprimit suas influxiones in aere, quoniam si eodem modo respiceret nos coelum, semper eadem esset aetas, idem tempus, eadem accidentia permanerent, cum aer comparauerit impressiones coelorum impregnatus uaria imprimit in haec inferiora contenta, & incorpora humana. Vnde fiunt uariae aegritudines eadem genere uniuersales uarijs aetatibus, uarijsq; temporibus: quem admodum dicit Plinius de mentagris, & lichenis: tempore Plinij caeperunt uagari aegritudines dictae mentagrae, *λεχλωδ*, ut dicit ipse, quae incipiebant in mento, corrodabant totum mentum, & faciem, deinde collum, & petus occupabant, deturpabant totam faciem ex corrosionem, quia tamen à mento caeperunt mentagrae, nomen retinuerunt, quae aegritudo longè peior, & turpior, quam nunc morbus Neapolitanus, siue Hispanicus, siue Gallicus habebatur, nunc lichenes non uagantur, nec antea uagabantur, sed ex influxu coelesti in ambientem aerem nouae aegritudines eo tempore infestabant homines. Scimus quod ab anno xc. natiuitatis D. nostri Iesu Christi incipit grassari morbus, qui à nostris uulgo Gallicus appellatur



tur, ante inauditum, & ignoratum fuit, quid esset morbus gallicus, est nouus morbus nostra ætate infestans humana corpora, habetq; sæuissima, & turpissima symptomata; multi moriuntur, cuius causa communis necessario existit. Vnde? non nisi propter influxum cœlestem ex uario aspectu corporū, & motu syderum, qui in aere impressus est, aere impregnato corpora alterantur, & cum se contangunt, recipiunt morbum hispanicum: ita potest esse de his maculis, quæ coniunguntur cum febribus pestilentibus. Memini quando eram puer, quod uagabantur febres pestilentes in quadam constitutione epidemica, eratq; sine maculis istis, in nullo apparebant maculæ, loco tamen macularum erant alia, quæ noua symptomata non amplius uisa hominibus accidebant, materia maligna, & acuta rapiebatur ad caput, & multa mala efficiebat, aut moriebantur, & fiebant phrenetici, si non moriebantur, fiebant quasi fatui, furibundi, & permanebant sic per multum tēpus, tanquam futuri, non memorabantur, & pili cadebāt, stolidi efficiebantur, maximeq; circa caput offendebantur: & appellabant parentes nostri ante hanc ætatem, quæ nos phrenetidem nunc malam, & maximam, uulgò mal de mazucco, pili cadebant à capite, materia ita mala caput repebat, & faciebat morbum istum, qui ita inuadebat, ut non modo coniungeretur febribus pestilentibus, uerum etiam sine pestilentibus infestabat, cum materia afflueret ad caput, & faceret phrenitidem, uel stultum hominem nullius memorem. Et memini ego, quando eram puer de quodam puero, qui apud me habitabat, qui hoc morbo per-

man-



## COMMENT. MONTANI

mansit totus stolidus, immemor etiam proprii nominis. Nunc uerò in pestilentibus apparent maculæ circa cutem, quod tunc erat morbus italicè dictus mal de mazuccio. Eadem est febris pestilens maligna, quæ tunc erat, sed alia accidentia noua acquisiuit, non propter nouam materiam, sed propter influxus, qui nunquam fuerunt tales, quales nunc sunt. ideo non est inconueniens censere, mal de mazuccio, materiã, quæ eo tempore circa caput affectum, uel symptoma efficiebat, nunc facere circa cutem ex uaria aeris immutatione, sicut & tempore Hippoc. apparebant aliæ pustulæ ab his maculis, aliæ alijs ætatibus. Tempore Hippoc. maculæ, & pustulæ apparebant solidæ duræ, sicut apparebant mala ulcera κακοειδῆ, quæ erodebant testiculos, & multi alij affectus, qui non ita contingebant tempore Galeni, nec apud posteriores. Eadem ratione euenit, quod nunc in pestilentibus appareant maculæ circa cutem, sine tumore; huius rationem, & causam aliam dare nō possumus, quàm ex influxu cœlesti, uarioq; aspectu corporum diuinorum, qui apud patres nostros, et antiquiores non erat, alter ad aerem mediate, alter at corpora humana nouo accidente. Proposuit iam particularem naturam exanthematum, qualia essent, ita enim accidebant in pestilentibus, ut apud nos maculæ. **ALVI** irritationes paruæ: iste, qui interpretatus est, errat, nec intelligit Hippoc. certe Crusenius non fuit medicus, dicit textus græcolatinus, alui irritationes paruæ. Non uult dicere, quod paruæ essent deiectiones, sed ipse dicit, & uult dicere, quod reddebantur egestiones cum paucio sensu, & par=



paruo irritamento, ita ut quando reddebat stercora, non multum sentiebat: pro quo debetis scire, quod quando uolumus egerere, antequam egeramus, praecedit quaedam uoluntas egerendi, appetitus est, & sensus, quod intestina uel lent omnino deijcere. in Sileno paucus sensus, & ferè nullus, intestina paucum irritamentum, uel sensum habebant antè quàm deijceret. Vnde dicit, si sensum ipsius assequi uolumus, exhibant egestionem alui cum paucio irritamento, non autem separare, & ponere in recto, irritationes alui paruas, ut intelligamus, quod egestionem quae irritabant intestina, parum irritabant, longe diuinius, & longe melius dicit ipse in graeco, & rectè si eo modo, quo uertimur, intelligatur, ut cum dixerit, quod sine irritamento, & cum paucio sensu irritationis egeret, statim addat Hippocr.

STERCORA tenuia, ueluti cruda multa cum labore reddebantur. Melius est, ut omnia coniungamus, & dicamus, quod stercora exhibant cum paucio irritamento, quae erant tenuia, non separare, sicut iste fecit, ac diuersa dicere. Dicit tenuia, qualia sunt cruda: non dicit graecus codex, ut iste uertit οἷον, sed οἷα: οἷον enim est ueluti, quomodo uertit interpres: at οἷα qualia, qui dicit οἷον dat exemplum: qui uerò dicit οἷα similitudinem affert: assimilabantur crudis excrementis. Nam qui egerunt cruda, egerunt tenuia, & qui tenuia etiam cruda, ut uidebamus superius. ut ergo sciamus, quomodo essent tenuia, quia non erant tenuia propter cruditatem: dedit, attulitq; similitudinē, et dixit quod erant tenuia, ac si fuissent cruda, & similitudine crudorum. Reddebantur tenuia ob rationem superius datā,  
quia



# COMMENT. MONTANI

quia colliquabantur omnes partes corporis, ex colliqua-  
tione humidi tenuia fiebant excrementa, non propter cru-  
ditatem, sed similia his, quæ cruda fiunt. **MULTA** cum  
labore reddebantur. Melius dicit ipse, multa reddebantur  
cum dolore, non cum labore, quoniam ut alias annotavi  
uobis πόνος apud Hippocr. significat dolorem, non labo-  
rem, in textu, cum dicit cum labore, intelligatis cum dolo-  
re. Est dolor in egestione istorum excrementorum, quia  
materiæ erant adustæ, acres pungebant exeundo muscu-  
los ani, & ita percipiebatur dolor in egerendo. **VRINA**  
**NAM** reddebat cum dolore mordacem. Urina quoque  
erat acris propter eandem, quæ erat in egestionibus, adu-  
stionem materiæ. ideo mordicando dolorem efficiebat in  
pene. **ALIQUANTULUM** resumebat caloris. Re-  
assumpsit in eodem die aliquid caloris, hoc signum est ma-  
gis certum, quod fuit ultimus conatus naturæ in octauo,  
& sic sudauit, papulæ, exanthemata apparuerunt circa  
cutem, & calor circa extrema redibat, quæ prius algebant,  
aliquantulum tamen, non multum, parum poterat in for-  
lix natura, ultimum suum uoluit facere conatum, ut facit  
flamma, quando se multum expandit proxima extinctio-  
ni. **SOMNI** tenues, & quasi sopores per tenues in-  
tellexit breues non profundos, qui facile excitantur, & ad  
uigilias redeunt: non erat somnus, sed potius quædam impo-  
tentia uigilandi, sicut solent habere, qui sunt in extrema  
debilitate, non possunt uigilare, tamen non dormiunt ue-  
rè, & medium est quoddam inter somnum, & uigiliam.  
ideo dicit somnos tenues, & quasi sopores, non dormie-  
bat,



bat, sed erat comatodis, non erant ueri somni, erat sopor  
 & κῶμῶς, quemadmodum dicit Gal. Et per hoc, quod di-  
 xit quod inclinabat ad somnum cum sopore, & subet fi-  
 gnicat, quod esset comatosus, & qui uersati sunt circa  
 particularia, & in actu practico, quotidie uident, quod  
 multi nō dormiunt, sed nō possunt excitari, & remanēt so-  
 porati, subetici, non est somnus, neque uigilia, sed sopor,  
 non possunt uigilare, uidentur dormire propter magnam  
 frigiditatem primi sensorij. itaque sopor, & subet est  
 somnus præter naturam, qui fit propter materiam frigi-  
 dam existentem in cerebro non uerus somnus, qui fit ab  
 humectatione cerebri. Vnde bene dicit Gal. frigiditas, &  
 humiditas sunt duæ causæ somni præter naturam, & so-  
 poris: humiditas uerò somni naturalis, sicut frigiditas  
 principaliter efficit soporem, ita humiditas principaliter  
 in cerebro moderata facit somnum secundum naturam.  
 quando papauer secundum Galenum inducit soporem κῶ-  
 μῶς, quia frigidum est, & siccum: somnus autem naturalis  
 fit ab humiditate: hoc modo intelligit Gal. quando dicit pa-  
 pauer esse somniferum, quia inducit soporem: si liberalius  
 sumatur, adhuc ulterius facit aliquid in cerebro præter na-  
 turam, & soporem profundiorum.

VRINAM reddebat cum dolore mordacem, aliquā-  
 tulum resumebat caloris, scitis quod urina erat mordax,  
 acris propter humores adustos, & admistam bilem, acrē,  
 & mordacem, quam expellebat natura simul cum urina.  
 ideo uirtus uisa est excitata, & sensus excitari; dolebat in



## COMMENT. MONTANI

expulsione, quia sentiebat acrimoniam: ex quo fuit excitatus. Aliquantulum resumebat caloris. cauete ab interprete hoc loco, quoniam deprehenditur errore manifesto: nā cum textus græcus dicit ἄκρην. iste interpretes legit ἄκριτον, uel ἄκριτον, quod est merum, quasi Hippoc. dixisset, quod Silenus reddidisset urinam meram, & mordacē, non uult hoc dicere, sed inquit græce, ἄρα ἄκρην, si diceret ἄκριτον, male diceret. Caueatis ergo ab interpretatione Cruserij, non dicit Hippoc. fuisse meram urinam, quia fuisset multum biliosa. ex quo audimus mordacem cū dolore exiisse, non potuit esse multum biliosa cum sopore, qui statim fuit, ut audietis, & signum est, quod esset multum biliosa, si fuisset mera, quia superius idem dixerat de egestionibus. Errauitq; duplici errore in hac sua interpretatione: primo addidit, quod non erat addendum urinae, quod mera esset, & impermixta accipiens ἄκριτον pro ἄκρην, ἄκρος extremum significat, ἄκρα extrema: secundo errauit, quia non posuit, quod erat addendum sequentibus, cum dixisset refrigeratas fuisse extremitates, nunc modo ait calefactas. Hæc est consuetudo Hippocrat. quando uult dicere ægrum refrigeratum, uel calefactum inquit extremitates uel frigere, uel calere: interpretes non potuit exprimere, quod uult dicere Hippoc. Quare coniungatis illud ἄκρα consequentibus, & seiungatis à precedentibus illud, meram sic urinam reddebat cum dolore mordacem, ibi sit coma. deinde addatis: extrema aliquantulum resumebant caloris, partes extremæ, quæ prius algebant, nunc redierunt ad calorem, id quod dicit meram, non

poa



ponatis, deleatis, quia textus græcus fidelissimus non habet, post punctum, quod inquit Hippocr. ἀκρᾶ, uos dicatis, extrema, & ita prima sententia non erit falsa, nec secunda diminuta. Hoc quantum ad textum. **SOMNI** tenues, & quasi sopores. Nunc modo est secunda pars diei: illa fuit prima pars, in qua apparuerunt signa pugnae cum morbo, & conatus ipsius uirtutis, licet fuerit frustra. Nunc indicant naturam cessasse, & quod nulla sit pugna, dicit primo, quod erant somni, qui non fuissent pugnante natura. Et notate quod non dicit Hippocr. somnos tenues, & quasi sopores, ut idem sit, disgregat, quoniam somnus distinguitur à sopore, sunt diuersæ passionēs. Dicit, erant somni tenues commisti cum sopore, & non dicere, quasi sopores, non dixit seorsum, licet sint diuersæ passionēs, possunt tamen commisceri. itaque somni tenues erant simul cum sopore. Circa hoc, ut recte intelligamus hanc affectionem, uolo facere breuem discursum; uellemq; declarare totum textum. postquam desperatum est de salute Sileni, debetis scire, quod sunt nonnullæ ægritudines, & quædam symptomata, quæ solent afficere cerebrum, & sunt propriæ ipsius affectiones, quæ etsi essentialiter sint inter se distinctæ, magnam tamen habent affinitatem, & præter naturam cum sint, fiunt omnes à cōmuni causa frigiditate: & harum quidem prima est somnus; somnus fit à refrigeratione primi sensorij, ut est cōmunis sententia tum apud philosophos, tum apud medicos: quamuis apud omnes unum, & idem non sit primum sensorium: dissentiunt philosophi à medicis. Aristoteles



# COMMENT. MONTANI

cum cæteris Peripateticis existimauit esse cor. Gale. una  
 cum medicis cerebrum. Nos cum simus nunc medici, dica=  
 mus primum sensorium esse cerebrum, principium om=  
 nium sensuum, & operationum animalium: conueniunt  
 tamen omnes in conclusione, dissentientes in principijs.  
 Fit ergo somnus propter refrigerationem prioris senso=  
 rij, quod est cerebrum apud medicos, post somnum succe=  
 dit ulterius sopor, quem affectum Græci κῶμα dicunt,  
 Arabes & qui sequuntur eorum doctrinam, subet. No=  
 stri uerò soporem nominarunt: deinde si ulterius proce=  
 dimus fit κατὰφωρα, & ista κατὰφωρα apud nostros  
 Latinos dicitur delatio in somnum, uel inclinatio in som=  
 num, uel inclinatio in somnum, marcō: appellatur ab A=  
 rabibus subet sara, nonnunquàm apud Græcos dicitur  
 ἄγρυπνοκῶμα, ut sciatis intelligere Galenum, & non  
 non confundamini in nominibus, idem est κατὰφωρα  
 & ἄγρυπνοκῶμα, est medium inter uigiliam, & sopo=  
 rem: est medium inter somnum, & soporem, ut melius lo=  
 quar, delatio in soporem nondum est sopor. Erraui, cū  
 dixi primo esse κῶμα, replicemus, & contra dicamus re=  
 ctè: primo est somnus à uigilia digrediendo, deinde est κα=  
 τὰφωρα, quæ à nostris dicitur delatio in soporem, &  
 principium soporis minus est, quàm sopor, quandoque à  
 Græcis dicitur ἄγρυπνοκῶμα, ab Arabibus, maxime ab  
 Auicenna subetsara, minor est, quàm subet simpliciter, ut  
 potestis uidere apud ipsum: tertio occurrit in ordine κῶ=  
 μα, qui est affectus in cerebro, ubi sensus, & motus amit=  
 titur: sic dicebamus κῶμα appellari subet absolutè apud  
 Ara=



Arabas: apud nostros soporem. Nunc recte procedimus,  
 & occurrit quarto lethargus, qui se habet ad κῶμα, ut  
 phrenitis ad paraphrenitin, & apoplexia ad paraplexiā:  
 quinto succedit catocha; κατοχὴ, quæ dicitur apud uulgū  
 medicorum congelatio; qui uerò laborant, congelati ab ip  
 sis appellantur, à Græcis κατοχοί: nostri detentos, affe  
 ctum detentionem nominarunt: sexto est melancholia: un  
 de qui patiuntur, dicuntur uulgò melancholici: septimo est  
 epilepsia: octauo apoplexia: nos breuiter discurremus, et  
 dicemus de singulis horum affectuum, ut habeatis aliquam  
 introductionem, dabimus eorum essentias mira breuitate,  
 non ut omnia docere uelimus, sed ut inquam habeatis ali  
 quam instructionem inter autores, inter quos, maxime in  
 ter recentiores, est maxima confusio propter affinitatem  
 affectuum, ut cum de uno loquuntur, uideantur loqui de  
 alio: modo uno nomine uocant, modo alio, ut distinctè sal  
 tem ipsos intelligatis, dabitis ueniam me digredi, confusi  
 admodum sunt in his uocabulis, dico maxime de medicis,  
 qui sunt nostro tempore. Quantum ad somnum, ipse est  
 passio à natura instituta, & est refrigeratio primi senso  
 rij cerebri non excedens, ita ut calor refrigeratur, & pa  
 titur à refrigeratione, à qua contemperatur, quoniam cō  
 temperatur, dicimus quod refrigeratur: illud dicimus re  
 frigerari, exempli gratia, quando membrum est multum  
 inflammatum propter aliquam materiam calidam, uel a  
 liam causam calefacientem, applicamus refrigerantia, &  
 dicimus, quod uelimus illud refrigerare, quia uolumus re  
 mittere inflammationem factam à calore, & calorem in



# COMMENT. MONTANI

tensum, non ut refrigeretur simpliciter, sed intensio ipsius remittatur, & ut reducatur ad suum temperamentum respectu caloris intensi: hæc est refrigeratio apud medicos, non interstinctio caloris, ut posset aliquis ignarus imaginari, ita in somno fit refrigeratio primi sensorij, idest, cōtemperatio caloris innati intensi: quandoquidem calor propter motus factos in uigilia, exercitia, & labores, curas, & cogitationes inflammatur, intenditurq; ita, ut periculum sit, ne pereat, & resoluatur, natura sagax, & prouida omnium rerum inuenit somnum, qui succedens uigilias, refrigeraret aliquo pacto calorem intensum, ut reficeretur, & contemperaretur, ac permaneret: quæ quidem refrigeratio, si uerum fateri uolumus, potius fit ab humido, quàm à frigida: licet ad hoc quoque frigiditas concurrat, principalior est humiditas. Quemadmodum enim siccitatis propriū est acuire caliditatem, imò est propria lima caloris dicunt philosophi: ita humiditas obtundit frigiditatem, & refrenat calorem: frigiditas uerò extinguit, & contrà agit, ut ipsum perdat. Vnde optime dicebat Aristoteles, quod humiditas non potest stare cum intensa caliditate, quo fundamento motus Auerroes conatus est destruere temperaturam inæqualem ex humiditate, & caliditate, quia humiditas obtundit calorem, sed hoc etiā Galenus concedit, quod humiditas possit facere refrigerationem, & adueniens caliditati obtundat eius acrimoniam: quomodo causatur somnus à blanda, & remissa obtusione, ac remissione caloris, ita dicunt philosophi; neq; Gale. contradicit, imo dicit, quod somnus, & uigilia si modum

ex=



exceſſerint utrunque malum ex ſententia Hippoc. in Aphoriſmo. 4. part. 2. ubi etiam quærit nunquid ſomnus, et uigilia cum ſint affectus naturales, ſint boni, uel mali, ſunt à natura inſtituti, hoc certum eſt. Dicit cum ſunt mediocres ſomni, ſunt boni, ideſt, quãdo parui: at ſi fiat propter refrigerationem magnam caloris, tunc dicit Gal. quod eſt præter naturam, imò utrunq; præter naturam ſi fuerint à cauſa magna, ſi fuerit refrigeratio magna cerebri, eſt ſomnus præter naturam, & malus: ſed non eſt amplius ſomnus, incipit eſſe ſopor, qui eſt præternaturalis, & declarat hoc bene Gal. qui nunquàm ſine ratione loquitur, cognoscit bene, & ipſe differentiam inter ſomnum uerum, & ſoporem. Ideo bene diſtinguens dicit, quod nunquàm eſt malus ſomnus, ut exponebant antiquiores, loquens de ſomno naturali, qui fit à moderata frigiditate, ideſt, contemperatione caloris innati ab humiditate in ſuis limitibus eſt bonus. Si modo ſomnus excedat modum, extra limites ſomni, intelligit de ſomno illo profundo, & quia iam fit à frigiditate poſitiuè, & principaliter, eſt malus. At iſte cum habeat profunditatem, & difficilem excitationem non amplius eſt intra limites ſomni, & eſt ſopor; ſomnus, qui eſt naturalis, & uerus ſomnus, de quo loquimur, ille eſt refrigeratio caloris innati, ideſt, contemperatio in primo ſensorio ab humiditate facta, & hoc modo ſomnus nunquàm malus eſt, fit à cauſa naturali, ita intelligit Gal. & ita intellexit Ariſt. non eſt diſſenſio, alias oſtendimus, & concordauimus omnia, nunc omittamus. Succedit refrigeratio cerebri, quæ cum intēſior redditur,

li iij fit



# COMMENT. MONTANI

fit sopor, & prius disponitur ad soporem, fit κατὰ φύσιν, incipiunt somni esse grauiore, & difficile experrectionem habere, desinit esse somnus, & sopor incipit, ita ut facile postea fiat sopor, si non prouideatur, est media affectio inter utrunque, somnum & soporem, recedit à somno, tendit in soporem: unde dicitur delatio in soporem, incipit esse somnus grauis, et malus præter naturam, quando est refrigeratio propter contemperamentum caloris naturalis intensioris facti, fit conatus naturalis. fit autem hæc refrigeratio ordinata, & moderata caloris, & contemperatio ab humectatione cerebri, ab humore moderato in cerebro, qui refrenat caliditatem, & consequitur frigiditas, causa tamen humiditas existit. Sed κατὰ φύσιν cum fit, non est amplius humor ille benignus, mitis tanquam ros contemperans calorem naturalem, fit à fortiori refrigeratione, ut dicit in illo tertio commento secundæ particule Aph. Gal. est humor frigidus, qui refrigerat frigiditate positiua, quia ponit frigiditatem positiuam in cerebro primo sensorio, & in sensibus, non contemperat, sed inducit frigiditatem, ita ut cerebrum, & spiritus in cerebro animales refrigerantur actu, & positiue, refrigerati cum sint instrumentum proximum animæ, non possunt efficere sensum, nec motum. Ideo sensus, & motus obtunduntur, & uidentur amissi, consequenter difficile excitantur, non est amplius somnus uerus naturalis, qui fit à refrigeratione priuatiua ex remissione caloris facta ab humiditate, sed delatio ad soporem, somnus grauis, quando non potest sentire in sensibus exterioribus,



bus, nec facile excitari à somno, appellatur κατόφθαλμος, ut dixi: causa eius est materia frigida pituitosa, quæ tamen non sit in intenso gradu frigida, refrigeret quidem non ita, ut habeat symptomata seuißima, quæ fieri solent ab intensa frigiditate: ista est κατόφθαλμος simplex. Composita est de qua Gal. in primo Prorrhethicorum, fit quãdo cum pituitosa materia commiscetur bilis, ideo dicit, quod fit à bile cum pituita, & quod habeat uigilias mistas cum somno, ut duæ causæ contrariæ, ita duo effectus contrarij, quæ proprie dicitur κατόφθαλμος magna, græce ὄφθαλμος πνοῶν, quasi dicas uigilias cum sopore, ὄφθαλμος πνίος uigilia, καὶ μὲν ὄφθαλμος uidentur dormire, non dormiunt propter acrimoniam, & caliditatem bilis. Simplex uerò illa κατόφθαλμος fit propter pituitam ipsam frigidam refrigerantem primum sensitiuum, & hæc habet tantum somnũ, delatio est in soporem, quasi principium soporis, & præparatio, grauior somnus. Succedit modo καὶ μὲν ὄφθαλμος sopor, soporantur homines, ut neque moueantur, sunt pigri ita, ut non moueantur ad sensum, & motum. Nam istud est rationi consentiens, quod amittant motum, & sensum, non sentiant, nec moueantur. in comate, uel subet ita refrigeratur sensus, & cerebrum, quod est principium omnium sensuum, ut non amplius sit aptum ad exercendum operationes animæ, quomodo potest esse? Si somnus, qui fit ab humore miti non frigido ligat sensus, & cerebrum, ut non operaretur extrinsecus. Vnde dictus est uinculum sensuum, quomodo non ligabit καὶ μὲν ὄφθαλμος, sopor, qui fit ab humore frigido, crasso, refrigerante positiua frigiditate.



# COMMENT. MONTANI

cerebrum, & spiritus. Et propterea qui cadunt in soporem non sine ratione priuantur motu, & sensibus exterioribus, isti non excitantur, amittunt sensus interiores, & torpent, & hic est sopor; somnus uero aliud est, excitantur, qui dormiunt, facile in somno quamuis ligentur, ut non possint exerceri sensus exteriores, remanent interiores, qui non amittuntur: imaginatio, discursus, & memoria, cuius figurum sunt insomnia, in quibus discurremus, & imaginamur, memoramur, incolumes manent isti sensus. in comate perduntur interiores, & exteriores uana cum motu, quod foelicius intelligetis, si uideritis Gale. in libris de causis symptomatum, ubi habet id à me toties repetitum non frustra, quod frigiditas est illa, quæ aufert operationes, & diminuit; caliditas, quæ corrumpit, semper lædit: frigiditas, si parua sit non admodum intensa, diminuit operationes, maxima, & intensissima abolet. Hinc habent medici, quod diminutæ actiones frigiditatem non intensam, ablatæ maximam ostendunt. Et ita habetis hæc tria symptomata, & causas eorum primo somnum naturalem, secundo κατὰ φύσιν & ἀγρυπνιαν, tertio κώμα, soporem, uel subet, quomodocunque appellaueritis, in quo amittuntur omnes actiones animales, & prouenit propter affluxum materiæ frigida in substantiam cerebri, quemadmodum optime declarabat Galen. in secundo Prorrhethicorum commento aph. lv. capite dolentes cum catocha &c. dicit Hippoc. circa dimidium commenti Gal. dabat differentiam inter coma, & catocham, ne aliquis deceptus idem esse existimaret. Coma fit à nimia refrigeratione



tione cerebri, sed cum affluxu materie, ita ut affluit ad ce-  
 rebrum humor frigidus, & humidus ligans omnes sen-  
 sus, & ipsum sensorium. Vnde qui patiuntur coma, ha-  
 bent oculos clausos dormientibus similes, non possunt ele-  
 uare oculos, lucidas & subalidas habent palpedras pro-  
 pter pituitosum humorem existentem in cerebro, qui re-  
 plet oculos, atque palpebras, imbuat cerebrum, ut non pos-  
 sit sensus exercere. At catoche fit à mera frigiditate: si-  
 quidem cum humore non sit coniuncta, ut in comate, frigi-  
 ditas intensa sine humiditate refrigerat cerebrum, & con-  
 gelare uidetur, ut sensus non exerceantur, intuentur, &  
 habent oculos apertos conuiuentes, quoniam non est ab  
 humore frigido existente in substantia cerebri, quò pos-  
 sint repleti oculi, & præ gravitate teneantur clausi, sicut  
 in comate contingit. tota itaque differentia stat in hoc, quòd  
 coma fit ab humore frigido, humido, catocha à simplici  
 qualitate sine materie, ex quo habemus causam comatis,  
 quam inquirebamus. Succedit immediate lethargus post  
 coma, qui se habet ad coma, uel melius coma se habet ad le-  
 thargum, ut paraphrenitis ad phrenitidem. Sed phrenitis  
 est calidum apostema cerebri, ex quo sequi delirium, fu-  
 rorem, & insaniam certum est, propterea quòd inest ma-  
 teria calida, & caliditas corrumpit, ut dictum est, actio-  
 nes: opposita frigiditas facit oppositum, remouet, atq; di-  
 minuit. paraphrenitis est medium symptoma, non habet  
 remotas operationes, nec omnino corruptas, corruptas  
 tamen propter humorem calidum in cerebro: sed differunt  
 paraphrenitis, & phrenitis, quia & si paraphrenitis ha-  
 beat



# COMMENT. MONTANI

beat uapores calidos ascendentes ad cerebrum, caliditatē  
 æstuationemq; in cerebro, tamen non est cum apostema-  
 te cerebri, habet delirium aliquod. Vnde possumus dicere,  
 quod paraphrenitis est quoddam præmium, quædam  
 uia ad ueram phrenitidem; in utroque feruor est, utrunq;  
 ab eadem causa causatur materia, inquam calida, & sym-  
 ptomata eadem: quamuis in paraphrenitide remissiora,  
 in uno est apostema, in altero materia calida sine aposte-  
 mate, nisi prouideatur, transit facillime in phrenitidem. Eo-  
 dem præcise modo est coma, & lethargus: coma cum ha-  
 beat sensus, & actiones abolitas, est quidem cum materia  
 frigida in cerebro, sed nondum fit apostema: cum iam fa-  
 ctū est apostema cerebri à materia frigida, dicitur lethar-  
 gus, qui nihil aliud est, nisi apostema frigidum cerebri. Co-  
 ma est sine apostemate cerebri, cum eadem materia frigi-  
 da pituitosa in cerebro, & est tanquàm præmium ad le-  
 thargum, ut nisi prouideatur facile transeat ad lethargū;  
 per compendium hæc dicta sint, nolo me extendere. La-  
 tius, forsā alias dicemus de omnibus his, si dabitur occa-  
 sio. Habetis hætenus quatuor affectiones frigidas, somnū  
 καταφορὰν, κῶμα & lethargum λήθαργον à Græcis,  
 estq; catocha κατοχή, quæ & ipsa est propter refrige-  
 rationem cerebri. quod est primum sensorium: ubi amittun-  
 tur sensus, & motus: sed differt à prioribus affectibus,  
 ut dicit Galen. in eodem lv. commento secundi Prorrhæ-  
 thicorum, quoniam κατοχή fit à frigidityte sine materia  
 congelante cerebrum. Et ibi narrat historiam de quodam  
 discipulo, qui cum haberet animum ad studium, multum  
 ex=



exercitabatur in adipiscendis disciplinis, assidue se fatigabat in studio, dicebat, & comedebat in suo cubiculo pro alimento cruda, frigida, non cocta fortasse, ut solent facere multi etiam nunc propter paupertatem: contigit ex hac uictus ratione, ut fuerit resolutus calor, & spiritus, refrigeratum corpus est exiccatum, factus est catochus, permanebat oculis apertis, fixis, & continentibus, ut uideretur aspicere homines circumuersantes, nihil tantum loqueretur, tanquam statua rigidus, & extensus iacebat, non mouebatur, uix postea, ut dicit Galen. fuit curatus. Catochee est refrigeratio cerebri, ut coma, in hoc omnes conueniunt, differunt, quia catocha fit à frigiditate sine materia iuncta siccitati facta propter resolutionem caloris, & corporis exiccationem. Vnde uidetur cerebrum congelari, & totum corpus rigidum: & congelati dicti sunt κατοχοί, κατοχή congelatio, Auicenna ita appellauit satis accommodato uocabulo, & facit caput in tertio libro de congelatione, uidentur rigidi, ac si congelati essent, tenent oculos apertos, tensos, soporati & comatosi semiclausos, non uere clausos: sicq; potestis cognoscere, qui habeant coma, & qui catocham per hoc signum: in catochis aperti sunt oculi, & tensi propter siccitatem, non est humor, qui aggrauans palpebras cogat deprimi. Habetis quinque affectiones hactenus cerebri propter ipsius refrigerationem, & causas diuersitatis, somnum, ab humiditate mediocri, cataphoram soporem propter refrigerationem cerebri cum humore, ut dicebamus, sed sine apostemate, lethargum cum apostemate, ultimò catocham à frigiditate cum  
sic



## COMMENT. MONTANI

siccitate sine materia. Reliquæ sunt melancholia, epilepsia, & apoplexia: istæ tres affectiones conueniunt cum alijs, quia & ipsæ fiunt propter refrigerationem primi sensorij. Et notate, loquor de melancholia sine furore, nõ de furore, qui aliud est. Melancholia uera est refrigeratio primi sensorij cerebri sine discursu, non habent discursum, qui patiuntur melancholiam, non memorantur, non loquuntur tanta, ut faciunt furibundi melancholici, maniaci, & demoniaci, ut dicunt isti uulgares, quæ species melancholiæ fit ab adusta melancholia, et ab adusta bile, ab atra bile, non dicimus de his, in quibus aduritur sanguis, uel alius humor à maximo seruire calore, de illis dicimus, de quibus loquuntur Gal. & Hippocr. qui fiunt melancholici à melancholia naturali, quam proprie appellamus humorem melancholicum, non sunt ita fatui, nec ita discurrunt, ut maniaci. Est refrigeratio proueniens à melancholia naturali illa frigida in primo sensorio: illa melancholia est furibunda ob adustionem humorum, & feruorem caloris, hæc propter abundantiam humoris melancholici, ut est distinctus contra alios tres humores, qui quoties occupat substantiam cerebri, facit affectum, de quo loquimur ex refrigeratione cerebri. Isti non discurrunt, timent, quoniam timor est effectus frigiditatis, cum retrahuntur spiritus ad suum principium, sicut gaudium fit à caliditate, quando dilatantur spiritus & expanduntur ad exteriora, melācholici habent semper secum frigiditatem in substantia cerebri, ideo semper timet, imò, ut dicit Aui cenna, timor est inseparabile signum à melancholia, semper



per melancholici timent, ne aliquis ipsos occidat, ne incendant in latrones, ne lupo comedit ipsos, ne domus cadat, & ruat super eos: & ita hoc habet commune cum comate, & alijs passionibus, quod est refrigeratio primi sensorij, sed ista refrigeratio est propter humorem melancholicum naturalem frigidum, qui occupat substantiam cerebri: coma fit ab humore quidem frigido: & humido. ideo differunt ratione humorum, qui uarij occupant principium omnium sensuum, & uaria faciunt symptomata: in comate quidem cum peccet humor frigidus, & humidus ligat sensus exteriores, & interiores, & maxime obtundit operationes animales, euadunt pigri ad motum, & ad quamcunque actionem. Melancholici habent alia ab his symptomata, quamuis melancholia sit frigida, sicut est pituita, tamen non aufert operationes animæ, quia melancholia est frigida, & sicca: siccitas acuit frigiditatem, & quamlibet operationem, sicut humiditas obtundit. melancholici bene sentiunt, & possunt etiam discurrere: qui uerò sunt comatosi propter humorem frigidum, humidum, pituitosum non discurrunt, humiditas maxime lædit potentiam discursiuam: cuius sei signum est illud, quod illi, qui habent temperaturam cerebri humidam, male discurrunt, quales sunt, qui capita habent crassa, humida, ac si essent plena butyro, isti nunquam discunt, sunt pigerrimi in omnibus operationibus animæ; ita appellabat meus præceptor Peretus. Qui habent capita sicca minime redundantia humore superfluo, sunt sapientissimi, & bene discurrunt, & iudicant de re proposita, quemadmodum dicebat Democritus,



# COMMENT. MONTANI

tus, qui ita proferebat: spiritus siccissimi, anima sapientis-  
 simi, alludens ad hoc, quod qui habent temperaturam sic-  
 cam cerebri, optime discunt. Quapropter melancholici  
 non habent omnino ablatum discursum: ex quo redundat  
 humor frigidus, & siccus, nec impeditas habent animæ o-  
 perationes. in comate torpent, & pigri sunt in omnibus  
 sensibus, non discunt propter humorem frigidum, hu-  
 midum, pituitosum obtundentem uirtutes animales, & tē-  
 peraturā cerebri, ne possint facultates edere suos motus  
 Haftenus habetis, quæ sit similitudo, & quæ differentia  
 huius cum alijs affectionibus. Accedunt postea epilepsia,  
 & apoplexia: primo epilepsia habet hoc commune cum  
 alijs, quod est refrigeratio primi sensorij: differt ab omni-  
 bus illis, quoniam omnes aliæ iam dictæ passionēs habent  
 materiam in substantia cerebri, & sunt affectiones in cō-  
 plexione cerebri: epilepsia sola habet hoc diuersum, quod  
 est ægritudo composita, idest, in compositione, non in com-  
 plexione, quando oppilantur cavitates in capite, est uitiū  
 in cavitatibus ab oppilatione uentriculorum cerebri, &  
 fit ab eadem materia, à qua prouenit coma, frigida humi-  
 da, & pituitosa, quæ cum esset in substantia cerebri facie-  
 bat coma, nunc oppilans uentriculos cerebri efficit epi-  
 lepsiam. Nam licet Auicenna determinauerit epilepsiam  
 posse fieri ab omnibus humoribus, non tantum à pituita,  
 & hoc quandoque uisus sit dicere Galen. tamen sciatis, ne  
 erretis cum alijs, quod uera, & simplex epilepsia fit ab  
 humore pituitoso, humido, crasso obstruente uentriculos  
 cerebri: inuenietis quidem Galenum dicere, quod epilepsia  
 fit à



fit à sanguine, & ab alijs humoribus, non tamen inueni-  
tis unquàm ita loqui, quod epilepsia fiat sine pituitosa ma-  
teria, & hoc non est contra nos, nec contra doctrinam Ga-  
len. quandoquidem dicitur tantum fieri à sanguine, uel  
ab aliquo alio humore, quia cum pituita commiscetur san-  
guis, uel melancholia, exempli gratia, sed non est necessa-  
rium, quod semper non sit pituita, & illa quidem domine-  
tur. Ex suppositione dixit Gal. epilepsiam fieri à sangui-  
ne, supponendo hoc, quod pituita sit, cum qua concurrens  
sanguis efficit epilepsiam: & ab humore commisto dici-  
tur fieri, non quod uere fiat, cum non sit uera, & imme-  
diata ipsius causa: immediata causa est pituita, si pituita nō  
adest nunquàm fit epilepsia, & est illa sola, quæ facit ue-  
ram epilepsiam. Vnde & Gal. ubicunque loquitur de epi-  
lepsia, appellat ipsam, & communerat inter morbos pi-  
tuitosos: alij humores sunt illius causæ quandoque, hoc ex  
suppositione contingit. Conuenit ergo epilepsia cum co-  
mate, & alijs frigidis in hoc communi, quod fit à frigidita-  
te cerebri, & quidem ab humore frigido pituitoso: sed dif-  
fert ratione loci. Conuenit etiam cum melancholia quoad  
humorem frigidum, & quoad genus suum, sed non quoad  
speciem: quoniam epilepsia fit à pituita frigida humida: me-  
lancholia dependet à melancholia naturali frigida, & sic-  
ca. Differunt etiam quoad genus proximum: epilepsia est  
in compositione morbus: melancholia uerò in corpore, &  
in complexione cerebri. ideo bene dicebat, licet obscure  
Hipp. epilepsiam esse in corpore, quod epilepsia occupat  
corpus, melancholia animam, ualde obscure, & ænigmati



# COMMENT. MONTANI

cē dixit hoc Hip. epilepsia enim occupat corpus, & organum animæ, quia est in cōpositione ægritudo facta ab oppilatione uentriculorum cerebri, ab oppilatione organi. Sed melancholia est in anima, idest, est in complexione, quam medici animam esse dicunt: locutus est clarè, et apertè, & uerissimè secundum suum dogma. Dogma Hippo. est, ut cum dicimus melancholia est in mente, intelligatur est in complexione, putauit animam esse complexionem corporis animati, & mentem non differre à complexione, ideo mentem appellauit complexionem, instrumentū uerò corpus: & ita per hoc ænigma uoluit significare nobis ueritatem, quod epilepsia est ægritudo instrumentalis, melancholia uerò complexionalis, uolens animam esse cōplexionem, ut declarauit alibi. idem uoluit quoque Galen. in suo libello, quod animi mores sequantur temperaturā corporis, licet in alijs compluribus locis in dubio posuerit, nec se determinauerit ad alteram partem, imò semper cum conditione locutus sit, dicens se non audere dicere hoc, quod dicendum est secundum dogma Hip. animam esse idem cum complexione, tamen ibi tractat hoc dubium ex professo, & per totum libellum examinat, ualidissimisq; rationibus persuadens concludit animam non esse aliquid aliud, quàm complexionem, & temperaturam corporis, propterea mirum uideri non debet, si animi mores uariantur secundum uarietatem temperaturæ corporis: imò quod plus est, postquàm id demonstrauit, quod uolebat concludere, conatur trahere in consensum quoq; Aristot. ut dicat siue uelit, siue nolit ita sentire, Aris. nobiscū:

CO=



cogitur tamen idem dicere ex suis principijs, & dogmatibus, ad quæ necessario sequitur animam esse temperatam corporis animati. Quare habetis, quod epilepsia est refrigeratio primi sensorij ex oppilatione corporis, id est, uentriculorum cerebri, qui sunt, ut instrumentum animæ. Est ultimo apoplexia, quæ differt ab epilepsia tantum secundum magis, & minus: apoplexia quidem est oppilatio uentriculorum cerebri maior, quam epilepsia. Epilepsia est oppilatio uentriculorum non integra, ut spiritus non possint transire ad faciendos sensus, & motus ordinatos, transeunt tamen aliqui spiritus: unde isti mouentur, & concutiuntur motu inuoluntario, quia cum uentriculi ita obstruantur, natura conatur expellere materiam, in hoc conatu contrahuntur nerui uersus suum principium, deinde & musculi, in quibus inseruntur, & ita fit motus contractionis præter naturam inuoluntarius, non concurrente uoluntate epileptici, fit motus maxime circa musculos oris, qui contrahuntur præcipue ad cerebrum illi proximiores, apparet spuma circa os facta ex ualidissimo motu, & maxima agitatione naturæ. Apoplexia est magna epilepsia, & fit quando omnino uentriculi ipsius cerebri fuerint repleti, & oppilati, manent homines sine sensu, & motu quolibet. Ex quo spiritus animales sunt in cerebro, & uentriculis cerebri, qui exeuntes ad circumferentiam corporis edunt sensum, & motum; obstructis uentriculis non possunt amplius exire. ideo apoplectici priuantur sensu, & motu quouis, ne minimi quidem spiritus possunt pertransire integre obstructis uentriculis,

KK ij mea



# COMMENT. MONTANI

meritoq; diximus, quod est magna epilepsia, quia in epilepsia non perfectè obturantur, in apoplexia perfectè obstruuntur. Differt à comate apoplexia, in comate non est obstructio, ut in apoplexia, si pungitis comatosum non sentit, uel difficulter quidem sentit, tamen spirat, quia exit aliquo modo spiritus, & facit motum respirationis, non intelligit, nec memoratur, ut in somno potest esse: in apoplexia uerò non sentiunt, priuati sunt quocunque sensu, & quouis motu, amittunt motum respirationis, non respirant, qui tamen necessarius est ad uitam conseruandam, non merè naturalis, ut alibi dictum fuit à nobis, propter ea in apoplexiam cadentes omnes moriuntur, & serè nulli saluantur, imò si sit uera apoplexia sine serè, & sine fortasse nullus redditur. Erat sententia Hippocr. in aph. illo secundæ particule 42. apoplexiam debilem soluere difficile, fortem impossibile. Si enim difficile est eam, quæ non uera est, & parua soluere, quanto magis istam, in qua ut mortui manent? certe impossibile, imò statim moriuntur. Audiuiſtis per compendium, & introductionem causas omnium harum affectionum, quæ ut puto sunt numero octo, somnus, cataphora, coma, lethargus, catocha, melancholia, epilepsia, & apoplexia. Dicit autem Hip. in textu, quod somni erant tenues, quia facile excitabatur à somno, cum sopore, non quod somnus ille esset similis sopori, sed quoniam sopor erat mistus cum somno tenui. Si uolumus exprimere hoc ad unguem, erat potius  $\alpha\epsilon\tau\acute{o}\phi\omicron\pi\omicron\epsilon$ , q̃ sopor, uidebitis quod postea fuit uerus sopor  $\kappa\omicron\mu\omicron$  in decima, nunc est inclinatio ad soporem, & uidetur uigilia esse



esse commista somno. OB MUTESCEBAT, *urina*  
*tenuis, liquida.* indicabat quod illa pugna, & ille conatus  
*naturæ,* qui uidebatur in principio octauæ diei fuerat fru-  
 stra, & quod natura iterum deiecta fuit in totum, ut nihil  
 adhuc remaneat, nisi mori. Nam ex quo, somni erant cum  
*sopore* *ατ' α' πορε*, obmutuit, & *urina* iterum apparuit  
*tenuis, transparen*s, ut in quinto die apparuit, quoniam de-  
 fierat natura pugnare, neque transmittabat amplius mate-  
 riam cum *urina*, exhibat, sola serositas *urinalis*, ita nunc  
 cum esset immunis à pugna natura, materia non agitaba-  
 tur, non commiscebatur cum *urina*: & si natura pugnas-  
 set, ut uisum est per ea symptomata, quæ contigerunt, ta-  
 men obmutuit, & *urina* transparen*s, tenuis* erat, natura  
 amiserat pugnam, iterumq; deiecta est, ita ut non posset  
 amplius resurgere, amisit uocem, nihil loquebatur, nec uo-  
 cem emittebat, extremum signum, quod esset prope mor-  
 tem. NONO nihil mutabatur in nono die illa eadem  
 permanebant, quæ fuerunt in fine. 8. quia *urina* tenuis  
 transparen*s* apparebat, & quia non poterat loqui, amit-  
 tebat uocem: nihil ex his mutatum est, cito morietur, ita so-  
 let accidere, ut ante mortem ut plurimum obmutescant.  
 DECIMA potum non sumebat. Aderat adhuc signum  
 quod omnino in xi. erat moriturus, in primo die critico,  
 in x. quid habuit? Audiatis, inquit quod in decimo non po-  
 tuit sumere potum: dicit breuiter Hip. de potu intelligens  
 de omnibus, quæ per os sumuntur, semper fuit amanti*ssi-*  
 mus breuitatis, ut cum aliquid ad aliud consequitur, de  
 illo nihil dicat, ex quo dignitatem acquisiuit in dicendo. Et

KK ij hoc



# COMMENT. MONTANI

hoc possunt intelligere omnes periti medici, si potum non potuit deglutire, longe minus cibum deuorare, quia potus uidetur magis posse sumi, cum sit liquidus. Facilius enim est repleri potu, q̄ cibo dicit Hippoc. in secunda particula aph. xi. aph. erat statim moriturus, abnuebat nutrimentū natura, properabat ad mortem. Non erat aliquid agendum, natura habebat silentium. SOPORE tenebatur, & somni tennes. ex κατάρπox descendit modo in κώμox, non uerus somnus, nec etiam sopor perfectus, & uenis. SIMILIA alui excrementa. Excrementa alui erant similia, quæ in octauo apparuerant tenuia multa, similia crudis. Videatis, iste modo moriturus iamiam excreuit multam copiam urinæ, magnam quantitatem, ut crassam ad fundum. MINXIT multum, quod subcrassum in mutella euadebat. si uidebitis, uel uidistis morituros, statim antequam moriantur, inò etiam post mortem egerūt multa excrementa per secessum, & per os, urinam, & per alias partes, quandoque etiam sanguinem, quoniam relaxatis uijs, & ductibus excrementorum à frigiditate super ueniente morte materiæ exeunt, & currunt ad exitum suo impetu, non ab ullo expulsæ, cum habeant patefactum aditum: sicut aqua, quando est inclusa in aliquo ductu, uel alueo, quocunque fiat foramen, & patefiat aditus, impetu proprio naturali fluit, & exit alueum, quocunq; ducatur exitus: inde cum natura nihil ageret, mors superueniret, & frigeret, relaxati sunt ductus urinarij, & exiuerunt multe urinæ crassæ cum sedimine. QVOD SVBSIDEBAT, erat simile farinæ crassioris, album.

Sedi-



Sedimen erat crassum, simili farinae crassiori modo contuse, ut farinae pultaceae, erat sicut puls. Sed quomodo potuit esse cum sedimine, si natura nihil agebat, non expellebat materiam cum urina. quidnam significabat, quoniam urina erant cum sedimine? observabat hoc Gal. in primo de crisi. cap. xii. dicens, quod est maligna urina talis cum sedimine farinae pultaceae, & malum indicatur, nimirum membra solida colliquari. in Sileno iam erant colliquata; quod fuerint colliquata à ferventi calore febris, vos audivistis in octavo, et in alijs per symptomata, quae visa sunt, idque totum, quod fuit colliquatum, exhibat nunc, ac si fuisset aqua crassa fluens ad locum depressum. Dixit deinde quod iterum extrema evaserunt frigida. **EXTREMA** membra iterum frigebant. Moriebatur, ideo frigescebat in extremis, quae semper sunt prima refrigerata. xi. **OBIIT.** in xi. die mortuus est: cuius anima requiescit in pace, usque ad futuram hominum mortuorum resurrectionem. Addit symptomata, ut suus mos est, in fine, quae fuerunt in toto morbo, & addit quidem aetatem, quam non addidit superius dicens, quod agebat. 20. annum, uel circiter, & arte idipsum addidit, ne miremini quod in tam ualida aegritudine uixerit tot diebus, erat aetatis, florentis adolescentiae, habuit semper anhelitum magnum, & tersum, pulsumque fortissimum usque ad finem: propterea quod habebat uirtutem fortem, & magnam necessitatem. idcirco addidit aetatem, quam non addidit in superiori: si uixit usque ad xi. fuit merito aetatis. Nam ratione aegritudinis, & symptomatum debebat mori etiam in quarto. in his esset

im



## COMMENT. MONTANI

immorandum, & loquendum de pulsibus, quia quod dicit Hippoc. de anhelitu id debemus intelligere de pulsu. Sed quia non habemus tempus, & dabitur melior occasio in alijs casibus, differam ad aliud tempus hoc examinare, & si non possim in hoc explere, non propterea amittetis aliquid, legatis per uos literam, quæ sequitur, omnia sunt ita clara, ut ea per uos ipsos percipere ad unguem possitis.

FINIS.



NTANI

us, quia quod d  
gere de pullis. S  
r malis occipio  
hoc eximere, et  
terra amittit ad  
ter, et tunc fact  
ad aliquam pos



